



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



## A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

## Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.


## À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>

NYPL RESEARCH LIBRARIES




3 3433 07580372 0




NKI

Magny










Mag

NKI

~~980.2~~



*LES ODES*


D'OLIVIER DE MAGNY

---

LYON. — IMPRIMERIE ALF. LOUIS PERRIN & MARINET.

---





## OLIVIER DE MAGNY.

---



*Si notre véritable patrie est là où nous aimons, Olivier de Magny doit être compté parmi les poètes lyonnais. En effet, bien que né à Cahors en Quercy, c'est à Lyon qu'il a le mieux aimé, qu'il a vécu les plus beaux jours de sa rapide existence.*

*Négligé des biographes, dédaigné de ses compatriotes, on ignorerait au juste le lieu de sa naissance si un citoyen du Quercy, épris d'un amour pieux pour les hommes & les choses du passé, singulièrement ému de l'injuste oubli dans lequel était tombée cette poétique figure, n'eût recherché ses traces dans les archives de Cahors.*

*Cahors n'a pas toujours été la petite ville qu'elle est aujourd'hui, sans commerce, sans industrie, sans souci des lettres, des sciences & des arts.*

*Au XVI<sup>e</sup> siècle notamment, elle brillait du plus vif éclat. Trois fois plus peuplée que de nos jours, elle voyait ses fils parvenir aux plus hautes dignités. Galiot de Ginouilhac & Antoine de Lettes de Montpezat, nés dans ses murs, se signalaient au métier des armes; elle donnait naissance au réformateur de Citeaux, au fondateur des Feuillants, Jean de Labarrière. Cujas, Govéan, Roaldès professaient à son Université. Parmi les poètes, elle offrait à la France Clément Marot, & aussi le gracieux Olivier de Magny, qui, sans égaler la célébrité de son devancier, n'en mérite pas moins sa part de gloire & d'honneur.*

*C'est sur la paroisse de N.-D. de la Daurade qu'il vit le jour; c'est en cette vieille église, démolie en 1802 pour faire place aux jardins de la préfecture, qu'il reçut le baptême. Sa famille était une des plus anciennes de Cahors. Son père, Michel de Magny, dont il nous a conservé le*



*nom dans une ode, en témoignage de sa piété filiale, était notaire royal public & apostolique. Ses ayeux l'avaient été. Un frère aîné du poète, auquel est adressé le LXXIX<sup>e</sup> sonnet des soupirs, portant également le nom de Michel, hérita de la charge paternelle, & ses descendants existaient encore au XVIII<sup>e</sup> siècle, dans la même position sociale.*

*Les parents de sa mère, Marguerite de Parra, occupaient aussi, depuis un temps immémorial, un office de notaire dans la même ville.*

*Nous avons peine à comprendre aujourd'hui les mœurs simples, l'existence froide & sereine de ces familles patriarcales, n'ayant d'autre but dans la vie que de remplir honorablement leur obscur emploi, d'élever leurs enfants & de leur transmettre intacts et sans tache le nom vénéré, le petit patrimoine de leurs prédécesseurs. C'est dans un pareil milieu que le poète nous montre son père, dont il donne un portrait fidèle, sans doute, mais tracé avec plus de respect et de vénération que de tendresse.*

*M. Dufour, à qui nous empruntons en partie ces détails, ajoute avec autant de justesse que de vérité :*

« *A cette époque où le père de famille n'apparaissait au milieu des siens qu'en maître et comme exerçant une espèce de magistrature parfois sévère, tout l'amour d'Olivier de Magny enfant semble s'être concentré sur sa mère, intelligente & douce femme qui le comblait de caresses, l'initiait, sur ses genoux, aux premiers éléments des lettres, défendant à son professeur de lui faire nul traitement rude & lui rendait moins pénibles ses débuts dans la vie. Aussi le souvenir de tant d'affection, de soins si tendres ne s'effaça jamais du cœur de son fils, et il les rappelait avec une pieuse reconnaissance dans l'ode qu'il composa à l'occasion de sa mort prématurée (1).* »

La maison natale du poète existait encore dans la rue de l'Abescat, lorsque, en 1650, fut dressé le grand cadastre de Cahors. Mais l'étude héréditaire des Magny disparut bientôt après, avec tout le quartier, absorbé par l'immense palais

(1) Etudes historiques sur le Quercy ; Hommes et Choses, par Émile Dufour. — Cahors, Plantade, 1864, gr. in-8°.

Au mois de septembre 1872, M. E. Dufour, alors bâtonnier de l'ordre des avocats de Cahors & membre du conseil général du Lot, a été enlevé à l'étude du droit & de l'histoire après une longue & douloureuse maladie.

*des Evêques, qui en furent à leur tour dépossédés par la Révolution. Les années qu'il passa tantôt en cette humble demeure, tantôt à la maison des champs, située au-delà du Lot, dans la vallée du Cabessut, furent bientôt remplacées par la vie du collège et de l'Université, existence d'émulation et de mouvement, plus orageuse encore qu'aujourd'hui, dans ces temps où l'amour de la science suscitait des passions ardentes & de terribles luttes. Elle ne fut pas inutile pour le jeune poète, car ses œuvres, où se fait sentir la connaissance et le goût de la belle antiquité, sont un témoin vivant du fruit qu'il sut tirer de ses études.*

*La poésie fermenta de bonne heure dans cette âme brûlante, et certains sonnets du premier livre qu'il publia plus tard, les Amours, attestent à la fois la précocité de sa muse et celle de son cœur. — M. Dufour croit voir dans ces inspirations les témoignages d'une première passion, qui aurait dominé sa vie entière, aurait survécu à toutes les autres & n'aurait fini qu'avec lui-même. Je doute cependant que cet élan juvénile ait eu une aussi longue durée. Quand on lit attentivement ce livre, harmonieux & brillant début, écrit en grande*

*partie sur les rives charmantes du Lot, dont il est comme empreint & parfumé, on s'aperçoit que la beauté chantée sous le nom assez prétentieux de Castianire se dédouble en deux personnes, dont une seule appartient au Quercy. Nous cherchons bientôt quelle était la seconde. Quant à la première, Olivier soulève lui-même un coin du voile qu'il a jeté sur son nom. Dans une ode adressée à Hugues Salel, abbé de Saint-Chéron et de Saint-Sanson, Quercinois aussi, puisqu'il était de Casals, il nous apprend que ce poète l'aurait célébrée avant lui. Ailleurs, au sonnet 50 de ses Amours, il la désigne ainsi :*

*L'exquise fleur et gemme que j'adore.*

*Cela revient à dire, dans le langage poétique du XVI<sup>e</sup> siècle, qu'elle s'appelait Marguerite. Tel est, en effet, le nom de celle que Salel a chantée.*

*Est-ce à la recommandation de cette mystérieuse Marguerite, ou simplement à cette communauté de penchants amoureux & littéraires qu'il dut la protection de l'abbé de Saint-Chéron, aumônier de la Reine & fort bien vu à la cour de*

*François I<sup>er</sup>. Toujours est-il qu'après avoir pris*

*Son fouet & son escharpe grise,  
Son caban long jusqu'aux talons,  
Ses bottes & ses éperons,  
Son coysinet & sa valise,*

*il partit pour Paris sur quelque petit cheval du  
pays, et non*

*Sans cheoir et sans se faire mal,*

*il arriva, au bout d'un mois peut-être, & fut bien  
accueilli de celui qu'il nomma constamment depuis  
son seigneur & maistre.*

*« Hugues Salel, » dit Édouard Turquety (1),  
ce poète charmant, ce bibliophile aimable, dont  
le souvenir me sera toujours aussi cher que son  
amitié me fut précieuse, « Hugues Salel lui  
« procura bien vite des protecteurs dont il n'eut  
« qu'à se louer le reste de sa vie. Qui ne connaît  
« les Du Thier, les d'Avançon & autres Mé-  
« cènes de ce temps? Qui n'a vu cent fois leurs  
« noms dans les écrits reconnaissants de nos vieux  
« poètes? Car, à cette époque, ceux que nous*

(1) Bulletin du Bibliophile, XIV<sup>e</sup> série, pages 1638 et suiv.  
— Paris, Techener, 1860, in-8°.

« appellerions maintenant les hommes politiques,  
« des secrétaires d'Etat, des conseillers du Roi,  
« voire même les gens de finance, recherchaient  
« les poètes, se plaisaient dans leur conversation,  
« lisaient leurs vers... On se croit dans un autre  
« monde; on croit rêver. »

Sous ces illustres patrons, il fut permis à Olivier, tout en étudiant la diplomatie, de cultiver les germes littéraires qui étaient éclos en lui. Son début à la cour fut un hymne sur la naissance de la fille du Roi Henri II, Marguerite de Valois, qui devait être un jour la première femme de Henri IV (1).

Ce premier essai fut, à peu de mois d'intervalle, suivi d'une publication beaucoup plus importante, où il s'est avisé, dit-il en son épître dédicatoire, de réunir un amas de quelques vers qu'il avait mesurés autrefois sur la lyre, & qu'il met au jour sous les auspices de l'abbé de Saint-Chéron, ce qu'il n'aurait osé faire sans le bon

(1) Hymne sur la naissance de madame Marguerite de France, fille du Roy Henry II, en l'an 1553, par Olivier de Magny, avec quelques vers liriques de luy. — Paris, Abel Langelier, 1553, in-8°.

visage que ce livre a reçu de Messieurs de Ronfard, Dorat, Muret, Saingelais, Jodelle, Baif & Denifot.

*Ce n'est pas sans surprise que, parmi ces noms plus ou moins célèbres, on remarque l'absence de celui qui semblerait devoir y tenir le premier rang, Clément Marot, le plus renommé des compatriotes de Magny, Clément Marot, que Magny ne cite pas une seule fois dans ses œuvres ! Il est vrai qu'à cette époque le grand poète était mort depuis neuf ans, que, dix années avant, il avait quitté la France en proscrit, que sa gloire était éclipsée par l'école naissante de Ronfard, et que son nom, hérétique en religion comme en poésie, eût été une recommandation des plus médiocres pour un poète de cour. Croyons, pour l'honneur de Magny, que son glorieux compatriote n'existait même plus lors de son arrivée à Paris, & qu'il ne l'a jamais connu.*

*Le livre auquel manquait ce seul patronage, ce sont les Amours (1), chantés sur le mode*

(1) Les Amours d'Olivier de Magny, Quercinois, et quelques odes de lui, ensemble un recueil d'aucunes œuvres de M. Sulel, abbé de Saint-Chéron, etc. — Paris, E. Groul-

*qu'avaient adopté les Pétrarquistes de la Renaissance, c'est-à-dire dans une centaine de sonnets, où parfois on désirerait rencontrer un peu plus de pensées, mais auxquels le poète a su donner le rythme et l'harmonie dont il possède le secret. Tous bercent mollement l'oreille et se laissent lire avec un certain charme ; plusieurs offrent des traits heureux ; quelques-uns n'ont rien à envier aux meilleurs qui soient sortis de l'école Ronsardienne.*

*J'accorde pourtant la préférence aux stances amoureuses qui les suivent, aux odelettes d'une allure gracieuse & légère, qui nous peignent Castianire souriante, irritée, capricieuse, insensible, mais toujours adorée.*

*Nous avons déjà parlé de cette Castianire, nous avons dit que ce nom semble cacher deux maîtresses, dont le poète entremêle & confond à dessein les louanges. Mais s'il en adore une pour sa beauté, il chérit l'autre pour le charme & la distinction de son esprit. Qu'on lise le livre en se*

*leau ou Vincent Sertenas, 1553, in-8°. — Les mêmes, Lyon, Ben. Rigaud, 1573, in-16. — Les mêmes, Turin, Gay, 1870, petit in-4°, publiés par Prosper Blanchemain.*



*plaçant à ce point de vue, aussitôt les deux visages se dédoublent & s'isolent. On ferait aisément le partage des sonnets qui s'adressent à l'une & de ceux qui sont inspirés par l'autre. D'un côté, le lot de la femme gracieuse & jolie; de l'autre, le lot de la femme d'esprit & de cœur.*

*Il devient alors facile de soulever entièrement le voile sous lequel Magny ne les a qu'à demi cachées. La première est cette Marguerite, qu'il avait aimée après Hugues Salel; la seconde est celle dont l'amour éclaire sa vie d'une auréole doublement poétique, c'est la belle Cordière de Lyon, c'est la spirituelle & charmante Louise Labé.*

*Il est constant que des relations intimes ont existé entre elle & lui. Ceci posé, souvenons-nous que les biographes donnent à Louise quelques années de plus qu'à Olivier et décidons ensuite à quelle femme célèbre d'alors peuvent mieux s'appliquer les vers suivants :*

*S'esbahit-on de ce qu'ainfi i'adore  
Ceste beauté qu'on cuyde veoir flétrie,  
Puisque l'obiet de mon idolastrie  
De son parfaict nostre siecle redore ?  
Ne blasmez pas si par vers ie l'honore ;  
Car si elle a ma liberté meurtrie,*

*Elle est aussi l'honneur de sa patrie  
Et seule en tout qui ce monde décore.*

(Amours, f. XV.)

*Evidemment, il s'agit d'une femme remarquable par son mérite. Plus loin, il peint d'un mot celle qui se fit d'abord connaître sous le nom du Capitaine Loys :*

*Dois-je mourir ou, sans espoir de riens,  
Servir toujours cette dame virile ?*

(Amours, f. LVI.)

*Enfin, au milieu de nombreuses citations que je pourrais choisir, je me borne à cette dernière, qui me semble décisive :*

*Comme ex. honneur, angélique faconde,  
Grave vertu et céleste beauté,  
Vous surpassez d'un vol inusité  
Entièrement les parfaites du monde...  
Ces dons exquis que le ciel et les dieux  
Ont mis en vous d'un zèle studieux  
Malgré le temps vous feront immortelle.*

(Amours, f. XXVI.)

*Ces dons exquis sont évidemment l'inspiration et la poésie ; car la première page du livre est occupée par un sonnet de Castianire au lecteur,*

*absolument dans le style de Louise, en vers de dix syllabes comme les siens, & qui devrait lui être restitué, ainsi que le portrait un peu grossier d'exécution (car ce n'est qu'une simple gravure sur bois), mais d'un bon sentiment artistique, dont la première page des Amours est ornée.*

*Bien que nous possédions une délicieuse gravure du Lorrain Pierre Wœiriot, représentant la belle Cordière dans un âge un peu mûr déjà, n'est-il pas intéressant de retrouver encore la célèbre & charmante Lyonnaise dans la première fleur de sa jeunesse.*

*Regardez ce front intelligent, ces yeux vifs & spirituels, cette lèvre gracieusement arquée, ce col long et bien posé, cette poitrine à l'étroit dans le corsage, cette taille élancée, ces mains élégantes & fines qui tiennent la couronne de fleurs promise au poète ! Le surcot du page devait convenir à cette nature souple & nerveuse, à cette dame virile (le mot est d'Olivier de Magny) qui, pour chevaucher, pour combattre même, se cachait sous le nom du Capitaine Loys ? Le type répond bien à l'idée qu'on se fait de cette Marphise, de cette Bradamante, née pour séduire &*

*pour plaire, de cette poëtesse ardente & vive, qui attirait à ses pieds, par le double charme de l'esprit & de la beauté, tous les hommes éminents qui visitaient Lyon à cette époque? Ces yeux ne sont-ils pas faits pour lancer de brûlants regards, ces lèvres pour s'épanouir dans une chanson, un sourire, un baiser? ces mains charmantes pour écrire le débat de Folie & d'Amour (1)?*

*Le nom & la pensée de Louise sont presque absents des Gayetez qu'Olivier publia un an après ses sonnets amoureux (2). Evidemment inspirées par le trop fameux livret de Folastries, œuvre anonyme de Ronfard, donné en 1553 par Ambroise de La Porte, elles sont loin d'en égaler la*

(1) En nous conservant l'image de sa bien-aimée, Magny a négligé de nous donner la sienne. Son portrait a échappé à toutes les recherches. Le seul détail que l'on connaisse sur son physique, c'est qu'au dire de J. Du Bellay il était de petite taille.

Magnus es ingenio quamvis sis corpore parvus.

(2) *Les Gayetez d'Olivier de Magny.* Paris, J. Dallier, 1554, in-8°.

— *Les mêmes*, Turin, Gay, 1869, petit in-4°, publiées par Prosper Blanchemain.

— *Les mêmes*, Paris, Lemerre, 1871, in-16, avec une notice de M. E. Courbet.

*licence & auraient dû échapper aux anathèmes dont le bon abbé Goujet, ordinairement indulgent pour les peccadilles littéraires de ce genre, a cru devoir écraser ces rimes légères. C'est tout au plus si, par l'abus des diminutifs, il peut s'attirer le reproche que lui fait Etienne Tabourot dans ses bigarrures; mais il n'en mérite guère d'autres, car c'est à peine si l'on rencontre quelques tableaux érotiques parmi ces pièces gracieuses adressées à des amis connus alors, mais, à l'exception de quelques noms encore célèbres, bien oubliés aujourd'hui. Ce qu'il y a de plus remarquable, c'est que le style du poète, encore assoupli depuis les Amours, & plus abondant en pensées, se déroule avec une fluidité charmante et qui annonce déjà la main d'un maître.*

*Pendant l'intervalle d'une année qui s'écoula entre la publication des Amours et celle des Gayetez, Magny vit mourir Hugues Salel, son premier soutien, dont la mémoire lui demeura toujours chère; mais, outre les amitiés qu'il avait nouées avec Ronsard & les poètes qui devaient plus tard former la Pléiade, il s'était acquis, parmi ces grands seigneurs lettrés d'alors, dont*

*nous avons déjà parlé, des protecteurs qui, sans le pousser bien loin ni bien haut, devaient au moins lui procurer une existence honorable. Le plus puissant de tous & celui à qui il s'attacha tout spécialement fut Jean d'Avanson, surintendant des finances sous Henri II. Ce personnage, allié aux plus grandes familles du Dauphiné, en était originaire & y possédait de vastes propriétés. Bien des fois Olivier de Magny, soit à sa suite, soit chargé par lui de quelque mission, dut visiter les domaines de son maître & s'arrêter naturellement à Lyon. C'est dans un de ces voyages, qui, selon nous, a dû précéder la publication des Amours, qu'Olivier aurait connu la célèbre Lyonnaise dont il devint si passionnément épris.*

*C'est surtout dans les Soupirs & dans les Odes qu'Edouard Turquety a retrouvé les traces encore toutes palpitantes de ce mutuel amour. Il faut lire, dans le Bulletin du Bibliophile de Téchener, cette étude remarquable dont nous avons déjà cité quelques lignes, étude où il constate que chez les deux poètes les pensées et les expressions se répondent si bien qu'on dirait par instants un mutuel écho. « Les mêmes tableaux, les mêmes*

*souvenirs, se représentent à leurs deux imaginations; tous deux évoquent dans leurs vers ces petits jardins où ils se sont rencontrés. Puis ce sont des expressions identiques, de ces mots qui ont évidemment trait à des entretiens intimes, à des confidences de cœur à cœur. Magny se plaît à rappeler à Louise la fatalité qui l'a amené à Lyon pour la connaître et l'aimer; il revient plus d'une fois sur cette rencontre, qu'il qualifie de fatale, & la belle Cordière y revient également; elle prononce comme le poète ce mot significatif :*

*Puis le voyant aymer fatalement...*

*Mais voici qui est plus précis. Magny s'écrie :*

*Elle est à vous, douce maîtresse,  
Ceste belle et dorée tresse,  
Qui ferait honte au mesmes or,  
Et ces yeux, deux astres ensemble...*

*Or, écoutez comment s'exprime la poétesse lyonnaise dans son XXIII<sup>e</sup> sonnet :*

*Last que me sert que si parfaitement  
Louas jadis & ma tresse dorée  
Et de mes yeux la beauté comparée  
A deux soleils...?*

*Ce regret n'est-il pas une réponse aux vers d'Olivier ? L'ode à Antoine Fumée est plus concluante, s'il est possible (et notons qu'elle se trouve parmi les poésies adressées à Louise dans l'Ed. de J. de Tournes, 1555, in-8°). Avant de tracer à cet ami le portrait de sa maîtresse, il indique sa demeure :*

. . . . . *Après de ce pont*  
*Opposé vis-à-vis du mont,*  
*Dur mont orgueilleux de Fourvière...*  
*Entre l'une et l'autre rivière...*

*C'est bien, si je ne me trompe, la rue Belle-Cordière.*

*Dans l'Ode à J. d'Illiers (2<sup>e</sup> du IV<sup>e</sup> livre), il la nomme de son nom de Louise ; il la nomme encore dans son Ode à Guillaume Aubert (la 11<sup>e</sup> du liv. IV), ainsi que trois autres beautés qu'il a aimées : Anne, Marguerite (1) et Magdaleine.*

*« Après avoir groupé toutes ces indications, « dit M. Ernest Courbet dans une notice par- « faitement étudiée (2), M. Turquety hésite à*

(1) La première Castanire, la Marguerite que Hugues Salel avait aimée avant lui.

(2) En tête de l'Ed. des Gayetez, publiée à Paris, chez Lemerre, 1871, in-12.



« en conclure que *Magny* fut l'amant de *Louise*.  
 « Ses scrupules le portent plus loin : il accuse le  
 « poète d'une odieuse fatuité et il proteste de la  
 « pureté de la belle *Cordière*. Il semble ici que  
 « le panégyriste s'égare... et que, par des con-  
 « clusions aussi discrètes, il veuille en quelque  
 « sorte se repentir d'avoir entrevu la vérité. »

*M. Courbet* nous paraît être dans le vrai, & le doute n'est plus permis quand on a lu l'Ode à *sire Aymon* (la 7<sup>e</sup> du V<sup>e</sup> livre), où *Magny* traite avec un dédain profond, que l'amour peut excuser, mais qu'il ne justifie pas, le pauvre vieil époux de la belle *Cordière*. Il n'y a pas à le nier, *Olivier* fut l'amant aimé, l'amant heureux de *Louise*, & même il ne fut pas le seul (1).

Loin de nous, toutefois, la pensée de jeter la première pierre à cette adorable péchereffe et de la reléguer, avec l'animosité du sieur de *Vauprivas* (2), au rang des courtisanes vulgaires.

(1) Cette notice est écrite depuis plus de deux ans. Je serais aujourd'hui beaucoup moins affirmatif &, sauf en ce qui concerne *Olivier de Magny*, toutes les accusations portées contre *Louise Labé* peuvent être rétorquées avec succès. — Voyez mon *Étude* en tête de ses *OEuvres*. Paris, Jouaust, 1875, in-16.

(2) Voir la Bibliothèque française, d'Ant. du Verdier de *Vauprivas*. — Paris, 1773, in-4°, t. IV, p. 631.

*Parmi les femmes, il en est qui ont reçu une mission spéciale, exceptionnelle, & qui doivent être pesées dans une balance faite pour elles seules. Telle fut, dans l'antiquité, la célèbre Aspasia de Milet, la maîtresse de Périclès, qui fut grouper autour d'elle Phidias, Zeuxis, Anaxagore, Socrate, Alcibiade, toutes les gloires d'Athènes ; telle fut, plus tard, cette délicieuse Ninon de Lenclos, qui passionna tout le siècle de Louis XIV, & , dans notre siècle enfin, la belle M<sup>me</sup> Récamier, que M<sup>me</sup> de Staël immortalisait à vingt ans sous le nom de Corinne, que Mathieu de Montmorency aimait jusqu'à son dernier jour, que Napoléon jalousait, qui fermait sa porte à Wellington vainqueur, et qu'à soixante-dix ans Chateaubriant & Ballanche adoraient encore Louise Labé fut une de ces femmes en dehors de leur sexe. Sa maison, son jardin de Lyon étaient le rendez-vous de toutes les célébrités qui habitaient ou traversaient la grande ville.*

*Si quelques hôtes s'asseoient un peu plus longtemps près de ces foyers ouverts à l'esprit et à l'intelligence ; si quelques-uns, parmi ces passants célèbres, reçoivent de ces Muses inspira-*

*trices un rayon d'amour en échange de leur génie, faut-il donc en faire tant de scandale? N'ont-elles pas été données au monde avec la mission de féconder, de faire éclore les fleurs brillantes de la pensée? Ne sont-elles pas les nourrices de la Poésie & de l'Art, ces enfants divins auxquels il faut, pour se développer & grandir, être bercés sur des genoux de femme?*

*Ce fut évidemment lorsqu'il suivit, en qualité de secrétaire, Jean d'Avançon, envoyé en Italie comme ambassadeur de Henri II auprès du Pape Jules III, que Magny fit à Lyon un plus long séjour & devint l'amant aimé de Louise. — Quelle fut la durée de ces joies intimes? personne ne pourrait le dire; mais si elles laissèrent des traces ineffaçables dans l'âme de Louise, elles furent moins durables dans le cœur d'Olivier, qui était loin de se piquer d'une constance à toute épreuve.*

*Aimons, disait-il :*

*Aimons doncques partout, & ces sortes constances  
Chassons de notre cœur & de nos alliances ;  
Aimant quand on nous aime & nous gardant toujours  
La liberté d'entrer en nouvelles amours.*

*Il emporta cependant aux bords du Tibre le souvenir de celle qu'il avait adorée aux bords du Rhône ; car on retrouve sa trace dans plusieurs passages des Souspirs, notamment dans le XXXII<sup>e</sup> sonnet, qui a été inséré sans nom d'auteur à la suite des œuvres de Louise, sous ce titre : Des Beutez de dame L. L. De même, dans le XV<sup>e</sup> sonnet (signalé par Turquety), dont les huit premiers vers sont identiques à ceux du second sonnet de L. Labé, & enfin dans de nombreux passages qui ne peuvent s'appliquer qu'à elle seule.*

*Rome provoquait chez les poètes d'alors une sensation singulière. Son nom, son antique splendeur les fascinaient de loin, & une fois arrivés, la mélancolie ou le dégoût les saisissait & s'exhalait de leur âme en plaintes amères. C'est du moins le sentiment qui a inspiré les Sonnets de Grévin sur Rome, les Regrets de Joachim du Bellay & les Souspirs d'Ol. de Magny.*

*Du Bellay remplissait l'office de secrétaire auprès de son oncle le cardinal ; il avait précédé Magny dans cette antique capitale du monde païen, qui ne s'était guère épurée en devenant la*

*Reine du monde catholique. Il y écrivait ses Regrets. Notre poète, sous la même impression, y exhale ses Souspirs. Il y a analogie de titre, de forme, de sujet. Tous deux, émus d'une indignation semblable, ont fustigé cruellement les vices de cette société corrompue qui végétait sur des ruines, & tous deux, comme pour rendre leur ironie encore plus amère, ont entre-coupé parfois de quelques accents amoureux la gravité sévère ou mordante de leurs inspirations.*

*Si les Souspirs n'atteignent pas toujours à cette fermeté de style, à cette hauteur de pensée, à ce fier dédain qui font des Regrets le meilleur ouvrage de J. Du Bellay, ils en égalent souvent la fiévreuse tristesse ; ils plaisent encore, même dans leurs endroits faibles, par une harmonie que Du Bellay méprise trop souvent, & cette qualité mélodique leur donne, à défaut d'autres, un charme tout particulier.*

*Heureux poètes ! s'ils avaient su se garder eux-mêmes de cette dépravation qui les avait si noblement indignés ! Mais, tandis que Du Bellay chantait la courtisane Faustine dans la langue de Tibulle, Magny s'enivrait aux baisers de la belle*

*Antonine, dans les bras de laquelle il oubliait toutes ses amours passées.*

*Plus de deux ans, près de trois ans peut-être, s'écoulèrent pour lui dans cette Rome qu'il chargeait d'anathèmes & qu'il regretta dès qu'il l'eut quittée, tant les passages des Alpes, la Suisse & la vallée du Rhône, qu'il traversa probablement en hiver, lui parurent sombres & hideux après la terre poétique & le beau ciel de l'Italie.*

*Ce fut à son retour qu'il fit paraître ses Souspirs (1) & s'il ne fit alors que traverser Lyon avec son maître, J. d'Avançon, il y revint peu après, sans doute, & obtint de l'aimante Louise le pardon de son ingratitude ; car, tout en se vantant de son inconstance en amour, il lui revient sans cesse comme en dépit de lui-même, il la chante encore & surtout dans ses Odes, qui furent le dernier & le plus important de ses ouvrages (2).*

(1) *Les Souspirs d'Olivier de Magny.* — Paris, pour J. Dallier, 1557, in-8°, avec privilège du 8 mars 1556.

— *Les mêmes.* Turin, Gay, 1869, petit in-4°

— *Les mêmes.* Paris, Lemerre 1874, in-16, avec une préface de M. E. Courbet.

(2) *Les Odes d'Olivier de Magny.* — Paris, A. Wechel, 1559, in 8°.

« Une partie de ces pièces, » dit mon cher & regrettable Edouard Turquety, dont j'aime à invoquer le goût si pur (1), « une partie de ces  
« pièces est adressée aux plus illustres person-  
« nages de l'époque, et elles ne sont pas indignes  
« de leur destination. Le style en est généralement  
« d'une élégance soutenue. L'ode, chez Magny,  
« n'affecte point ces formes savantes qui nous  
« fatiguent si souvent dans les lyriques de la  
« pléiade ; elle a un caractère de simplicité &  
« de grâce qui frappe d'abord. Le poète y mêle  
« sa famille, les affaires du temps, ses voyages,  
« ses amours. Il se plie aux tons les plus divers ;  
« il passe du grave au doux, du doux au grave,  
« de Diane de Poitiers au cardinal de Tournon.  
« Et qu'on ne s' imagine pas qu'il y ait monotonie  
« ou langueur dans ces morceaux, qu'on pourrait  
« appeler la partie officielle de son œuvre... la  
« pensée n'en est jamais absente, la poésie encore  
« moins... mais, comme moi, le lecteur préfè-  
« rera, je crois, notre poète dans ses inspirations  
« moins solennelles & le vol de la fantaisie aux

(1) Bulletin du Bibliophile, XIV<sup>e</sup> série, pag. 1664 & suivantes.

« élans plus ou moins calculés de la reconnaif-  
« sance & de l'ambition.....

« Les deux derniers livres du recueil ne ren-  
« ferment que des poésies d'amour. Ici les odes  
« & odelettes belles ou charmantes se multi-  
« plient. » Nous y retrouvons, au milieu d'au-  
tres amantes dont les noms accusent la légèreté de  
cœur d'Olivier, le nom & le souvenir, rayonnants  
entre tous, de Louise Labé. Elle y brille dans  
toute la splendeur de sa gloire & de sa beauté.  
Son amour y couronne le front du poète, ainsi  
que de nos jours le nom d'une femme célèbre par  
ses passions & plus encore par ses écrits, rayonne  
inséparable du nom d'Alfred de Musset, qui,  
lui-même, par ses grâces enfantines & légères,  
par l'aimable insouciance de son esprit & de son  
cœur, ressemble sous tant de rapports à son an-  
cêtre en poésie, à cette âme variable, poétique &  
follement amoureuse, qui s'appelait Olivier de  
Magny.

A quel âge était-il parvenu lorsque parurent  
ses Odes? M. Dufour lui donne quarante ans ;  
ses autres biographes ne lui en donnent que ving-  
t-huit ou trente. La vérité est peut-être entre les



deux. Toujours est-il que les Odes furent son dernier ouvrage; que sa traduction du Zodiaque, de Marcel Palingène (1), & ses Vestales, depuis longtemps annoncées, ne parurent jamais.

Maurice de La Porte, qui fut son ami, atteste que « par la faveur & bien faits de son maître, « M. d'Avançon, il fut secrétaire du Roy ; « mais la mort, envieuse de son bonheur, incon- « tinent l'assomma (2). »

Cette attestation permet de fixer la fin de sa vie à l'année 1560 ou environ.

Un autre de ses amis, qui était aussi son compatriote, Guillaume du Buys, (3), a consacré à sa mémoire deux sonnets, d'où il semble résulter qu'il serait mort dans son pays. Un détail peu connu paraît confirmer cette indication. Lorsque, vers 1802, l'église de N.-D. de la Dau-

(1) Marcelli Palingenii, Zodiacus Vitæ, id est de hominis vita, studio ac moribus optime instituendis libri XII. Poème latin du XVI<sup>e</sup> siècle, publié vers 1531, dont l'auteur serait Pierre Angelo Manzolli, né à Stellada, dans le territoire de Ferrare. Ce livre fut mis à l'index.

(2) Les Epithètes de M. de La Porte. — Paris, Gub. Buon, 1580, in-16, f. 249.

(3) Les OEuvres de Guill. du Buys, Quercinois. — Paris, J. Fevrier. 1583, in-12, ff. 192 & 193.

*rade, à Cahors, fut démolie, on y brisa plusieurs tombeaux. L'un d'eux portait cette épitaphe : AISSI MAGNI FICAT : « Ici Magni est fiché, enfoncé, enterré. » Etait-ce le cercueil du poète ou celui d'un de ses nombreux parents qu'on avait décoré de ce jeu de mots funèbre ? C'est ce qu'on ne saura probablement jamais.*

PROSPER BLANCHEMAIN.



# LES ODES

## D'OLIVIER DE MAGNY

DE CAHORS

EX QUERCY



A PARIS,

Chez André WECHER, rue saint Jean de Beauvais,  
à l'enfeigne du cheual volant.

1559

Avec priuilege du Roy.

## PRIVILEGE.

**P**AR lettres patentes du Roy il est permis à André Wechel, imprimeur & libraire iuré en l'Vniuersité de Paris, d'imprimer & vëdre ce liure intitulé, Les Odes D'Oliuier de Magny de Cahors en Quercy, avec inhibitions & defences à tous autres imprimeurs & marchans, de non imprimer ny vendre en ce Royaulme lediët liure de dix ans apres la premiere impressïon paracheuëe, sur peine de confiscation, & de mille liures parisis d'amende. Ensemble a lediët seigneur voulu, qu'en inserant le contenu de ses lettres patentes, ou l'extraict d'icelles, à la fin ou au commencement dudiët liure, elles soyent tenues pour suffisamment signifiées, & venues à la notice & cognoissance de tous libraires & imprimeurs, tout ainsy, que si lesdictes lettres leur auoyent particulierement & expressement esté monstrés & signifiées: comme appert plus amplement par lesdictes lettres patentes, données à Reins l'unziesme de luing 1557.

Par le Roy, le seigneur de Villemor, maistre des requestes ordinaire de l'hostel, present.

Coignet.

A

MONSEIGNEUR D'AVANSON

*Conseiller du Roy*

EN SON PRIVÉ CONSEIL.

ODE.



E ne pris oncq' plaisir à venir  
deuant toy,  
Sans t'aporter, Seigneur, quelque  
chose de moy :  
Des Perfes imitât la façon me-  
morable,  
Qui tousiours aportoyent un present honorable  
En allant vers leur Roy, par cela faïtant veoir  
La grandeur de leur Prince, & leur humble deuoir.

Ce qu'ores ie t'apporte est chose bien petite,  
Au respect du present que ta grandeur merite,  
Mais tu ne laisseras d'un acueil bien humain  
A recevoir le don qui te vient de ma main,  
Et ne blasmeras point ma volonté si bonne,  
Veu que ce que ie puis te donner, ie te donne.

le n'enfle point icy le stile de mes vers,  
Ny ne voys recherchant des argumentz diuers  
Tonnant en mes propos : pour cest œuvre t'ap-  
pendre,  
Il me suffit sans plus si ie te fais entendre  
Que pour me bien heurer d'un immortel renom,  
l'ay le front de mon liure honoré de ton nom.

Ne me contentant pas de celebrer ta gloire,  
(Comme prestre immortel des filles de Memoire)  
Ny de vanter ton heur seulement en vn lieu :  
Car au commencement, à la fin, au milieu,  
(Si Phebus ne me ment) ta louange treffaincte  
l'ay de cent traictz dorez eternellement peincte.

Quelque fin repreneur vouldra dire, pourquoy  
le ne donne ce liure à quelque autre qu'à toy,  
Quand il lira dedans les Odes que i'adresse  
A maint Prelat, & Prince, & à mainte Princeffe :  
Mais le desir que i'ay d'ingrat ne demeurer,  
Me fait à leur grandeur mon deuoir preferer.

Car j'ay en tant de lieux, & en tant de manieres  
Esproué tes bontés & faueurs coustumieres,  
Qu'il me faut à bon droit euter AVANSON  
Du vil blafme d'ingrat le vice & le soupçon :  
Le soupçon que je hay d'une hayne aussi forte,  
Que ie hay l'approcher de l'infernale porte.

Aussi qui mieux que toy peut ce don meriter ?  
Et à qui mieux qu'à toy le doy-ie presenter ?  
Toy qui de mon labeur te servir ne refuses,  
Toy que lon peult nommer le protecteur des Muses,  
Qui soustiens leurs hōneurs, & tous leurs nourissons,  
Et qui n'as rien plus cher que leurs douces chançons.

Le Soleil qui tout void, ne void point sur la terre  
Vn qui conseille mieux pour la paix & la guerre,  
Ny qui tesmoigne mieux les merites d'autry,  
Ny qui mieux s'acommode au regne d'aujourd'hui  
Pour cognoistre l'humeur ou d'un Pape ou d'un prince  
Et servir son Seigneur en estrange province.


Et ne void point encor sous la voute des cieux  
Vn qui soit plus acort, & moins ambitieux,  
Ny qui derobbe mieux de sa langue faconde,  
Et de son doux maintien les cueurs de tout le monde,  
Ny qui soit plus requis pour servir un grand Roy,  
Ny qui merite mieux l'éternité que toy.

Ouvre doncques ta main, & pren ce petit liure

Qui par toy se promet mille siècles suruiure,  
Soustenant mon party, contre le mesdifant  
Qui vouldra trop malin offencer ce present:  
Car il craint plus cent fois sa pointure trop rude  
Que les vers, qui les vers rongent dans vn estude.









LE PREMIER LIVRE  
DES ODES D'OLIVIER DE MAGNY

*Quercinois*

---

A MADAME SOEUR DU ROY,

ODE.



AINTEENANT que de toutes partz

Nous voyons que l'horrible  
Mars

Trouble nostre Europe mutine,

Parmy tant de guerre & de fang,  
Pourroit bien tenir quelque rang  
Des Muses la tourbe diuine ?

Et toy Princeffe en qui les Dieux  
Prodigues respandent leur mieux,  
Te plairoit il l'oreille tendre

Pour escouter cette chanfon,  
Ores qu'un tant horrible son  
Bellonne nous vient faire entendre ?

Bien que ces Sœurs ne cherchent pas  
Les fiers & dangereux combatz,  
Touteffois apres vne guerre  
Toufiours elles chantent l'honneur  
D'un Roy vainqueur & de son heur  
Remplissent le ciel & la terre.

Et bien que ton Frere à present  
Darde son feu le plus nuyfant  
Sur le ieune Roy des Espaignes,  
Pourtant tu ne laiffes par fois  
D'escouter le luth & la voix  
De ces neuf fçauantes Compagnes.

Auffi fur leurs tertres iumeaux  
Elles t'ont faict dedans leurs eaux  
Puyfer leurs graces eternelles :  
Sachant que tu n'ignorois pas  
Que parmy les plus doux esbatz  
Rien doux ne peult estre fans elles.

Iadis Iunon ayant son cœur  
Rempli d'une amere rancœur,  
Contre ces neuf Musficiennes,  
Pour auoir pere Iupiter,

Leur fist vn debat fusciter  
Par les trois sœurs Siciliennes.

Le dy ces trois Syrenes Sœurs  
Qui de leurs charmantes douceurs  
Attiroyent en l'Isle fleurie  
Mainte nauires, & maint nocher  
Pour au choc de quelque rocher  
Luy briser sa barque & sa vie.

Ces trois par la Royne des cieus  
Haftant vn vol audacieux,  
S'en vindrent sur le mont Parnasse  
Trouuer les Muses, & tenter  
Qui d'elles auroit à chanter  
Plus de douceur & plus de grace.

Mesmes s'orgueillissant en vain,  
Elles commencerent foubdain  
D'affiller leur langue sucrée,  
Pour l'honneur du chant recevoir :  
Et d'ordre en chantant esmouuoir  
Des Muses la tourbe sacrée.

Or, elles chanterent comment  
Pluton éprouua le torment  
Que donne l'enfant d'Ericine :  
Et comme ardemment forcené  
Dans vn char brauement trayné  
Il s'en vint raur Proserpine.

Or elles dirent les trauaux  
Qu'auoit eu par montz & par vaux  
Et iour & nuit sa triste mere :  
Ore la peine & le foucy  
Qu'elles auoyent souffert auffi  
En cherchant leur Compagne chere.

Comme les Dieux prenans pityé  
De leur peine & de l'amytié  
Qu'elles portoyent à la Pucelle,  
Mirent des æsles sur leurs doz  
Pour mieux la chercher sur les flotz,  
Et par la terre vniuerfelle.

Comment (ô Ceres) tu t'en vins  
Lasse de porter tes deux Pins  
Trouuer au ciel l'enfant de Rhée,  
Et pour la fin de ton recours,  
Plorant, implorer son secours  
Pour r'auoir la Nymfe egarée.

Comme ce Dieu, des Dieux le Roy,  
Qui l'auoit faiët naistre de toy,  
Te voyant tant de pleurs épandre,  
S'elle n'auoit gousté du fruiët  
Qu'on gousté en l'éternelle nuit  
T'accorda te la faire rendre.

Mais estant las, hélas! trop seur

Que cét infernal Rauiffeur  
L'auoit d'en faouurer contraincte  
A l'heure-à l'heure en te fachant,  
Et tes blondz cheueux arrachant  
Ceres tu redoublois ta plaincte.

Quand Iupiter pour t'apaifer  
S'en vint doucement te baifer,  
Comme il fist la mere d'Enée,  
Lors que Iunon dépîte encor  
Du present de la pomme d'or  
S'oppofoit à fa destinée.

Te iurant par les eaux d'embas,  
Contre les loix de ce repas  
Que tu recourerois ta perte,  
Et qu'encore vn temps demourois  
Auecques ta fille, & pourrois  
Guerdonner ta peine soufferte.

A tant les Syrenes cessant  
Leur chanfon, & la finiffant  
Par ceste infallible promesse,  
S'atendans l'honneur emporter  
S'arrestoyent, afin d'escouter  
Celle des vierges du Permesse.

Quand voicy neuf diuines voix  
Qui s'acordans tout-à la-fois

Dirent tant de douces merueilles,  
Que leur son par l'air s'épandant  
Tiroit soudain de l'attendant  
L'esprit rauy par les oreilles.

Elles dirent que cettuy-la  
Qui premier sur la mer alla  
Fendant les plaines de Neptune,  
Ne tenta les endroictz plus creux,  
Ny les destroitz plus dangereux,  
La craignant de courir fortune.

Mais bien fagement par les bordz,  
Mal instruit encore aux effortz  
Des fiers tourbillons de l'orage,  
Se promenoit à l'enuiron,  
Et du choc du rude auron  
S'affeuroit tousiours le courage.

Depuis la paliffante peur  
S'amortissant dedans son cueur,  
Pour ourdir sa nouuelle trame,  
Il alloit vn peu plus auant,  
Puis vn peu desia fait sçauant  
A guider la barque & la rame.

En fin l'audace qui l'éprit,  
Luy fit resouldre en son esprit  
Vne entreprise emerueillable



Par vn art incogneu, faisant  
A nature contredifant,  
Que la mer deuint nauigable.

Tant que l'orgueil des ventz diuers,  
Ny la froidure des hyuers  
Ny la plus horrible tempeste  
Ny les rocz que l'eau peult cacher,  
Ne peurent iamais arracher  
Ceste entreprife de fa teste.

Ains mettant ses desseins à chef,  
Il franchit auecques sa nef  
L'Egée mer, & l'Ionie :  
Puis reuint, monstrant à l'abord  
Sur son tillac, & sur le port  
Signe d'allegresse infinie.

Aussi quand quelcun entreprend  
D'executer vn œuvre grand,  
Il ne fault point qu'il le commence  
Sans le preuoir, à celle fin  
D'en faire meilleure la fin,  
Et moins douteuse l'affurance.

A tant ces Vierges appaisant  
Leurs douces voix en se taisant,  
Donnerent fin par cét exemple  
A leur chant si bien acheué,

Digne vrayment d'estre engraué  
Par Mnemosine dans son Temple.

Tandis Apollon assistant  
Pour departir au mieux chantant  
Sans faueur le iuste merite,  
Branlant son chef deux & trois fois,  
Dit que des filles d'Achelois  
La chanfon n'estoit si bien dite.

Et pour leur monstrier clerement  
Qu'el's auoient trop legerement  
Affailly ces Sœurs immortelles,  
Il couppa leurs aïles foubdain,  
Puis en façonna de sa main  
Trois fois trois coronnes pour elles.

Voila comment ce docte Chœur  
Demeura, Princeſſe, vainqueur  
Des trois attrayantes Syrenes,  
Contrainctes de se repentir  
De leur erreur, & de sentir  
A leur dam leurs emprises vaines.

Et deſſors Euterpe arreſta  
De deux plumes qu'elle ietta  
Les plus belles de ſa coronne,  
Qu'vn iour el' me les donneroit,  
Et que mon pouce en traſſeroit  
Le ſainct honneur qui l'enuironne.

De l'une de ces deux aussi  
J'ay deffiné cette Ode cy  
Qu'humblement i'appens à ta gloire :  
De l'autre, Vierge, ie m'atens  
Escrire auant que soit long temps  
De mon grand Prince la victoire.

Faisant entendre par mes vers  
Comme par maintz endroitz diuers  
Il estend les champs de sa terre :  
Et qu'encor le Soleil n'a veu  
Vn Prince d'honneur si pourueu,  
Ne si courageux à la guerre.

Mesme que le Rhin confessant  
Que c'est le Roy le plus puissant,  
La Meuze aussi dessus son onde  
Voyant tant de vaillantz effortz,  
Bruyt & rebruyt contre ses bordz  
Que c'est le plus grand Roy du monde.

---

## A IEAN DE BOVRBON

CONTE D'ANGHIEN ET DE SOISSONS.

ODE.

**D**ESORMAIS, Mufes aux beaux yeux,  
Quand vous voudrés parler des Dieux  
Il vous faut Apollon efflire :  
Apollon, ce docte vainqueur,  
Qui guide si bien vofre Chœur  
Par les fons diuins de fa lyre.

Car c'eft luy qui plus entre tous  
Se void plus fouuent entre vous,  
Et qui plus augmente voz gloires  
Honorant non moins voz chanfons,  
Et le front de voz nourriffons,  
Que fes plus infignes victoires.

Auffi, Pucelles, deformais  
Si deffus vos iumeaux fommetz  
Vous voulez chanter quelque Prince,  
Allez au fang Bourbonnyen,  
Choifir le Conte d'Anghien,  
Digne de plus grande Prouince.

Car c'est vn des Princes ça-bas  
Qui se plaist plus en vos esbatz,  
Et qui plus voz vertus honnore,  
Me daignant mettre au reng des fiens,  
Qui suys de voz musiciens  
Cil qui plus ardant vous adore.

La doncques Pympleanes fœurs,  
Respandez moy de voz douceurs,  
Et faictes qu'heureux, ie raconte  
Les trauaulx brusques & plaisans,  
Ou s'exerce en ses ieunes ans  
Ce Prince mon maistre & mon Conte.

Apeine au terme de neuf moys  
Ce Prince nay du sang des Roys  
Sortoit hors des flancz de sa mere,  
Mesme à peine il ouuroit les yeux  
Pour veoir maintz & maintz Demidieux  
Qui l'atendoyent avec son pere :

Lors que son pere trionfant  
De l'heur qu'aportoit c'est enfant,  
L'affist sur sa saincte poitrine,  
Puis le baïsant plus de cent fois  
Dreffa sur l'aïlle de sa voix  
Au ciel cette oraison diuine.

O Dieu ! ô pere Olympien !

Qui respens le mal & le bien  
Sur les humains en double sorte :  
Fauorise d'un dextre esclair  
Ce iour tant heureux & tant clair  
Qui tant d'allegresse m'apporte.

Et permetz qu'auant de mourir  
Le puyffe veoir si bien flourir  
De c'est enfançon la ieunesse,  
Que vaillant comme vn autre Hector,  
Et faige en fin comme vn Nestor,  
Il soit l'appuy de ma vieillesse.

Permetz encor que quelque iour  
Il vienne au paternel seiour  
Veoir celle dont il vient de naistre :  
Braue se conduisant parmy  
Maint vaillant captif ennemy  
Surmonté de sa seule dextre.

A fin qu'alors en luy faisant  
Quelque grand & riche present,  
Butiné parmy sa conqueste,  
Il paye l'angoisseux ennuy  
Qu'elle a supporté ce iourduy,  
De son mal causant nostre feste.

Ainsi prioit Hector iadis  
Devant sa femme, pour son filz

L'espoir futur de la prouince :  
Mais afin que plus viftement  
Nous ourdifions nostre argument,  
Retournons Mufes à mon Prince .

A peine presque on le feuroit,  
Que fa douce bouche il ouuroit  
Pour former fa parole tendre,  
Faifant dez fon commencement  
Par maint mignard blandiffement  
Ses bontez diuines entendre.

Mefme honnorant fon gouuerneur  
(Dez qu'il en eust) du mefme honneur  
Dont il auoit la face peinte,  
Toufiours affis fur son giron,  
Ou fretillart, à l'enuiron  
Toufiours plein d'une honnefte crainte.

Sans luy iamais il ne bougeoit,  
Sans luy iamais il ne mangeoit,  
Ny iamais ne difoit parole  
Sans droit le regarder au front,  
Craignant en tout d'estre trop prompt  
Fors qu'au doux traual de l'escole.

Ainsi le vaillant Pelien,  
Le pié-leger Theffalien,  
En fa plus tendrette ieunesse

Ne bougeoit, ny prenoit repas,  
Si son Phenix entre ses bras  
Ne flatoit sa delicateffe.

Ne lors qu'il s'enfloit despité  
Deuant la Troyenne cité,  
Contre le plus grand des Atrides,  
Reffusant ses dix talentz d'or,  
Ne vouloit trauerfer encor  
Sans luy les campagnes humides.

Mais bien le daignoit arrester,  
Et faire soigneux aprestier  
Vn liët pour luy dans son nauire,  
Tandis que tous les Grecz confuz  
Pour leur perte, & pour son refus,  
D'esperoient d'apaifer son ire.

Mais laissons ce Duc estranger  
Et venons, Mufes, à changer  
Les derniers sons de nostre lyre,  
D'autant plus qu'un hymne en ses vers  
Se parfait de fredons diuers,  
D'autant plus il faut qu'on l'admire.

Mon Prince à peine eut le pouuoir  
D'aller seul, qu'il veut auoir  
Au flanc vne petite espée,  
la commençant de s'animer,



Et d'un chaud desir d'escrimer  
Ayant la poitrine eschaufée.

Depuis il prist son passetens  
Toujours portant en son printens  
Marqué de magesté Royale,  
Ore à voltiger dextrement,  
Ore à sauter allegrement,  
Ore à la paume, ore à la balle.

Ore à veoir vn milan mourir,  
Ore à veoir vn leurier courir  
Après vn lieure en la campagne,  
Ou chasser le cerf dans les boys,  
Ou mettre vn fanglier aux abboys,  
Imitant le Troyen Ascaigne :

Alors que la pauvre Didon  
Bruslant' du feu de Cupidon,  
S'assembloit avecques Enée  
Au plus secret d'un antre creux,  
Contentant son cueur amoureux  
Soubz le faux voile d'Hymenée.

Puis le soir quand il reuenoit  
Vn luth en sa main il prenoit,  
Fredonnant vn chant de son pouce,  
Comme Achil' souloit au retour  
Des combatz qu'il faisoit le iour  
Fredonner sur sa lyre douce.

• Et s'il voyoit quelque beau dain,  
Quelque poutre, ou quelque poulain,  
Quelque-fois poursuyuant sa chaffe,  
Au soir quand il se retiroit  
D'un creion au vif il tiroit  
Sa beauté, sa taille, & sa grace.

Ou bien à lire il se plaçoit,  
Ou lire à quelcun il faisoit,  
Pour quelques exemples comprendre,  
Jamais coucher ne se pouuant  
Sans auoir vn liure audeuant,  
Comme fouloit faire Alexandre.

Et voila les jeux vertueux  
Où tu t'es, non voluptueux,  
Exercé durant ta iouuance,  
Que j'ay dit en cette chançon,  
Attendant que d'un plus haut son  
Le chante ta braue vaillance.

Car ore que tu ne t'esbatz  
Qu'à ferir parmy les combatz,  
En l'exploit des plus beaux faitz d'armes,  
Il ne fault que parmy ces jeux,  
Le mesle ce que courageux  
Tu faiz aux plus rudes alarmes.

La doncq' Prince reçois en gré

Cet Hymne que t'ont consacré  
Les vierges qu'enfanta Memoire,  
Attendant que sur ses autelz  
Entre les Princes immortelz  
Ie sacre encore mieux ta gloire.

---

## A DIANE DE POYTIERS

*Duchesse de Valentinois.*

## ODE.

**S**i ie voulois égaller dignement  
Vostre grandeur, ie ne scaurois comment  
Executer entreprise si haute,  
Pour auoir tout, & de tout auoir faute :  
Car en autruy ie ne sceuz oncquès voir  
Ce qu'en vous feule on peut appercevoir,  
Vous qui semblez, entre les grandz Duchesses,  
Ce que l'or semble entre les grandz richesses,  
Et qui tenez l'excellence du mieux  
Qui coule en bas par les astres des cieux.

Vn chacun void comme, Diane bonne,  
Vous excellez la fille de Latone,

Sœur de Phebus, cette Nymphé qui luyt  
Par l'espaiffeur de la plus noire nuit,  
(Et qui ça-bas oferoit si profane  
Se comparer à la belle Diane ?)  
Elle ne luyt que la nuit à son tour,  
Mais voz vertuz & de nuit, & de iour,  
Luyfent fur nous & decorent le monde.

Elle se monstre ores courbe, ores ronde,  
Douze fois l'an se renouellant, mais  
Vostre beau front ne se change iamais,  
Ainçois tousiours en fa constance entiere  
Il nous respand sa diuine lumiere.

Par vn eclipse elle perd ses clartez,  
Mais vous iamais ne perdez voz beautez :  
Car le soleil dont, Princeffe benigne,  
Vous receuez ceste clarté diuine,  
Est bien plus grand que celluy dont Phebé  
Prend la lueur de son front recourbé.

Elle est des boys la maistresse nommée,  
Et est encor des femmes réclamée,  
Quand elles sont à leur enfantement :  
Mais quant à vous, vous n'estes seulement  
Dame des boys, & dame des fontaines,  
Ains des chasteaux, des villes & des plaines,  
Ayant puissance & loy de secourir  
Tous ceux lesquelz vont à vous recourir.

Elle est tousiours par les forestz espeffes,  
Portant son arc, son carquois & ses leffes,  
Avec sa troupe allant soir & matin,  
Pour atraper quelque nouveau butin :  
Mais vous, Madame, ayant si bien sceu prendre  
Le plus grand bien que vous pouuiez attendre,  
Ore en repos, arc & flesches quittant,  
Vous n'estes rien à bon droit souhaitant.

Voila pourquoy ceux qui veulent descrire  
Vostre renom, ne scauent comme dire,  
Se confondant dans les infinitez  
Des faintz trefors de voz diuinitez.  
Bien veut Clion que de moy ie presume,  
S'il vous plaistoit que ie prinffe la plume  
Pour voz ayeux & voz graces vanter,  
Que ie pourrois vn iour vous contenter.

---

## A L'ILLVSTRISSIME CARDINAL

CHARLES DE LORRAINE.

ODE.

QVAND i'entreprends de ma lyre tanter  
Diuin Prelat, pour tes graces chanter,

Soudainement i'aperçoy ce me semble,  
Dans vn trefor mille perles ensemble,  
Toutes d'vn pris, & chacune si belle,  
Que ie ne scay bonnement à laquelle  
Donner l'honneur, voyant que la dernière  
Est en valeur semblable à la première.

Car quand ie viens solitaire à penser  
Par où ie doy mon hymne commencer,  
Si ie choisiz ton heureuse naissance,  
Voila soudain la celeste influence,  
Et l'œil benin de ton astre ascendant,  
Mille beaux dons dessus toy respendant :  
Voila ton sang, l'ornement de la terre,  
Et mille honneurs de la paix, de la guerre,  
Tant pardeça, que pardelà la mer,  
Qu'il faut premier sur ma lyre animer.

Puis si i'esly ta ieunesse chenuë,  
Voila soudain ta prudence cognuë,  
Voila ton nom engraué dans les cieux,  
Voila tes faitz pareilz aux demy-dieux,  
Qu'il fault encore accorder sur ma lyre.

Et si ie veulx ta preuoyance efflire,  
Ou ton scauoir, ou ton sain iugement,  
Ou ta bonté : voila soudainement  
Mille vertuz, mille graces bien nées,  
Et mille encor de mille enuironées,

Qui tout à coup se viennent presenter  
Deuant ma lyre, afin de les vanter.

Puis si ie veulx sur ma corde maistresse,  
Dire l'honneur de ta caute sagesse :  
Voila le soing qu'en veillant tu reçois  
Prez de ton Roy, pour son peuple François,  
Et ton esprit si foubdain à comprendre  
Ce qu'il te plaist benignement entendre :  
Bref ton esprit, & tant & tant de choses  
Dedans ton chef diuinement enclofes,  
Qui tout foubdain dignes d'un égal pris,  
Veulent auoir de mon œuvre entrepris  
Le premier reng, si bien que ie demeure  
Confuz, craintif, & rauy tout à l'heure,  
Confuz de veoir en telle infinité  
Les saints presens de la diuinité,  
Craintif voyant ma puissance petite  
Pour celebrer dignement leur merite,  
Et tout rauy de la clere splendeur  
Diuin Prelat, qui fort de ta grandeur.

Voila pourquoy pour te chanter ie n'ose  
Ma bouche ouurir d'un estonnement close,  
Ne saichant point, de tes graces sonneur,  
A qui premier ie doy donner l'honneur  
Voyant le ciel de ces graces pareilles  
Ouurer en toy ses plus grandes merueilles :  
Mais s'il te plaist tant abaiffer tes yeux,

Que de vouloir d'un regard gracieux  
Favoriser ce qu'ores ie te donne,  
le te prometz par l'enfant de Latone,  
Et par ses sœurs, qui benignes me font  
Boire en leurs eaux deffus le double mont,  
Qu'au temple saint de leur mere Memoire  
le chanteray les hymnes de ta gloire :  
Voire si bien, que nostre age aprendra,  
Et l'aduenir encores entendra,  
Que ta faueur peut donner au Poëte  
Ce que du ciel seulement il souhaite.

---

## AV REVERENDISSIME CARDINAL

FRANÇOIS DE TOURNON.

## ODE.

**L**A France me voyant eslire  
Les meilleurs accordz de la lyre,  
Pour chanter ton loz merité,  
Contre moy, Prelat, ne s'irrite,  
Acusant ma temerité,  
Qui d'une chanson si petite  
Te promet l'immortalité :



Mais bien, despote, elle me blasme,  
Dequoy trop ardent ie m'enflame  
A sonner ces vers deuant toy,  
Ores que ton esprit s'aplique  
Sous le sceptre de mon grand Roy,  
A donner à sa republique  
La iustice egalle à la loy.

Et sans la faueur que tu portes  
A la Musique en tant de sortes,  
Te paissant de l'air de ses sons,  
Et que ie scai qu'elle t'estime  
L'honneur de ses vieux nourrissons,  
L'eusse pour toy quitté ma ryme,  
Voire ma lyre & mes chansons.

Toutteffois, se pourroit il faire  
Que plus long temps ie peusse taire  
Tes vertuz mignonnes des Dieux,  
Sans faire à nostre France entendre  
Le bon heur qu'elle obtient des cieux,  
Qui daignent dessus toy resandre  
Toutes leurs graces pour son mieux ?

Car ou soit qu'en estrange terre,  
En temps de paix, en temps de guerre,  
Ou soit qu'en la France tu sois :  
Pour son bien sans cesse tu veilles,  
Et mille desseins tu conçois,

Desquelz tu conduys & conseilles  
Le bon heur du Roy des François.

Le plus agé des deux Atrides,  
En la guerre des Priamides,  
Desiroit plus d'un seul Nestor :  
Et nostre Roy, qui ta prudence  
Tient plus chere qu'un grand tresor,  
De telz que toy desire en France  
Et dix & dix autres encor'.

Aussi tousiours il s'accompaigne  
Du record de ce qu'en Espagne  
Tu feiz iadis tramant la paix,  
Et iamais ingrat il n'oublie  
Les emprises & les effectz,  
Qu'en maintz endroitz de l'Italie,  
Ta caute sageffe a parfaitz.

Mesmes quand ses bandes guerrieres  
Il meine aux terres estrangeres,  
Et qu'il fait maint fleuve vermeil  
Du sang hayneux dont il est maistre,  
Saichant ton aui nompareil,  
Pres de la Roynie il te fait estre  
Chef principal de son conseil.

Quelle aussi tant brusque ieunesse,  
Surpasse ta faige vieillesse ?

Et qui peut plus d'honneur auoir,  
Ou, le ieune ardent aux conquestes,  
Ou, toy vigilant à preueoir  
Que l'Aigle qui porte deux testes  
Ne puisse encor nous deceuoir ?

Il ne faut pour chanter tes gloires  
Fueilletter les vieilles histoires :  
Car ta race antique & ton heur,  
Les faueurs que te fait ton Prince,  
L'acueil d'un chacun, & l'honneur  
Que tu reçois en sa prouince,  
Sert d'argument à ton sonneur.

Adioustant à cela tes graces,  
Et les vertus que tu embrasses  
Au chœur en Parnasse adoré,  
Chery les neuf doctes Pucelles,  
Du blond Apollon honoré,  
Et de cent graces eternelles  
D'elles & de luy décoré.

Jamais content tu ne reposes  
Au trauail des plus graues choses,  
Qu'en oyant les Muses chanter,  
Ou bien t'amusant, solitaire,  
A quelque subgect inuenter,  
Pour du labeur qu'ell' te font faire,  
Pouuoir ton repos augmenter.

On dit du vieil harpeur de Thrace,  
Qu'il faisoit iadis à sa trace  
Suyure les rochers & les boys,  
Et qu'il ployoit la rage & l'ire  
Des plus fiers Tigres sous ses loix,  
Si doux fut le son de sa lyre,  
Et si doux l'accord de sa voix.

Et toy de ta Lyre diuine,  
Et de ta parole benigne,  
Ne fais moins que ce Thracien :  
Car tu fleschis l'ardante rage  
Du plus barbare Scythien,  
Et gagnes si bien son courage  
Qu'il ne peut estre autre que tien.

Vy doncques heureux, & careffe  
L'Ode qu'humblement ie t'adresse,  
T'asseurant que si ie cognois  
Qu'elle ayt contenté tes oreilles,  
Je diray encor de ma voix  
A ton loz tant d'autres merueilles,  
Que tu viuras plus d'une fois.

---

## A L'ILLVSTRISSIME CARDINAL

ALEXANDRE FARNÈSE.

ODE.

**S**i l'auoy' pour bien t'estrener  
Toute la diuerse richesse,  
Qu'Agamemnon vouloit donner  
Au plus valeureux de la Grece,  
Lors que ce Duc Theffalien,  
De courroux enflammant son ame,  
Avec l'enfant Menetien,  
Se despitoit pour vne femme :

Je prendroy volontiers le foing  
De te l'offrir de main non chiche,  
Mais tu n'en as aucun besoing,  
Estant asses largement riche :  
Puis le grand pere Olympien  
Qui darde ça bas la tempeste,  
Des tonneaux de mal & de bien,  
N'a versé que mal sur ma teste.

Des doctes Sœurs les vers si doux,  
Les vers dauantaige te plaisent,

Les vers, qui les plus fiers courroux  
Des Dieux & des hommes apaisent :  
De vers pauvre aussi ie ne fuis,  
La Muse affés m'en enfoisonne,  
Des vers presenter ie te puys,  
De mes vers aussi ie te donne.

Atendant que quelque autre fois  
Ie puyffe mieux chanter ta gloire,  
Acordant aux fons de ma voix  
Les fons de ma lyre d'iuoir :  
Thefee est la bas sur le port,  
Voire le compaignon d'Oreste,  
Mais par les vers, maugré la mort,  
Leur gloire est icy manifeste.

Quand ie voudrois mon Luth toucher  
Pour sonner tes grandes loenges,  
Ie n'en voudrois aller chercher  
L'argument aux terres estranges :  
Et pour bien chanter ton honneur  
Que l'effort du temps peut prescrire,  
Tes qualitez, ny ton bon heur,  
Ny tes biens ie ne voudrois dire.

Ie ne voudrois dire l'esper  
Qui s'espand par toute la terre,  
Et le desir qu'on a de veoir  
En tes mains les clefz de saint Pierre :

Ny dire encor ie ne voudroy  
Des tiens l'alliance feconde  
Auecq' l'Empereur, & le Roy,  
Les deux plus grans Princes du monde.

Je ne dirois encor comment  
Marchant hardi par les campagnes,  
Tu menas vn oft brauement  
De Rome iusqu'aux Allemaignes :  
Et comme aux armes nompareil,  
Et en la prudence admirable,  
Par ta force, & par ton conseil,  
Tu t'acquis vn bruit memorable.

Je ne dirois comme on a veu  
Le grand Pape Paule troyfiesme,  
Te cherir ainfi que nepueu,  
Et t'aymer autant que foymesme :  
Ny ne dirois pas combien d'ans  
Soustenant fa fainte vielleffe,  
Combien tu feiz d'actes prudentz  
Tesmoins d'une meure ieuneffe.

Mais bien enflammé viuement  
De l'ardeur du Prince de Dele,  
Ton fçauoir diroit feulement,  
Pour faire ta gloire plus belle :  
Et dirois que ce qu'ont escript  
De bon, & de beau les antiques,

Est tout propre pour ton esprit  
A dire aux oreilles publiques.

Je dirois comme tu ne veux  
Passer vn iour fans veoir vn liure,  
Sachant bien que par la tu peux  
Te faire immortellement viure :  
Et qu'apres le digne labeur  
Des grans affaires que tu meines,  
A lire dedans vn auteur  
Tu delasses toutes tes peines.

Je dirois (mon Prelat) encor,  
Pour embellir tousiours mon hymne,  
Que tu ne faiz autre tresor  
Que de sçauoir, & de doctrine :  
Et que tu te plais plus à veoir,  
Esloigné des delicateffes  
Vn homme abundant en sçauoir,  
Qu'un autre abundant en richesses.

Et si pour dignement toucher  
Toutes ces vertus excellentes,  
Et de l'oubly les arracher,  
Mes forces n'estoyent suffisantes ;  
Mes vers ne feroient dechassez,  
Pour auoir telle audace prise :  
» Car d'auoir voulu, c'est assez  
» En vne si grande entreprise.

---



## AV REVERENDISSIME CARDINAL

GEORGES D'ARMAIGNAC.

*De la santé.*

ODE.

O RES qu'une ardeur vehemente  
Dedans ta couche te tourmente,  
D'une fieure estant arresté,  
Il me plaist puy qu'en ce martire  
La santé seule t'est à dire,  
Chanter vn hymne à la Santé.

Je veulx ore en la faueur tienne,  
Prier la Santé qu'elle vienne  
L'ardeur de ta fieure amortir:  
A fin qu'elle estant amortie,  
Et du tout hors de toy sortie,  
Hors de peur nous puyssions sortir.

Voulant dorefnauant fans cesse  
Celebrer ceste alme Déesse,  
Garde du repos des humains,

Et voulant deormais l'eflire,  
Pour feul argument de ma lyre,  
Et feul but de tous mes deffeins.

Mais afin que ce que ie sonne  
A quelcun dignement ie donne,  
Mon Prelat, ce fera pour toy:  
De qui la fanté bien heurée  
Eft fi fort du Roy defirée,  
Digne defir d'un fi grand Roy.

Nul auffi mieux que toy n'est digne  
D'auoir le prefent de c'est hymne,  
Tant pour ta vertu de grand pris,  
Pour ta grace, & pour ta faconde,  
Que pour ta grauité profonde,  
Et pour l'ardeur de tes espritz.

Quelquefois fur mon luth d'iuoir,  
Ie diray l'hymne de ta gloire,  
Pour tes raritez annoncer:  
Mais ores que le mal te greue,  
Il faut qu'à la Santé i'acheue  
L'hymne que ie vois commencer.

O belle Déeffe immortelle!  
Déeffe immortellement belle!  
Qui tiens ton throsne dans les cieux,  
Comme Royne entre les celestes,

Qui, debonnaire, ne molestes  
Iamais les hommes ny les Dieux.

Par tout, Déesse, où tu seiournes,  
Par tout où tu viens & retournes,  
Le foucy te fuyt & l'esmoy :  
Et par tout la douce lieffe,  
Le courage & la gentilleffe,  
Et le ieu demeure avecq' toy.

Vn chacun à bon droict t'appelle  
Déesse mere vniuerselle,  
De tant que l'on void d'animaux,  
Maistresse des graces fuyue,  
Vnique ornement de la vie,  
Et le doux confort de tous maux.

L'homme ieune ardemment t'honore,  
L'homme vieil plus deuot t'adore,  
Et iamais en nulle faison  
Il ne peult de tes dons se taire,  
Et se garder de ne te faire  
Quelque beau vœu dans sa maison.

Soit qu'en esté la Canicule  
Les eaux & les campagnes brulle,  
Ou qu'en hyuer les cieux soient pleins  
De gresle, de neige & de pluye,

Jamais le temps ne nous ennuye,  
Quel qu'il soit, si nous sommes sains.

Sus, Amys, tandis que ie sonne  
Les biens que la Santé nous donne,  
Chassons ces soucy & ces pleurs  
Et que par la chambre on répande  
Du thyn, du lys, de la lavande,  
Et mille autres fortes de fleurs.

Aussi tost, diuine Princeffe,  
Que tu prens vers nous ton adresse,  
Vn beau iour clairement nous luyt,  
La fieure soubdain reste morte,  
La paleur reste en mesme forte,  
Et la Mort aux Ombres s'enfuyt.

Comme la nuit prend sa carriere  
Quand elle void hors la barriere  
Des Indes le cler Apollon :  
Ou ainsi qu'une obscure nuë,  
S'enfuit legere à la venuë  
De l'Austre, ou du fier Aquilon.

On peut bien en maintes manieres  
Surmonter les bestes plus fières,  
Les lyons, les sangliers, les ours :  
Mais sans toy, Royne, on ne surmonte

La mort, ceste beste si prompte,  
Quand ell' vient pour trancher noz iours.

Si la fortune est fauorable  
A quelque pauvre miserable,  
C'est vn grand heur qu'auoir du bien :  
Mais quelque bien qu'elle luy liure,  
Santé, si tu ne le dois fuyure,  
Tout son bien ie n'estime rien.

O repos que cherchans nous sommes!  
O mere benigne des hommes!  
Benigne nourrice de tous!  
Sans toy rien n'est de delectable,  
Sans toy rien n'est de profitable,  
Ny fans toy rien d'vtile & doux.

Sans toy, Royne, l'arc & les flesches  
Sans toy les brandons & les mesches  
De Cupidon & de Cypris,  
Sans toy encores l'Hymenée,  
Et fans toy le bon Thyonée,  
Demouroient fans honneur & pris.

Vn chacun te veut & t'apelle,  
Vn chacun se plaist & sautelle  
Quand il te void venir à luy :  
Vn chacun des autelz te dresse,

Vn chacun te dict & confesse  
Son esperance & son appuy.

De nuit au ciel n'a tant d'estoiles,  
Ny dessus la mer tant de voiles,  
Ny tant de fleurs en vn printems,  
Ny de feuz en Ethne ou Vefuue,  
Qu'auecq toy, Princeffe, l'on treuve  
De douceurs & de passetems.

Sans toy les grans pompes n'agrésent,  
Sans toy les plaisirs ne recréent,  
Et fans toy peu seruent les biens :  
Bref, soit en paix, ou soit en guerre,  
Bref, soit au ciel, ou soit en terre,  
Tout fans toy ne vault iamais riens.

Ny Venus feroit si riante,  
Ny Ceres feroit si plaifante,  
Ny Flore si gaye fans toy,  
Et fans toy, Déesse feconde,  
le ne voudroy de tout le monde,  
Estre nommé paisible Roy.

Ou que tu fois, iamais n'arriue  
La pareffe lente & tardiuë,  
Qui semble chiche de ses pas,  
Mais le jeu, le bal & l'adresse,

Mais la jeunefse & l'allégresse,  
Mais les plaisirs & les esbatz.

O combien celluy que tu aymes  
Se deuroit bien aymer luy mesmes,  
Et te tenir bien chèrement.  
Car s'il te perd, il fait la perte,  
Qui ne peut estre recouuerte  
Sans souffrir beaucoup de torment.

On a tout bien en ta presence,  
Mais au contraire en ton absence  
On est tousiours plein de douleur,  
On a la face r'encherie,  
On a l'esprit en facherie,  
Et bref on n'a rien que malheur.

Pour faire quand on t'a perduë  
Que bien tost tu nous fois renduë,  
Ce n'est pas affes d'auoir beu  
Mille medecines ameres,  
Ny d'auoir par mille cauterres  
Enduré le fer & le feu.

Mais il faut encor' dauantage  
Qu'en souffrant vne extreme rage  
On se laiffe couper vn bras,  
Ou vne iambe, ou vne cuyffe,

Vivant ainfi fans que l'on puyffe  
Recouurer repos ny repas.

Je ne conte point les offrandes,  
Les vœuz, les despenfes si grandes,  
Ny les voyages, ny les dons,  
Ny tout ce que l'on met en œuvre,  
A fin, Santé, qu'on te recœuvre  
A l'heure que nous te perdons.

C'est pourquoy bien heureux i'estime  
Celuy qui tient quelque regime,  
Pour sain tousiours se maintenir.  
Car s'il se maintient d'autre forte,  
Tant soit il de nature forte,  
Il s'en repent à l'aduenir.

Vous doncq qui ne sentistes oncques  
Caterre ny fieure quelconques,  
Et qui croyez pour estre fortz,  
Et ieunes qu'une maladie  
N'oseroit troubler vostre vie,  
Je vous pry foyez plus acortz.

Et ne pensez que la jeunesse  
Ny le bon-heur, ny la richesse,  
Vous empechent de la sentir :  
Car ny le temps, ny le courage,



Ny la faueur, ny le lignage,  
Ne vous en fçauroyent garentir.

O Santé, pucelle diuine!  
Si tu n'estois, ceste machine  
Vn nouveau Cahos se feroit:  
Et si tu n'estois, la Nature  
En ses faictz deuiendroit obscure,  
Et presque inutile feroit.

Le siecle d'or te doit son viure,  
Celuy d'argent, celuy de cuyure,  
Celuy de fer te doit le sien,  
Voire ceulx qui viendront encores,  
Après cil où nous sommes ores,  
Te deburont le leur aussi bien.

Pour toy ie quitterois aux Princes  
La maistrise de leurs prouinces,  
Et pour toy au Prince des Dieux  
le quitterois encor le Sceptre,  
Ne voulant sans toy estre maistre  
Ny de la terre, ny des cieux.

Et c'est pourquoy Palingenie,  
Au zodiaque de la vie  
Nous dit qu'un simple laboureur,  
Mais qu'il soit sain en sa bourgade,

Est plus heureux qu'un Roy malade,  
Qu'un Pape, ny qu'un Empereur.

A bon droit la Muse te vante,  
A bon droit Apollon te chante,  
Et les Poëtes à bon droit  
Qui sur tout, Santé, te desirent,  
T'estiment, t'escrivent, t'admirent,  
Et t'honnorent en tout endroict.

Soit aux citez, soit aux villages,  
Vn chacun te fait des images,  
Ceignant ton front de belles fleurs:  
Puis à lentour on chante, on sonne,  
On s'entretient, on s'arraisonne,  
De tes biens, & de tes valeurs.

Je te salue, & refalue,  
Sainte Santé tant bien voulue,  
Qui nous peuz fauver de tout mal:  
A fin que par ta vertu sainte,  
La fieure soit bien tost estaincte,  
Qui tourmente mon Cardinal.

Sois luy maintenant secourable,  
Et en t'inuoquant fauorable  
Preste l'oreille à ma chanfon  
Sans que iamais de moy tu partes,  
Ny que deormais tu t'escartes  
De luy, ny de mon AVANSON.

## A IEHAN DV THIER

*Conseiller du Roy, secretaire d'estat & de ses finances.*

## ODE.

**T**ANDIS que mon ame rauie,  
D'vne non vulgaire fureur,  
Du zodiaque de la vie  
Me fait pourfuyure le labeur:  
Ore les vices plus estranges  
Detestant & monstrant au doÿ,  
Et ore chantant les louenges  
Des hommes diuins comme toy,  
Je veux que le soin qui m'esueille  
Donne vne tréue à mon esprit  
Pour te monstrier le saint escrit  
Qui dans ma poytrine sommeille.

Ouvre donq' ta diuine oreille,  
Mon du Thier, que les plus grans Dieux  
Ont d'vne prodigue merueille  
Fauorisé de tout leur mieux,  
Escoute le chant que ie sonne  
Sus les nerfz d'un cistre nouveau,  
Qui ne se plaist & ne s'entonne

Qu'en chantant l'honneur le plus beau,  
Tel que le tien, qui ia delaiffe  
Nostre tour par l'air s'esleuant  
Pour courir depuis le Leuant,  
Iusqu'aux bordz où Phebus s'abaiffe.

Jamais l'heur ne vient icy  
Veoir les hommes, qu'il n'ameine  
Les fiertés d'une grand peine,  
Ou le fiel d'un fier soucy,  
Soit qu'il acoste les Roys  
Pompeux en braues arrois,  
Ou des riches la richesse,  
Ou des pouures d'icy-bas  
Le repos, & le repas,  
Et la simple petiteffe.

Aussi Iupiter qui commande  
Comme il luy plaist aux plus grans Dieux,  
Non esloigné de ceste bande  
Se tient sur la porte des Cieux,  
Ore versant de sa main dextre  
Le bien sur nous auarement,  
Et tantost de sa main fenestre  
Le malheur prodigalement.  
Cettuicy sous le bien se treuve  
Souz une douce estoile né,  
Et cettuy plus infortuné  
Malement le malheur espreuve.

Quelquefois ce Dieu met ensemble  
Du bien & du mal égalé,  
Et d'une main, souz qui tout tremble,  
Le darde en bas amoncellé.  
Quelque autrefois il entremesle  
Auecq vn bien deux rudes maux,  
Et les renuerse pesse-mesle  
Sur les plus nobles animaux,  
Sur les hommes, pour faire entendre  
Sur quel but il faut affeurer  
Ce que nous deuons esperer,  
Et le chemin qu'il nous faut prendre.

Quant à moy ie l'ay gousté  
Si longuement que i'espere  
Après ma double misere  
Veoir le bien de ta bonté :  
Reçoy doncques mes escrits,  
Et fay qu'a l'œuvre entrepris  
Quelque heureuse fin ie donne,  
Tellement me fortunant,  
Que tes vertus coronant,  
Moy mesmes ie me coronne.

---

## A PIERRE DE RONSARD

ET PIERRE DE PASCHAL.

ODE.

Q VAND ie voy Ronfard & Paschal,  
Qui d'un nœud saintement fatal  
Se lient par amour ensemble,  
Ie beneiz l'estoile des cieux,  
Qui d'un accord si precieux  
Deux espritz si rares assemble.

Puys quand ie m'arreste pour veoir  
De l'un & l'autre le sçavoir,  
Et l'heur qu'ilz ont de la nature,  
Admirant leurs espritz aigus,  
Ronfard ie compare à Phebus,  
Et Paschal i'esgalle à Mercure.

Phebus à la table des Dieux,  
Avec son luth melodieux,  
Paist des Dieux les saintes oreilles :  
Et Ronfard à celle des Roys,  
Mariant son luth à sa voix,  
Paist les Roys de grandes merueilles.

Mercure le Dieu voiage  
Fit iadis à maint estranger  
Les vouldoirs de son Dieu notoires :  
Et Paschal difert comme luy,  
Meffager annonce aujourd'hui,  
De son Roy les grandes victoires.

Phebus & le Saturnien  
Firent iadis le mur Troyen,  
Qui des Grecz fut depuis la proye :  
Aujourd'hui Paschal & Ronfard,  
Font reuoir par vn plus bel art  
Vne autre plus diuine Troye.

Apollon fut priué iadis  
Après la cheute de son filz,  
Par Iupiter, de l'Ambrosie :  
Et Ronfard a long temps esté  
Priué de son loz merité  
Par l'ignorance & par l'enuye.

Mercure a iadis dérobbé  
D'Apollon le bel arc courbé,  
Et ses traitz d'une ruze fine :  
Et Paschal prend ainsi le mieux  
Des Grecz & des Latins plus vieux,  
Ornant son histoire diuine.

Phebus sentit iadis son fein

De l'amour de la vierge plain  
Qui predict la Troyenne cendre :  
Et Ronfard sent ore en son cueur  
Les traitz de l'Archerot vainqueur  
Amoureux d'une autre Caffandre.

Mercure iadis en son chant  
A Argus la teste tranchant,  
Fit d'lo sur luy la vengeance :  
Et Paschal en l'œuvre entrepris,  
De ses doux & doctes escriz,  
Tranche le chef à l'Ignorance.

De Phebus l'enfant Thracien  
Tiroit du son musicien  
Après luy les rocz & les arbres :  
Et Ronfard comme luy touchant  
Les nerfs de son luth allechant,  
Tire les forestz & les marbres.

Quand la Mort les hommes a pris,  
Mercure en guide les espriz  
La bas aux bordz de la noire vnde :  
Mais Paschal fait plus de sa voix,  
Car il y va querir noz Roys  
Et les fait reuenir au monde.

---



## DE LA VERTV.

A IEAN DE PARDEILLAN

*Prothonotere de Pangeas.*

## ODE.

**L**E siecle ou nous viuons est voirement de fer,  
Et le fer voirement est venu de l'enfer:  
Car autrement l'honneur de la vertu celeste  
Ne seroit, Pardeillan, aux hommes si moleste.

Cettuy branflant son chef d'un geste audacieux,  
Et cét autre dresseant son front devers les cieux,  
Ou celui qui des doigtz ses argumens propose,  
Veulent pour peu de cas apparoirre grand chose.

Cettuy qui tient sa langue en un graue repos,  
Plus de mines faisant qu'il n'a de bons propos,  
Et cettuy babillant des choses plus notoires,  
Veulent estre nommez registre des histoires.

Cét autre en s'ecartant du vulgaire un peu loing,  
Et feignant d'auoir peu les richesses en soing  
Pour dire quelque mot du ciel, ou des Atômes,  
Pense estre Philosophe excellent sur les hommes.

Cettuy-cy pour tenir vn Virgile en sa main,  
Vn Ouide, vn Horace, ou quelque autre Romain,  
Ou pour lire par fois quelque vers de Petrarque  
Pense estre vn grand poëte & fait de l'Aristarque.

Cettuy dit pour scauoir six motz Grecz seulement  
(Encor mal digerez) qu'on ne peut bonnement  
Vne œuvre composer qui viue plus d'un age,  
S'on n'a plustost appris cét estrange langage.

Cettuy prend bien plaisir aux espriz plus gentils,  
Et en tient pres de luy, mais ilz sont inutilz,  
Et ne seruent qu'alors qu'il prend de la reubarbe,  
Ou qu'en sa chambre apart il fait raire sa barbe.

Cettuy-cy veut celer les ouurages qu'il fait,  
Et veut estre estimé par cela plus parfait,  
Disant, sot, que qui met quelque liure en lumiere  
S'obscurcit bien souuent à la clarté premiere.

Cettuy pour apparoir des plus aymez des Dieux,  
Cherche en hypocrisant les solitaires lieux,  
Et dit qu'on ne scauroit des Dieux gagner la grâce,  
A viure ainsi meslé parmi la populace.

Cettuy veut, ignorant, force livres auoir,  
Pour acquerir le bruit d'estre homme de scauoir,  
Et cét autre plus lourd vn gentilhomme accuse  
Quand foisonnant en biens aux lettres il s'amuse.

Cettuy-cy pour aymer ceux qu'ayme la Vertu,  
Et pour estre tousiours pompeusement vestu,  
Auoir force valetz & tenir grasse table,  
Tache en s'apauurissant se faire inimitable.

Cettuy fait de son ventre vn Dieu voluptueux,  
Et cettuy se dedaigne entre les vertueux,  
Et touteffois tous deux aueuglez de delices,  
Deguisent en vertu les plus dampnables vices.

Cettuy-cy pour parler quelque peu des combatz,  
Et pour auoir de loing veu tresbucher à bas  
Quelque Espagnol vaincu, veut, Therfite inutile,  
Auoir autant d'honneur qu'en merite vn Achile.

Cettuy pour se monstrier par tout affable & doux,  
Et pour estre à bien peu ce qu'il dit estre à tous,  
Pense en fardant sa voix, son riz & son visage,  
Des grans & des petitz estre estimé plus sage.

Cettuy-cy se couurant d'un masque de Caton,  
La Muse bannissant, fuyt l'aduis de Platon :  
Et cét autre l'en blasme, & soustient que sans elle  
Vn Roy ne peut acquerre vne gloire eternelle.

Cependant la vertu sen va mise à mespris  
Entre vn petit tropeau des plus gentils espritz;  
Et des vices se plaint qui luy font sur la terre  
Supporter en tous lieux mille sortes de guerre.

Toufiours pourtant elle a son honneur indompté,  
Et ferme comme vn roc pres de la mer planté  
Que le vent & la gresle & la fouldre & tempeste,  
Dresse toufiours au Ciel vers son pere la teste :

Faisant apres l'orage apparoir fes rayons  
Plus ardans & plus beaux, ainsi que nous voyons  
Plus claire du Soleil la clarté coustumiere  
Quand vn temps le brouillaz a caché sa lumiere.

Et comme on veoid le marbre apres estre faly  
De quelque noir mortier, plus net & plus poly :  
Ainsi son clair honneur par cét espaiz orage  
Reluyt toufiours plus net vainqueur de tout outrage.

La Vertu semble à l'or qu'on affine au fourneau,  
Qui plus est enflammé & plus il deuient beau,  
Et semble au dyamant en sa beauté suprême,  
Voyre au Phenix pourpré qui renaist de foy mesme.

Toy doncq, mō Pardeillan, qu'elle tiēt aujourd'huy  
Sur fes plus fauoris son plus fidelle appuy,  
Perfeuere constant amy bien aymé d'elle  
Faisant ton heur diuin & ta gloire, immortelle.

Et nous faiz bien tost veoir quelque œuvre de ta  
main,  
Afin de ne veoir point qu'elle respāde en vain  
Ses trefors dessus toy, car elle est trop fachée  
S'elle loge en quelcun qu'il la tienne cachée.

## A DEUX DE SES AMYS.

## ODE.

Pvys qu'il faut partir, mes amys,  
Ne foyons plus tant endormis,  
Le voy desia l'Aurore claire,  
Qui monstre au Soleil myforty  
Le teinct dont elle nous eclaire,  
Non sans dedaigner le party  
Du Vieillard qui ne luy peut plaire.

Sûs doncq ne tardon plus icy,  
La dent du venimeux foucy  
Nous y poingt l'esprit sans relasche,  
Puis le souuenir s'y refait  
De ce tour meurtrierement lasche,  
Que la Parque à Salel a fait  
Faisant que la tombe le cache.

Allons, Robert, marche deuant,  
Le soufflement de ce doux vent  
Ne nous vient presager la pluye,  
Prenons congé de tout chacun,  
Bien que l'adieu soit plein de fuye,

Et foyons feurs qu'il n'est aucun  
Qui de ce depart ne s'ennuye.

Quant est à moy ie n'ay befoing  
Remplir mon cuer d'un si grand soing,  
Ie le diz hyer à ma Thalie,  
A ma Deesse Delauné,  
Qui docte aux plus doctes s'allie,  
De peur que le temps empenné  
Rende sa gloire enseuelie.

Touteffois pour ne faire tort  
Au nœud qui me ferre si fort,  
De nostre amytié ferme & saincte,  
Ie le veux dire encore vn coup,  
D'une parolle aussi contraincte,  
Que cil qui n'attend que le coup  
Qui doit rendre sa vie estaincte.

Adieu donc vierge aux yeux riantz,  
Vierge qui de cent Orientz  
Ternirois la richesse entiere,  
Vierge qui donne à mes vers  
L'ame, les sons & la matiere,  
Et qui faiz que par l'univers  
Ie traiffe vne neuue carriere.

Ie m'en vois librement forcé,  
Voyant mon espoir si froissé

Qu'il ne peut plus long tems me paistre,  
Je men vois loing, loing de tes yeux,  
Si les Dieux le veulent permettre,  
Cercher le bon heur que les cieux  
Iadis me voulurent prometre.

Seiche doncq tes yeux si baignez,  
Quand bien nous ferons esloignez,  
Nostre ardeur ne demourra morte,  
Te iurant par l'Archer vainqueur  
Qui força ma force plus forte  
N'arracher iamais de mon cueur  
L'image de toy que i'y porte.

Va, Robert, cours en dire autant  
A la mignarde qui t'attend  
Pour t'appaster de son haleine:  
Les cheuaux languissent bridez,  
Puys ie voy reuenir Laueine  
Les plis de son front deridez  
Comme estant hors d'une grand peine.

Bien pensay-ie à veoir sa couleur  
Qu'il sent vne amere douleur  
Dedans sa bouillante poytrine  
Plaignant à iuste occasion  
Les yeux de sa Nymphé diuine,  
Ornant non moins sa nation  
Que le Soleil ceste machine.

L'hierre si fort n'estreint pas  
 De la grimpeure de ses bras  
 Le chefne qu'il ayme, ou la plante,  
 Que d'un bras vouté chastement,  
 Et d'une bouchette allechante,  
 Le la veiz hier mignardement  
 loindre sa moytie sommeillante.

---

### L'OMBRE DE SALEL.

*A Monsieur d'Avançon.*

#### ODE.

DANS les boys ombrageux, où les amoureux viuēt,  
 Et où, comme la haut, de rechef ilz poursuyuent  
 Leurs ardentes amours, moins que iamais laissez,  
 Quand deça l'eau de Styx, Charon les a passez,  
 le compasse pour toy les replis de cest hymne,  
 Attendant l'arriuer de ma belle Corinne.  
 La doncques AVANÇON, la donc escoute moy,  
 Et ne t'esbahis point si ie m'adresse à toy,  
 Et si par mon MAGNY, ma nourriture chere,  
 le te faiz vn present de l'onzième d'Homere,



Et du douziesme encor non plus en Grec, ainçois  
Tournez par moy naguere en langage François.

Ton scauoir, ton honneur & ton merite encore,  
Que maint diuin esprit diuinement decore,  
Celebrant tes vertuz te rendent suffisant  
Pour obtenir le don d'un si riche present:  
Et les Dieux, & le Ciel qui sur toy vouté semble,  
Prenant plaisir de veoir tous ses trefors ensemble,  
De longue & longue main, te l'auoyent destiné,  
Te voyant, AVANSON, tant heureusement né,  
Et tant fauoriser les neuf doctes Pucelles  
Et tous ceux qui scauans font fauorisez d'elles.

Et bien qu'entre ces vers tu ne trouues cachez  
Mille pompeux trefors des Indes arrachez,  
Ne laisse pour cela, ie te pry, de les prendre:  
Car l'honneur de ce don peut cent fois mieux es-  
tendre  
Et croistre ton renom, que d'un Crese les biens,  
Ou les palles monceaux des trefors Mydiens.

Icy tu pourras veoir le gouuerneur Atride,  
Qui s'arme brauement, & qui brauement guide  
Ses fouldars à la guerre, & pourras veoir encor  
Comme Iris fait sortir de la bataille Hector,  
Et comme il y reuient aussi tost qu'il oyt dire  
Qu'Agamemnon bleffé s'enfuyt en sa nauire.

Après tu pourras voir Vlyffe enuironné  
D'un grand scadron Troyen, voire si mal mené  
Qu'il voyoit ia defia sa deffaicte prochaine  
Sans le secours d'Aïax & du mary d'Helaine.

Puys Achille verra son Patrocle mander  
Vers le diuin Nestor, afin de demander  
Quel Grec il ramenoit nagueres de la presse :  
Et là tu le verras qui le filz de Menece  
Exhorte d'exhorter le plus fort des Gregeois,  
De secourir leur camp, & prendre son harnois,  
Et luy mesme y venir employer sa vaillance.

Puys Patrocle verras qui d'Eurypile pense  
La playe de la cuyffe, & comme ce pendant  
Le magnanime Hector de son char descendant  
Entre au fossé des Grecz, suiuy de ses cohortes,  
Et comme d'une pierre il enfonce les portes  
Du fort hay des Dieux, apres que Sarpedon  
Eut laissé pour vn temps ses gens à l'abandon.

La dôques, AVANSON, fay réplir tes oreilles  
Des nombres refoonnans de ces douces merueilles,  
Et toy mesme à longs traitz repaiz-en tes espriz,  
Car ce ne sont des feuz du brandon de Cypris,  
Car ce ne sont des vœuz qu'une ame enamorée  
Append deuotement à sa Dame adorée :  
Mais bien mille beaus vers qui grossissent le cueur,  
Et roidissent le bras d'un braue belliqueur,

Tel que toy, AVANSON, en qui le ciel assemble  
La vaillance, l'honneur & le scauoir ensemble :  
Car, ou soit que ton Roy te conduyse aux combatz,  
Ou soit que des proces tu tranches les debatz  
En l'un & l'autre temps tu peux l'honneur acquerre  
D'estre faige au conseil & vaillant à la guerre.

Au deuant de qui doncq, au deuant de quelz yeux  
Offriray ie ces vers? qui les merite mieux  
Que toy, mon Auanson? si ce n'est ce grand Prince  
Souz qui courbe le chef la Francoyse prouince,  
Sous qui veut le destin que le reste des Roys  
Auant qu'il monte au ciel acoustume ses loix,  
Et sous qui j'ay gousté la faueur que souhaite,  
Et que peut meriter vn immortel Poëte.

Ouvre doncques ta main fauorable, & reçois  
Ce que mon cher MAGNY te presente pour moy,  
Bienueignant, AVANSON, d'une douce careffe  
Celuy que ie t'enuoye, & ce que ie t'adresse.  
De l'un, tu tromperas la peine que tu prens  
Sans cesser vigilant aux affaires plus grans,  
Et par l'autre tu peux, s'il le veut entreprendre,  
Faire par l'Vniuers tes merites entendre.  
Aussi ie te les donne à cell'fin que tu fois  
La deffense & l'appuy de mon liure François,  
Et que de mon Magni mon attente non vaine  
Tu fois dorefnauant le Recteur & Mecene  
Comme ie foulois estre ains que descendre icy

Le sauuant de langueur, de peine & de fouci.  
T'adiurant par les boys de ces secretz vmbrages,  
Et par le doux Zephir' qui souffle en ces riuages,  
Voyre par le repos & par les doux esbatz  
Des Manes Stygieux qui t'attendent ça bas,  
Qu'a tel port de bon heur tu le vueilles conduire  
Que le vent de malheur ne luy puyffe plus nuyre.  
Mais quoy n'as tu gousté, AVANSON, de ce fruit  
Qu'au iardin des neuf Sœurs il cultive & produict?  
N'as tu desia cogneu comme il peut bien encore  
Engarder que le Temps ton renom ne deuore,  
Et, te grauuant au ciel, empescher que ton bruit  
Ne se puiſſe noircir dans l'éternelle nuit?  
Il me suffira doncq de ce que ie t'en mande  
Sans ce que plus auant ie te le recommande.

Bien me plaist, AVANSON, de te dire que i'oy,  
Que i'oy fouz ces ciprez aux piedz de mon grād Roy,  
De mon grand Roy François la lyre resonnante  
De vostre seul Ronſard qui sur elle me vante:  
Bien me plait il encor te dire le plaisir,  
Le plaisir qui nous vient, qui nous vient cy faisir,  
Quand nous oyons les chantz d'un si diuin poëte,  
Mefmement ce bon Roy, ce bon Roy qui regrette  
De n'estre encore en vie à cell' fin de pouuoir  
Coronner de sa main vn si rare scauoir.

Je te veux dire aussi comme ie vien d'entendre  
Le Ciceron Paschal, qui daigne sur ma cendre

Tesmoignant mes vertuz, respandre de sa main  
Les trefors plus diuins de son parler Romain :  
Qu'ainfi croisse ton heur esloigné de l'Enuie  
Comme il peut, AVANSON, te donner vne vie  
Reffemblante du tout à celle la des Dieux,  
Et t'affeoir auecq eux au plus beau de leurs cieux.  
l'ay encores les sons de la lyre immortelle  
Du nouveau Delien vostre diuin Iodelle,  
l'oy la voix de Pangeas, de cet autre Apollon,  
Qui de ses vers illustre & redore mon nom.  
l'oy le docte Nauiere, & Denisot encore,  
Et comme de leurs vers l'un & l'autre m'honnore,  
l'oy encore, AVANSON, le gentil Tahureau  
Qui sa Sarte abandonne & vient sur mon tumbeau  
De ses fredons mignardz animer ma memoire,  
Et le loz redoubler de ma durable gloire.

Heureux doncques ceux la lesquelz sont curieux,  
D'acquérir l'amitié des prophetes des Dieux,  
Des Poëtes sacrez qui peuuent par leurs dextres  
De la Mort & du Temps faire leurs amys maistres.  
l'oy encore Durban le mignon des neuf Seurs  
Qui respand doucement les plus saintes douceurs  
De son parler Romain sur ma tombe pompeuse.  
l'oy encor de Maumont la complainte piteuse,  
l'oy Magny d'autre part qui s'adolore en vain  
De quoy la fiere Mort de son dard inhumain  
M'a si tost fait passer les eaux qu'on ne repasse :  
le l'oy sur mon cercueil qui verse à pleine tasse

Du nectar Quercinois, & du lait, & du miel :  
l'oy mille & mille criz dont il remplit le ciel,  
Reffemblant le poucin en sa triste misere,  
Qui de loin apperçoit sa clocloquante mere,  
Et qui se void captif de l'oyseau rauissant,  
Qui l'emporte par l'air ia desia perissant.

l'oy encore, AVANSON, la dolente querelle,  
Les soupirs & sanglotz de ma Corynne belle,  
l'oy ses Nymphes aussi blafmans les mesmes Dieux  
D'auoir si tost permis l'absenter de ses yeux.  
Ainsi pleuroit Tethis & mainte Nereïde  
Pour le compaignon mort du vaillant Peleïde,  
Quand le filz de Nestor eut annoncé sa mort,  
Et qu'Achil' forcenné s'en tormentoit si fort.

Voyla ce que i'entendz, AVANSON, sur ces riués  
Chatouillé d'un plaisir que les personnes viues  
Deuroient soigneusement auant que de mourir  
Par presentz & faueurs en viuant acquerir :  
Car si l'homme trespasse & descend en ces plaines  
Hay des nourriffons des sœurs Permessiennes,  
De Phebus & Mercure, il n'a pas merité  
D'auoir apres sa mort cette felicité :  
Mais toy que pour fouslien elles ont voulu prendre  
Tu la merites bien & la peux bien attendre.

---

## COMPLAINTÉ DES DAMES DE FRANCE

*Sur le partement de Monsieur le Prince de Fe.*

## ODE.

**V**ous Cupidon qui scauez noz secretz,  
Oyez, pour Dieu, de noz tristes regretz  
La pitoyable plainte,  
Nous consolant au depart de celuy  
Qui vostre gloire emporte avecques luy,  
Laissant la nostre estaincte.

C'est ce Herôs du sang mesme des Dieux,  
En qui le ciel a répandu le mieux  
De sa sainte influence,  
Celuy ie dis de qui l'illustre nom  
Vole immortel en immortel renom  
De l'Itale à la France.

Il est yssu du costé maternel  
Des Roys de France, & quant au paternel,  
Du grand Hercule d'Este,  
Fier, courageux, ses ennemys domtant,  
Et genereux l'autre Hercule imitant  
De la race celeste.

Mais pour autant que ses faitz estimez  
Sont ia desia par la terre femez,  
Et qu'il n'est conuenable  
Que nous parlions des horribles combatz,  
Nous le tairons, mais nous ne tairons pas  
Nostre mal deplorable.

La doncq'Amour venez oyr noz criz,  
Venez ayder à mettre en ses escriz  
Nostre peine trop forte :  
Et soulageant noz tristes passions  
Chantons noz maux, & ses perfections  
D'un son qui nous conforte.

Soit qu'aux tournoys pour l'amour entrepris,  
Soit qu'à la course il emporte le pris,  
Et dans le bal encore,  
Ou parmy nous deuifant doucement  
Gaignant l'honneur du tout entierement  
Du tout il vous honnore.

Ou soit qu'il vueille vn cheual façonner,  
Il daigne bien le plaisir en donner  
Aux amoureuses Dames  
Et voltigeant en mille & mille tours  
Sa bonne grace esueille mille amours  
Au profond de leurs ames.

C'est luy qui tient votre carquois si plain,



C'est luy encor qui soustient vostre main  
Quand vous tirez voz flesches :  
C'est luy qui fait craindre vostre vertu,  
Et qui pour vous cent fois a combatu  
Aux amoureuses brèches.

Sans luy vos traictz ne seroient iamais craintz,  
Sans luy vos feux pieça seroient estainctz,  
Et vostre arc tousiours courbe  
Ne feroit point sans luy de si beaux coups,  
Et moins sans luy trayneroit apres vous  
Vne si belle tourbe.

Bien qu'en honneurs & en biens il soit grand,  
Iamais pourtant entre nous il ne prend  
Iusqu'à la plus petite,  
Sans quelque temps pres d'elle s'amuser,  
Et de douceur en son endroit vser  
Plus qu'elle n'en merite.

Doux & courtois dessus les gracieux,  
Fort & hautain sur les audacieux,  
Jeune de force & d'age,  
Chenu de meurs, entier & liberal,  
Rendant les cueurs de nous en general,  
Sous l'amoureux seruage.

Et bien que cent ressentent leurs espriz  
Pour le veoir tel de son amour épriz,

Il n'en dedaigne nulle,  
Ains condamnant de Narcis la rigueur,  
Affable & doux, il laisse ardre son cueur  
Du brazier qui nous brufle.

Ores fans luy le Soleil plus ne luyt,  
Le iour plus clair nous eft obscure nuyt,  
Et ce qui fouloit plaire  
Pour ce depart déplait ore à noz yeux,  
Si qu'on diroit que la terre & les cieux  
Tafchent de nous mal faire.

Regardez doncq' fi ce n'est iufte ment  
Que nous plaignons ce trifte partement,  
Puis-que defia l'abfence  
Nous faiët sentir plus de dolent ennuy,  
Que de plaifir nous n'auions aujourd'huy  
Par fa douce prefence.

Faites aumoins, s'il vous plaift, Cupidon,  
Qu'il ait l'ardeur de vofre beau brandon  
Toufiours viue en fon ame,  
Et que fans fin, apres ce partement,  
Dedans fon fein il porte conftamment  
Cette premiere flame.

Car tant qu'en l'air s'aymeront les oyfeaux,  
L'abeille aux prez, le poiffon dans les eaux,  
Et les cerfz aux ramées,

Toufiours son nom, ses graces, ses bontez,  
Et ses vertuz dans noz cueurs tourmentez  
Demourront imprimées.

---

## ELEGIE D'AMOUR

ET DE LA SIDERE DE IEAN BRINON

PARISIEN.

Dv vieil Tithon la vermeille Compaigne  
Epaniffoit les fleurs de la campagne,  
Et les oyseaux 'degoifans dans les boys  
Ses clairs rayons bienueignoient de leurs voix :  
Lors que songeant à ma Nymfe diuine,  
Et aux tourmentz que l'Enfant d'Erycine  
Me faict souffrir doublement doulereux,  
Je m'écartay dans vn boys plantureux  
De Myrtes bruns, ou d'une bouche amere  
Je deplorois & l'Enfant & la Mere,  
Par lesquelz, las ! vn foin entenaillé  
M'a tant de fois malement trauaillé,  
D'un noir ennuy me contraignant repaistre :  
Mais à l'instant soubz l'umbrage fenestre,  
L'ouy douloir cét Archer éploré,

Comme vn enfant de sa mere égaré :  
Parquoy i'acours où sa plainte me guyde,  
Et le trouuay, qui d'une trace humide  
Faisoit couler deux ruyffaux de ses yeux.  
Je veiz son arc qui pendoit ocieux,  
Et son carquois à la branche d'un arbre,  
Luy fouspirant si tristement, qu'un marbre,  
Voyre le cueur d'un tigre non dompté,  
Eussent à coup comme luy lamenté.  
Et non content de fouspirs & de larmes,  
Je vei ses mains commencer des alarmes  
Contre son sein, le plombant de grans coups.  
Je vei encor redoubler son courroux,  
Et d'une main felonement cruelle  
Tirer son poil, & de l'une & l'autre æfle,  
Les auirons dont il rame par l'air,  
Lors qu'il luy plaist sur la terre voler.  
Dieux ! dis-je adoncq', cet Archer qui vous dompte  
Ce ieune Dieu que nul Dieu ne surmonte,  
Doit il ainsi par despit se donter,  
Et forcenné soy mesme surmonter ?  
Ainsi me soit fauorable sa flèche,  
Comme il convient, ô Dieux, que ie l'empesche.  
Lors, tout poureux, & de vergoigne plain,  
Bien humblement i'allay prendre sa main,  
Et le prier, d'une parole basse,  
Qu'ainsi cruel contre luy ne mefface :  
Luy demandant encor l'occasion  
D'une si dure & triste affliction.

Des qu'il m'ouyt vne œillade il me gette,  
Et me cogneut, ayant de sa sagette  
ladis empraint dedans ma loyauté  
Le vif portraict d'une rare beauté.  
Si douloureux maintenant ie lamente,  
Dit-il adonc, & si ie me tourmente  
Comme tu voys tant outrageusement,  
Las! ie le faiz encor plus iustement:  
Voyant perir le bon heur de ma gloire,  
Et terminer le cours de ma victoire,  
Tout esperdu de ne pouuoir songer,  
Rien contre moy pour moy mesme venger:  
Car d'une part tous ces doctes Poëtes,  
Tous ces sacrez & diuins interpretes  
De ma grandeur, qui remplissoient le ciel,  
La terre & l'eau des douceurs de mon fiel,  
Sont ore en bas deffus la riue noire,  
Et i'en voy, las! morte icy la memoire.  
Plus ne font leuz d'un Ouide les vers,  
Plus ne font veuz en pris par l'univers  
Catulle, Galle & Properce & Tibulle,  
Plus on n'entend les chansons de Marulle,  
Tous sont esteintz, & le monde aujourd'huy  
D'eux & de moy ne reçoit qu'un ennuy.  
Mesmes encor cét Harpeur d'Italie,  
Qui bâtissoit vne neuue Idalye  
Dans son terroir, ce Petrarque fameux  
Passe & flestrit ce me semble comme eux.  
Et tous ceux la qui les veulent ensuiure,

Ou qui tafchans de les faire reuiure  
Chantent leurs vers, ne peuuent receuoir  
Qu'vn vil dedain, pour vn gentil deuoir.  
Ie ne voy nul qui tant soit peu me prise,  
Ie ne voy nul qui plus me fauorife,  
Ains conuoiteux d'agrauer mon eſmoy,  
Tout eſt bandé, ce ſemble, contre moy.

D'autre couſté ie voy ceſte Sidere,  
Dont les beautez font honteufe ma Mere,  
Qui de ſes yeux auteurs de mille mortz,  
Trop fierement reſiſte à mes effortz.  
Et dedaignant & mon arc & ma trouſſe,  
Me doute moins quand plus ie me courrouſſe,  
De tell' façon que iamais ie n'ai peu  
La renflammer de l'ardeur de mon feu.  
I'ay bien vaincu le fort Dieu de la guerre,  
Meſme à celluy qui darde le tonnerre,  
Ce puiffant Roy des hommes & des Dieux  
I'ay faiçt ſouuent abandonner les cieux,  
Se transformant, ataint de mon martire,  
En cygne, en beuf, en pucelle & Satyre.  
Pluton, Neptune & les Dieux de la mer,  
Ont éprouvé mon venin doux-amer.  
Bref il n'eſt rien en ce monde qui n'aye  
Senty l'aigreur de l'amoureuſe playe.  
Mais quand ie veux de Sidere approcher,  
Et quelque traict ſur elle deſcocher,  
Iamais au vif ma fleche ne la touche,

Ainçois foubdain ie voy qu'elle rebouche,  
Le sens foubdain mes nerfz se defroidir,  
Le sens mon sang foubdain se refroidir,  
Mon poil dresser, mes puiffances s'estreindre,  
Mes desirs vains, & mes torches s'esteindre,  
Voyre en tel point qu'il semble qu'un destin  
Ait deffus moy coniuré quelque fin  
Pour amortir le bon heur de ma gloire,  
Et terminer le cours de ma victoire.

Ainsi dolent Cupidon se plaignoit,  
Et de sanglotz sa plainte accompagnoit,  
Entrerompant sa parole contrainte,  
Quand ie luy dy, delaisse ceste plainte  
Filz de Deesse, & pense desormais  
Estre plus grand & plus fort que iamais:  
Car tant s'en faut que tu deuiennes moindre,  
Ou que ton trait ne puisse encore poindre,  
Comme il fouloit, que ie vois en tous lieux  
Priser tes faitz sur tous ceux-la des Dieux,  
Et les autelz & portails de tes Temples  
Enuironnez de despouilles plus amples.  
Et bien que ceux qui iadis ont chanté  
Les sainctz honneurs de ta diuinité  
Soient ore esteintz & leur gloire deserte:  
Ce non obstant ne regrette leur perte:  
Car, mon Ronfard, mon Phebus Vandomois,  
Chante aujourd'hui des acordz de sa voix,  
Si dignement ta grandeur immortelle,

Que tu n'euz onq vne gloire si belle,  
Soit qu'il inuente, ou qu'il pille des vieux  
Les plus beaux traitz pour les portraire mieux.  
Mais ce Ronfard de qui la renommée  
Florist par tout dans l'vniuers semée,  
Ce grand Ronfard ton grand Prestre tenu,  
Te seroit il, Cupidon, incogneu,  
Luy qui contraint par les terres estranges  
Les estrangers de chanter tes louanges,  
Luy qui picqué viuement de tes dartz  
Laisse pour toy les fureurs du Dieu Mars,  
Et se plaissant en l'ardeur de sa flâme  
Chante plustot les beautez de sa Dame,  
Et les tourmentz des amoureux vaincuz,  
Que les beaux faitz du filz d'Hector François :  
Quoy qu'ardemment mon Roy le luy commande,  
Et que de luy seulement il l'attende,  
Impatient de veoir vn œuvre tel,  
Vn des moyens pour le faire immortel.  
La donq' Amour seiche toutes tes larmes,  
Et plus ioyeux repren' toutes tes armes,  
Car ny ton nom, ny ton arc, ny ton heur,  
Ne furent onc, plus qu'ilz font, en honneur.

Quant aux durtez de cette ame seuerie,  
De cette belle & rebelle Sydere,  
Ne crains par là d'amoindrir ton renom,  
Car s'il te plaist t'accoster de Brinon,  
Qui sent pour elle ardemment ta secouffe,



Toy de ton traict & luy de sa voix douce,  
(Voix que Pithon & les neuf doctes Sœurs  
Ont a-l'enuy confite en leurs douceurs)  
Vous la rendrez tout autant amoureuse,  
Qu'elle se monstre a-present rigoureuse.  
Et autrement, certain, ie te promectz  
Que son fier cueur tu ne poindras iamais,  
Car luy, fans toy, ne peut ses feuz étaindre,  
Et toy fans luy ne la scaurois atteindre.

De ce conseil & de ce doux confort,  
Ce petit Dieu se contenta si fort  
Qu'il me promist pour digne recompense,  
De me donner bien tost la iouïffance  
De mon amour : puis me delaisfant là,  
Prenant ses traitz au ciel sen revola.

---

## AVX GRACES.

### ODE.

SAINCTES filles d'Eurydomene,  
Sans qui tout deplait à noz yeux,  
Soit la Deesse qui vous meine  
Ou son filz le maistre des Dieux :

Le ieu sans vous n'a point de grace,  
Et sans vous, Graces, le plaisir  
Ne peut plaire en aucune place,  
Ny contenter aucun desir.

A chacune de vous ie donne,  
Humblement par trois chastes vœuz,  
Vne florissante couronne,  
Pour en-honorer voz cheueux.


A chacune ie donne encore  
Vn petit pot plain de laiët doux,  
Et chacune de vous i'honore,  
D'un petit vase de miel roux.

Afin qu'il vous plaife d'espandre  
Tant de grace en mes petits vers  
Que MARGVERITE puisse prendre  
Plaisir en leurs nombres diuers :

MARGVERITE cette Princeffe,  
L'vnique Seur de mon grand Roy,  
En qui la plus belle richesse  
Des Astres reluyre ie voy.

*Fin du premier Liure.*





LE SECOND LIVRE  
DES ODES D'OLIVIER DE MAGNY

*Quercinois*

---

A MONSIEVR D'AVANSON

*Premier President au grand Conseil du Roy,*

En faueur de Pierre de Pafchal.

ODE

DE LA IVSTICE.



L'OCEAN de ses fieres ondes  
La terre encor n'environnait,  
Ny Titan de ses clartéz blondes  
Le nouveau iour ne rame-  
noit,  
Ny sa Sœur reuoustoit sa face  
Quand du Cahos la lourde maffe  
Enferroit dedans sa rondeur

Les semences & la grandeur  
Et les acordz de toutes choses :  
La nature & ses faitz diuers,  
Et l'image de l'vniuers  
Dans son sein pefle-mefle enclofes.

Mais depuis que la main diuine,  
D'une diuine affection,  
De cette immobile machine  
Eut brisé la confusion,  
Et que le feu, la terre & l'onde,  
Le ciel & les membres du monde  
Furent de son ventre arrachez,  
Les astres adonq' attachez  
Par le grand Dieu dans son grand temple,  
Darderent leur feu rayonné  
Sur l'homme nouvellement né,  
Que ce Dieu fist à son exemple.

Et deslors cet homme aussi  
Commença la vie heureuse,  
Qui se filoit douceureuse  
Sans trauail & sans souci :  
D'autant que la terre pleine  
Prodiguoit sans donner peine  
Toutes ses necessitez,  
Et que la fieure rongearde,  
Ny la vieilleffe blafarde,  
N'embloient ses felicitez.

De nectar les riuieres pleines  
Couroient a-val au lieu des eaux,  
Et le doux laiët par les fontaines,  
Et le miel roux par les ruyffeaux,  
Toufiours les campagnes ouuertes  
S'esmailloient gaillardement vertes,  
Et toufiours Zephyre ventoit,  
Ne iamais l'hyuer n'arrestoit  
La roide carriere des fleuves,  
Ains souz vn printens florissant  
Les forestz d'vn teinct verdissant  
Auoient toufiours leurs robes neuues.

Ainsi fuyuoit l'homme sa vie  
Plein de repos & de seurté,  
Sans que la conuoiteuse enuye  
Machinaft sur sa liberté,  
Et fans ce qu'il cogneuft à l'heure  
Que le seul lieu de sa demeure,  
Tant fust ce siecle fortuné,  
Ce siecle d'or enfoisonné  
De mil & mil autres richesses,  
Et tant fut le ciel curieux  
De le fauorifer du mieux  
De ses liberales largeffes.

Depuis cét age glissant  
D'vne roulante viteffe,  
Apparut en sa richesse

Lentement se pallissant  
Et la terre encor entiere  
Sa poitrine nourriffiere  
Sentit bleffer durement,  
Si bien, qu'elle ainsi blessée  
Donnoit, bien qu'ensemencée,  
Ses biens plus auarement.

Après ceste saison finie  
D'un air tranquillement ferain,  
Les hommes ourdirent leur vie  
Sous l'age troisieme d'airain :  
S'enflammans desia d'une audace  
Le cueur, la poytrine & la face,  
Et d'un foin trop plus curieux  
Sentr'adextrans à qui-mieux-mieux  
Au brusque manymment des armes,  
Puis à piquer les grans chevaux,  
Les accoustumant aux trauaux  
Des durs & perilleux alarmes.

Tout d'un fil la race fuyante,  
Par la loy d'un arrest fatal,  
Vesquit souz la loy menaffante  
Du siecle du plus vil metal,  
Et l'homme pour tout exercice  
Ne cercha rien plus que le vice  
S'embourbant soy mesme le sein  
D'un diuers venimeux dessein,



Pour l'executer miserable,  
Ore en plongeant ses fieres mains  
Au sang de ses freres germains  
D'une conuoitise execrable.

Ores époint au larcin,  
Enrichissant sa famille  
Par les richesses qu'il pille  
Meschamment à son voyfin,  
Ores la marastre louue  
Par vn despit qu'elle couue  
Braffant d'un cueur enragé,  
L'horreur de quelque defastre  
Contre l'innocent fillastre  
Chastement encouragé.

Aussi ia-déja toute crainte,  
Toute foy & toute bonté,  
Estoit par les hommes esteinte  
Dedans leur libre volonté :  
Et ia residoient en leur place  
Le courroux ardent, la fallace,  
La force & la faincte amitié :  
Sans que la raison, la pitié,  
Le tardif respect, ne la honte,  
Par les hommes tant dereiglez  
Dedans leurs espritz aueuglez  
Fussent tenuz en quelque conte.

La le nocher hauffoit ses voiles,  
Et les donnoit au gre du vent,  
Ore à la clarté des estoiles,  
Or aux raiz du soleil leuant :  
Et fans ce qu'il cogneut la rage  
Des flotz esmeuz, ne de l'orage,  
Acouroit fans peur du danger  
Visiter le peuple estranger,  
Pour en raur les choses rares,  
Et defia l'arpenteur rusé  
Mettoit sur le champ diuisé  
La merque des bornes auares.

Tout-par-tout l'homme cerchoit  
D'une auarice bouillante,  
Cette richesse aueuglante  
Qui trop & trop l'allechoit,  
Refouillant en peine amere  
Dans le ventre de sa mere  
Iusqu'aux plus secretz boyaux,  
Pour arracher de leur mine  
L'or & l'esmeraude fine  
L'aiguillon de tant de maux.

Ce tens pendant la vierge Astrée  
Vergoigneuse voiloit ses yeux,  
Et s'en volant de la contrée  
S'alloit renger entre les Dieux,  
Ramenant encor' souz son æfle

Ses Sœurs compaignes avecq elle,  
Qui blémiffantes en leur teinct  
Montoient au ciel d'un vol contraint  
Delaissant en bas sur la terre  
Le squadron des vices peruers,  
Qui s'epandans par l'univers  
Leur faisoient trop hayneufe guerre.

Ces vierges au ciel paruenues,  
D'un long foupir se delassant,  
Se conduysaient entre les nues  
De regret les testes baissant,  
Et bas déployantes leur langue,  
S'entreconsultoient la harangue  
Qu'elles deffaignoient reciter  
Deuant leur pere iupiter :  
A la fin, elles arriuerent  
Au plus haut estage des cieux,  
Ou le plus grand de tous les Dieux  
Entre les Dieux elles trouuerent.

Lors les genoux flechissant  
De leur grace coustumiere  
La iustice allant premiere  
Vindrent vers ce Tout-puyssant,  
Qui d'une benigne œillade,  
Et d'une estroicte acolade  
Les bienueigna doucement,  
Donnant à toute la bande,

Pres de sa maïesté grande  
Place dans son firmament.

Toutteffois auant que s'y mettre  
Astrée pour toutes parla,  
Baïsant de son Pere la dextre  
Qui d'aïse encore l'acolla :  
S'il est ainſi, dit-elle, Pere  
Que tout l'vniuers obtempere  
Comme il te plaist aux ſainctes loix,  
S'il est vray, fais à ceſte fois  
Que ce vil peuple t'obeïſſe,  
Ce peuple qui ſ'accompaignant  
Des vices, ne va dedaignant  
Que tes Vertuz & ta luſtice.

Non content de ce qu'il pourchaſſe  
Contre ſoy-meſme tant de tortz,  
Mais s'attachant, las ! à ta race  
Auecq l'horreur de mille effortz,  
Et ſi bien preſſant ſes eſtreintes,  
Qu'à la fin il nous a contraintes,  
Le voyant opiniaſtré,  
De le laiſſer encheueſtré  
Au reth de ſa propre meſchance,  
Et dreſſant l'œil vers le recours,  
Te venir demander ſecours  
Pour le punir de ſon offenſe.

Toy doncq qui tiens en tes mains  
Les tonnerres & la foudre,  
Froisse & brise tout en poudre  
Ces obstinez inhumains :  
Fai que ta puissance haute  
Leur face sentir la faute  
Qu'ilz ont commise enuers nous,  
Et fai que leur arrogance  
Sente bien tost la vengeance  
De ton plus iuste courroux.

Ou fai qu'une rage depite  
Les fuyue horrible en tous endroits,  
Car c'est du moins ce que merite  
Celuy qui transgresse tes loix,  
Ce vil peuple donq qui n'a cure  
Que de la crasse & de l'ordure  
De ces vices ensanglantez,  
Qui forgueillissent indomtez  
De nostre trop honteuse fuyte,  
Pourfuyuans encor leurs aboys,  
Et dardans d'une hideuse voix  
Mille brocardz à nostre fuyte.

A tant, pour crainte de deplaire  
Par le fil d'un trop long propos,  
La Iustice se voulut taire  
Pour auoir responce & repos :  
Et Iupiter croulant sa teste

Accorda sa iuste requeste,  
Leur difant à toutes ainfi :  
Arrachez ce mordant foucy,  
Mes filles, de vofre poytrine,  
Arrachez ce regret encloz,  
Et de tant & tant de fanglotz  
Ne troublez la troppe diuine.

Je fçay tresbien le tourment,  
Et la pourfuyte trop viue  
Que cette race chetive  
Vous a fait fi longuement,  
Je fçay quelle ardante peine  
Bien qu'inutilement vaine  
Vous avez prise la bas  
Pour la diuertir de fuyure  
Voz ennemys & de viure  
Souz leurs cauteleux appaftz.

Je fçay encor de quelle rage  
Ce vil populaffe enragé  
Méprifoit dedans fon courage  
De voz loix l'honneur outragé :  
Mais par les flotz de Styx ie iure  
Qu'il amendera cette iniure,  
Par tant d'encombrier & d'ennuy  
Que ie feray pleuuoir fur luy,  
Qu'à la fin, la race future,  
Se mirant en fes malheurtez

Pour s'éclaircir de voz clartez,  
Suyura droictement la droiciture.

Ne foyez doncq tant eplorées,  
Car ie faiz encore vn ferment  
Par les Ondes non pariurées,  
Qu'en peu de temps heureusement  
Trionfantes de ceste guerre,  
Vous redescendrez sur la terre  
Pour y replanter voz honneurs  
Si bien redreffans la police,  
Que les hommes plus vicieux  
N'auront iamais deuant leurs yeux  
Que les vertuz & la iustice.

Entre eux vn Prince ie voy,  
Maistre souz moy, de la France,  
Qui tiendra vostre balance  
Plein d'une equitable foy,  
Vn Prince comblé de gloire,  
Qui bornera sa victoire  
Dez le ciel du More ardent,  
Iusqu'au riuage Hyperbore,  
Et des le list de l'Aurore,  
Iusqu'au plus bas Occident.

C'est cet HENRY, mes filles belles,  
Qui fera refflorir encor  
Voz autoritez toutes telles,

Qu'elles estoient au siecle d'or,  
Honorant songneux & fans faincte  
Les honneurs de vostre loy saincte,  
Et iuste les ensemençant  
Parmy son peuple obeyffant,  
De forte, que l'erreur, le crime,  
Et l'orgueilleuse impurité,  
Pourchaffez de la verité  
S'iront plonger dans leur abisme.

C'est luy qui dedans son royaume  
Rendra vostre nom reueré,  
Aussi bien souz vn toict de chaume,  
Que sous vn plus élaboré:  
Et qui pour plus vous faire craindre,  
Et qui pour mieux garder d'enfreindre  
Voz iustes & diuins decretz,  
Commetra des hommes discretz  
Suffisans de bien vous conduire,  
Et de balancer sainctement  
D'un contrepoix egalement  
Ce qui peut & qui ne peut nuyre.

Entre lesquelz i'en puy veoir  
Deia, deia, ce me semble,  
Vn qui braue ioint ensemble  
La vaillance & le scauoir,  
Vn qui luyt entre le reste  
Comme en mon Palais celeste



Les raiz du plus grand flambeau,  
le di vn, dont la memoire  
Domtera la Parque noire,  
Le Temps mesme & le tombeau.

Cettuy-cy, mes filles gentilles,  
Soubz la faueur d'un si grand Roy,  
Fera les fureurs inutiles  
Qui voudront mordre sur la loy,  
Et d'une eternelle asseurance  
Vous guidera parmy la France,  
Merquant de l'œil endementiers  
Et les mauuais & les entiers,  
Et tousiours d'une ame constante  
Resistant encontre les dons,  
Qui peuuent amorcer les bons  
Tant est leur prefence allechante.

Aussi le fort, filles, l'ordonne  
Afin qu'un iour vous puyssiez veoir  
Doublement ce que ie vous donne,  
Pour double honneur en recevoir,  
Et que luy nay de noble race  
La vile Ignorance terrasse,  
Luy que les graces parferont,  
Luy que les Muses combleront  
D'une immortelle renommée,  
Luy, qui vif tousiours demourant

Laiffera, superbe, en mourant  
De son bruit l'Europe semée.

Alors Iupiter se teut  
Son Aigle s'escroulant toute,  
Et la troupe qui l'escoute  
Riant de l'aïse qu'elle eut :  
Mais il est temps que ie tire  
Mes traictz au but ou i'aspire,  
Sus doncq Muse, mon doux foing,  
Bande mon arc Muse douce,  
Afin que mieux ie les pouffe  
Iusqu'au climat le plusloing.

Dieu te gard l'honneur de la France  
Dieu te gard mon grand AVANSON,  
Docte vainqueur de l'ignorance,  
Et l'ornement de ma chanson :  
Ainsi ta grandeur puisse croistre,  
Et tousiours prospere apparoitre,  
Comme la nature & les cieux  
T'ont fortuné de tout leur mieux,  
Te faisant non seulement digne  
Des mignardz fredons de mes vers,  
Mais encor des accordz divers  
De la Pindarique buccine.

Moy qui fuyz des sacrez Prophetes  
Du roy des hommes & des Dieux,

Moy qui fuy de ses interpretes  
Me presente ores à tes yeux,  
Agité d'une ardeur diuine  
Qui s'enflamme dans ma poytrine,  
Pour te reueler que les motz  
Dont il a fermé le propos  
Qu'il tenoit à la vierge Afrée,  
Ne furent oncques recitez  
Qu'en predifant les raritez  
Dont tu dores nostre contrée.

C'est toy de qui Iupiter  
Fait tant heureuse la vie,  
Que la dépiteuse Enuye  
Ne s'en pourra depiter :  
C'est toy qui ne doubtes guiere'  
La Fortune iournaliere,  
Du moyen te contentant,  
Et parmy ses riches pompes  
Où si bien l'orgueil tu trompes,  
Athamante n'imitant.

Soit que les portes de la guerre  
Soient closes de mille verroux  
Et que la rage on y enferme  
Estreinte de cent mille nouds,  
Ou soit que la discorde fiere  
Rende nostre France guerriere,  
Toufiours & toufiours i'aperçoy

Vne grande tourbe apres toy  
Tachant d'acoiser ses quereles,  
Sachant bien qu'en guerre & en paix  
Tu peux faire comme tu fais  
Ses franchises toutes nouvelles.

Mais quoy ! i'entreuoy à ta fuyte  
Mon Paschal qui courbe le chef,  
Comme vn qui refue à la poursuyte  
D'un inextricable mechef,  
Ce luyton Proces, ceste beste  
Qui degorge tant de tempeste,  
Ce serpent dy-ie forcené,  
L'auroit il iusqu'icy trayné  
De son Languedoc qui l'adore,  
Pour de sa lyme le ronger  
Comme vn chiquaneur estrangier  
Qui grommellant se descolore ?

Le trac du mordant foucy  
Puys son front qui trop se ride,  
Et sa face trop humide  
Le tesmoignent presque ainsi.  
Permetras-tu donq' qu'il laisse  
L'immortelle tourbe espeffe  
Des nourrifons des neuf Seurs,  
Luy que iadis Calliope  
Sur le mont à double trope  
Combla tant de ses douceurs ?

Ne vois-tu point la belle cheine  
Faiçte à cerceaux d'or émaillé,  
Dequoy par l'oreille il ameine  
Tout ce grand peuple esmerveillé,  
Mesme la superbe Venise,  
Qui toute béante le prise  
D'estre de l'esprit alumé  
Dequoy l'Arpin fut enflammé,  
Et la docte Tholoze encore,  
Qui par l'honneur de son sçavoir  
Tant d'honneur se sent recevoir  
Qu'en l'honorant elle s'honore.

le cognoy parmy cette bande  
Son Durban le mignon des Dieux,  
De qui la vertu ne demande  
Pour le conduire dans les cieux,  
Que les æles dont elle vole  
Depuis l'un iusqu'à l'autre pole :  
Le voy Panjas qui ieune d'ans  
Deffie la Mort et le Temps,  
Tumery, Reuergat, la Roze,  
Mon Dubuix & ton Charbonier,  
Qui se tient ainfi le dernier  
Pour lecher les vers qu'il compose.

l'en voy encor se meflans  
Parmy ces clartez dorées,  
Plus qu'aux voutes azurées

N'a d'astres étincellans,  
Mais tous presque se lamentent  
Des procez qui le tourmentent  
D'un forcenement felon,  
Luy des Muses le grand Prestre  
Qui si bien se fait cognoistre  
Le compagnon d'Apollon.

Ces pucelles, ces Pegasides,  
T'adjurent par l'Attique miel,  
De ne permettre de leurs guides  
Cettuyci gouster tant de fiel,  
Te promettant si tu l'accordes  
De pinsfeter si bien les cordes  
De leur luth en sonnant ton bruit  
Qu'ell's t'exenteront de la nuyt.  
La doncques gouste leurs promesses,  
Et d'un balancé iugement  
Deride le front vistement  
Du Chantre fainct de ces Déesses.

Car il peut tes graces vantées  
Mieux que moy de l'oubli garder,  
Et des colonnes Atlantées  
Iusques aux Indes les darder :  
Luy qui d'une oraison Romaine  
Braquement de France nous meine  
Iusqu'aux estrangers plus lointains,  
Faisant les Allemans certains,

Voyre tous ceux que le Pau baigne,  
Par les nombreux fons de sa voix  
Comme en la France le François  
De la doctrine s'accompagne.

Mais repren, Muse, il est temps  
Repren ton arc & ta trouffe,  
Puis que ta flefche fi douce  
Charme ainfi les efcoutans,  
Et de peur qu'en cuydant plaire  
Tu ne faces le contraire,  
D'un plaifir trop abondant,  
Encor' ailleurs cette gloire  
Sacrerons à la Memoire  
Par la terre l'efpandant.

A IEAN BERTRAND

*Confeiller au grand' Conseil, en faueur de*

PIERRE DE PASCHAL.

ODE.

**S**i quelque fois, ma Calliope,  
M'efgayant avecques ta trope

Nous auons contenté les Dieux,  
Oreille faut contenter mieux,  
Et faire cognoistre à la France  
Que mon Quercy peut enfanter  
Des combatans de l'ignorance  
Affez fortz, pour la surmonter :  
Voyre par eux grauer sa gloire  
Deffus l'autel de la Memoire,  
Si bien que la posterité  
Chante son immortalité.

Ouvre donq, Bertrand, tes oreilles  
Pour les remplir de ces merueilles,  
Et paistre, Bertrand, de leur miel  
Tes espritz descendus du ciel,  
Te faisant fort puy que ma lyre  
Se plaist de sonner ton honneur,  
Et si grauement le redire  
Deffouz mon pouce fredonneur,  
Que tu renuerferas l'audace,  
Et les fiertez de la menace  
Voire les forces & l'effort  
Du Temps & de la fiere Mort.

La Mort des Parques la plus fiere,  
De sa grande faux moissonniere  
Tranche la vie aux Empereurs,  
Aussi bien comme aux laboureurs,  
Et n'espargne non plus les Princes



Tant foyent ilz richement pompeux,  
Que les moindres de leurs prouinces  
Tant soient ilz pauurement pourueuz :  
Ains pesse-mesle les enuoye  
La bas par vne mesme voye,  
Guidez du dieu Cyllenien,  
Passer le fleuve Stygien.

Comme vn faucheur par la prerie  
Fauche a-plain-bras l'herbe fleurie,  
La delaissant vn temps apres  
Pour la feicher parmy les prez :  
Ainsi cette Parque felonne  
Toufiours horrible en ses effortz,  
Par monceaux les hommes moissonne  
Pauant la terre de leurs cors :  
Mais dautant elle se faict craindre,  
Quelle nous vient souuent esteindre  
Quand moins en noz heurs inconstans  
Nous doubtons sa faux & le Temps.

Le Temps qui iamais ne seiourne,  
Qui fuyt & iamais ne retourne.  
De la Mort tallonne les pas :  
Et ialoux qu'apres le trespas  
L'homme laisse quelque memoire,  
Qui témoigne à l'eage fuyuant  
Que vif, il a rauy la gloire  
Qui le peut faire reuiuant,

Jaloux diz-ie qu'aucune chose  
Contre sa puiffance s'oppose,  
Contre tout se veut oppofer  
Pour toutes choses maistrifer.

Mefmes auffi toft que la Parque  
Fait entrer dans l'auare barque  
Les Ombres fortans de dehors  
La palle demeure des corps,  
Il accourt foubdain, & se plante  
Deffus leurs tombeaux ocieux,  
Et trouffant fa barbe ondoyante  
Abaiffe fes bras & fes yeux :  
Puis de fes mains roidement fortes  
Prend le nom des personnes mortes,  
Et les entaffant fur fon fein  
Les charge & s'en refuyt foudain.

Ne le trait qu'un archer defcoche  
De fon but fi toft ne s'aproche,  
Ny l'aigle fond fi toft d'en haut  
Sur l'afpic qui se lefche au chaut,  
Ny le foudre ardent qui deffere  
Le Roy des hommes et des Dieux  
Ne defcend fi toft fur la terre  
D'efclairs faifant flamber les cieux,  
Comme le Temps avecq fa charge,  
Flottant fur fon efchine large,  
Acourt vifte de ces tombeaux  
Au bord des oublieufes eaux.

Ou sur le moment qu'il arriue,  
My-tournant son doz sur la rive,  
Brandit & gette de son dos  
La riche charge dans les flotz :  
Afin que les flotz engloutissent  
Dedans eux l'honneur de ces noms,  
Et qu'englouty l'enfeuelissent  
Dedans les gouffres plus profondz :  
Tant & tant le Temps a d'enuye  
Sur le cler flambeau d'une vie,  
Qu'il ne veut si tost estre esteint  
Que le nom de perir contraint.

Mais à-l'enuiron de ce fleuve  
Des vautours affamez on treuve,  
Des corneilles & des corbeaux,  
Et d'autres malheureux oyseaux,  
Qui n'ont dedans l'onde oublieuse  
Ce butin si tost veu plonger  
Qu'en chantant d'une voix hideuse  
Le pensent tirer du danger,  
Et prenans les beaux noms qu'ilz voyent  
Dans leur bec, de peur qu'ilz se noyent,  
Puis hastant vn foible voler  
Les cuydent emporter par l'air.

Mais hélas ! leur force debile  
Trop & trop tost rend' inutile  
Leur entreprise en ses effectz,

Car voulans éleuer ce faix  
Et cuydans, superbes, le rendre  
Dedans le vague suspendu,  
Pour faire à l'vniuers entendre  
Qu'ilz l'ont de l'oubli defendu,  
La pesanteur du faix les laffe,  
Et leurs voix dans leurs bouches glace,  
De sorte que glacez & las  
Ilz tombent pefle-mefle en bas.

O griue perte ! ô perte griue !  
Mais ô felicité trop brieue !  
O perte, ô griue perte encor'  
Des raretez d'un tel trefor !  
Et vous las, hélas ! deplorables  
De qui les beaux noms doiuent cheoir  
Dedans les bouches miserables  
Des oyseaux de fresse pouuoir,  
Puis qu'indignes d'aucune gloire  
Ilz recachent dans l'onde noire,  
Dans l'onde du fleuve oublieux  
Les noms des Manes Stygieux !

Comme vn milan fendant la nuë  
Se fait presque perdre de veüë,  
Portant à sa iambe attaché  
Du feu dans du chanure caché,  
Qu'à chef de temps luy mesme alume,  
Coup sur coup ses aëles mouuant,

De forte qu'enflammant sa plume,  
Il croit la flamme de son vent,  
Et se brulant ainsi les aëles  
Perd hélas ! ses forces isnelles,  
Pour servir aux Princes desbatz,  
Tombant comme vne pierre en bas.

Ainsi par le vuyde retombent,  
Ainsi souz leur charge succombent  
Tous ces vaultours, tous ces corbeaux,  
Et cette orde engence d'oiseaux :  
Puis Lethe engloutit la memoire  
Des noms dans ses eaux retombez,  
Et le Temps obtient la victoire  
Deffus les oyseaux succombez :  
Non pourtant le fleuve ne noye  
Des noms toute la belle proye,  
Et non pourtant le Temps ialoux  
N'obtient victoire deffus tous.

Oy doncq', Bertrand, pourquoy ne noye  
Le fleuve toute cette proye,  
Et pourquoy ce Vieillard ialoux  
N'obtient victoire deffus tous.  
Parmy ces vautours & ces grailles,  
Sont quelques Cygnes bien chantans,  
Qui prennent, ioyeux, des medailles  
Par l'air au bec les emportans,  
Et contre les pertes que brigue

Le Temps ce vieillard fi prodigue,  
Engardent aucuns de ces noms  
D'aller de Lethé iufqu'au fondz :

Car foubdain que ces facrez Cygnes  
Ont prins dans leurs bouches diuines  
Quelques vns des noms precieux,  
Ilz montent haut iufques aux cieux,  
Et d'un vol ioyeux & fans peine,  
S'en vont percher fur le coupeau  
D'une montaigne non lontaine,  
Où s'efleue vn temple tresbeau,  
Dans lequel vne Nymphé habite,  
Qui court vers ces Cygnes fubite,  
Pour ce qu'ilz portent leur offer,  
Et dans fon temple l'emporter.

Cette belle Nymphé emplumée  
Se fait nommer la Renommée,  
Et ce beau temple ainfi planté  
Le temple de l'eternité,  
Au millieur duquel se defcœuure  
Sur quatre piliers, vn autel  
Que la Nymphé enuironne et cœuure  
Chaque an d'Amaranthe immortel,  
Et là ces beaux noms elle appofe,  
N'ayant iamais la bouche clofe,  
Ains toufiours ouuerte à vanter  
Ce qu'elle oyt aux Cygnes chanter.

Heureux trois & quatre fois doncques  
Ceux de qui les noms n'eurent oncques  
Le fond de ce fleuve cruel  
Pour leur seiour perpetuël,  
Et qui dans la bouche d'un Cygne  
Toufiours les merites vantant,  
Trouvent cette Nymphé benigne  
Toufiours les gloires rechantant,  
Qui les apprend dedans son temple,  
Afin qu'ilz y seruent d'exemple  
Pour ceux de la posterité  
De l'honneur qu'ils ont merité.

Bien heureux auffi ie publie  
Bertrand, bien heureuse ta vie,  
Puis qu'en ton viuant tu te faiz  
Bien aymer des Cygnes parfaitz,  
Des Cygnes qui sont les Poëtes  
Par le quelz le plus grand des Dieux,  
Comme par ses saintz interpretes  
Reuele les secretz des cieux :  
Car par eux l'honneur de ta gloire  
Sur la mort aura la victoire,  
Et ton nom par eux r'ennobly  
Domtera le Temps & l'oubly.

» Iamais les vertuz precieufes  
» Ne vont aux ombres Stygieufes,  
Et iamais les Muses n'ont peu

Celer l'honneur quand il est deu.  
Aussi, mon Bertrand, tu dois croire  
Puis qu'ardant ie te le prometz  
Que tes vertus ny ta memoire  
En bas ne descendront iamais :  
Car ou bien Phebus de sa flame  
Rechaufe vainement mon ame,  
Ou il veut, Bertrand que ma voix  
Te le promette à ceste fois.

Comme les ondes écumeuses  
Fremissent par les riuës creuses,  
Quand des ventz le Prince importun  
Se courrouffe contre Neptun' :  
Et comme les fueilles resonnent  
En Automne parmy les boys,  
Quand l'Austre ou quand la Bise entonnent  
Leurs plus effroyables aboys :  
Ainsi par la France abondante  
Sonnera ta gloire euidante,  
Ta gloire & le diuin sçauoir  
Qu'en cachant, Bertrand, tu faiz veoir.

Car encor que la Vierge Astrée  
Tu guides par nostre contrée,  
Souz ton grand Oncle, en qui les cieux  
Et le fort respandent leur mieux,  
Souz ton grand Oncle, qui la France  
Illustre d'un rare ornement,



Contrepoisant en fa balance  
Droit & Tort equitablement :  
Ton esprit pourtant ne refuse  
Le sacré trauail de la Muse,  
Et pourtant ne laissent tes doigtz  
D'accorder ton luth à ta voix.

Qui pourroit auffi fur fa lyre  
Mieux que toy, si tu voulois, dire  
Quelque argument digne qu'aux cieux  
Il fut chanté deuant les Dieux?  
Qui pourroit avecq plus de grace  
Raconter les saintes vertus,  
Dont les vieux Comtes de ta race  
Ont esté iadis reuestus?  
Qui pourroit de ton Oncle encore  
Celebrer l'heur qui le decore,  
Et dire si tu l'entreprens  
Mieux que toy l'honneur des Bertrandz!

Quant à moy ie faisois vn hymne  
De tes vertuz sainctement digne,  
Qui ia ce me semble auoit pris  
Entre ceux qui sont mieux escritz,  
Et comme vn bon orfeure affine  
L'or dont il veut faire vn anneau,  
Orné d'vne esmeraude fine,  
Ou d'vne perle de bonne eau :  
Ainsi ie trauailloy ma dextre

A façonner quelque bon mettre,  
Pour engrauer en son reply  
Ton merite tant accompli.

Lors que mon Paschal me descœure  
Les premiers traitz d'un diuin œuvre  
Qu'il traffe, Bertrand, doctement  
Pour les Bertrandz tant seulement,  
Où ie vy si viuement painte  
La noblesse de tes Ayeux,  
Qu'aussi tost cette clarté sainte  
Obscurcit celle de mes yeux :  
Et cette diuine merueille  
Rompit l'entreprise pareille,  
L'entreprise que iauançois  
De conter ta race aux François.

Ainsi qu'un homme quand il treuve  
En voyageant quelque grand fleuve,  
Qui débordé semble vne mer,  
Et qu'il le veoid bruyre, escumer,  
Et de ses flotz enflez d'audace  
Noyer les chemins & les pontz,  
Si bien qu'il semble qu'il menasse  
Les hautz fometz des prochains montz,  
Tout foubdain s'aresté, s'estonne,  
Et son entreprise abandonne,  
Sage en foy mesme pourpensant  
Qu'il se peut perdre en s'auançant.

Ainsi ie destournay arriere  
Les premiers pas de ma carriere,  
Allors qu'en emportant ton lōs  
Par l'vniuers deffus mon dōs,  
Ie rencontray l'œuure latine,  
Ainçois de Paschal les torrentz,  
Plains d'eloquence & de doctrine  
Qui bruyoient l'honneur des Bertrandz,  
Cognoissant tresbien à leur source,  
Que le vague train de ma course  
Aupres de celui de leur cours  
Foible & lent demourroit tousiours.

Qui, bons Dieux ! s'oseroit promettre  
D'estre à gagner vn prix adextre  
Tant que Paschal qui tient en main  
L'honneur du mieux disant Romain !  
Qui peut mieux d'une docte langue,  
Ou parmy les Muses au bal,  
Donner l'ame à quelque harangue,  
Ou chanter des vers que Paschal ?  
Paschal que les graces cherissent,  
Paschal que les Muses nourrissent,  
L'abreuuant deffus leurs coupeaux  
De la liqueur des saintes eaux !

C'est pourquoy Bertrand, ie delaisse  
Des Bertrandz l'antique noblesse,  
Sans ofer vn labeur tenter

Pour aux François la raconter,  
Estimant trop mieux le silence  
Puys que Paschal en veut parler,  
Qu'en parlant de telle excellence  
Seulement Paschal n'esgaler :  
Bien veux ie, Bertrand, que cette Ode  
Ainsi faicte à l'antique mode  
Sur le patron des vieux Romains,  
Demeure tienne entre tes mains.

Reçoy la doncques & t'estime  
Bien heureux d'auoir de ma ryme :  
Car souuent Ronfard de sa voix  
Ma dit qu'elle est digne des Roys.  
Et au surplus trenche la teste,  
Et la renaissante fierté,  
De ce vieil proces qui tempeste  
De mon Paschal la liberté,  
A fin qu'imparfait il ne laisse  
L'œuvre qua ton Oncle il adresse,  
Contraint tousiours d'auoir les yeux  
Sur ce proces malicieux.

C'est pourquoy la bande immortelle  
Qui deffus la croupe iumelle  
D'Helicon, danse souz les fons  
Ou de la lyre, ou des chanfons,  
T'adiure ores par la cadance  
Qu'elle fait gaillarde en son bal,

D'arrester vifte vne ordonnance  
Qui iuge le droit de Paschal.  
Qu'ainfi la chantereffe tourbe,  
Puiſſe fur ta vieilleſſe courbe,  
Accorder & te faire ouyr  
Cette Ode pour t'en reſiouyr.

---

A NICOLAS COMPAIN

*Conſeiller au grand Conſeil en faveur de*

PIERRE DE PASCHAL.

ODE.

PVIS que tant d'eſpritz de la France  
Combatent d'une telle outrance  
Contre le proces de Paschal,  
Et qu'un chacun crie à ſes luges  
De donner fin aux ſubterfuges  
Qui luy font ſouffrir tant de mal :  
Moy, qui Paschal ayme & reuere  
Pour ſes vertuz comme mon pere,  
Sachant qu'il m'ayme comme enfant,

N'est il pas raison que i'effaye  
De guerir ceste amere playe  
Qui l'esprit et l'ame luy fend ?

Malheureux vrayment on peut dire  
Cil qui void de quelque martire  
Vn de ses amys tourmenté,  
Et toutesfois il ne trauaille  
Ny nul reconfort ne luy baille  
Afin de l'en rendre exenté :  
Sus doncq', Muse, à fin que i'euite  
Qu'une souilleure si maudite  
Ne vienne mon honneur-tascher,  
Dy moy quelque nouuelle chose  
Qui si bien mon Paschal dispose,  
Qu'il n'ayt plus loy de se facher.

Et delaiffe d'armer l'iambe,  
Qui ia contraint comme Lycambe  
Mes enuyeux de s'offenser,  
Et se repentans de leur vice,  
Se guider eux mesmes au suplice,  
Pour leur hayne recompenser.  
Bien pardonnai-ie à qui me iure  
Ne m'auoir iamais dit iniure,  
Sous vn feint nom malencontreux,  
Voire à ceux qui me font leur plainte,  
Fremiffans d'vne extrême crainte  
Que ie me courrouce contre eux.

Celuy qui d'acquérir pourchasse  
Des Dieux la faueur & la grace,  
Ne les scauroit acquérir mieux  
Qu'en ayment ceux que les Dieux aiment,  
Et sur qui largement ilz sement  
Les plus beaux trefors de leurs cieux.  
Et bien que la Fortune ingrate  
Si fiere par fois les abatte,  
Qu'ilz seruent au peuple d'esbatz,  
Si faut-il pourtant qu'il les prise,  
S'il veut que Dieu le fauorise  
Viuant ou descendant la-bas.

Combien donq prizez doiuent estre  
Les Poëtes, que Dieu fait naistre  
Prophetes de sa deité,  
Decourant par eux mille choses,  
Et mille encor, & mille enclofes  
Au fein de la diuinité ?  
Ilz domptent les bestes plus fieres,  
Ilz arrestent court les Riuieres,  
Voire les cheuaux du Soleil,  
Et de leurs voix viuement fortes  
Font viure les personnes mortes  
Dans la nuyt mesme du cercueil.

Du Tage les blondes areines,  
Ny toutes les belles fontaines  
Qui fourdent du fein Idien,

Ny toutes les perles encore,  
Qu'au matin decouure l'Aurore  
Flamboyante au ciel Indien :  
Ne peuuent les vertuz esleindre,  
Ne peuuent les bontez atteindre  
D'un vers de Poëte excellent,  
Tant & tant les Dieux il ressemble,  
Eternifant qui bon luy semble  
En despit du Faucheur volant.

Par les vers les Vertus florissent,  
Par les vers les Dieux s'adoucissent,  
Par les vers sont beaux leurs autelz,  
La Mort toutes choses deuore,  
Mais les vers qu'un Poete colore,  
Demeurent tousiours immortelz,  
Et par eux mesme ie me fye,  
Que si mes voiles ie desplie  
Parmy les flots plus orgueilleux,  
Ie guideray mieux ma nauire,  
Que Tiphys ne l'eust sceu conduire  
Affranchi des rocs perilleux.

Heureux trois & quatre fois doncques  
Tous ceux là qui ne furent oncques  
Pareffeux d'honorer les vers,  
Et d'eulx & leurs fuyantes races,  
Puyssent les Muses & les Graces  
Remplir le rond de l'univers.



Honorez les doncq Roys & Princes,  
Et faites que dans voz provinces  
Ilz foyent honnorez de nouveau,  
Remetant l'Aphricain en vie,  
Qui fit enseuelir Ennye  
Souz les pompes de son tombeau.

Penfes tu, Compain, que les graces,  
Et les vertus que tu embrasses,  
Ton honneur & ta qualité,  
Bien qu'ilz foyent plains d'une grand gloire  
Puyffent sans le facond luoire  
Te donner l'immortalité ?  
L'homme en vain s'efforce d'acquerra  
Mille vains honneurs sur la terre,  
Pensant estendre son renom,  
Et si tu le faiz, tu t'abuses,  
Si quelque nourrifson des Muses  
N'empanne ta gloire & ton nom.

Et quand la fortune non chiche  
Te feroit, Compain, aussi riche  
Qu'un Crese, ou qu'un Xerxes, ou bien  
Comme vn autre Prince des Perses,  
Toutes ces richesses diuerfes  
Ne te pourroient seruir en rien,  
Pour garder que tu ne deuales  
Aux enfers soubz les ombres palles,  
Dez que la Mort t'aura fauché,

Et que fouz vne mesme tombe  
Ton nom & ton renom ne tumble  
Par ces trefors non empesché.

Car dez que la Parque ennemye  
A tranché le fil d'une vie,  
Precipitant vn homme en bas,  
Il entre en l'infernale barque,  
Et soit il gueux, soit il monarque,  
Il y passe & nen reuient pas :  
Mais si quelque Muse feconde  
Le veut faire reuiure au monde,  
El' le va querir aux enfers,  
Et en despit de la Mort blesme,  
Du Temps, & de l'Enuye mesme,  
L'anime encore avecq ses vers.

Bien fut doncques à ta naissance  
Heureuse la saincte influence  
De l'astre qui flamboit aux cieux,  
Te faisant fatalement digne  
De la voix du Vendomois Cygne,  
Le plus heureux mignon des Dieux,  
De ce Vendomois, qui m'affeure,  
Que ce qu'il entonne à cette heure  
Pour nostre Ciceron Paschal,  
Il ne le feroit pour vn Prince,  
Ny pour gagner d'une prouince  
Le gouuernement principal.

Bien fust elle encor fortunée,  
Quand ta bouche fust emmannée  
De la liqueur du plus doux miel,  
Par mainte murmurante mouche,  
Qui deffus ta premiere couche  
Descendit tout exprez du ciel,  
Nous faisant par cela cognoistre,  
Que les Dieux ne te faisoient naistre  
Que pour estre vn iour le foustien,  
Fust parmy les pompes plus grandes,  
Fust parmy les plus humbles bandes,  
De tout le chœur Aënien.

Vy doncq, Compain, & n'ayes crainte,  
Que la Mort te donne l'attrainte  
Quell' donne aux ennemys des Sœurs,  
Des neuf Sœurs d'Heliconiennes,  
Qui aux riuies Permessiennes  
T'ont abreuué de leurs douceurs :  
Mais aussi foyz nous secourable,  
Et donne vne fin fauorable  
A ce proces enuenimé  
Qui rompt, qui tracasse et qui brouille,  
Et qui engourdit & qui rouille  
Nostre Paschal tant estimé.

Car luy qui deuroit à ceste heure  
S'employer à chose meilleure,  
Chantant la gloire de noz Roys,

Suyt, contraint, ce serpent farouche,  
Qui fait ce semble dans sa bouche  
Tarir le nectar de sa voix.  
Mesmes fait remarquer ses traces  
A l'amy plus aymé des Graces,  
Son Durban qui plaint cet excez,  
Et qui veut bien la plume prendre  
Pour faire doctement entendre  
Quel grand mal nous fait ce proces.

C'est pourquoy Compain, ie t'adjure  
Par les faintz dons de la Nature  
Qu'en toy si bien luyre ie voy,  
Par les Sœurs qui n'ont point de mere,  
Et par celles de qui le Frere  
Est blond & sçauant comme toy :  
Par la voix de Pîthon encore,  
Et par la Vierge qui s'honnore  
De l'arbre qui porte mon nom,  
De faire promptement en forte  
Que Paschal de ce proces forte  
Par vn arrest qui luy soit bon.

T'affeurant, que si par ton ayde  
Il peut gagner le bien qu'il playde,  
Ie chanteray si bien ton loz,  
Qu'au son de ta durable gloire,  
La Seyne, mon Loth & ton Loyre,  
Ne bruyront que toy de leurs flotz :

La doncq' a fin que tu furuiues,  
Garde toy que tu ne te priues  
D'un espoir plain de si grand fruit :  
Ia la grandeur de ton merite  
Dignement en mes vers escripte  
N'a peur de l'eternelle nuit.

Ma Muse aussi ne se veut plaire  
Qu'aux plus vielz auteurs contrefaire,  
Tout ainsi que nostre Ronfard,  
Saichant bien que ce qui plait ores,  
Peut plaire vne autrefois encores,  
Ne manquant la Nature & l'art.  
Mais quoy ? le proces que ie sonne  
Par le long trait que ie luy donne,  
Semble en plus de longueur reduit :  
C'est tout, Compain, que ie t'honnore,  
Et t'honoreray plus encore  
Si Paschal a ce qu'il pourfuyt.

---

## SVR SON PARTEMENT

*De France pour aller en Italye,*

A PIERRE DE PASCAL

Historiographe du Roy.

## ODE.

**S**i quelcun, Paschal, te trouuant  
Dedans mon liure si fouuent,  
Enuieux, m'en vouloit reprendre,  
le luy veux maintenant apprendre,  
Que le scauoir & la vertu  
Dont vn docte homme est reuestu,  
Ne se peut assez faire entendre.

Car que peult on celebrer mieux,  
Que celuy deffus qui les cieux  
D'une liberale influence  
Versent leur plus grande excellence,  
Mesme quand il est assez fort  
Pour oster à la mesme Mort  
Ce qu'elle a sur luy de puyffance.

C'est l'argument que doit choisir  
Celuy qui brusle d'un desir  
De faire quelque œuvre durable,  
Car prenant subget peu louable,  
Tant soit on graue en son parler,  
C'est autant que bastir en l'air,  
Ou dessus l'incertaine fable.

Je ne sceuz iamais rien vanter,  
Ny ne veux iamais rien chanter,  
Qui ne m'aparoisse estre digne  
De la voix de quelque beau Cygne,  
C'est pourquoy ie sonne sans fin,  
Pour faire un ouurage divin,  
Ta gloire & ta vertu diuine.

Je m'en vois, Paschal, loing de toy  
Avec l'Ambassadeur du Roy  
Mon AVANSON, qu'il me fault suyure,  
En cette antique Cité libre,  
Que ceux que Cybelle enfanta,  
Que ceux qu'une louue allaicta  
Bastirent iadis sur le Tybre.

Là ie verray les raritez,  
Et les belles antiquitez  
De quoy cette ville s'honore :  
Et là ie pourray veoir encore  
Nostre cher Pangeas si diuin,

Et nostre Bellay Angeuin  
Qui plus que cela la decore.

Tandis sur le mestier Romain,  
Tu tixtras de ta docte main  
Le fil de ta Françoisse histoire,  
Empennant si bien la victoire,  
Et l'honneur de nostre grand Roy,  
Qu'à iamais fa gloire par toy  
Volera viue en la memoire.

Certes noz nepueuz qui viendront  
Grandement heureuse tiendront  
Nostre belle & fertile France,  
Dequoy dechassant l'Ignorance.  
Elle allaitte ore en son giron  
Vn Paschal, qui de Ciceron  
Egalle la douce eloquence.

Aussi ce grand Roy le scait bien,  
Qui soigneux d'acquérir le bien  
A qui nul bien se parangonne,  
Maintenant la charge te donne  
D'escire tout ce que soubz luy  
Nous auons veu iusqu'au iourd'huy,  
Depuis qu'il vint à la coronne.

Par cela, Paschal, faisant veoir  
Que tout autant est ton sçauoir



Digne de sa vertu diuine,  
Que sa vertu de ta doctrine,  
Et que nul que toy ne peut mieux  
L'affeoir au ciel entre les Dieux,  
De son nom faisant vn beau signe.

Heureux doncq si bel argument  
Qui doit viure immortellement,  
Heureuse ta veine choisie  
Qui distille telle ambroisie,  
Et mon luth bien heureux aussi,  
Qui se plaist de chanter ainfi  
Tes vertuz dans ma Poësie.

---

A HONNORE CASTELLAN

*Excellent Medecin.*

ODE.

DANS quel antre iray-ie penser  
L'ode que ie veux commencer,  
Castellan, pour chanter ta gloire,  
Afin de rendre dignement  
A l'egal de mon argument  
L'eternité de ta memoire.

Je n'ay point ce semble befoing  
De m'en aller chercher bien loing  
Les ornemens de tes louenges :  
Car ie voy tout aupres de moy,  
Plus de trefors reluyre en toy,  
Qu'on n'en trouue aux terres estranges.

Les Muses mon plus doux foucy  
T'honnorent, & t'honore auffi  
Apollon leur frere comme elles,  
Des Sœurs tu possedes les biens,  
Du frere, Castellan, tu tiens  
Mille richesses eternelles.

Mesme l'art de guerir les maux,  
Les maux, & les dolentz trauaux,  
Qu'on souffre en mille maladies,  
Ce que i'estime & qui vaut mieux,  
Que tous les trefors precieux  
De cent heureuses Arabies.

C'est cet art diuin qui n'est pas  
Seulement duyfant yci bas,  
A nostre debile Nature,  
Mais qui s'exerceant dans les cieux,  
Est neceffaire aux mesmes Dieux,  
Alors qu'ilz ont quelque blessure.

Ce guerrier, cet horrible Mars,

Sentit bien comme entre les artz  
Cettuy-cy les autres excède;  
Alors qu'au combat Phrygien,  
Soustenant le party Troyen,  
Il fut bleffé par Diomede.

Venus encore l'esprouua,  
Quand trop soigneuse elle fauva  
Le vaillant filz d'elle & d'Anchise,  
Et maint autre a senti la haut,  
Malade ou bleffé, ce que vaut  
La medecine tant exquise.

Combien doncq' prisay-ie ton heur,  
Castellan, d'emporter l'honneur  
En cette diuine science,  
Sur les plus parfaitz qu'on peut veoir,  
Ou soit en grandeur de sçauoir,  
Ou soit en feure experience.

Comme vne perle de bonne eau  
Enclose dedans vn anneau,  
Enrichist l'estofe du feure,  
Ainsi ta vertu de grand pris,  
Enclose dedans mes escriptz,  
Enrichist les vers de mon œuvre.

On ne veoid point de grand torrent  
Si tost entre deux montz courant,

Que court l'eloquence en ta bouche,  
Distillant vn parler plus doux  
Que n'est le sucre, ou le miel roux,  
Que fait la mefnagere mouche.

Il n'y a fleur, arbre, ny fruit  
De ceux que la terre produit,  
Racine, ny jus, ny escorce,  
Herbe, breuuage, ny metal,  
Liqueur, ny pierre, n'animal,  
Dont tu ne cognoiffes la force.

Ton Bertrand auffi le scait bien,  
Qui premier t'a retenu sien,  
Admirant ta saincte doctrine,  
Mesmes Henry, nostre grand Roy,  
Qui se daigne seruir de toy,  
En ce bel art de medecine.

C'est pourquoy ie tiens à bon heur  
De chanter ainsi ton honneur,  
Et faire immortelle ta vie :  
Veu que de la Mort t'exemptant,  
Tu m'en peux faire tout autant,  
Si i'ay quelque grand maladie.

A bon droit Homere a chanté,  
Qu'un seul Myre experimenté  
Vaut mille autre'hommes à la guerre,

Et que fans luy les plus vaillantz  
A peyne peuuent bataillans  
La paix ou la victoire acquerre.

Car s'un chef par quelque malheur  
Sent dedans foy quelque douleur,  
Quand il luy faut prendre les armes,  
Cetuy-cy seul le peut guerir,  
Le rendant dispos à ferir  
Plus que iamais aux grans alarmes.

Le mari d'Helaine le sceut,  
Par vn coup de trait qu'il receut  
Durant le long siege de Troye,  
Que celuy qui premier fauffa  
Le ferment iuré, lui lança  
Conuoitteux d'une trop grand proye.

Car si Machäon tout soubdain  
Neust tiré ce traict inhumain,  
Il eust peu dommager sa vie,  
Et rendre inutile l'espoir  
Qu'il auoit encor' de rauoir  
Sa belle compaignie ravie.

Les medecins ne font poinct telz  
Que les autres hommes mortelz,  
Et faut par raison qu'on les nomme  
Demydieux, car dedans vn corps

Ilz metent en paix les discordz,  
Qui troublent la fante de l'homme.

Apollon le Dieu Cynthien,  
Inuenta premier le moyen  
De guerir noz maux par breuuaige,  
Par vnguent & par section,  
Et par mainte autre inuention  
Profitable au commun dommaige.

Esculape vint apres luy,  
Et toy, Castellan, aujourd'hui  
Que comme vn nouveau Dieu i'honnore,  
Ayant ce mesme esprit en toy  
Qu'Esculape auoit dedans foy,  
Si l'on doit croire à Pythagore.

Les Romains de peste affligez,  
En furent iadis allegez  
Par ce medecin Esculape,  
Et par toy se guerissent or  
Mille et mille François encor  
Des maux dont à peyne on eschape.

Je le scay pour auoir esté  
N'aguiere en mon liét arresté  
D'une feure inconstamment feure :  
Car aussi tost que ientendoy'

Que tu t'en venois deuers moy,  
Mon accès s'alentoit dez l'heure.

Et bien tost i'espere de veoir,  
Par la grandeur de ton sçauoir,  
Sain & dispos nostre grand Carle,  
Carle, ce prelat si sçauant,  
Qui daigne escouter si souuent  
Les vers que ma Muse luy parle.

Les Romains pour reuerer mieux  
Esculape au nombre des Dieux,  
Dresserent vn Temple en vne isle  
Que l'eau du Tybre encore ceint,  
En l'honneur de ce Dieu si saint,  
Tant son sçauoir leur fust vtile.

Où bien tost aller ie m'en doy,  
Suyuant l'Ambassadeur du Roy  
Mon AVANSON, deffouz son ælle,  
Et là, sur l'autel le plus beau  
l'appendray cet hymne nouveau,  
Tefmoing de ta gloire eternelle.

---

## A ANTHOINE FVMEE

*Grand Rapporteur de France.*

## O D E.

M<sup>VSES</sup> filles de Iupiter,  
Il nous fault ores aquiter  
Vers ce docte & gentil Fumée,  
Qui contre le Temps inhumain  
Tient voz meilleurs traitz en sa main,  
Pour parenner sa renommée.

Le luy dois, il me doit aussi,  
Et si i'ay ores du soucy  
Pour faire vn payement plus digne :  
Le le voys ores deuant moy  
En vn aussi plaissant esmoy  
Pour faire son Ode latine.

Mais par où commencerons-nous,  
Dictez le, Muses, car sans vous  
Je ne fuis l'ignorante tourbe :  
Et sans vous ie ne puy chanter  
Chose qui puyffe contenter  
Le pere de la lyre courbe.



Quand celuy qui iadis naskuit  
Dans la tour d'erain, que conquist  
Iupiter d'une riche ruze,  
Eust trenché le chef qui muoit  
En rocher celuy qu'il voyoit,  
Le chef hideux de la Meduse.

Adoncques par l'air s'en allant,  
Monté sur vn cheual volant,  
Il portoit ceste horrible teste,  
Et ia desia voyfin des cieux,  
Il faisoit veoir en mille lieux  
La grandeur de ceste conquete.

Tandis du chef ainsi tranché  
Estant frechement arraché,  
Distilloit du sang goutte à goutte,  
Qui foubdain qu'en terre il estoit  
Des fleurs vermeilles enfantoit,  
Qui changeoient la campagne toute,

Non en serpent, non en ruyffeau,  
Non en loup & non en oyseau,  
En pucelle, Satyre, ou Cygne,  
Mais bien en pierre, faisant veoir  
Par vn admirable pouoir,  
La vertu de leur origine.

Et c'est aussi pourquoy ie croys

Que fendant l'air en mille endroitz,  
Sur mille estrangeres campagnes,  
A la fin en France il volla,  
Où du chef hideux s'escoulla  
Quelque sang entre ces montaignes.

Mesmement aupres de ce pont,  
Opposé vis à vis du mont  
Du mont orgueilleux de Foruiere,  
En cest endroit où ie te voys  
Esgayer si souventes foyz  
Entre l'vne & l'autre riuiera.

Car deslors que fatallement  
l'en aprochay premierement,  
Le viz dez la premiere aproche  
Le ne scay quelle belle fleur,  
Qui soubdain m'esclauant le cœur,  
Le fait changer en vne roche.

Le veiz encor' tout à l'entour  
Mille petitz freres d'amour,  
Qui menoyent mille douces guerres,  
A mille craintifz amoureux,  
Qui tous comme moy langoureux  
Auoyent leurs cœurs changez en pierres

Depuis estant ainfi rocher,  
le veys prez de moy aprocher

Vne Meduse plus accorte,  
Que celle dont s'arme Pallas,  
Qui changea iadis cest Athlas  
Qui le ciel sur l'eschine porte.

Car elle ayant moins de beautez,  
De ses cheueux enserpentez  
Faisoit ces changemens estranges,  
Mais cette cy d'un seul regard  
De son œil doucement hagard  
Faißt mille plus heureux eschanges.

Celuy qui veoid son front si beau,  
Voit un ciel ainçois un tableau  
De cristall, de glace, ou de verre :  
Et qui veoid son sourcil benin,  
Veoid le petit arc hebenin  
Dont Amour ses traitz nous defferre.

Celuy qui veoid son teint vermeil  
Veoid les roses qu'à son reueil  
Phebus épanit & colore :  
Et qui veoid ses cheueux encor,  
Veoid dans Pactole le tresor  
Dequoy ses sablons il redore.

Celuy qui veoid ses yeux si beaux,  
Veoid au ciel deux heureux flambeaux  
Qui rendent la nuit plus sereine :

Et celuy qui peut quelquefois  
Escouter sa diuine voix,  
Entend celle d'une Syrene.

Celuy qui fleure en la baissant  
Son vent si doux & si plaissant,  
De fleurir du musc il luy semble:  
Et qui veoid ses dentz en riant,  
Veoid des perles de l'orient,  
Ou chose qui perles ressemble.

Celuy qui contemple son sein  
Large, poly, profond & plain,  
De l'amour contemple la gloire:  
Et qui veoid ses petitz tetons  
Veoid de lait deux petitz gazons  
Ou bien deux boulettes d'ivoire.

Celuy qui veoid sa belle main,  
Se peut affeurer tout soudain  
D'avoir veu celle de l'Aurore:  
Et qui veoid ses piedz si petitz,  
S'affeure que ceux de Tethys  
Heureux, il a peu veoir encore.

Quant à ce que l'acoustrement  
Cache ce semble expressement  
Pour mirer seul ce beau chef d'œuvre,  
Nul que l'amy ne le veoid point,

Mais le griffelet en bon point  
Du vifaige le nous descœure.

Et voilà comment ie fuz pris  
Aux reths de l'enfant Cypris,  
Esprouuant sa douce pointure,  
Et comme vne Meduse fit  
Par vn dommageable profit,  
Changer mon cueur en pierre dure.

Mais c'est au vray la rarité  
De sa grace & de sa beauté,  
Qui rait ainsi les personnes,  
Et qui leur oste cautelement  
La franchise & le sentiment,  
Ainsi que faisoient les Gorgonnes.

---

## ÉPITHALAME DE IEHAN FLEHARD

ET LOYSE D'AVANSON.

Voicy le iour auquel on doit  
Celebrer l'heureux mariage,  
De la Pucelle en qui lon void  
De la vertu la viue image :

Qu'un chacun doncq s'aille aprester,  
Soit ou ne soit de sa lignée,  
Pour venir ensemble chanter  
Tout le long de ceste iournée,  
O HYMEN, HYMEN, HYMENEË.

Qu'aujourduy chacun en repos,  
D'une d'oyfueté bien honneste,  
N'entame iamais de propos  
Sinon pour honnorer la feste :  
Mais que d'un luth ioint à la voix,  
Et d'une guiterne entonnée,  
Et d'un cornet & d'un haulbois  
On chante dez la matinée,  
O HYMEN, HYMEN, HYMENEË.

L'oy desia ce semble partir  
Ceste Nymfe tant bien aprise,  
Le la voy ia desia fortir  
Pour aller premiere à l'eglise,  
Le la voy marcher chastement  
De ses parens accompagnée,  
Le la voy de maint diamant,  
Et de maint rubiz atournée,  
O HYMEN, HYMEN, HYMENEË.

Le voy son pere d'un costé  
Qui demy dieu d'aïse l'ameine,  
Le voy la douce grauité

Qui luyt en sa face sereine :  
Celle qui préside en la nuit,  
En voute vers nous retournée,  
Plus belle qu'elle ne reluyt,  
De tant de pompe environnée,  
O HYMEN, HYMEN, HYMENEE.

Que faites vous nouuel Espoux,  
Vous tardez par trop apres elle,  
Sus fus diligent hastez vous,  
Dans son cuer elle vous apelle,  
C'est la compagne que les cieux  
Vous ont dez long temps destinée,  
C'est la richesse que les Dieux  
Vous ont dez longtemps assignée.  
O HYMEN, HYMEN, HYMENEE.

Le sang de cette vierge part  
D'un des plus clairs sangz de la terre,  
C'est d'AVANSON & de Bayard,  
Cet autre foudre de la guerre :  
L'un sous HENRY l'honneur des Roys,  
A mainte gloire fortunée,  
L'autre sous Loys & François  
A l'immortalité gagnée.  
O HYMEN, HYMEN, HYMENEE.

Iö dans le temple ie voy  
Cet heureux couple qui s'affemble,

Prometant d'une étroite foy  
De viure & de mourir ensemble :  
le voy maint excellent present  
Dont cette Nymfe est estrenée,  
le voy maint homme la baifant,  
le la voy fouuent inclinée.  
O HYMEN, HYMEN, HYMENEE.

le voy l'espouzé d'aujourduy  
Qui reuient plain d'une humble audace,  
le voy son espouze apres luy,  
Qui porte contente sa face :  
le voy le peuple qui la fuyt,  
Admirer sa grace bien née,  
Et murmurer d'un commun bruit  
Ce vers d'une longue halenée,  
O HYMEN, HYMEN, HYMENEE.

Tandis maint esclatant cléron  
D'une résonante allegresse,  
Fait retentir à l'environ  
Que la Nymfe vient de la messe :  
Et celle qui chaste conduit  
Loin loin de la troupe effrenée,  
Les pucelles, ores s'en fuyt  
D'elle doucement estonnée.  
O HYMEN, HYMEN, HYMENEE.

Sus belle venez vous affœir,



La table pour vous est couuerte,  
Ce iourdhuy vous aurez au soir  
Vn grand gain de bien peu de perte:  
Ce buffet pour vous est paré  
De mainte coupe burinée,  
Et de maint vase elabouré  
Dans ceste salle bien ornée.  
O HYMEN, HYMEN, HYMENEE.

Celluy qu'on a voulu lier  
Auecq vous d'une amour extreme,  
Sort de ce Flehard chancelier  
A Naples, de Charles huitiesme:  
L'un des biens de l'esprit vestu  
Orna sa race fortunée,  
Et l'autre riche de vertu  
Honnore toute sa lignée.  
O HYMEN, HYMEN, HYMENEE.

Les banquetz du prince Nynus,  
Ny de la royne AEgyptienne,  
Tant foyent magnifiques tenuz  
Dedans mainte histoire ancienne,  
Ne surpassent point cestuy-cy,  
Qui s'apreste en ceste disnée,  
Pour l'espoux nouveau que voicy,  
Et pour vous Vierge coronnée.  
O HYMEN, HYMEN, HYMENEE.

Là, Girard, faites apporter  
Aux paiges la douce viande,  
Le Prince des dieux Iupiter  
N'en mange point de plus friande :  
Je voy l'espouze dans le banc  
Assise en sa place ordonnée,  
Et maint seigneur de noble sang  
Dequoy la table est entournée.  
O HYMEN, HYMEN, HYMENEE.

Sus menestriers harmonieux,  
Saluez ceste heureuse table,  
Auecq les sons melodieux  
Le repas est plus delectable :  
Mais hola sonneurs, cest assez,  
Vostre chançon est ia finée,  
Puis les deus font commencez,  
Cessez iusqu'à l'apresdînée.  
O HYMEN, HYMEN, HYMENEE.

Je voy Plutus, ie voy Ceres,  
Pomone & la vermeille Flore,  
Je voy les Nymphes des forestz,  
Et celles des fleuves encore,  
Je voy gaillard se presenter  
Le bel enfant de Thyonée,  
Et tous pêle-mêle chanter  
D'une voix affectionnée.  
O HYMEN, HYMEN, HYMENEE.

Vous prudent pere de l'espoux,  
Et vous de l'espouze le pere,  
Vous l'oncle de l'espouze, & vous  
De ceste pucelle la mere,  
Voyez contens deuant voz yeux  
La race qui vous est donnée,  
Pour en auoir sur voz ans vieux  
Vn accroissement de lignée.  
O HYMEN, HYMEN, HYMENEE.

Mais quoy ? ie voy ia qu'on dessert,  
Ie voy ia l'espouze qui laue,  
Ie voy desia le tapis verd  
Qui rend ceste troupe plus graue :  
Sus baladins, la cappe à bas,  
La Nympe au bal soit admenée,  
Et en branles & en cinq pas,  
Despendez toute la iournée.  
O HYMEN, HYMEN, HYMENEE.

Venez Guillaume d'AVANSON,  
Laurens, & François, & Lucrece,  
Venez ayder à ma chanson,  
Pour tesmoigner vostre allegresse :  
C'est aujourd'hui que vostre feur  
Est librement emprisonnée,  
Resiouyffez doncques son cueur  
De cette parole empannée.  
O HYMEN, HYMEN, HYMENEE.

Ce iour qui si serain reluyt  
Deuers l'occident se retire,  
Et ia voicy venir la nuit  
Que l'espoux ardemment desire :  
le voy d'un & d'autre cousté  
Vne grand tourbe embefoignée  
Après le soupper appresté  
Pour tous ceux de la matinée.  
O HYMEN, HYMEN, HYMENEE.

Vous Aumosnier, ayez en soin  
De diligenter vostre office,  
Affin que l'espoux au besoin  
Par vous trop long temps ne languisse :  
Les Graces & l'enfant Amour  
Qui suyuent la mere d'Enée,  
Attendent l'espouse à lentour  
De sa grand couche encourtinée.  
O HYMEN, HYMEN, HYMENEE.

S'elle retourne tant soit peu  
Son chef ou ses mains en arriere,  
On veoid briller vn plus beau feu  
Que de ces torches la lumiere,  
Portant estofé son chapeau  
De mainte esmeraude affinée,  
Et mainte perle en maint anneau  
Dedans les indes butinée.  
O HYMEN, HYMEN, HYMENEE.

Mais quoy ? voyci finir le bal,  
Et voicy la mere à la fille,  
Qui la meine au liſt nuptial,  
Où ie voy qu'on la defabille :  
Ie voy l'eſpoux non pareſſeux,  
Qui prend ſa proye abandonnée,  
Et l'eſpouſe entre les linceulx  
De l'eſpoux doucement gennée.  
O HYMEN, HYMEN, HYMENEE.

Sus doncques parentz depeschez,  
Vn chacun de vous ſe retire,  
De peur que preſens n'empeschez  
Le plaifir d'un ſi doux martire :  
Mais auant donnez le bon ſoir  
A cette couple embeſoignée,  
Et demain nous la viendrons veoir  
Auecques l'aulbe ſaffranée,  
O HYMEN, HYMEN, HYMENEE.

Dieu croiſſe en vous de iour en iour,  
Couple heureux que le ciel aſſemble,  
La foy coniugale & l'amour  
Que vous auez promiſe enſemble,  
Et ſur l'autonne de voz ans,  
Vous donne vne telle iournée,  
Aux nopces d'un de voz enfans,  
Qui naiſſe en cette meſme année.  
O HYMEN, HYMEN, HYMENEE.

## ODE DV TEMPS ET DE L'OCCASION

*Presentée en une mommerie*

A MONSIEVR D'AVANSON.

**L**e Temps cette grand faulx tenant,  
Se velt de couleur azurée,  
Pour nous monstrier qu'en moissonnant  
Les choses de plus de durée,  
Il se gouverne par les cieux,  
Et porte ainsi la barbe grise,  
Pour faire ueoir qu'hommes & dieux  
Ont de luy leur naiffance prise.

Il assemble meinte couleur  
Sur son azur, pource qu'il traîne  
Le plaisir apres la douleur,  
Et le repos apres la peine :  
Monstrant qu'il nous fault endurer  
Le mal, pensant qu'il doit fin prendre,  
Comme l'amant doit esperer,  
Et mercy de sa dame attendre.

Il porte sur son vestement  
Vn millier d'æfles empannées,  
Pour monstrier comme viftement

Il s'en vole avecq noz années :  
Et s'accompagne en tous ses faitz  
De cette gaye damoiselle,  
Pour monstrier que tous ses effetz  
N'ont grace, ny vertu fans'elle.

Elle s'appelle Occasion,  
Qui chauue par derriere porte  
Soubz vne belle alluzion,  
Ses blondz cheueux en ceste forte :  
Afin d'enseigner à tous ceux  
Qui la rencontrent d'aventure,  
De ne se monstrier pareffeux  
De la prendre à la cheueleure.

Car s'elle fuyt d'un pied dispoiz,  
En vain apres on se trauaille  
De la retrouver à propos,  
Pour gouster des fruitz qu'elle baille :  
Le Temps nous a conduictz icy,  
Et l'Occasion si gentille  
Adoucissant nostre foucy,  
Ne rend nostre espoir inutile.

Le Temps encore quelquefois  
Admirant ta grace eternelle,  
Chantera d'une belle voix  
AVANSON, ta gloire immortelle :  
Mais or' l'Occasion n'entend

Que plus long temps il t'entretienne,  
Craignant perdre l'heur qu'il attend,  
Ou qu'autre malque ne suruienne.

---

SVR LA MORT DE I. P. T.

O D E.

CELLVY que la fortune auoit si haut monté,  
Par le subtil engin d'une feinte bonté,  
Cuydant leuer au ciel sa montaigne à trois croupes,  
Deuale avecques elle aux infernales troupes,  
Et laisse à son trespas d'un chacun en tous lieux  
Sans complaints la bouche, & sans larmes les yeux,  
Tant a este sa vie à chacun detestable,  
Et tant est cette mort à chacun profitable.

Le siecle de Saturne est vraiment de retour,  
Et vraiment la vertu vient reueoir nostre iour  
Depuis qu'il est estainct : car cinq ans de sa vie  
(O vray siecle de fer) nous n'auons veu qu'enuye,  
Qu'erreur, & que tout bien à tout malheur soumis,  
Toute vertu bannye & tout vice permis,  
Mais ores eclairez de nouvelle lumiere,  
Toute vertu reprend sa liberte premiere.



On peult parangonner droictement à cettuy  
Vn des vieulx Empereurs appellé comme luy,  
Grädz Pontifes tous deux, & tous deux trop extremes  
A courber Ganymede, & se courber eulx mesmes,  
Tous deux ont faict la guerre aux François genereux,  
Tous deux ont deuoré des trefors plantureux,  
Mais l'un, sobre, a deffaict la Republique sienne  
Et lautre yure & gourmand a deffaict la crestienne.

Ceulx qui d'un saint desir ont eu poinctz leurs  
espritz  
De l'immortalité, ont des faictz entrepris,  
Acquerant en viuant vn bruit tant honorable,  
Qu'ilz ont faict en mourant leur renom perdurable :  
Mais cettuy-cy a faict pour mieux s'eterniser  
Tout tant d'actes meschans qu'on sçauroit aduiser  
Meritant que son nom & sa memoire on taïse,  
Comme on taïst le nom du boutefeux d'Ephese.

Ce qu'ont dict les auteurs ou modernes ou vieux  
De la diversité des faictz luxurieux,  
Que souloit inuenter iadis Sardanapale,  
Ou ce qu'ilz ont encor dict d'Eliogabale,  
Qui les grand'z voluptez sur tous a sceu trier,  
A cettuy-cy tout seul se peut approprier :  
Mais l'un de ces deux là fit beaucoup mieux encore  
» Parce qu'un beau mourir toute la vie honore.

S'il a faict rien de bon pour la commodité

Du peuple vniuersel, q'a seulement esté  
Precipitant sa mort, parce qu'en chose aucune  
Il n'eust pu faire mieux l'utilité commune :  
Mais ainsi que le iour eclaire apres la nuit,  
Et que d'un ordre égal toute chose se fuyt,  
Pour veoir plus longuement cette vtilité viue,  
Puis que Iules est mort Cesar fault qui le suyue.

---

## DE LA VENVE DV PRINTENS

A OLIVIER LE CREC.

### ODE

**T**ANDIS qu'ardemment allumé  
D'un brazier non acoustumé  
L'ourdiz vne nouvelle trame,  
Pour voiler la langue & les yeux  
Du mesdisant iniurieux,  
Qui menteur outrage Madame,

le veux que ma lyre,  
Dedaignante l'ire  
Qui remplit ses fons,  
Pour vn temps ne chante

D'une voix tranchante  
Ces tristes chansons.

Je veux que sa concavité  
Retentisse à la gravité  
D'une Ode autrement fredonnée,  
Et que mes foudres endentent  
En foyent doucement enchantez  
Sous le fraiz d'une matinée.

Or' donc que l'Aurore  
Tapisse & colore  
Les champs estendus,  
Et que Philomene  
Dolente, ramene  
Ses cris espendus :

Ore dis ie que les ruyssaux  
Font couler plus cleres leurs eaux,  
Et que les Nymphes montaignardes,  
Foulantes les fleurs tendrement,  
Dansent en rond gaillardement  
Au bruit des sources babillardes :

Ores que les rozes  
A demy decloses  
Nous montrent leur teint,  
Or' que le riuage,  
Or que le boscaige  
De rechef est peint.

Bref ores que le ciel nous rid,  
Et que toute chose flourit  
Aux rayons de la saison neufue,  
Dreſſons vn complot qui le foing  
Renuerſe & renuoye ſi loing  
Que iamais plus il ne nous treuve.

Ces amours ardentes,  
Ces peynes mordantes,  
Et ces durs ennuyſ,  
Plongeons dans le verre,  
Puis courons grand erre  
Veoir les premiers fruitz.

Là doncq, Le Crec, ſouz l'ombre vien,  
Et de ton luc & moy du mien  
Animons vne chanſon douce,  
Si bien que les champs & les boys  
Soyent rauiz des ſons de ma voix,  
Et des doux fredons de ton pouce.

Bien que ta main ſaincte  
N'ayt la gloire attaincte  
De celle d'Albert,  
A qui le ciel donne  
La riche coronne  
Deüe au plus expert :

Et bien que le ciel ne m'ayt fait

Le present d'un luth si parfaict  
Que celuy que Carles entonne,  
Et qu'il n'ayt adextré mes doigtz  
Comme au Pindare vandoismois,  
Qui rien que celeste ne sonne.

Toutesfois les Graces,  
Qui guident nos traces  
Pour aller au mieux,  
Toutesfois les belles  
Nous donrront des æsles  
Pour monter aux cieux.

Sur tout n'oublions poinct le vin,  
Le grand Grec, l'aueugle diuin  
Nous ramentoit tousiours le boire,  
Comme vn vray baston pour domter  
Le foin qui nous vient tourmenter  
Iusqu'au plus creux de la memoire.

Les vins & les dames  
Alument noz flames  
D'un mesme appareil,  
Et font que l'œil trouble  
Veoid d'un regard double  
Doubler le Soleil.

I'ay les Odes du Calabrois,  
I'ay les amours du Sulmonois

Et les doux baifers de Catulle,  
l'ay encor de Galle les vers,  
Et les traictz diuins & diuers  
De Ian fecond & de Marulle.

Sus doncques allons,  
Et entremellons  
Le profit à l'ayse,  
Par ces paffetems  
Se trompe le Temps,  
Et l'ennuy s'apaise.

---

EPISTRE A MONSIEVR D'AVANSON.

**B**IEN que les lieux, & les champs, & les boys,  
Par où, Seigneur, à present ie men voys,  
Pour exploicter les charges que i'en porte,  
Soyent eschaufez d'une chaleur plus forte  
Que ceux aufquelz mon œil vous delaiffa,  
Quand ie partiz pour venir pardeça,  
Ce nonobstant en tel point ie me treuve,  
Que la faison moins ardante i'espreuue  
Que vers Paris, & non comme ie croy  
D'aucun defect qui puisse estre dans moy,  
(Bien que mal fain) mais seulement pour estre

Absent de vous, mon seigneur & mon maistre,  
Absent de vous mon seigneur, mon soleil,  
Qui me donnez eschaufement pareil,  
Que l'astre clair qui les faisons compasse  
Donne aux fruitz verdz que l'esté nous amasse.

Aupres de vous toute chose me rid,  
D'un doux repos mon esprit se nourrit,  
Mes ans ie seme en seruice fertile,  
Et vous voyant rien ne m'est difficile.  
Mais loing de vous ie n'ay plus de vigueur  
Comme i'auoys en l'esprit & au cueur,  
Ne pouuant rien, mesmes dedans mon ame  
Ie sens faillir l'aliment de sa flame.

Ainsi l'ardeur que le dieu Delyen  
Souffle, deuin, au temple delphien,  
En cestuy-là qui ses oracles chante,  
Va defaillant dez que le dieu s'absente.

Las en passant ces desertes forestz,  
Et tous ces champs incogneuz de Ceres.  
Ie ne voy plus, comme ie foulois faire,  
Rien qui me plaise, ou qui me doyue plaire :  
Sans plus ie refue & figure en refusant  
Ce que i'ay veu de beau parcydeuant.

Ie me fouuiens des belles antiquailles,  
Des beaux tableaux, & des belles medailles,

Que ie voyois deffouz vostre grandeur,  
Quand vous estiez à Rome ambassadeur.

le me figure vne autre Dianore,  
Vne autre Laure, ou vne autre Pandore,  
Et m'est aduis qu'en long habit romain,  
Vn euantail ou pannache en la main,  
le voys encor' vne braue Arthemise :  
Ou que ie voy Fiammete qui deguise  
Deffouz l'habit d'un petit iouuenceau,  
Son flanc d'albastre & son teton puceau.

le me figure vne dame romaine,  
Qui parmy Rome en coche se pourmeine,  
Et m'est aduis que ie voy cependant,  
Quelque Seigneur en fenestre attendant  
Que ceste dame avecques son escorte  
En sa faveur passe deuant sa porte.  
Le coche passe, & le seigneur baissant  
Sa dextre main, & sa teste baissant,  
D'un chaut amour ayant l'ame sayisie,  
Luy faict honneur parmy sa ialousie,  
Et ne la perd, ou qu'elle ne soit loing  
Ou iusqu'àtant qu'elle ait passé le coing.

le voys encor, ou veoir encor me semble,  
Durant l'esté quelques seigneurs ensemble,  
En vne vigne, ou pour faire l'amour,  
Ou pour passer la grand chaleur du iour :



Ayant la table à leur soupper garnie  
D'une fort belle & douce compagnie.  
Chacun regarde & prend peine à choisir  
Quelque subiect qui soit à son plaisir,  
Puis quand l'Escalque à la nappe leuée,  
Chacun d'eux prend celle qu'il a trouuée  
Plus à son gré, & en ses bras la tient,  
Et de propos doucement l'entretient.

L'un prenant l'une en la chambre l'emmeine,  
L'autre ayant l'autre vn long temps la pourmeine  
Parmy la vigne, & puis craignant la nuit  
En sa maison en coche la conduict.  
Tandis voyant leur compagne rauie,  
Les autres ont vne petite enuye,  
Sur celle la qui leur a faict ce tour  
De les laisser au point de leur retour :  
Dont on la blasme, & vont soustenant qu'elle  
Ne scauroit estre ou si brave, ou si belle,  
Qu'il ne luy soit honneur de se daigner  
Telle qu'elle est de les acompaigner.

Ie me figure apres les mommeries,  
Les beaux festins, & les galanteries,  
Les ieux publicz & les courses du pal,  
Qu'on veoid par Rome au temps du carneual.  
Mesmes ie pense aux batailles qu'on donne  
Aux fiers thoreaux en la place d'Agonne,  
Mais la dessus vn effroy ie reçois

Dans mes espritz, Pource que i'apperçoy  
Ce m'est aduis vn thoreau qui renuerfe  
Vn affaillant, & le chef luy transperce,  
Luy creuant l'œil, & de son rude effort  
Le delaissant à terre demy mort.

» Las on n'a point au monde de lieffe  
» Qu'on n'ayt bien tost quelque peu de tristesse,  
» Et n'y a point en ce monde d'ennuy,  
» Qui n'ait bien tost vn plaisir apres luy.  
Ie le scay bien : car si mon cheual choppe,  
Ou si trop sec en courant il galoppe,  
Ie perdz le bien duquel ie m'estois pleu,  
A figurer tout cela que i'ay veu.  
Et suys contrainct de delaissier arriere  
Ces doux pensers que ie faisois naguier,  
Pour maugré moy, Seigneur, me dispenser,  
De m'amuser quelque temps à penser,  
Aux montz pierreux, aux desertes bruyeres,  
Aux longs chemins, aux personnes grossieres,  
Aux boys hideux, aux obscures citez,  
Aux pas fangeux, aux lieux inhabitez,  
Aux chasteigniers & au pauvre mesnage,  
Que ie rencontre en faisant mon voyage,  
Las dis ie adoncq, combien de ces lieux cy,  
De ces forestz, de ces peuples aussi,  
Et de ces champs, voys ie de difference  
Aux chams, aux boys & aux peuples de France.  
Tous viuent bien souz vne mesme loy,

Souz vn Dieu mesme, & souz vn mesme Roy,  
Mais à compter ces ruraultez extrêmes,  
Certainement on n'y veoid rien de mesmes :  
On n'y veoid rien de semblable à cela,  
Que l'on peut veoir quand on est pardelà.

Là peut on veoir les campagnes fertiles,  
Beaux les pays, & plus belles les villes,  
Où la vertu, la bonté, le bon heur,  
La courtoisie & le bien et l'honneur,  
La gentilleffe, & la richesse abonde,  
Plus largement qu'en autre part du monde.  
Là tous les ans toute sorte de fruit,  
Fertilement la terre nous produict.  
Là les iardins, & là les belles préés  
De belles fleurs en tout temps dyaprées,  
Là le plaisir du doux chant des oyseaux,  
Et la frefcheur des argentins ruyffeaux.  
Là le trafficq & l'honneste commerce,  
Entre le peuple honnestement s'excerce,  
Là tous les iours les nouvelles beautez  
Là tous les iours les belles nouveutez,  
Et de chasque art & de chasque science,  
Là peut on veoir faire l'experience,  
Monstrant la voye où il se faut tenir,  
Pour aux honneurs dignement paruenir.

Là mieux qu'ailleurs a lon ce qu'on desire,  
Et soit qu'un homme aux dignitez aspire,

Ou soit aux biens, si quelque chose il peut,  
Facilement il a tout ce qu'il veut.

Là les rampartz des fortereffes fieres,  
Là les estangs, & les belles riuieres,  
Là les destours, & là les antres font  
Ou leur seiour les fainctes Muses font,  
Que diray plus ? comme vne grand montaigne,  
Se va monstrant sur la basse campagne,  
Et comme on veoid vn petit aulbespin  
Tapir ses bras soubz ceux d'un grand sapin  
Ainsi, Seigneur, la France bien heureuse,  
France en tous biens richement planteureuse,  
(l'entendz des lieux & des belles citez  
Ou pres du Roy, Seigneur, vous habitez  
Communement) Ainsi la France belle,  
Pour les douceurs qui reposent en elle,  
Surpasse en tout ce pays Limosin,  
Ce perigord, cest Agenois voisin,  
Et ces pays par lesquelz en grand peine  
L'humble deuoir de ma charge me meine.

le ne diz pas que le soleil des cieux  
Ainsi qu'ailleurs n'esclaire sur ces lieux,  
Et ne diz pas que ces citez fournies  
Ne soyent aussi de bonnes compagnies,  
Mais quant à moy n'ayant à m'en louer,  
le ne le puy bonnement aduouer :  
Ce que ie diz & de cueur & de bouche,  
Et m'en excuse à quiconques il touche :

Car en passant par ces montz & ces vaux,  
L'ay enduré tant d'ennuys & trauaux,  
Pour le defaut que i'auoys de montures,  
Les mauuais vins, les montaignes si dures,  
Et les chemins plains d'une aspre longueur,  
Ainçois rempliz d'une grieve longueur,  
Que ie ne puyss sans que ie me demente,  
En dire rien dequoy ie me contente,  
Si ce n'estoit à ce que i'en ay veu,  
Que des grifons ilz tiennent quelque peu.

Voyla comment quelque part que ie vienne,  
Faire ne puyss que ie ne me souuienne  
De ceste France, & en ce souuenir  
De souhaiter ie ne me puyss tenir :  
Pleust il à dieu ce diz ie que ie veisse  
Mon cher Seigneur pour luy faire seruice,  
Soit deffouz luy quelque chose escriuant,  
Soit apres luy au conseil le suyuant,  
Ou pres des Roys & pres des plus grans Princes,  
Et pres des cheffz des plus grandes prouinces,  
Pour son esprit & son parler doré  
De tout chacun ie le voys honoré.  
Ie le verrois ou soit quand il retourne  
En sa maison, ou quand il y seiourne,  
Ou quand il va chez le Roy se trouuer  
Tous les matins pour estre à son leuer,  
Bref à quelque heure, & quelque part qu'il aille,  
Et ou qu'il soit ou qu'il entre ou qu'il faille,

C'est en tel point que lon lui veoid toufiour',  
De pourfuyans vn millier à l'entour.  
L'vn tout botté qui frechement arriue,  
Luy met en main vne lettre missiue,  
L'autre vn placet pour estre rembourfé,  
Ou pour tacher d'estre recompensé,  
L'vn le pourfuyt de sa requeste prendre,  
L'autre son droict tasche à luy faire entendre,  
Il les oyt tous, & marchant au millieu  
Les surpassant ressemble à quelque Dieu,  
Soit Apollon en sa blonde apparence,  
Ou soit Mercure en sa douce éloquence.  
l'en croy Duthier, ce renommé Duthier,  
Le prime honneur de ceux de son mestier,  
Qui l'ayme & prise, & qui scauroit mieux dire  
Si i'en escriz ce qu'on en doit escrire.

Ainsi, Seigneur, voylà comme en allant  
Par ces pays, discourant & parlant  
De vous, de Rome, & des choses exquisas  
Que i'ay souz vous heureusement apprises,  
l'ay compassé ceste epistre en ce point,  
Vous l'enuoyant d'ardant desir espoit,  
Comme au Seigneur à qui ma Muse baffe  
Doit enuoyer tout ce qu'elle compasse,  
N'ayant point d'heur ny point d'auancement,  
Qui de vous seul ne vienne entierement :  
Prenez le en gré, & durant ceste absence  
Ayez de moy s'il vous plaist souuenance.

## A LVY MESME.

## ODE.

Ainsi que la bische chassée,  
Cerche les eaux toute lassée  
Pour se rafraichir & sauuer :  
Ainsi mon ame qui s'altere  
Pour sortir hors de sa misere  
Cerche, Seigneur, de te trouuer.

Sans fin, Seigneur, à toy ie crye,  
Sans fin, Seigneur, à Dieu ie prie  
Qu'il me vueille faire ce bien,  
Qu'encores vers toy ie retourne,  
Et que pres de toy ie seiourne,  
Comme l'humble seruiteur tien.

Las en ceste absence lointaine  
Iour & nuict ie n'ay rien que peine,  
Que peine & langoureux esmoy :  
Pleurant & mourant à toute heure,  
De ce qu'il faut que ie demeure  
Si long temps esloigné de toy.

Baissant le chef ie refuse & songe,

Et de dueil l'esprit ie me ronge,  
Alors qu'on se vient enquerir,  
Et me demander où peut estre  
Maintenant mon Seigneur & maistre,  
Qui si fort me fouloit cherir.

Je fens toutes mes forces fondre,  
De ce que ie ne scay respondre  
A ce qu'on me va demandant,  
Et de longs fouspirs & de plaintes,  
Et de tristes larmes non fainctes,  
Je me repaiz en attendant.

Il est vray que j'ay esperance,  
Que bien tost encores en France  
J'iray, seigneur, pour te reueoir :  
Et tandiz qu'en ce poinct j'espere,  
Mon ame ses ennuy tempere  
Par la douceur de cest espoir.

Sus doncques mon ame courage,  
Car nous aurons cét auantaige  
De reueoir encores celuy,  
Celuy Seigneur qui d'une œillade  
Tant fois ie angoiffeux & malade  
Me peut guerir de tout ennuy.

Nous irons encores redire  
Sur les nerfs sacrez de ma lyre



La grace, la gloire, & l'honneur  
Et le bon heur qui enuironne  
Le seigneur que le ciel me donne  
Pour m'estre seul maistre & seigneur.

O seigneur en qui i'ay fiance !  
Garde pour Dieu qu'en mon absence  
En oubly de toy ne foys mis,  
Et garde que sans cause aucune  
On ne renuerse ma fortune  
Au pourchas de mes ennemys :

Car i'en voy vn tas ce me semble,  
Qui mis nouuellement ensemble  
Affilent leur langue sur moy,  
Et tachent à tort de me nuyre,  
Voulans iniustement t'induyre  
De me bannir bien loin de toy.

Comme des fleurs l'aube est aymée,  
Et des Cerfz la verte ramée,  
Et du poysson encor les eaux,  
Et comme la campagne seiche  
Ayme & demande l'humeur fresche,  
Et l'air demandent les oyseaux.

Tout ainsi mon ame explorée,  
Mon ame ardemment alterée,  
Ayme & desire tout ainsi,

Le bien de ta douce presence,  
Laquelle seule ha la puiffance  
De m'affranchir de tout soucy.

Soit que par ces rudes campagnes,  
Ou que par ces aspres montaignes,  
l'aille quelquefois cheminant,  
Faire ne puyt ou que ie vienne,  
Que des lieux ie ne me fouiienne  
Où tu seiournes maintenant.

Et iamais la court des grans Princes,  
Et les estrangeres prouinces,  
Où ie t'ay ci deuant fuyui,  
Iamais tant soit peu ie n'oublie,  
Mesmes la France & l'Italie,  
Où ie t'ay longuement seruy.

Me courant, comme d'une targe,  
De ta faueur, ie fais ma charge  
Le plus droitement que ie puis,  
Et comme on dict, par mer, par terre,  
Par rochers, par paix & par guerre,  
La dure pauvreté ie fuis.

Et si ie puyt faire de forte,  
Que quelque gloire ie rapporte  
De ceste charge en faisant bien,  
Tout le bien à toy se va rendre,

A toy, qui me l'as faict apprendre,  
Car il est tien & non pas mien.

Gloire à Dieu, & gloire à toy doncques,  
» Car la vertu ne se perd oncques  
» Qui a quelque bon fondement,  
» Ains tousiours constante seiourne,  
» Ou bien aux lieux elle retourne  
» Dont elle vient premierement.

---

A VN DE SES MEILLEVRS SEIGNEVRS

*Iniuſtement calomnié.*

ODE.

TOUTES les iniuſtes trauerſes  
Seigneur, que ie voy vous donner,  
Quoy qu'elles ſoyent ainſi diuerſes  
Ne vous doyuent point eſtonner :

Car voſtre innocente iuſtice  
Eſt telle & ſi blanche, que Dieu  
Ne voudra point qu'on la noirciſſe,  
Ny qu'on la geſte hors de ſon lieu.

Ains comme l'or dans la fournaize  
S'affine d'un lustre nouveau,  
Et par le vent & par la braize  
Se fait & meilleur & plus beau :

Ainsi voz vertus eternelles,  
Aux ardeurs de voz enuieux,  
S'affineront tousiours plus belles  
Auprez des hommes & des Dieux.

Doncq' comme vn roc, qui pour l'audace  
Des ventz qui le vont tempestant,  
Ne bouge iamais de sa place,  
Ains tousiours demeure constant.

Resistez d'un ferme courage  
» A la fureur de tous ces ventz :  
» Car tousiours apres vn orage,  
Le soleil meine le beau temps.

Le soleil qui la France éclaire  
Sur vostre droict desia reluyt,  
Comme a fait celle lune claire  
Qu'on peut veoir de iour & de nuit.

Si que tel aujourd'huy s'esforce  
De vous troubler de son effort,  
Qui sentira la mesme entorce  
Dont il cuydoit vous faire tort :


« Car les dieux iamais ne preferent  
» A l'homme iuste le malin,  
» Et quand leur vengeance ilz different  
» Ilz la font plus griefue à la fin.

Les grans dieux vous font fauorables,  
Et s'on veut sur vous attenter,  
Et ilz vous font tant secourables,  
N'auõs de quoy vous contenter ?

» Mais iamais contens nous ne fommes,  
» Et nul ne se veoid aujourd'huy  
» En toute la race des hommes,  
» Qui ne soit point de quelque ennuye.

Laissez doncq ces ennuis extrêmes,  
Sans nullement vous irriter :  
Car on a veu que les Dieux mesmes  
Ont conspiré sur Iupiter.

*Fin du second Liure.*






13  
TROISIÈME LIVRE

DES ODES

D'OLIVIER DE MAGNY





LE TROISIÈME LIVRE  
DES ODES D'OLIVIER DE MAGNY

*Quercinois*

---

A MADAME DIANE DE POYTIERS

*Duchesse de Valentinois.*

ODE.



Si j'osois au retour de la nouvelle  
année  
Faire que de ma main vous fussiez  
estrenée,  
Je croy qu'il me faudroit discou-  
rir longuement  
Avant qu'avoir de quoy le faire dignement :  
Pource que ie ne voy chose aucune en ce monde,  
Qui plantureuse en vous & voz graces n'abonde.

Du tyge de noz Rois, Dame, vous descendez,  
Vous obtenez des Roys ce que vous demandez,

Vous estes riche ayant la ducale coronne  
Qui d'un reply d'honneur vostre chef enuironne,  
Et que le Roy vous donne, ainsi comme l'on veoid,  
Ains qui vous la remet, comme il vous la debuoit,  
Ne pouuant voz ayeux en transporter l'vsage  
Sans interesser ceux de leur futur lignage.

Des faueurs qu'à bon droit du Roy vous receuez,  
Vser non abuser doucement vous scauez,  
Et bien que ses faueurs à vous seule il adresse,  
Si les départez vous d'une meure sageffe  
A mil & mil encor, selon que vous sentez  
Que merite l'endroit où vous les départez :  
Car le ciel qui vous fist si parfaite en prudence,  
Vous graua dans l'esprit si bien la cognoissance  
Des merites d'autrui, que par vostre moyen  
Nul n'est onq auancé sans le meriter bien.

Vous haïffez de mort ceux qui sont heretiques,  
Vous aymez tous ceux la qui sont bons catholicques,  
Vous estes charitable, & tousiours soulagez  
Tous les necessiteux & tous les affligez :  
Vous auez sur le front vne grauité douce,  
Qui l'homme audacieux feuerement repousse :  
Et qui l'humble & modeste appelle & fait venir,  
Pour luy prester faueur & pour luy subuenir.

Si vous aymez quelcun, c'est d'une telle forte  
Qu'impossible est aymer d'une amytié plus forte :

Et non tant seulement vous l'aymez si tresfort  
Durant qu'il est en vie, ains apres qu'il est mort  
Faisant cette amytié aux siens hereditaire,  
Vous faictes pour les siens ce que vous pouuez faire.

Vous avez l'esprit bon & susceptible & vif,  
Et descendu du ciel pour n'estre point oisif,  
Si qu'il n'a point de peine à vistement comprendre  
Tout ce que lon vous dit & qu'il vous plaist  
entendre.

Les pauvres orphelins vont à vous à recours.  
Les vesues ont en vous leur fidèle secours.  
Et ceux qu'une prison estroictement enferme,  
Soyent prisonniers pour debte, ou prisonniers de guerre,  
S'ilz vous disent leur droict & leur neccessité,  
Vous les faictes fortir hors de captiuité.

Vous n'oubliez iamais ceux qui vous font seruice.  
Vous ne cherchez iamais faueur en la iustice.  
Vous n'avez pas c'est heur seulement que de veoir  
Croistre tous voz enfans en honneur & pouuoir,  
Mais encor les enfans qui de voz enfans naissent,  
En honneur et pouuoir vous voyez côme ilz croissent.

Par tout où vous allez & de iour & de nuit,  
La piété, la foy, & la vertu vous suynt,  
La chasteté, l'honneur & l'alme temperance,  
Ayans avecques vous tousiours leur demeureance.  
Vous ne vous esmouuez pour la felicité,

Ny ne vous estonnez pour vne aduersité,  
Et soit qu'un de voz fils en gardant vne place  
Vaillemment resistant tombe en quelque disgrâce,  
Et soit qu'il meure apres sortant de sa prison,  
Vous domptez la fortune avecques la raison.

Vous lisez volontiers, & pour vostre lecture  
Vous ne prenez iamais vne vaine escripture,  
Ains tousiours vous prenez vn liure vertueux,  
Afin de tousiours faire vn lire fructueux.  
Vous n'aymez point vn homme en vostre compagnie,  
Qui parle mal d'autrui & qui le calomnie :  
Et si vous n'aymez pas encore avecques vous  
Un affecté flateur, du bien d'autrui ialoux,  
Qui de son doux babil veut vn chacun attraire,  
Ayant tousiours le cueur à la bouche contraire.

Que diray dauantage ? on ne peut desirer  
Rien pour se faire grand, ou se faire admirer,  
Qui ne soit tout en vous, en vous seule repose  
Le comble & le miroir de toute belle chose.  
Si doncq' vous tenez tout, & si tout vous auez,  
Et si tout le plus beau vous pouuez & scauez,  
Sans que de rien qui soit vous ayez iamais faulte,  
Dequoy puis i'estrener vne dame si haulte ?  
Il ne faut point porter à Neptune des eaux,  
Et ne fault à Corinthe admener des vaisseaux,  
Si vous veu-ie donner : parquoy doncq' ie vous  
donne.

Pour tout ce que ie puis, le cueur, & la perſonne,  
L'eſprit, la main, la plume, & tout ce qu'elle ſcait,  
Et tout ce qu'elle eſcript, & tout ce qu'elle faiſt,  
Ie vous le donne tout, & l'humble obeiffance  
Pour vous ſeruir touſiours de toute ſa puyſſance.  
Receuez doncq' ce don, & les Dieux imitez,  
Qui regardent pluſtoſt aux humbles volontez,  
Qu'à la grandeur des dons, exhauçant la priere  
D'un pauvre humilié, qui ne leur donne guiere,  
Auſſi toſt que d'un Roy ilz exhaultent les vœuz,  
Qui deſſus vn autel leur immole cent bœufz.

---

A ELLE MESMES

*Luy preſentant les louëges du iardin d'Ennet.*

ODE.

NE me ſentant, Madame, eſtre aſſez bien appris  
Pour chäter voz grādeurs et voz diuins eſpritz,  
Et auec voz vertus, voſtre royalle race,  
Ie laiſſe pour vn autre vn labeur ſi diuin,  
Et m'arreſte à chanter de voſtre beau iardin,  
Pour gagner quelque part en voſtre bonne grace :

Mais ayant peur encor n'estre assez bien appris,  
Pour sortir dignement de cest œuvre entrepris,  
le n'ay faict que ce peu qu'ores ie vous presente,  
Ayant bien resolu de l'acheuer du tout,  
Et d'en venir pour vous heureusement à bout,  
Si cognoistre ie puis que ce peu vous contente.

Aux ongles du lyon le lyon on cognoist,  
Auecq l'eschantillon toute la piece on veoid,  
Etpour bien peu d'ouurage vn ouurier se descœure,  
Voyez ce que i'apporte, & faictes iugement  
» Qu'elle fera la fin par le commencement,  
C'est le commencement qui faict moytié de l'œuvre.

Pour vous dorefnauant mes autelz fumeront,  
De vous seule sans plus mes Muses chanteront,  
En vous seule sans plus ie prendray ma matiere,  
Voyez donq ce fragment, & iugez quel il est,  
Et me faictes semblant tant soit peu qu'il vous plaist,  
l'auray bien tost mis fin à l'œuvre toute entière.

---

## LES LOVENGES

DV IARDIN D'ENNET.

ODE.

**M**VSE fille du Roy des Dieux,  
Qui de tes vers melodieux  
Fais viure des Princez la gloire,  
En vne eternelle memoire,  
Accorde mon luth à ta voix,  
Et faiz qu'ensemble à ceste fois  
Nous chantons si bien les louenges  
De ce beau iardin, que le son  
De nostre nouvelle chanfon  
S'entonne aux oreilles estranges.

C'est ce beau lardin florissant,  
Ce lardin tousiours verdissant,  
Que DIANE pour sa plaifance  
Faißt en son palais d'excellance,  
Non ceste Diane qui luist  
Quand le iour faißt place à la nuit,  
Quoy que trois testes on luy donne,  
Mais vne qui luyt icy mieux

Par sa vertu, que dans les cieux  
Cette la qu'enfanta Latone.

Cestecy d'un œil plus constant,  
En sa lumiere persistant,  
Sans tant de fois l'an se refaire,  
De iour & de nuit nous eclaire  
Et sans monstrier ores en rond,  
Ores en voute, son beau front,  
Iamais eclipse elle n'endure :  
Aussi le soleil si tresgrand  
De qui ses clartez elle prend,  
Est un miracle en la nature.

Quelque fois chantant le bon heur,  
La gloire, les faictz & l'honneur,  
Des Roys & des Ducz de sa race,  
Nous dirons sa diuine grace,  
Sa prudence avecq sa bonté,  
Son esprit avecq sa beauté,  
Qui l'heur de nostre siecle augmente :  
Mais or' nous dirons seulement  
Si bien du iardin l'ornement,  
Que la maistresse en soit contente.

Toufiours Phebus à son refueil,  
Alors que d'un pourpre vermeil  
Le sommet des montz il redore,



Redore ce iardin encore,  
Quoy que l'architecte scauant  
Ne l'ayt faict affeoir au leuant :  
Car tant les vertuz il admire  
De la dame de ce iardin,  
Qu'aussi tost qu'il fort au matin  
Il ne faut iamais d'y reluyre.

Cettuy là qui l'a divisé  
L'a de parterres composé,  
Où plusieurs armes il a mises,  
Et plusieurs chiffres & deuises,  
Le tout en herbe si bien feint  
Qu'on diroit presque qu'il est peinct,  
Voyre peinct d'une grace telle,  
Que Titian, ny Iacopin,  
Miquel l'Ange, ou celluy d'Vrbain  
Ne l'eussent sceu peindre plus belle.

Ici veoid on vn grand croissant,  
De peu à peu se remplissant,  
Et là est en mesme apparence  
L'escuffon des armes de France,  
Qui royalement couronné  
Est d'un bel ordre environné,  
Et là se veoid encor la lettre,  
La lettre premiere du nom  
Du grand HENRY dont le renom  
Iusqu'au bout du monde penetre.

Auprez de ce grand escuffon,  
On veoid en pareille façon  
Celluy de ceste Royne grande,  
Qui deffus la France commande,  
Où d'un costé font my partiz  
Les trois fleurons des royaux lis,  
De l'autre costé se tesmoigne,  
Comme de Florence elle vient,  
Comme Lauragois elle tient,  
Et qu'elle est du sang de Boulongne.

Comme les deux grandes clartez  
Des deux astres au ciel plantez,  
A tout ce que faict la Nature  
Donnent lumiere & nourriture :  
On ne veoid rien au ciel plus beau  
Que l'un & que l'autre flambeau,  
Aussi n'est il rien de semblable,  
Et Dieu qui fist leurs beaux rayons,  
Les feist afin que nous voyons  
Son pouuoir plus esmerueillable.

Ainsi les diuines splendeurs  
De ces deux Royales grandeurs,  
Donnent à nostre France entiere  
Sa nourriture & sa lumiere,  
Leurs vertus seruent d'ornement  
A tout le monde entierement,  
Aussi rien n'est qui leur ressemble,

Et Dieu gectant ça bas ses yeux  
Fit lors la terre égale aux cieux,  
Quand il les mist tous deux ensemble.

A costé gauche on veoid dressé  
Vn lozenge bien compassé,  
Où en l'une des moytiez fortent  
Les croix que ceux de Brezé portent,  
Et en l'autre on veoid des Bezans,  
Des fleurs de lis, & des croiffans,  
Et vn chef endenté encore,  
Qui font les armes de Poytiers,  
De Coultron, & des Saint valiers,  
Dont nostre Princeffe s'honore.

« Le naturel de l'homme tient  
« Toufiours du lieu duquel il vient :  
Ces Bezans font en forme ronde,  
Et rond est le ciel & le monde,  
Les fleurs de liz viennent des Dieux,  
Ces croiffans font grauez aux cieux,  
Et ces pointes qu'on veoid descendre  
Du long de ce chef nompareil,  
Semblent les raiz que le soleil  
En esté sur nous fait espandre.

Ses couleurs font de blanc & noir,  
Par ces couleurs nous faisant veoir  
La lune blanche en la nuit noire,

Et c'est pourquoy nous deuons croire,  
Aueques son nom qui est tel  
Qu'il est de soy mesme immortel,  
Qu'elle est dame toute diuine,  
Et qu'en ses armes & son nom,  
Et ses couleurs & son renom,  
Des Roys et des Dieux elle est digne.

Sur ce lozange ainsi trassé,  
Qu'un beau cordon entrelassé  
Fait à plusieurs nœudz enuironne,  
Est vne ducale coronne,  
Semée de petites fleurs,  
Toutes de diuerfes couleurs,  
Si qu'à les veoir de ceste forte,  
On diroit que ce sont rubiz,  
Grenatz, esmerauldes, saphiz  
Et perles que d'Inde on apporte.

Non loing de là sur vn tombeau,  
Fait d'un artifice nouueau,  
Vn feu deuers le ciel se gecte,  
D'où fort vne belle fagette,  
Ayant d'un & d'autre costé  
Vn rameau de palme planté,  
Couuert d'une coronne belle,  
Et ceinct d'un long rouleau qui dict,  
En ce qu'on y trouue d'escrit,  
ELLE VIT SEVLEMENT EN ELLE.

Tout d'un reng on trouue liez  
Des rethz & des filetz pliez,  
Et puy des trouffes renuerfées,  
Auec des fleches despecées,  
Et des arcz fans corde laissez,  
Tous pareillement despezcez,  
Qui vaut pour elle autant à dire,  
Ayant si bien attainct & pris  
Tout ce qu'elle auoit entrepris,  
QUE RIEN PLUS ELLE NE DESIRE.

---

## A MADAME LA VICOMTESSE DE GORDON

MARGVERITE DE CARDAILLAC.

ODE.

**V**ous avez l'esprit plain d'une ardeur éternelle  
Qui soustient dedās vous voz penfers haultemēt,  
Vous faictes voz discours tousiours profondement,  
Et vous fondez tousiours en raifon naturelle.

Vous estes de visage & de perfonne belle,  
Vous traictez voz enfans d'un double traictement,

Dont l'un se fait au corps, l'autre à l'entendement,  
Traictement plus louable en toute ame fidelle.

Entretienat quelcun tresbien vous deuisez,  
Espagnol & François & Tuscan vous lisez,  
Et si scauez tresbien les entendre & les lire.

C'est ce qu'en peu de tēps de vous hyer ie compris,  
l'espere encor en brief auoir de voz escriz,  
Pour comprendre le reste & le vous scauoir dire.

---

## LE POLYPHEME.

A MONSIEVR DV THYER

*Conseiller du Roy, Secretaire d'Estat & de ses finances.*

### ODE.

Ny baulme tant soit il parfait,  
Ny ius d'herbe, escorce, ou racine,  
Tant soit il diligemment fait  
Auec tout l'art de Medecine,  
Ne peuuent guerir le tourment  
Qu'amour imprime dans vne ame,  
Lors qu'il la blesse viuement  
Par la beauté de quelque dame.

Les Muses ont bien le pouuoir  
D'ayder aux amantz miserables,  
Mais chacun ne peult pas auoir  
Les Muses pour foy fauorables :  
Aussi telles font ces neuf Seurs,  
Que dans vne vile poitrine  
Elles n'espandent les douceurs  
Iamais de leur flamme diuine.

Polypheme alors qu'il ardoit  
D'vne amour non iamais domtée,  
Et qu'a rien il ne se gardoit  
Fors qu'aux beautés de Galathée,  
Polipheme en fes fons diuers,  
Ce grand Cyclope Polypheme,  
Sceust bien ce que valent les vers  
Au mal de celluy qui trop ayme.

Car il cherchoit d'auoir fouuent  
Quelque plaisir en sa tristesse,  
Mais tout s'en alloit comme au vent  
S'en va quelque fumée espeffe,  
Sans plus son chant amenuyfoit  
La douleur qu'il portoit en l'ame,  
Et plus douce encor luy faisoit  
Trouuer son amoureuse flame.

Quantesfois ses bestes au soir  
Sentant venir la nuict humide,

En leur estable a lon peu veoir  
Sen retourner sans nulle guyde,  
Tandiz que pallement tranfi  
Sans foin de ses troupes saoulées,  
Il trompoit sa douleur ainsi  
Sur le bord des ondes salées.

O Galathée, disoit il,  
Nymfe qui me meines la guerre,  
Du rayon qui sort si subtil  
De ton œil luyfant comme verre,  
Ton front est plus clair & plus beau  
Qu'en lanuier n'est belle la glace,  
Et les œilletz du renouveau  
Reffemblent le teint de ta face.

Pourquoy dedaignes tu si fort  
Mon amour, ma peine & ma vie,  
Pourquoy me donnes tu la mort  
Sans l'avoir si peu defferveue !  
Tu es plus cruelle cent fois  
Qu'une ourse ne le scauroit estre,  
Et si sembles quand ie te vois  
L'aigneau qui ne vient que de naistre.

Quand le sommeil loge dans moy,  
La nuyct brunissant toutes choses,  
A doncques, Nymfe, malgré toy  
Douce pres de moy tu reposes :



Mais alors que le iour nous luit,  
Te trouuant tu t'en fuis farouche,  
Plus vifte qu'un cheureau ne fuit  
D'un vieil loup affamé la bouche.

Par ainfi le bien qui me vient  
Est toufiours vne chose vaine,  
Et le mal qui toufiours me tient  
Demeure vne chose certaine:  
Comme vn chetif qui fommeillant,  
Se trouue en fortune prospere,  
Et puis se trouue en s'esueillant  
Plus que iamais en fa misere.

Le iour, Nymfe, que ie te veiz  
Auecq ta mere en ce riuage,  
Ce fut lors qu'au cueur tu me miz  
L'amour qui le tient en feruage.  
Mais ie doys bien blafmer le iour,  
Et doy bien la place mauldire,  
Où ie commençay cet amour,  
Qui me liure tant de martire,

Car depuis on m'a toufiours veu  
Plain de doubte & plain d'affurance,  
Tantost d'un defefpoir repeu,  
Et tantost repeu d'esperance,  
Ore despit, ore content,  
Ore en vne, ore en autre forte,

Mais tousiours fidele & constant  
En l'amitié que ie te porte.

Peut estre que tu fuyz ainfi  
Sans cefle despite & fauage,  
Pour ne veoir que souz vn sourcy  
Vn seul œil dedans mon visage.  
S'il est vray, regarde comment  
Le Soleil a Tethys sçait plaire,  
Et si n'a qu'un œil seulement  
Dequoy tout le monde il esclaire.

I'ai mille & mille autres taureaux  
Qui paissent emmy ces campagnes,  
Et mille & mille autres troupeaux  
Qui paissent emmy ces montaignes.  
De poulains encore à domter,  
De bledz, de vins, d'huyile & de leine,  
I'en ay tant, que de le conter  
I'auroy trop de honte & de peine.

I'ay pour le froid, i'ay pour le chaut,  
Tousiours ma demeure ordonnée,  
Et de fruitz plus qu'il ne m'en faut  
Toutes les saisons de l'année,  
Et si i'ay si douce la voix,  
Et la douceur tant allechante,  
Qu'Echo ne dedaigne en ces boys  
Resonner cela que ie chante.

l'ay cent fois dedans ces ruyffeaux  
Regardé quel est mon visage,  
Mais iamais les Nymfes des eaux  
Ne desdaignerent mon image.  
Seule felonne tu t'en fuis,  
Loin deuant mon ardente fuyte,  
Et d'autant que plus ie te fuis  
D'autant tu renforces ta fuyte.

Mais si c'est pour mes longs cheveux,  
Que ie souffre tant de malaise,  
Ie les couperay si tu veux,  
Afin qu'apres mieux ie te plaïse :  
Deianire ne laïffoit pas  
Pour le poil heriffé d'Hercule,  
De le tenir entre ses bras,  
Estaignant le feu qui me brusle.

l'appaste deux fans tous les iours,  
Rendant l'un & l'autre facile,  
Auecq vn pair de petitz ours,  
Les plus beaux qui foyent en Sicile,  
Comme bien tost tu pourras veoir,  
Pour autant que bien tost i'espere  
T'en faire vn don, pour t'esmouoir  
D'auoir pitié de ma misere.

Laiſſe doncq' tes eaux & ta mer,  
Tant de tempeſte & tant d'orage,

Et souffre que le dieu d'aymer  
Te poigne pour moy le couraige,  
Souz ces arbres tant odorans,  
Loing du soupçon & de l'enuye,  
Tous deux ensemble demourans  
Menerons plus heureuse vie.

Icy tu verras mille prés,  
Et mille argentines fontaines,  
Mefmement mille antres secretz  
Pour cueillir le fruit de noz peines.  
Aymeras tu doncq viure mieux  
Parmy tant de fel et d'escume,  
Que d'un fruit si delicieux  
Sauouer la douce amertume.

Si ie scauoy si bien nager  
Qu'un dauphin, aux ondes marines  
L'iroy fans craindre nul danger,  
Adorer tes beautez diuines,  
Et si tu tournois par dedain  
Arriere ta face excellente,  
Cent fois ie baisera ta main  
Au lieu de ta bouche odorante.

Au printems ie te donneroy  
Des lys & des roses plus belles,  
En esté ie t'apporteroy  
Un plain paneret de groifelles,

L'automne ie t'iroy porter  
Deux de noz moyssines plus meures,  
L'hyuer ie t'iroy presenter  
Vn cent de chastaignes meilleures.

Mais puis que mon astre malin  
Ne veut que ce bon heur m'aduienne,  
Vien ten à l'ombre de ce pin,  
Adoucir la tristesse mienne,  
Vien mon amour, vien mon tresor,  
Que ie tiens plus cher que mes bestes,  
Et plus cher que mon œil encor,  
Vien ten accomplir mes requestes.

Ore sur ces tertres bossus,  
Ore dans ces baffes valées,  
Ore follastrant pardeffus  
Le bord des eaux plus reculées,  
Tous deux également contens,  
Menerons vne telle vie,  
Que les Dieux de noz passetems  
Auront possible quelque enuie.

Toufiours l'astre du chien felon  
Ne tarit la source des fleuves,  
Et toufiours le froid Aquilon  
N'oste aux forestz leurs robes neufues,  
Toufiours le clair soleil auffi  
Ne dort au sein de sa nourrice,

Et tousiours tes fiertez ainsi  
N'auront sur moy tant de malice.

Venus qui naquit en tes flots,  
Venus l'amoureuse Déesse,  
Porte bien en son cuer encloz  
Le traict de l'Archer qui me blesse :  
Vien ten doncq, Nymfe, en ces pastiz,  
Souz ses loix avecques moy viure,  
Car moins que de fuyure Tethys,  
Tu n'auras d'honneur de la fuyure.

Mais, Venus, qu'est ce que ie veoy !  
Que veoy ie si pres de moy ore !  
Ie voy ce semble auprès de moy  
La rare beaulté que i'adore.  
O Dieux quelz fantosmes nouveaux,  
Cela que si mal luy ressemble,  
Ce sont les verdiffans rameaux  
Qui florissent en ce beau tremble.

Hé qu'est cecy ! ie me deçoy  
Sans ceffer en diuerse guise,  
Pensant que tout ce que ie veoy  
Soit celle la qui me méprise,  
Elle est peut estre ore bien loing,  
Et de moy bien loing se contente,  
Sans auoir tant soit peu de foin  
De l'amour qui tant me tourmente.

Le chef me deult de tant chanter,  
Et mes piedz se lassent encore  
De tousiours dolent me porter,  
Depuis le leuer de l'Aurore.  
Ie sens augmenter mon amour,  
Et sens empirer mon martire,  
Attendant doncq le nouveau iour  
Il vault mieux que ie me retire.

Voyla, DVTHIER, voyla comment  
Ce grand Cyclope Polypheme,  
Se complaignoit incessamment  
Ore à s'ame, ore à foy mesme,  
Et voyla quand il lamentoit  
Allegeant sa peine cuyfante,  
Le rustique lay qu'il chantoit,  
Qu'ore humblement ie te presente.

Et bien que ce present si bas  
D'une basse Muse te vienne,  
Tu ne le dedaigneras pas  
Encores qu'il ne te conuienne,  
Car or' que de nuit & de iour  
L'amour dans mon ame foisonne,  
Ie ne sonne rien que d'amour,  
Ny rien que d'amour ie ne donne.

---

## SVR LA PRISE DE CALAYS

ODE.

QUELLE si belle nouvelle  
Oy ie bruire en ce palais?  
Quelle nouvelle si belle  
Murmure lon de Calays?

Quelle nouvelle allegresse  
Tient tout ce peuple surpris?  
Quelle voix en ceste presse  
Crie que Calays est pris?

Ce Calays inexpugnable,  
Ce vieil rampart des Angloys,  
Qu'on disoit tant imprenable,  
Est il pris à ceste fois?

Est il possible de croire  
Qu'en ce temps iniurieux  
Nous ayons eu la victoire  
D'un Calays si glorieux?

Vn Calays que l'on renforce  
Depuis plus de deux cens ans,



S'est il peu prendre par force  
En vn si petit de tems?

En vn si petit espace  
A lon peu prendre le fort,  
D'une si guerriere place,  
Les murailles & le port?

S'est il peu trouuer des ruzes,  
Pour boucher & pour tarir  
Ses mareftz & fes escluzes,  
Afin de la conquerir?

Mon Dieu que ceste merueille  
Nous a de l'aïse donné!  
Plus ce bruit m'entre en l'oreille,  
Plus i'en demeure estonné.

Mais d'où vient que ie me donne  
Vn tel esbayffement?  
Plus ie veoy que ie m'estonne,  
Moins i'en trouue d'argument.

Et plus mal ayfé ie treuue  
Qu'on voye vn Calays domter,  
Et plus, en fin, ie l'espreuue  
Bien ayfé de furmonter.

Ne sachant en fin comprendre

Comment il eust sceu durer,  
Si du Roy qui la sceu prendre  
La force on veut mesurer.

Grande est certes l'entreprise  
D'une telle place avoir,  
Mais du Roy qui l'a conquise  
Plus grand est bien le pouvoir.

Du grand Roy qui la gaignée  
D'un bras si victorieux,  
La fatale destinée  
Veult que lon espere mieux.

Le Ciel qui ceste conquiste  
Luy donne avecques tant d'heur,  
Mille autres lauriers appreste  
A sa Royale grandeur.

Et ia veoid on apparoirre  
Son Croissant à double front,  
Pour ne faire plus que croistre  
Iusqu'à tant qu'il soit tout rond.

Comme vn grand torrent qui noye,  
Arrache, renuerse & rompt  
Tout ce quil trouue en la voye  
Descendant de quelque mont:

Les campagnes il saccage  
De son cours audacieux,  
Et du bruiët de son outrage  
Il remplit l'air & les cieux.

Mais quand ceste fiere audace  
Par apres luy vient à cheoir,  
Auecq sa fierté se passe  
Son dommageable pouuoir.

Si que sa fureur haultaine  
Pert son cours pernicieux,  
Et on le passe en la plaine  
A pied sec, en mille lieux.

Ainsi fut Calays naguere  
Qui, superbe qu'il estoit,  
Penfoit d'une audace fiere,  
Qu'un chacun le redoubtoit.

Il disoit que comme vn liege  
Le plomb iroit sur les eaux,  
Allors qu'on verroit le siege  
Deuant ses braues creneaux.

Et ainsi par tout le monde,  
Où son nom bruyre on oyoit,  
Feut sur la terre ou sur l'onde,  
Vn chacun il effrayoit.

Mais ores que nostre Prince,  
Nostre Roy l'honneur des Roys,  
L'a reioinct à sa prouince,  
Le bridant deffouz ses loix.

Tout honteux la teste il courbe,  
Et les yeux de rage ardans,  
Reçoit la guerriere tourbe  
Des François qui vont dedans.

Si qu'en noz bandes si fortes  
Il n'est si petit fouldart,  
Qui ne le poigne en cent fortes  
De quelque iuste brocard.

Aprenez doncq Angleterre,  
Aprenez doncques Anglois,  
De mieux garder vostre terre  
De ceux du fang des Valoys.

Car alors que vous voulustes  
Calays deffus eux gaigner,  
Plus d'unze moys vous y fustes,  
Auant que de l'expugner.

Mais d'une adresse plus forte  
Sans craindre tous voz secours,  
Nostre Prince ores l'emporte  
En moins de cinq ou six iours.

En moins que d'une semaine  
Ce Prince, cest autre Mars,  
Par les forces qu'il y meine  
Y plante ses estendars.

Comme quand le vent se leue,  
On veoid le fresse rouseau,  
Baïffer sa teste plus greue  
Tout à coup au fond de l'eau.

Et comme aux champs qu'on moissonne  
On veoid le chaume allumé,  
Si le vent à trauers donne,  
Soubdain estre consumé.

Ainsi sa teste orgueilleuse  
Baïffa Calays plein d'effroy,  
Quand la force merueilleuse  
Il veist de nostre grand Roy.

Et sa force acoustumée  
Par tant d'ans se renforçant,  
Soubdain on veid consumée,  
Deuant ce Prince puissant.

Qui dans leur antique place  
Ses Liz faict ores semer,  
Et les Lyepardz en chaffe,  
Loing loing par delà la mer.

Voulant que l'Anglois en forte,  
Defarmé de teste & flanc,  
Sans qu'autre chose il emporte  
Qu'en sa main vn baston blanc.

O insigne duc de Guise,  
Qui si bien deffendis Metz,  
Metz, & ceste autre entreprise,  
Te feront viure à iamais.

Mille Athenes, mille Rommes,  
Ont en toy bel argument,  
Pour te faire entre les hommes  
Durer éternellement.

Cent mil hommes à ta face  
Cesar mist pour Metz auoir,  
Lors qu'abbaissant son audace  
Tu le miz en defespoir.

Mais ores de moins de forces,  
Saige & vaillant conducteur,  
Maugré luy Calays tu forces,  
Compaignon d'un plus grand heur.

Ayant ta vertu louable  
Borné par ces deux endroitz,  
D'une borne perdurable  
Le domaine de noz Roys.

Va doncq' tes denrées vendre,  
Va donc ailleurs les troquer,  
Il te fault ailleurs qu'en Flandre,  
Espaigne, les trafiquer.

Et vous Flandre & Angleterre,  
L'Espaigne il vous fault lascher,  
Car le passage on vous serre  
Par où vous l'allez chercher.

Vous pensiez pour la victoire  
Qui vous vint à Saint Quentin,  
Qu'au naistre de vostre gloire  
La nostre deust prendre fin.

Mais tu te trompois Espaigne,  
Flandre & Angleterre aussi,  
L'heur qui mon Prince accompagne  
Ne perira pas ainsi.

Ains croistra dez l'Hyperbore,  
Iusqu'au More plus ardent,  
Et des le liêt de l'Aurore  
Iusqu'au plus bas occident.

Dieu ce mal voulut permettre,  
Non pour le veoir abbatu,  
Mais afin de mieux cognoistre  
Sa magnanime vertu.

Dont il a veu la constance  
Telle en son aduersité,  
Qu'il veoid ores sa prudence,  
En ceste felicité.

---

A BERENGVIER PORTAL

*Tresorier de France.*

ODE.

**A**VANT que mon liure achever,  
Je veux qu'on y puyffe trouver  
Portal descript en quelque page,  
Afin que le siecle suyuant  
De ce que ie l'ay veu vivant  
Reçoyue quelque tesmoignage.

Mais que diray-ie, dis le moy ?  
Dy moy que ie diray de toy ?  
Enseigne moy que doy ie dire,  
Dy moy, ie te pry' rondement  
Où ie doy prendre l'argument  
Pour plus dignement te descrire.



Mais non, car ie viens de penser  
Ou ie doys cela commencer  
Que dire de toy ie propose,  
Pensé ie l'ay, & l'escriray,  
Et en l'escriuant ne diray,  
Mon Portal, qu'une seule chose.

Ie ne veux dire qu'un seul point,  
Qui toutesfois ne fera point  
Que d'une importance notable,  
Car il va iusqu'à ton honneur,  
Qui ioint avecques ton bon heur  
N'est qu'à ce seul point redeuable.

Es tu point quelque peu douteux?  
Es tu pas grandement honteux  
De ce qu'il fault que ie te dye?  
Auras tu bien pour m'escouter  
Sans rougir & sans t'irriter,  
L'ame & la face assez hardie?

Celuy que celebrer on veut,  
Et qu'on louë tant que lon peult,  
S'il est present, il s'en offense:  
Et s'offense encores celuy,  
Qui oyt regecter dessus luy  
Quelque reproche en sa presence.

Mais ce que ie diray, Portal,

Tu ne recevras point à mal,  
Ains le prendras comme il faut prendre  
Ce qui vient d'un fidele amy,  
Qui ne dict jamais à demy  
Tout ce qu'un amy doit entendre.

Ce que te dire ie pretens  
Ne se dict gueres en ce temps  
A nulle perfonne qui viue,  
Aussi c'est un si tresgrand cas,  
Que plusieurs nous ne voyons pas  
Dignes que lon le leur escriue.

Or, Portal, pour plus ne te veoir  
En travail d'esprit, de scauloir  
Ce que j'ay vouloir de t'escrire:  
Portal, tu es homme de bien,  
Homme de bien ne s'en fault rien,  
Voylà ce que ie voulois dire.

Homme de bien certes es tu,  
Qui aymes & fuis la vertu,  
Fuyant la fraude & la malice,  
Car celluy seul est vertueux,  
Lequel n'est point voluptueux,  
Et lequel deteste le vice.

---

## A GVILLAVME BLANCHY.

## ODE.

**I**E ne conuoite point les trefors plantureux  
Des Perfes, ny ceux la des Arabes heureux,  
Ét si ne cherche point les pierres qu'on va querre  
Bien loin en la mer rouge & par mer & par terre.

Aussi ie ne demande pas  
Les grans pompes, les grans estatz  
Du monde, & les grandes maistrises :  
l'ay, l'esprit qui point ne se paist,  
Et qui point encor ne se plaist  
De telles vaines conuoitises.

Ny le ciel, ny le fort souz leſquelz ie fuis né,  
Vn feul de tous ces biens ne m'ont point destiné,  
Et ne m'en donnent point, mais point ie ne m'estonne,  
Et ne me plains du fort de ce qu'il ne m'en donne.

Ie cherche fans plus de cognoistre  
Quel ie fuis, & quel ie doys estre,  
Et cherche en ce faifant le bien,  
Le bien à qui tout autre cede,  
Et qui iamais ne se poſſede  
Par ceux la qui ne valent rien.

Ce bien duquel ie parle & que ie cherche tant,  
Et que tout bon esprit doit aller souhaitant,  
C'est le souuerain bien, & la vertu s'apelle,  
Vertu iamais vaincue & tousiours eternelle.

C'est elle seulement qui faict,  
Que l'homme est homme tout parfait,  
C'est celle encor qui l'achemine,  
Le faisant compaignon des Dieux,  
Et le guidant là haut aux cieux,  
Lieu premier de son origine.

C'est pourquoy ie la cherche, & c'est encor coëment  
En cherchant la vertu, ie cherche ensemblement  
Des amys vertueux, comme toy qui embrasses  
Vn infiny trefor de vertus & de graces.

C'est vn cas commun que de veoir  
Vn homme riche, pour auoir  
Beaucoup de biens de la fortune :  
Mais de veoir vn homme vestu,  
Et riche des biens de vertu,  
Ce n'est vne chose commune.

Ie t'ay cherché long tems & t'ay en fin trouué,  
En te trouuant, Blanchi, i'ay en fin esprouué  
Qu'entre les grans trefors il n'en est ce me semble  
Tel qu'un trefor d'amys qui par vertu s'affemble.

Ia la Nature nous a mys  
Au chemin d'estre faictz amys,  
Faissant noz corps d'une mesure :

Que pleust aux Dieux que l'esprit mien  
Fust aussi bien semblable au tien,  
Que semblable est nostre stature.

Il ne tiendra qu'à toy que pareilz tout ainfi  
Que nous sommes de corps, nous le foyons aussi  
De cuer & de vouloir, sans que nostre alliance  
Tombe iamais au lac d'une ingrante oubliance :

Desia nostre cuer est egal  
En l'endroit de ton Cardinal,  
Car si sa grand vertu l'honore,  
Tu l'honores ainsi que moy,  
Et si son loz est dict par toy,  
Par moy il fera dict encore.

Iamais vn bon esprit des amytez ne quiert,  
Que par les voluptez & presentz on acquiert :  
Pour autant que tousiours elles sont peu durables,  
Et sont tousiours des fins qui sont trop miserables.

Car tant que les presentz se baillent,  
Et que les voluptez ne faillent,  
L'amytié iamais ne perit,  
Mais dez que les presens perissent,  
Et que les voluptez tarissent,  
L'amytié foubdain se tarit.

Les amis comme on dict ce sont images d'or :  
Et pour cela iadis & Pollux & Castor,  
Et Pylade & Oreste, & Hercule & Thésée,

D'un amour reciproque eurent l'ame embrasée.  
De ceux cy l'un iadis fust tel,  
Qu'il partit son estre immortel  
Pour estre a l'amy fauorable:  
Et l'autre encore ayma si fort,  
Qu'il s'offrit à souffrir la mort  
Pour sauver son amy coupable.

Il faut bannir bien loing ces froides amytiez,  
Tous ces offres si promptz, & ces vaines moytiez,  
Dont on pipe & deguise, & dont on veult attraire,  
Ayant tousiours le cuer à la bouche contraire.  
Le vray debuoir ce m'est aduis  
De ceux qui se disent amis,  
C'est d'auoir vne ame commune  
Se conseiller, se conforter,  
Se secourir, se supporter,  
En l'une & en l'autre fortune.

Ie iure par les Dieux & par les elemens,  
Ie iure par les cieux & par leurs mouuemens,  
Apellant à tesmoins l'une & l'autre Thalye,  
Les verdz lauriers de Cyrre & l'eau de Castalie,  
Que tant que viuant ie feray  
Blanchi, ie te reuereray  
De pure volonté non faincte,  
Sans iamais enfreindre les loix,  
En quelque fortune où tu fois,  
De nostre amytie si tressaincte.

La doncq ouure ta main & la mienne reçois,  
Laquelle en te donnant ie te donne ma foy, \*  
Et pour rendre à iamais ceste foy perdurable,  
Redonne moy la tienne & me faiz le semblable.

L'ardeur de quoy nous nous aymons,  
Naist de ce que nous estimons,  
Ascauoir de la vertu haulte:  
La vertu ne scauroit mourir,  
N'ayons doncq peur de veoir perir  
L'amytie que par nostre faulte.

---

A PIERRE GILBERT THOLOSAN.

ODE.

Q VAND iamais ie n'eusse sçeu veoir  
Les beaux vers qu'au luth tu compasses,  
Pourueu que i'eusse peu sçauoir  
Le bon heur de tes autres graces,  
I'eusse tousiours tenu bien cher  
D'accorder ma lyre d'iuoire,  
Pour deffus ses cordes toucher  
L'un des merites de ta gloire.

Celuy qui tafche à conquerer

Entre les doctes quelque estime,  
Par trop importun emprunter  
De l'un & l'autre quelque ryme,  
S'enfle orgueilleux du vain honneur  
Qu'il reçoit de l'œuvre non sienne,  
Attendant que tout ce bon heur  
En vitupere luy reuienne.

Et soit loing chaffé d'entre nous,  
Non toy, à qui les neuf Pucelles  
Ont fait présent d'un luc si doux,  
Pour dire des choses si belles,  
Et qui d'aucun vers estrange  
L'honneur faulcement ne souhaites,  
Pouvant autrement te renger  
Dans le rang des meilleurs poëtes.

Le Soleil ne veid onq' des cieux  
Icy bas chose qu'il dedaigne,  
Si fort que l'homme vicieux  
Que l'ingratitude accompagne:  
Sisyphé en son affliction  
Trop ingrat ses fautes adouë,  
Et le miserable Ixion  
L'esprouue encor dessus sa rouë.

Et c'est pourquoy ces petitz vers,  
Pour ne cheoir en semblable crime,  
Le contr'echange aux traittz diuers



De ta docte & coulante ryme,  
T'alfeurant que l'estroicte foy  
De nostre amitié commencée,  
Ne fera non plus que de toy  
De par moy iamais offensée.

---

## CONTRE AVCVNS MALVEVILLANS

*D'un sien grand amy.*

## ODE.

**S**i ceux qui vostre hōneur soustiennent en tous  
lieux  
Sont ores offensez, Muses filles des Dieux,  
Ne doy ie pas pour vous soustenir leur querelle,  
Comme ilz ont soustenu vostre gloire immortelle.  
La doncq' vengeons le tort que lon faict à celluy  
Que i'ayme plus que moy, qui m'ayme plus que luy,  
Et qui de son ieune age au coupeau de Parnase  
Vous fistes à longs traictz boire aux eaux de Pegase,  
Mais fuyez, doctes Seurs, & me laissez icy  
De la vengeance auoir la peine & le soucy :  
Car vostre tendre cueur si vous m'escoutez dire  
Vous feroit trop de mal en vomissant mon ire.

Sus fus doncques mes vers, sus doncques commen-  
çons,

Et filant noz propos, vne corde tiffons  
Pour en pendre quelcun, comme iadis l'lämbe  
D'Archiloc pendre fait le malheureux Lycambe.

L'amour & la vertu, l'honneur & la pitié  
Sont conuertis en hayne, en vice, & mauuaistié,  
Et maintenant, hélas ! la damnable malice  
Poursuit impuniment l'equitable Iustice.  
Vous le sçavez, malins, qui d'un iniuste effort  
Contre un pauvre innocent machinez un grand tort.  
Et quoy n'auous point peur dites race maudite,  
Que le Roy Iupiter contre vous se despîte,  
Et que d'un fouldre aigu sur voz testes getté,  
Il punisse bien tost vostre meschanceté ?  
Le voy deia le ciel qui s'obscurcit la face,  
Le voy courroucé qui voz fautes menace,  
Et de pluye & de gresle & de ventz fierement  
Prefage voz desseins estre faictz vainement.  
Desia mes vers sur vous ont quelque seigneurie,  
Et desia ie vous voy fuyuiz d'une Furie,  
Qui d'un fouet retors de serpens furieux  
Bourrelle sans repoz voz bouches & voz yeux.  
Le voy d'un noir venin ia voz gorges mouillées,  
Le voy de sang infaiët voz poytrines souillées,  
Le voy dix mille soins & dix mille remordz  
Vous livrer des tormentz pires que mille mortz.  
Tous voz liëtz deormais seront semez d'espines,

Et auecq' voz desirs voz cautelles malignes  
Retourneront sur vous, pour vous donner l'ennuy  
Dequoy meschamment vous pourfuyuiez autrui :  
» Car les Dieux en tout tems vengent la iuste offense,  
» Et s'ilz ont retardé quelque fois la vengeance,  
» Ilz la font à la fin tellement en courroux,  
» Que l'exemple en demeure à iamais entre nous.

Je ne sçauois penser qu'une femme benigne  
Vous ayt peu concevoir dans sa douce poytrine :  
Car vostre naturel ennemy de douceur,  
Et vos traistres desirs, me font maintenant feur,  
Que quelque ourse cruëlle enfle de felonnye  
Vous enfanta iadis aux rochers d'Hyrçanye.  
Vous ne vous peustes oncq, malheureux, que de  
fiel,  
Vous ne dressastes oncq voz yeux deuers le ciel,  
Mais tousiours embourbez dans quelque sale ordure,  
Vous faictes voz effetz telz que vostre nature.  
Voyci la sage vierge ententive à mes vœuz,  
Qui vient de sa Gorgonne espreindre les cheveux,  
Et de l'infection qui par terre s'escoule,  
Pour vostre vray repas vostre gorge elle saoule,  
Je voy ia ses dragons qu'elle tient par la main,  
Afin de tourmenter vostre cuer inhumain,  
Je les vois acharnez dessus vous ce me semble,  
Je les voy mutinés s'entrecombatre ensemble,  
A qui sera premier à deschirer ce cuer,  
Que vous auez si plain de rage & de ranqueur.

Le mal que fent Syſſiphe, Ixion, ou Tantale  
Pour ſon meſchant forfait en la troupe infernale,  
N'aprophe point du mal qui vous eſt appreſté,  
Pour punir iuſtement voſtre inhumanité.  
Et qu'il ne ſoit ainſi, voſtre âme eſt ia ſayſie  
Du tourment eternel de telle ialouſie,  
Que ie ne ſcay, peruers, ſi ceux la des enfers  
Ont de ſi griefz tourmentz pour leurs crimes ſouf-  
fertz.

Mais c'eſt le moindre encor du tourment de voz  
ames :

Car ceux la d'entre vous qui plus aymés voz femmes,  
Verrés deuant vos yeux ſur voſtre front aſſeoir  
Les branches de malheur qu'on porte ſans les veoir.  
Et quand doreſnauant vous attendrés à table  
Voz repas en repos, vne horreur effroyable,  
D'vn eſtocq affillé ſur voz teſtes pendra,  
Qui touſiours voſtre vie en ſuſpens vous tiendra,  
Puis quand des preſentz metz dont le gouſt nous  
cõue,

Vous cuyderez menger & paſſer voſtre enuie,  
Trois Harpyes ſoubdain du bec vous volleront  
Voz morceaux, & pour vous touſiours ſe ſoulleront.  
Ainſi de vous ſubgectz à telle deſtinée  
Qu'elles tindrent ſubgect le malheureux Phynée  
Elles rauront tout & lairront le lieu plain  
D'vne grand' puanteur & vous d'vne grand' ſain  
Qui deuiendra touſiours & plus grande & plus forte,  
Juſqu'à tant qu'il ſuruienne vn tourment d'autre ſorte

Pour vous defaffamer, & lors vous mengerez  
Encores quelque fois, & feruiz vous ferez  
Du plat mefme & des metz dequoy l'enuie blefme  
En fon obfcur manoir fe repaift elle mefme.  
Et fi quand ces viures vous aurez acheuez  
Quelque peu d'apetit encore vous vous trouuez,  
Defireux de goufter de quelque autre viande  
On vous la donnera encore plus friande.  
Car ayant rempli d'eau vofre efthomac profond,  
Vne Vipere en vie on rura dans le fond,  
Qui s'enflant dans cefte eau d'une defpiteufe ire,  
En vous rechatouillant vous pourra faire rire.

Puis quand la noire nuit viendra chaffer le iour,  
Vous trouuerez, mutins, à chafque carrefour  
Vne Hecate à trois chefs, qui d'une voix horrible  
Vous mettra dedans l'ame vne crainte terrible,  
De forte que fentant fa froideur au dedans,  
Fremiffant des genoux, & craquetant des dentz,  
Les cheveux heriffez, & le vifage blefme,  
Vous vous en refuyez d'une frayeur extrême,  
Et courant roidement vn tel fault tumberez  
Que la moytié du teft vous vous en cafferez :  
Puis eftant releuez, & fuyant de plus belle  
Ferez de vofre fang vne trace nouuelle,  
Et ne trouuerez chofe au deuant de voz piedz,  
Qu'efre vous ne penfez cela que vous fuyez :  
Côme vn troupeau de fans quād ilz ont veu leur  
mere

Occife entre les dentz d'une fiere Panthere,  
Qui ne trouuent aux boys, arbre, tronc, ny buyffon  
Qui foubdain ne leur donne vne horrible friffon,  
De forte qu'il leur semble à tous coups que la beſte  
Ait defia mis fa dent fur leur craintiue teſte.

Mais c'eſt le moindre effroy que vous pourrez  
auoir :

Car l'ombre de vous meſme en venant à la veoir  
Vous en donnera tant, que plus froidz que du marbre,  
Vous vous irez tapir ſouz les branches d'un arbre,  
Afin d'euitier mieux à vous veoir de rechef:  
Et foubdain vous orrez gronder ſur voſtre chef  
Un tonnerre des cieux , & tumber bas un ſouldre  
Qui ſans vous offenſer brifera l'arbre en pouldre,  
De forte que tremblans plus que iamais de peur,  
Vous vous en refuyrez, traiftres de meſchant cuer,  
Sous un tombeau de mort en quelque cimitiere  
Penſans plus ſeuirement paſſer la nuit entiere.  
Mais vous ne vous ferez ſi toſt mis en ce creux,  
Qu'un fantoſme veſtu d'un linceul tout terreux  
Monſtrant au lieu des yeux une grande ouuerture,  
Et ſ'eſleuant, hideux hors de ſa ſepulture  
Vous en fera fortir, avecq plus de terreur,  
Que vous n'aurez oncq eu de martire & d'horreur.

Enfin vous paruiendrez chacun en ſa demeure,  
Et vaincuz de trauail vous geçterez dez l'heure  
Sur voz litz attendans, où laſſez de gemir

Après mille fouspirs vous pourrez endormir.  
Mais vous n'aurez si tost cloz l'œil fous la paupiere,  
Que vous esprouuerez vne peine plus fiere,  
Songeant qu'un grand dragon vous vueille deuorer,  
Et que plus vous voudrez le fecours implorer  
D'aucuns homes loingtains, de peur qu'il vous affolle,  
Et tant moins vous aurez de voix & de parolle,  
Puis estans efueillez & le iour euident,  
Vous le passerez tout comme le precedent,  
Et filerez ainsi le cours de vostre vie,  
A mille pauuretez iustement asservie,  
Iusqu'à tant que la Mort vous enuoyra là bas  
Paistre voz meschans cueurs d'un plus meschât repas.

---

## AV PETIT ENFANT DE SA DAME.

## ODE.

D<sup>E</sup> quel vers digne de ton heur  
Pourray ie chanter ton honneur,  
Margarin, l'enfant de Madame,  
Qui te paiz en l'œillet vermeil  
Qui croist en sa bouche de basme,  
Lors que pour t'induyre au sommeil  
Te baissant d'aïse elle se pasme :

.

Ie ne tiens ton heur des plus grans,  
Margarin, pource que tu prens  
Ton nom d'une grand Marguerite,  
Ny pour la race dont tu fors,  
Quelque honneur qui dans elle habite  
Ny pour les biens & les trefors  
Dont ie voy que ton pere herite.

Mais heureux ie te dy cent fois,  
Pour auoir reposé neuf moys  
Aux flancz d'une dame si belle,  
Qui semble descendre des cieux  
Comme vne Pandore nouuelle,  
Et qui d'un feul traict de ses yeux  
Faict languir cent hommes pour elle.

Et ne pense point que les biens  
Qui doyuent vn iour estre tiens,  
Ny que ton heur plus desirable,  
Coulast en toy quand tu nasquis  
De ton ascendant fauorable,  
Car l'heur & le bien t'est acquis  
Par l'heur de ta mere admirable.

Quel Arabe aussi tant heureux,  
Ou quel Indoïs si plantureux,  
De plus beaux presentz nous ameine  
Que l'or de son poil annellé,  
Que l'ambre gris de son haleine,



Et que de son front estoilé  
Les petitz arcz de noir hebene ?

Nulle mer deux couraulx plus beaux  
Ne cache au profond de ses eaux  
Que ceux de sa bouche vermeille,  
Ny nul gay printemps ne nous peint  
En may, vne roze pareille,  
A celle qui croit en son teint  
Plaine d'honneur & de merueille.

Du soleil l'ardente chaleur  
Des œillets flestrist la couleur,  
Et la bize quand l'hyuer dure  
Seche les plaines & les boys :  
Mais ny le chault ny la froidure  
Par les chaultz ou froidureux moys,  
A son teint ne peult faire iniure.

En tout temps, petit Margarin,  
Le mastic, & le romarin,  
La lauande & la mariolaine,  
Croissent de sa bouche à l'entour,  
Bouche de roses toute plaine,  
Et en tout temps l'enfant Amour  
Armé de son arc s'y promeine.

Aussi cettuy-la ne sçait point  
Comment ce petit Dieu nous poinct

D'un traict plain d'aïse & de martire,  
Qui ne l'oït doucement parler,  
Qui ne la veoid doucement rire,  
Et ne la veoid par fois baller,  
Ou ne l'oït quand elle soufpire.

N'es tu doncq heureux de pouvoir  
Quand tu veulx à ton aïse veoir  
Ce poil qui l'or mesme efface,  
Ces yeux, deux celestes brandons,  
Ces liz qui croissent en sa face,  
Et ces beaux petitz Cupidons  
Qui volent en sa bonne grace.

Voyla seulement ce qui faict,  
Margarin, ton heur si parfaict,  
Mais qui faict agrandir ta gloire:  
C'est que tu prens le iour cent fois  
Ces tetins qui semblent d'iuoyre,  
Et les retastant de tes doigtz  
Mignard leur demandes à boire.

Le nectar que l'on boit aux cieux,  
Ne fut oncq si delicieux  
Que la liqueur qu'elle te donne,  
Et croy qu'à bon droit Iupiter,  
Iupiter le grand Dieu qui tonne,  
Lairroit pour en venir taster  
Son sceptre & sa grande couronne.

Garde doncq' bien, petit enfant,  
Enfant de mon heur triumpfant,  
D'offenser sa blanche poytrine,  
De tes ongles par marrifson,  
Ou de ta gensiue pourprine,  
Mesmes or' petit enfançon  
Qu'elle est encore en sa gesine.

Mais heureux va tousiours croissant,  
Et quand ton printemps florissant  
Viendra coutonner ton visage,  
D'un petit poil d'or soleton,  
Ne fois, Margarin, si peu sage  
Qu'importun comme un Phaëton,  
Cerches toy mesmes ton dommage.

Ains t'acheminant à bon train,  
Laisse tousiours guider le frain  
De tes chaultz desirs à ta mere,  
Et ne fois si fort effrené  
Que celluy qui du libre Pere  
Fut à sa requeste estrené  
De tant d'or à son vitupere.

Et si i'ay de toy merité  
Pour auoir ta gloire chanté,  
Margarin, quelque recompense,  
Je te pry, mignon, donne luy,  
Donne luy bien tost cognoissance

De la langueur, & de l'ennuy  
Que ie sens ore en son absence.

Et faiz, Margarin, si tu peulx  
Qu'elle reçoie encor les vœuz  
Qu'humblement deuot ie luy dresse,  
Et que l'aigreur de mon tourment  
Elle change en douce allegresse,  
Permetant que plus librement  
Ie luy descouure ma destresse.

Qu'ainsi puisses tu plus heureux  
Deuenir vn iour amoureux  
De quelque dame aussi diuine,  
Et par vn semblable moyen  
La trouuer plus douce & benigne  
Pour en fin obtenir le bien  
Qu'apprend l'amoureuse Cyprine.

---

## L'HYMNE DE BACCHVS.

A PIERRE RONSARD

*Vandosmois.*

**O**RES qu'en ce bāquet nous faisons, chere troupe,  
Courir de main en main cette vineuse coupe,  
Chantons pour acomplir ce mystere diuin,  
Quelque bel hymne au Dieu des coupes et du vin,  
Afin qu'en fes festins tousiours il nous rapelle.

O guerrier excellent, nay de race immortelle,  
De qui les sainctz autelz, la victoire & le nom,  
Estans desia preueuz, despiterent lunon,  
Tant qu'elle fist mourir par sa caulte finesse,  
D'une trop dure mort ta mere en sa grosseffe.  
Le monde cogneust bien ce iour la que les Dieux  
Vouloient faire descendre vn miracle des cieux :  
Car Iupiter armé de fouldre & de tonnerre  
(Ne pouuant autrement) descendit sur la terre,  
Et pleurant de regret vint ta mere acoller,  
Et l'acollant luy vint sa poytrine bruller.  
A l'heure tu fortis du ventre de ta mere  
Tout noircy de fumée, & Iupiter ton pere  
Pour acomplir le temps propre à l'enfantement,

Te cacha dans sa cuyffe aussi soubdainement :  
Et t'y tint si long temps, que la lune cornuë  
Estoit presque dix fois deuers nous reuenue,  
Auant que tout formé tu fortiffes au iour,  
Veoir la clarté qui luyt en ce commun feiour.

Ainsi né par deux fois on te mit à nourrice,  
Mais il falust bien tost t'aller cacher à Nyffe,  
Car la fiere lunon pour sa rage guerir,  
Te cerchoit en tous lieux pour te faire mourir.

Depuys, Pere ioyeux, croissant avecques l'age,  
Te fiant orgueilleux en l'heur de ton lignaige,  
Tu fiz sentir au Perse, à l'Arabe, à l'Indois,  
Au Bactre, & à l'Hircain, cela que tu pouuois.  
Mais tes braues honneurs, tes forces & ta gloire,  
N'eussent point paranné de ton nom la memoire :  
Et l'homme encor à peine eust allumé des feuz  
Sur tes sacrez aultelz, decorés de ses vœuz,  
Ny ton vieillard Sylene, & tes folles Menades,  
N'eussent accompagné tes vineuses Thyades,  
Et n'eussent point chanté tous ensemble à la fois  
Ta grandeur & ton nom d'une si belle voix,  
Ainçois t'eussent laissé vaincu de ta victoire,  
Si tu n'eusses appris le premier à bien boire,  
Et n'eusses descouuert le premier ce beau fruit,  
Qui faict le iour obscur & luyfante la nuit,  
Et pour cela ie croy si par bonne fortune  
Tu fusses arriué quand Pallas, & Neptune,

Estoient en different d'Athenes baptiser,  
Qu'elle eust voulu son nom du tien fauoriser :  
Si fort en le nommant les espritz il recrée,  
Et si fort aux mortelz voire aux Dieux il agréé.

Mais qui feroit celui qui pourroit dignement  
Celebrer le bon vin, la vigne & le ferment,  
Leur beaulté, leur honneur, leurs vertus infinies,  
Et l'heur qui vient par eulx en toutes compaignies ?  
Sans la liqueur du vin, cette saincte liqueur,  
L'homme cent fois le iour defauldroit de son cueur.  
La nature reçoit du vin toute sa force.  
Le vin est aux espritz vne subtile amorce,  
Qui les élue au ciel ardemment éperdus  
Pour faire des discours non iamais entendus.

Quand le fleuve coulant est bridé de la glace,  
Et que le champ demeure orphelin de sa grace,  
Et les boys d'alentour sont des ventz abatuz,  
Qui faict aller ioyeux par les champs deuestuz,  
Et qui defaigrit plus du voyager la peine,  
Que le bon vin qu'il porte en sa bouteille pleine ?  
Puis quand l'aronde vient annoncer le printems,  
Quel autre doux plaisir faict noz cueurs plus contens,  
Qu'estre au bord d'un ruyfseau, & couchés plat à  
terre

Couronner d'un bon vin ou la taffe, ou le verre,  
Et boyre l'un à l'autre, aualant & le vin  
Et tout ce que lon a de peine & de chagrin ?

» Ceres ayme le vin, & Venus est glacée  
» Si la liqueur du vin n'enflamme sa pensée.

Et lors que l'auantchien eschaufe nostre iour,  
Et qu'on n'ose fortir du familier sejour,  
De peur que trop au vif le visage il nous touche,  
Quel plaisir reçoit-on de s'arrozer la bouche  
Auecq quelque bon vin meslé parmy de l'eau,  
Pour se defalterant n'alterer le cerveau ?

Et quand l'Autonne arriue, & qu'on veoid sur la  
treille,  
L'esclat delicieux d'une grappe vermeille,  
Quel esclat de rubis tant fust il de valeur,  
Vouldroit en égaller à sa belle couleur ?

Quand le petit enfant, en sa tendre ieunesse,  
Sent dedans ses espritz quelque lente foiblesse  
On le faict reuenir par le vin seulement.  
Le vin fert à l'enfant & de nourrissement,  
Et d'un soustien encor, qui les membres conforte,  
Et qui croit la chaleur en son ame peu forte.  
Aussi quand l'homme arriue en son eage parfaict,  
Il ne faict sans le vin iamais un bon effect,  
Et seul le vin luy fert de soustien, & defense.  
Et quand l'homme vieillard à radoter commence,  
Et qu'il veoid ia la mort de pres le talonner  
Que peult on que du vin pour confort luy donner ?  
La seule odeur du vin de la tombe le tire,  
Et faict que decrepit il ayme encor à rire.



Bref en toutes faisons il nourrit nostre corps,  
Il tient en paix dans nous les discordans acordz,  
Il chasse nostre crainte, & croist nostre courage,  
Il chasse la pareffe, & fait bien dauantage,  
Car d'une saincte force il fait veoir à noz yeux  
Les poles, les cerceaux, & les Astres des cieux,  
Il faict veoir de Phebus la flambante carriere,  
Il faict veoir de Phébé l'inconstante lumiere,  
Les douleurs d'Orion, l'extrême ardeur du chien,  
Et les deux plains tonneaux & de mal & de bien.  
Il nous conduict aux montz où les Muses habitent,  
Et où mille beaux vers par cueur elles recitent,  
Il nous faict caroller avecq elles au son  
Ou du luth de leur Frere, ou de quelque chanfon.

O vieil harpeur Gregeois! que sept villes ap-  
prouuēt

Pour leur cher nourriffon, tant grand elles te trouuent,  
Tu sçais que vault le vin, car il t'accompagnoit,  
Et ta carte & tes vers bien souuent il teignoît,  
Quand tu faisois rougir les vndes de Scamandre,  
Du sang des filz de Troye ains quelle fut en cendre,  
Et quand rompant de nuict la besoigne du iour,  
Penelope attendoit d'Vlyffe le retour.  
Aussi c'est la raison qui t'a faict, Pere libre,  
De pampre & de l'yerre enuironner son liure,  
Comme estant l'ornement de tes propres cheueux.

Je te salue Pere, & te dresse mes vœuz,

Enfant que Iupiter eust iadis de Semele,  
 le te saluë encor d'une autre ardeur nouvelle  
 Euan, Iâch, Bacchus, Bromien, Lyéan,  
 Thyonée aux beaux yeux, Thebain, Victylean,  
 Et de ce verre plain, deuot en ton seruice,  
 le m'en vaiz commencer un nouveau sacrifice,  
 Auecques mon Ronfard l'honneur du Vendosmois,  
 Pour ioindre à c'est honneur, l'honneur du Quer-  
 cinois,  
 Fauorise nous doncq', & de pampre façonne  
 Pour chacun de nous deux vne belle coronne.

---

### A BACCHVS ENCORE

*Pour punir un gourmand de raisins.*

#### ODE.

**T**oy, qui iadis d'un puissant bras  
 Feiz si bien tresbucher à bas  
 Les Geantz enfans de la terre,  
 Alors qu'en eschellant les cieux,  
 Ilz osoient encontre les Dieux  
 Commencer de faire la guerre :

Toy diz ie pere Lempnien,  
Enfant du grand Saturnien,  
Qui d'une puiffance indomtée  
As si bien vengé de ta main,  
Le tort l'oultrage & le dedain  
Que t'ont faict Lycurge & Panthée :

Toy dis ie encore Dieu puyffant,  
Toy Dieu vengeur & punissant,  
Qui as dompté l'Inde & le Gange,  
Venge nous de ce vieil Breton,  
Qui de iour & de nuit glouton  
Hume toute nostre vendenge.

Car encore que les raifins  
Ne foyent en ces coustaux voisins  
De toutz.poinctz meurs, & que l'Automne  
Ne les ait du tout colorez,  
Le gourmand les a deuorez  
Et se rid quand on s'en estonne.

Celenon, ny fes feurs auffi,  
N'eust tel goufier que cettuy-cy,  
Qui toutes noz vignes deuore :  
Et quand l'Orque retourneroit  
Qui tant de vierges deuoroit,  
Tel goufier il n'auroit encore.

Escarte doncq, Pere vengeur,

Cest infatiable vengeur,  
Et nous deffendz de sa grand gueule,  
Car autrement ton fruit diuin  
Nous fera vain, & nous sans vin  
Ne boirons que l'eau toute seule.

---

## VOEV A PAN.

**N**AGVERE cherchant dans ces boys  
Vn cheureau que perdu i'auois,  
Le veiz vne bische cachée  
Dans vn buyffon demy couchée:  
Parquoy ie prins mon arc soubdain,  
Et tirant vn traict inhumain,  
La beste i'ataignis de forte  
Qu'aussi tost elle tomba morte.  
Et lors ie m'encourus pour veoir  
Le coup qui l'auoit faicte cheoir,  
Et trouuay deux fans deffouz elle,  
Tenans chacun vne mammelle,  
Et tous deux comme neige blancz,  
Fors quilz auoient tafchez les flancz  
D'une petite tafche grise,  
Certain augure de ma prise:  
Car ie les mis le lendemain

Dans vn panier faict de ma main,  
Et m'en allay auecq l'Aurore,  
En faire vn present à ma Flore,  
Le porte brandon de Cypris,  
Pour aultant que d'un filet gris  
Et d'un blanc elle entortillonne  
Tous les bouquetz qu'elle me donne.  
Depuys ayant faict escorcher  
Et faict roustir toute la cher,  
Auecq de bon vin que i'appreste  
A mes compaings i'en feiz la feste.  
Ore en ta faueur, ô Dieu Pan,  
Sur ceste arbre esbranché i'appen'  
Le chef & la peau de la beste,  
Pour t'honorer de ma conquete.

---

VOEV A PALES.

**P**OUR auoir en ceste prée,  
A toy Pales consacrée,  
Folastré deux ou trois fois,  
Deux ou trois iours de ce moys,  
Auecq ma Nymphette gaye,  
Tandis que sur ceste haye  
Cent petitz oiseaux chantoient

L'aïse auquel ilz nous sentoient,  
Ie te dresse, ma Déesse,  
Ma Déesse, ie te dresse  
Sur ces quatre gazons verdz,  
De nouvelle herbe couuertz,  
Vn petit autel de terre  
Tapissé de verd lierre :  
Et ces rozes & ces liz,  
Que i'ay naguere cueilliz,  
Sainte Pales, ie te donne  
Pour t'en faire vne couronne.

---

## VOEV A BACCHVS.

**I**E te sacre, fils de Semele,  
En ces beaux vignobles pamprez,  
Cette belle treille nouvelle  
Couuerte de raifins pourprez.

Afin ô Pere, que tu gardes  
Ces autres ceps & ces raifins :  
Et non pas des cheures rongeardes,  
Ny des vieux satires voisins.

Non pas de la tempeste encore,

Qui peult les vins endommager,  
Mais du Breton qui les deuore  
Ains qu'il soit temps de vendenger.

Car il peult faire du dommage  
Plus en vn iour, qu'en vingt fuyuans,  
N'en feroient ne cheure sauuage,  
Satyre, ne grelle, ne ventz.

---

## VOEV A MERCVRE.

O Dieu des Dieux le messager,  
Dieu trucheman, Dieu voyager,  
Qui l'esprit des hommes esueille,  
Et qui les endors à ton gré,  
Faissant de ton sceptre sacré  
Cent mille plus belles merueilles.

Si tu faiz qu'au partir d'icy  
L'aille sans cheoir iusqu'en Quercy,  
Et que de Quercy ie reuienne,  
Sans cheoir & sans me faire mal,  
Ne montant iamais sur cheual  
Dont quelque dommage m'aduienne,

Si tu le faiz, ie te donray,  
Desque de retour ie feray,  
Mon fouet, & mon escharpe grise,  
Mon caban long jusqu'aux talons,  
Mes bottes & mes esperons,  
Mon coyffinet & ma valise.

---

## VOEV A VENVS.

**S**i par toy, fille de la mer,  
Mere du Dieu qui faict aymer,  
Déesse qu'en Cypre on adore,  
Et Royne du tiers de noz cieux,  
Qui es la volupté des Dieux,  
Et celle des hommes encore :

Si par toy, Royne, ie puis veoir,  
Veoir & auoir en mon pouoir,  
Ma douce maistresse si belle,  
La baissant quand il me plaira,  
Et lors que bon me semblera,  
Couchant encore avecques elle :

Je n'iray deffus ton autel  
Honnorant ton nom immortel,



Aporter vn grand sacrifice,  
Ny ne m'amuseray encor,  
Sur de grandes colonnes d'or  
Te bastir vn grand edifice.

Mais bien i'iray à ton honneur,  
Si par toy i'ay tant de bon heur,  
T'apporter des rozes nouuelles,  
Des œilletz freschement cueilliz,  
Des marguerites, & des lys  
Auec vn pair de Colombelles.

---

A SA DEMEVRE DES CHAMPS.

ODE.

PETIT iardin, petite plaine,  
Petit boys, petite fontaine,  
Et petitz coustaux d'alentour,  
Qui voyez mon estre si libre,  
Combien ferois ie heureux de viure,  
Et mourir en vostre seiour !

Bien que voz fleurs, voz bledz, voz arbres,  
Et voz eaux ne foyent pres des marbres,

Ny des palays audacieux,  
Tel plaisir pourtant i'y retire,  
Que mon heur si ie l'ose dire  
Ie ne vouldroy quicter aux Dieux :

Car ou soit qu'un liure ie tienne,  
Ou qu'en refusant il me souviene  
Des yeux qui m'enflamment le sein,  
Ou qu'en chantant ie me promeine,  
Toute sorte de dure peine,  
Et d'ennuy me laisse soubdain.

Toutesfois il fault que ie parte,  
Et fault qu'en partant ie m'escarte  
De voz solitaires destours,  
Pour aller en pays estrange,  
Souz l'espoir de quelque louenge,  
Malement trauailler mes iours.

O chaste vierge Deliëne,  
De ces montaignes gardiëne,  
Si i'ay tousiours paré ton dos,  
D'arc, de carquois & de fagettes,  
Couronnant ton chef de fleurettes,  
Et sonnant sans cesse ton loz,

Fais que long temps ie ne seiourne,  
Ainçois que bien tost ie retourne  
En ces lieux à toy dediez,

Revoir de tes Nymphes la bande,  
Afin qu'en ces autelz i'appende  
Mille autres hymnes à tes piedz.

Mais soit qu'encore ie reuienne  
Ou que bien loing on me retienne,  
Il me refouuiendra tousiour'  
De ce iardin, de ceste plaine,  
De ce boys, de ceste fontaine,  
Et de ces cousteaux d'alentour.

---

A MICHEL DE MAGNY

*Son père, mourant.*

ODE.

Tv as vescu, mon pere cher,  
Sans qu'on te puyffe reprocher  
D'auoir esté pauvre, ni riche,  
Ny d'auoir ton temps despendu,  
Qu'aux lettres assez entendu,  
Sans estre n'auare, ne chiche.

De nulle ambition surpris,

Sain du corps, & plus des espritz,  
 Pourueu d'une charge honorable,  
 Constant en ton aduersité,  
 Modeste en ta felicité,  
 Et tousiours aux tiens secourable.

Maintenant tu t'en vas aux cieux,  
 Gouster l'heur que donnent les Dieux,  
 Va doncq', mon cher pere, y reuiure,  
 Et faiz pour ton filz garentir  
 Des traux qu'il pourroit sentir,  
 Que bien tost il t'y puyffe suyure.

---

### SVR LE TOMBEAV

DE MARGVERITE DE PARRA SA MERE.

#### ODE.

**M**VSES laissez vostre coupeau,  
 Pour assister sur ce tombeau,  
 A la complainte trop amere  
 Que ie faiz de ma chere mere,  
 Ainsi qu'il vous pleust assister  
 Muses, à sa plainte profonde,

Quand son heure vint d'enfanter,  
Et que ie deuz entrer au monde.

Et ne dedaignez ceste fois  
D'accorder voz fons à ma voix,  
Comme elle viuante en ces places  
N'a iamais dedaigné voz graces,  
Car soubdain que ie sceuz parler,  
Elle pour plus heureux me rendre,  
Me fit aux estudes aller,  
• Pour les douces lettres apprendre.

Et tant eust de foing de me veoir  
Profiter en vostre sçauoir,  
Que mille fois en sa presence,  
Pour auoir quelque cognoissance  
De cella que i'auoys appris,  
Elle me le faisoit relire,  
Ou, pour exercer mes espritz  
Par cueur me le faisoit redire.

Et tandiz qu'elle m'escoutoit,  
De sa pochette elle gettoit  
Quelque poire ou quelque cerise,  
Pour me nourrir en mignardise.  
Puis à mon maistre deffendoit  
Me faire nul traictement rude,  
Et par ce moyen me rendoit  
L'esprit plus ardent à l'estude.

Maintenant pour recompenser  
Le soin qu'elle eust de m'auancer,  
Et pour le regret que ie porte  
De ce que si tost elle est morte,  
l'espens sur sa tombe ces fleurs,  
Maint bel œillet, & mainte roze,  
Et de ce lait, & de ces pleurs,  
Tefmoins de mon dueil ie l'arrose.

---

A FRANÇOIS PESLOE

*Sur la mort d'une sienne sœur.*

ODE.

S'ON pouuoit par pleurs & par plainctes  
Quand les personnes sont estainctes,  
Hors du tombeau les retirer,  
Ranimant leur terrestre masse,  
Je vouldrois quand quelcun trespasse  
Qu'on ne fist que plaindre & pleurer.

Mais puis que sans esgard la Parque  
Nous gette en l'infenale barque,  
Pour passer le fleuve oublieux,

Sans espoir que plus on reuienne,  
Il fault sans plus qu'on se souuienne  
Que les Dieux font tout pour le mieux.

La doncq', refouldz toy & t'effuye  
De cette larmoyante pluye,  
N'estriuant encontre le ciel:  
Et pense que c'est la coustume,  
Que tousiours apres l'amertume  
Plus doux on fauoure le miel.

Ta sœur acheuant fortunée  
Tout le cours de sa destinée,  
S'en monte maintenant la hault,  
Où de nulle angoisse s'uyue,  
Elle va commencer la vie  
Dont le bien iamais ne deffault.

Nous auons le froid sur la terre,  
Et le chault qui nous faict la guerre,  
Tantost la pluye, & le beau temps:  
Mais aux lieux ausquelz à cette heure  
Ta sœur va faire sa demeure,  
On ne veoid iamais qu'un printems.

Tousiours la faison y est vne,  
Et tousiours le Soleil, la Lune,  
Et les Astres y font tous vns:  
Mesmes de fruitz & fleurs les plaines,

Y font tousiours largement pleines,  
Et les biens y font tous communs.

Si doncq quand l'esprit abandonne  
Le pauvre corps d'une personne,  
La personne abandonne aussi  
Toutes ces miseres molestes,  
Pour aller entre les celestes  
Viure sans peine & sans soucy.

C'est mal fait, s'il aduient qu'on meure,  
Que le mort on souspire & pleure,  
Quand il part d'un si pauvre lieu :  
Viurons donc, & quoy qu'il aduienne,  
Suyuons d'une adresse crestienne  
La sainte volente de Dieu.

---

## SVR LA MORT

DE MELLIN DE SAINT GELAYS.

ODE.

CVPIDON de trop grand ennuy  
En plourant son honneur deplore,



Et Venus plourant comme luy,  
Comme luy se deplore encore.

Sans cefte cest ennuy sentant,  
Et plourant encore sans cefte,  
Mesmes sans cefte lamentant  
L'obgect de leur griefue tristesse.

De l'un les brandons font esteintz,  
De l'autre le carquoys est vuyde,  
Mais de mesme douleur ataintz  
Ilz ont de pleurs la face humide.

Soit que Phebus se leue aux cieux,  
Ou soit qu'en la mer il se couche,  
Mille pleurs sortent de leurs yeux,  
Et mille plainctes de leur bouche.

Le fiel leur semble ore estre doux,  
Et le doux leur semble amertume,  
La paix leur semble ore courroux,  
Et glaçons ce qui nous alume.

Ilz n'ont repos ne iour ne nuit,  
Et n'ont nul plaisir qui leur plaife,  
Que le desplaisir qui les fuyt,  
Pour les plonger en ce malaife.

Naguere plourant leurs malheurs,

Pallas qui furuint d'auanture,  
S'enquit qui leur cauoit ces pleurs,  
Et ceste complaincte si dure.

Cesse dict Amour de tenter,  
Cesse de tenter Vierge sage,  
Qui me meult de tant lamenter,  
Et baigner de pleurs le visage.

Et te reffentant de l'esmoy,  
Qui faict que iustement ie pleure,  
Pleure Déesse, avecques moy,  
Pleure iustement à ceste heure.

Et vous Muses, pleurez aussi,  
Pleurez encor Graces si belles,  
Et venez vous Nymphes d'icy,  
Pleurer encore avecques elles.

Mellin vostre plus grand honneur,  
Mellin nostre plus grande gloire,  
Mellin nostre commun bon heur,  
Est en bas sur la riue noyre.

De dire plus oultre son nom,  
Et son scauoir & son merite,  
Et ses vertuz & son renom,  
Ce feroit chose trop redicte.

---

## DE LA CONDITION DE LA VIE DES HOMMES.

A IAN CASTIN.

ODE.

**M**ON Castin, quand i'apperçois  
Ces grans arbres dans ces boys,  
Despouillez de leur parure,  
Le rauaffe à la verdure  
Qui ne dure que fix moys.

Puis ie pense à nostre vie,  
Si malement afferuie,  
Quel' n'a presque le loisir  
De choisir quelque plaisir  
Qu'elle ne nous soit rauie.

Nous semblons à l'arbre verd,  
Qui demeure vn temps couuert  
De mainte feuille nayfue,  
Puis dez que l'hyuer arrive  
Toutes ses fuëilles il perd.

Ce pendant que la ieunesse  
Nous respand de sa richesse,

Toufiours gays, nous floriffons  
Mais foubdain nous fletriffons  
Affailliz de la vieilleffe.

Car ce vieil faucheur, ce Temps,  
Qui devore fes enfans,  
Ayant aillé noz années,  
Les faict voler empannées  
Pluftoft que les mefmes ventz.

Doncques tandis que nous fommes,  
Mon Caftin, entre les hommes,  
N'ayons que noltre aife cher,  
Sans aller la hault chercher  
Tant de feuz & tant d'atomes.

Quelque fois il fault mourir,  
Et fi quelcun peult guerir  
Quelque fois de quelque peine,  
En fin fon attente vaine  
Ne fcait plus où recourir.

L'efperance eft trop mauuaife,  
Allons doncques fous la braize  
Cacher ces marrons fi beaux,  
Et de ces bons vins nouveaux  
Appaifons noltre mefaife,

Aifant ainfi noltre cueur, .

Le petit Archer vainqueur  
Nous viendra dans la memoire,  
» Car fans le manger & boyre  
» Son traict n'a point de vigueur.

Puys avecq'noz Nymphes gayes  
Nous irons guerir les playes,  
Qu'il nous fist dedans le flanc,  
Lors qu'au bord de cest estang  
Nous dansions en ces faulayes.

Quand d'aymer ie cesseray  
Vieil & foible ie feray,  
Et c'est pourquoy ie desire  
Que la mort d'icy me tire  
Soubdain que i'enuieilliray.

Car ayant perdu la grace  
Et portant crespé la face,  
On est dedaigné tousiours,  
Et vault mieux finir ses iours  
Dez que la ieunesse passe.

---

## A IAQVES GUYON.

## O D E.

C E iourduhy tandis que l'Aurore,  
Tithon estant au liēt encore,  
Le ciel des Indes esmailloit,  
Et que souz le fraiz de ses rozes,  
Au souuenir de mille choses  
Mon esprit vague trauailloit.

La promesse que ie t'ay faicte,  
Se voulant descourir parfaicte,  
Ma renflammé d'un doux desir,  
Et m'a faict décrocher ma lyre,  
Pour deffus ses cordes élire  
Ces vers, compagnons du plaisir.

Les biens, Guyon, & la richesse,  
Qui font haulser la petiteffe,  
Se peuuent auoir en tout temps,  
Mais non pas vne amytié ferme,  
Qui n'a borné d'un prochain terme  
Ses effectz rares & constans.

Les rayons d'une amytié faincte,

Offusquent la perfonne feinte,  
Et la font honteufe à iamais,  
Toutefois ie ne doy point craindre  
Qu'ilz puyffent nullement eftaindre  
L'amytié que ie te promectz.

Car elle eft fi clairement feure,  
Qu'il n'eft poffible qu'elle meure,  
Ny s'obfcurciffe tant foit peu,  
Auffi le ciel la faicte naiftre  
Et veult par tout faire apparoiſtre  
Les clartez de fon premier feu.

Reçoy la Guyon, & me paye  
D'une bien vueillance auffi vraye,  
Qui n'ait peur des ans voyagers  
Ny de la mort qui tout moisſonne,  
Afin qu'une Ode ie façonne  
Pour la mander aux eſtrangers.

Tandis puis que l'heure ſubite  
Ton deſlogement precipite,  
Adieu, Guyon, iufqu'au reuoir :  
Tu t'en vas eſloigné d'enuye,  
Cerchant le repos de ta vie,  
Cueillir les fruitz de ton eſpoir.

Tu t'en vas heureux, & me laiffes  
Au milieu de mille triffeſſes,

Malheureusement combatu,  
Toufiours pinçé de la tenaille  
De ceste enuyeufe canaille  
Qui ne hait rien que la vertu.

---

SVR LA MORT D'VN PETIT CHIEN.

ODE.

MUSE du ciel, Muse m'ame,  
Muse qui sembles endormie,  
N'oys tu poinct le chant si diuin,  
Le chant du diuin Angeuin,  
De l'Angeuin que tant i'honore,  
Qui la mort de Ploton deplore,  
Ploton ce petit chien poly,  
Des petitz chiens le plus ioly!  
La doncq', Muse l'heur de ma vie,  
Puis qu'à chanter il nous conuie,  
Reueillons-nous, chaffons l'ennuy,  
Et plaignons Ploton avecq luy.

La main de la sage nature  
Meit iadis son art & sa cure



Pour le faire beau de tout poinct,  
Et d'un grasselet en bon poinct,  
D'un poil aussi blanc qu'une hermine,  
Taché de noir dessus l'eschine,  
D'un nez dans le chef enfoncé,  
D'un œil hors du chef repoussé,  
D'une alaine douce & plaissante,  
D'une dent aussi reluisante  
Comme une perle d'orient,  
D'un petit musequin friand,  
D'une oreille pendante & basse,  
Et d'une fretillante grace,  
Telles qu'on l'eust sçeu desirer,  
Elle le fait pour l'admirer.

Et ne voulant que son ouvrage  
Reçeut çabas moins d'avantage  
Qu'il en auoit reçu des Dieux,  
D'elle, des Astres, & des cieux,  
Aussi tost qu'elle l'eust fait naistre,  
Il eust un grand seigneur pour maistre :  
Si que Pluton fut en son temps  
D'un grand Seigneur le passetemps,  
Et fut en sa forme indicible  
Le plus beau chien qu'il est possible.  
» Mais quoy ? nostre contentement  
» Ne dure iamais longuement,  
» Et volontiers la chose exquise  
» Par la mort est bien tost conquise.

Ploton, & de nuit & de iour,  
Estoit de son maistre àlentour,  
Et iamais ne print plaisir d'estre  
Aupres d'un autre que son maistre.  
Et soit que son maistre veillast,  
Qu'il repeust, ou qu'il sommeillast,  
Cette beste de sens pourueüe  
Iamais ne le perdoit de veüe.  
Et eust bien le petit Ploton  
En son viuant l'esprit si bon,  
Et plain de telle cognoissance,  
Que si quelcun en sa presence  
Parloit à son maistre pour bien,  
Le petit chien ne disoit rien :  
Mais s'il luy trauailloit la teste,  
De quelque importune requeste,  
Ploton en aboyant alors  
Le contraignoit d'aller dehors,  
Et sa guerre oncques n'estoit morte,  
Qu'il ne l'eust faict passer la porte.

Ploton couroit, Ploton faultoit,  
Ploton iamais ne s'arrestoit  
Lors que son maistre estoit bien ayse :  
Mais s'une nouuelle mauuaise,  
Où si quelque autre empeschement,  
Luy occupoit l'entendement,  
Ploton comme vne sage beste,  
Iamais à nul ne faisoit feste :

Ainçois comme attainct d'un grand soing,  
S'alloit cacher en quelque coing,  
Et là bellement sans mot dire  
Attendoit qu'il fut temps de rire,  
Puis soudain que venoit ce temps  
Il redoubloit ses passetemps.

Ploton en son amour extreme,  
Aymoît Monsieur mieux que soy mesme,  
Et Monsieur, Ploton aymoît mieux,  
Qu'il ne faisoit l'un de ses yeux,  
Et si l'un estimé doit estre  
Heureux pour avoir un tel maître,  
L'autre le doit estre aussi bien  
Pour avoir un tel petit chien,  
Qui vault qu'une tombe on luy donne  
Comme on fit au chien d'Hyppamone.

Ploton ne mangea iamais chér,  
Ny n'en voulust iamais toucher  
Ayant cognoissance certaine  
Qu'aux chiens elle gaste l'aleine :  
Mais bien de miettes de pain  
Qu'il prenoit de la seule main  
De son maître, & de belle eau claire,  
Ploton faisoit son ordinaire.

Ploton qui auoit ce bon heur  
De dormir pres de son seigneur,  
Comme faueur bien defferuie,

N'attendit iamais de sa vie  
Qu'il eust la peine de crier  
Pour faire leuer vn chambrier :  
Car dez que l'aube estoit leuée,  
La petite beste priuée,  
Pour le chambrier faire leuer,  
S'en alloit au liēt le treuer,  
Et là de sa petite patte,  
Et de sa bouche delicate,  
Grondoit si bien & fretilloit,  
Que le chambrier s'en esueilloit,  
Et soudain s'en alloit remettre  
A faire service à son maistre.

Ploton si son maistre escriuoit,  
Guetait quand quelcun arriuoit,  
Qu'en faignant quelque chose dire  
Son escripture il ne vint lire.

Ploton comme vn oiseau voloit,  
Allors que son maistre vouloit  
Que quelque chose il allast prendre  
Qu'il gettoit bas pour la luy rendre.

Ploton n'estoit poinct paresseux,  
Ny forty de race de ceux  
Qui iadis leur malheureux maistre  
Firent mourir sans le cognoistre.  
Ploton estoit plain de douceur,  
Mais Ploton n'estoit poinct chasseur,

Et ny par vaulx, ny par montaignes,  
Ny par forestz, ny par campagnes,  
Ne couroit pas fort voluntiers  
Après cerfz, lieures ou fangliers.

Ploton auoit plus de notice  
Que le chien qui cogneust Vlyffe  
Vingt ans après le sac Troyen.  
Ploton n'estoit pas vn grand chien  
Comme ces dogues d'Angleterre,  
Car il ne faisoit point la guerre,  
Fumant de bouche & de naseaux,  
Deuant les Princes aux toreaux:  
Mais de petite & belle taille  
Ploton faisoit vne bataille  
Contre vne fouriz, beaucoup mieux  
Que le dogue plus furieux.

Ploton n'auoit point tant de ruze  
Qu'en eust la chienne d'Arethuse,  
Qui sa maistresse delectoit  
Quand son espoux absent estoit.  
Ploton de sens ie parangonne,  
Au chien qui iadis Erygone  
Conduisist au lieu seurement,  
Auquel fut miserablement  
Par des gens champestres rauie  
De son pere Icare la vie.

Ploton fut doux comme vn aigneau,

Ploton fut gay comme vn moyneau,  
Simple comme vne Collombelle,  
Loyal comme vne tourterelle,  
Friand comme vn rat foleton,  
Mignard comme vn petit chaton,  
Bref Ploton fut plus agreable,  
Plus fretillard, plus amyable,  
Plus benin, plus obeyffant,  
Plus aduifé, plus cognoiffant,  
Plus vigilant, & plus habille,  
Et de nature plus gentille,  
Et plus digne d'en dire bien,  
Que ne fut iamais petit chien.  
Mais quoy? cette parque felonne,  
Qui iamais n'efpargne perfonne,  
Ialoufe de veoir noz esbatz  
Nous l'a faicît descendre là bas.  
Cette lice, cette execrable,  
Cette Parque tant miserable,  
Deſpite de nous veoir contens,  
Nous a rauy noz paſſetemps.  
Cette Parque, cette bourrelle,  
Cette mort meſchante & cruëlle,  
Miniftre du prince Pluton,  
A tué le petit Ploton :  
Le petit Ploton delectable,  
Le gentil Ploton ſouhaitable,  
Le ioly Ploton qui n'auoit  
Rien d'imparfaicît quand il viuoit.

Comme vne bonne mefnagere,  
Qui fon fil d'vne main legere  
Deuide de iour & de nuit,  
Et tant fon ouurage pourfuiët  
Que du ploton qu'elle deuide  
En fin fa main demeure vuide,  
Et fon ouurage tout entier,  
Fors que d'vn petit de papier  
Que dedans on entortillonne  
Afin que mieux il se façonne :  
Ainsi quand le fil de tes iours  
Ploton a eu finy ton cours,  
Et que ta vie ainsi guidée  
A esté toute deuidée,  
Tu es mort, tu es mort, hélas !  
Sans laiffer rien à ton trespas  
Qu'un papier que Bellay traiffe ores,  
Et cettuy que ie traiffe encores,  
Que ie me promettz estre tel  
Qu'il te pourra faire immortel.

Va doncq passer ame benigne,  
Digne d'estre au ciel vn beau signe,  
Va doncq ame de petit chien  
Passer le fleuve Stygien :  
Suyuant Mercure qui te guide  
Aupres du perroquet d'Ouide,  
Et du beau petit passereau  
Dont Catulle a faict le tombeau.

Et si ces vers que ie compose  
Meritent de toy quelque chose,  
Ie te supply que quand la mort  
M'enuoyrra là bas sur le port,  
Pour ma derniere residence ;  
Ie te supply qu'en recompense  
De ce que ie chante de toy,  
Tu t'en viennes aupres de moy,  
D'une nompareille allegresse  
Sautelant me faire caresse :  
Afin que l'ennuy qui me point  
Là bas ne me tormente point,  
Et que ta gaillardise viue  
Garde que mon mal ne me suyue,  
Et que vif & mort langoureux  
Ie ne soys tousiours malheureux.

---

### A IAQVES DE TOVTEINS.

#### ODE.

**A**VTANT que de maux on espreue  
Nous tourmentant diuerfement,  
Autant de remedes on treuve  
Pour nous donner allegement,



Ayant pour foy chascune nation  
Remede propre à son affliction.

Celluy qui naist en Alemaigne  
Enyure ses plus grandz malheurs,  
Et celluy qui naist en Espagne  
Pleure ses plus grandes douleurs,  
L'Italien tous ses ennuys endort,  
Et le François chante son desconfort.

Si vray donq est le commun dire,  
Je fuis Tufcan ou Allemand,  
Par ce que tousiours mon martire  
Le passe en beuvant ou dormant.  
Et quand ie dors, ou tousiours quand ie boy,  
Tous mez ennuys sen vollent loing de moy.

Que deormais doncq on me loue  
Ce peuple que ie tiens si cher,  
Car d'estre des siens ie m'aduoue,  
Quand ie me voudray desfacher :  
Et deormais si tu m'en croys aussi  
Mon cher Touteins tu feras tout ainsi.

---

## A GVILLAVME DV BVYS.

## ODE.

**P**OUR garder que le plaisir  
Qui nous vient ore fayfir,  
De long temps ne nous eschappe,  
Du Buys, fais porter la nappe,  
Et dresser vifte à manger,  
Tandis ie vaiz arranger  
Deça & de la Catulle,  
Properce, Ouide, & Tibulle,  
Deffus la table espendus,  
Entre les lucz bien tendus,  
Et les lucz entre les rozes,  
Et les rozes my declofes  
Entre les œilletz fleuriz,  
Les œilletz entre les liz,  
Et les liz entre les taffes,  
Parmy les vaiffelles graffes.

La mort, peult estre, demain  
Viendra prendre par la main  
Le plus gay de ceste troupe,  
Pour l'enleuer fur sa croupe

Luy difant à l'impourueu  
Sus, gallant, cest, assez beu,  
Il est temps de venir boire  
Aux enfers de l'onde noire.

---

## A NICOLAS DENISOT

*Conte d'Alfnoys.*

## ODE.

**S**i le ciel borne le cours  
De noz iours,  
D'une tombe si prochaine,  
Vault il pas mieux viure ainsi  
Sans foucy,  
Chassant l'angoisse & la peine ?

Le Soleil meurt bien aux cieux,  
Et noz yeux  
Priue au soir de sa lumiere,  
Puis au matin enfuiuant,  
Reuiuant,  
Nous rend sa clarté premiere.

Mais dez qu'une fois là bas  
Le trespas  
Nous a faict ombres descendre,  
De venir encor reueoir  
Ce manoir,  
Il ne nous fault plus attendre.

Car d'un affeuré destin  
Tout prend fin,  
Et rien ferme ne seiourne,  
Mesmes le temps qui nous fuyt,  
Quand il fuyt,  
Iamais plus il ne retourne.

Je ne parle mal appris,  
Des espritz  
Dont immortelle est l'essence,  
D'une si mauldite erreur  
Ma fureur  
Ne cherche la cognoissance.

Tel s'est auance la mort,  
Peu acort,  
Pour estre d'ennuy deliure,  
Qui mort ores n'estant rien,  
Vouldroit bien  
Reuenir encore viure.

Mesmes Achille voudroit.

A bon droict,  
Plustost reuiure sans gloire,  
Et n'estre qu'un laboureur,  
Qu'empereur,  
La bas sur la rive noire.

La donq' tandis que le cours  
De noz iours  
Haste le train de noz vies,  
Prenons garde qu'en nul temps,  
Mal contens,  
Elles ne nous foyent rauies.

Tout le bien & le bon heur,  
Et l'honneur,  
Que plus grand on doyue croire,  
C'est méprisant le trespas  
Qu'au repas  
On n'ait foucy que le boyre.

Au printems oyons la voix,  
Dans les boys  
De la gaye Philomelle,  
Puis donnons deffus le verd  
Au couuert,  
La cote verte à la belle.

En esté souz vn fapin,  
Ou vn pin,

Au bord de quelque fontaine,  
Folastrons & plaifantons,  
Et chantons,  
Auecq la bouteille pleine.

Mais en ce temps gardons bien  
Que le chien,  
Qui l'extreme chault apporte,  
Pour trop excessifz nous veoir,  
Nous fit cheoir  
Deuant l'infenalle porte.

Car nostre cueur ne doit poinct  
Estre espoinct  
D'autre desir que de viure,  
Et viuant ne doit penser,  
Sans ceffer,  
Qu'à viure content & libre.

Quand l'Automne vient vers nous,  
Le vin doux  
Careffons & la chasteigne:  
Ayant apres auoir beu,  
Pres du feu,  
La belle & gaye compaigne.

Pour faire deffus l'amour,  
A son tour,  
Quelque gaillarde faillie,

A fin que noz ieunes ans,  
Soient exemptz  
De toute melancolie.

Puis quand nous verrons l'hyuer  
Arriuer,  
Ayons la table couuerte,  
D'instrumentz bien accordez,  
Et de dez,  
Pour ne faire pas grand' perte.

Et ne laiffons le tablier  
Oublier,  
Ny la paulme quand il gelle,  
Ny les plus diuins auteurs,  
Describeurs  
De l'amour qui nous martelle.

Mais pour nous esleuer mieulx  
Dans les cieulx,  
Par quelque chose plus belle  
Allons veoir de tes portraitz  
Les beaux traictz,  
Dignes d'un second Apelle :

Et voyons les traictz diuers  
De tes vers,  
Dignes du loz des antiques,  
Mesmes ie te pry lifons,

Et difons  
Quelques vns de tes cantiques.

Par les œuvres que tu faiz  
Si parfaictz,  
Sur la table & fur le liure,  
Tu t'es faict maugré la mort,  
Affez fort  
Pour eternellement viure.

Faifant ce que ie diz or',  
Et encor  
Prenant le temps comme il paffe,  
Sans nous eftonner de rien,  
Mal, ou bien,  
Tort, ou droict, que lon nous face.

Nous viurons heureufement,  
Longuement,  
Sans foupçon & fans enuie :  
Puis quand en bas nous irons,  
Nous ferons  
En vne meilleure vie.

---



## DISCOVRS EN INCONSTANCE D'AMOVV.

A FRANÇOIS DE CHARBONIER.

**I**'AY grand desir de rire,  
Sans vn cruel martire,  
Qui dans mon cueur naissant,  
Comme vn loup rauissant  
M'a tousiours en sa gueule.  
La Taulpe seule aueugle ne naist pas.  
I'ai gousté les apastz  
Des histoires diuines,  
Et grecques & latines :  
Mais le sentier plus droict  
Est tousiours plus estroict.  
Dans mon sein croist l'amitie d'une dame,  
Qui réchaufe mon ame  
De l'ardeur d'un beau feu.  
I'en voy bien peu qui decourét ma braise :  
Dont ie suys aise, & de cest aise vain  
I'employ mon sein souz les raiz de la lune.  
La nef court bien fortune  
Sans trouuer des escueilz.  
Mille cercueilz on apreste à ma vie :  
Mais l'ignorante enuye

Ne se sceut oncq fouler  
De la vertu fouler.  
le voys en l'air descendre bas vn fouldre,  
Qui met en pouldre vn grand mont à trois chefz,  
Tout couuert de meschefz,  
Vengeant France & Itale  
De ce Sardanapale,  
Qui cinq ans tout de reng  
A teint de fang & de vice & de guerre  
Tout le siege de Pierre.  
Mais trop enquerre & trop dire & vouloir,  
Nous faict souuent douloir.  
Le Loth, le Loir, & la Sofne, & la Seine,  
Sçauent quelle est ma peine,  
Et i'en scay mieux l'auteur,  
L'esperoir flatteur le bien & le mal trompe,  
Parquoy la pompe efface la vertu  
Et puy le mieux vestu  
Tient la meilleure place,  
Qui faict par son audace  
Qu'il n'est iamais repris.  
le voy Cypris, avecq Ceres la belle,  
Et le filz de Semelle,  
Qui pesse-messe avecq l'oïsiueté,  
Suyuent la volupté:  
Dont tout gasté le monde, & tout seduit,  
Autre chose ne fuyt.  
Et s'en enfuyt que la sage Pallas,  
Et le nepueu d'Athlas,

Sont en leurs laz tous prestz à tresbucher.  
Mais i'ay beau me fascher,  
Madame est tousiours fiere:  
Bien que naguere on m'ait donné le choix  
De deux pauoys pour d'elle me defendre.  
Laiïfons les Roys s'offendre :  
Et laiïfons prendre le monde à toutes mains  
On en veoid maintz plus hault qu'ilz ne defferuent,  
Et ceux la qui ne seruent  
Aux vices, abaïfsez.  
On veoit assez que des Dieux la vengeance  
Attend la repentence :  
Mais on ne veult pas veoir  
Dans le miroir de ceste vie humaine,  
La mort certaine qui talonne noz pas.  
Castor à son trespas  
A gaigné que sa vie  
N'est qu'à demy rauie.  
Puis vn cheual a mis  
Les Gregeois ennemis  
Dans la ville de Troye :  
Donnant en proye les gendarmes Troyens,  
Et tous les citoyens,  
Au Roy d'Ithaque Vlyffe.  
Rien que malice, erreur, ambition,  
Seduction & tous vices en somme,  
Ne se pratique à Romme.  
Celluy seul est heureux  
Qui d'estatz plantureux

Est amoureux, ieune, disposé & riche  
Et qui non chiche acquiert par ses presens  
Des courtisans la faueur inconstante :  
Car s'il ne vente & qu'il face beau temps,  
Ilz sont contentz de le suyure à la trace.

Celluy n'est sans fallace  
Quand il dechasse vn cauteleux espoir  
Qui le veult deçeuoir.  
Je vois Amour qui guide  
Le iouuanceau d'Abyde,  
Dans les flots de la mer,  
Pour s'abîmer au pres de son espouse.  
Je vois Iunon ialouse,  
Qui fait changer en vache  
L'heritiere d'Inache :

Voire qui tache d'un despit trop amer,  
A transformer Calyste en vne beste.

Je la vois en planette  
Reluyre ores aux cieux,  
Je voy le Roy des Dieux,  
Deffouz forme incogneüe  
Ores en nue, & ores en pucelle,  
Et qui recelle maintenant en oiseau,  
Maintenant en Toreau,  
En nourrice, en Satyre,  
Plain d'amoureux martire,  
Et en forme d'un cygne  
Sa mageste diuine :  
Je l'aperçois encor

En pluye d'or. Mais le chien plus habille  
Est vne beste vile :  
Et l'homme encore plus  
Dont ie concludz que la formis legere  
Est bonne mefnagere.  
Cette fougere est propre aux enchanteurs.  
Et ces menteurs font tousiours bonne mine,  
Puis on chemine à sourcil descouert.  
Cest arbre verd aucun fruit ne rapporte :  
Et cette busche morte  
Sert à faire du feu.  
L'homme a bien peu s'il n'a ce qu'il merite.  
La Marguerite est vne belle fleur.  
Et la couleur qui plus fort me contente  
Est la changeante, mais ie n'en puis auoir.  
Le gris veult dire espoir,  
Ou trauail ce me semble,  
Mais tout est fol ensemble.  
Dont vient qu'Amour ne meët  
Cuyraffe, ny armét,  
Ny en dos, ny en teste,  
Pour faire vne conqueste.  
l'en voy tel mal appris qui fuyt,  
Quand plus pour son bien on le fuyt.  
Tel respond à qui ne l'appelle,  
Et tel d'une glace eternelle  
Se sent la poytrine enflammer  
Pour trop aymer. Puis le renard est fin,  
Bien qu'il voye à la fin

Par son destin, maugré sa longue queue,  
Sa finesse vaincue.

Je l'ay perdue ma pauvre liberté,  
Cette fiere beaulté,

Le flambeau de ma vie,  
Me l'a rauie & me fait estre ainfi  
Solitaire & transi.

Voyla, Charbonier, voyla comme  
Ce pendant que ie suis à Romme,  
Pensant en mes vieilles amours,  
Je faiz mille nouveaux discours,  
En plus d'inconstante souffrance  
Qu'à l'heure que j'estois en France.

Ore disant l'amour tout fiel,  
Ore le maintenant tout miel,  
Et disant qu'il me menasse ores,  
Et soubdain qu'il me flate encores,  
Ores il m'ayde, ore il me nuyt,  
Ore il me fuyt, ore il me fuyt,  
Ore il me brusle, ore il m'englace,  
Ore il m'appelle, ore il me chaffe.

Ores il me promet du bien,  
Ores il ne me promet rien,  
Ore il s'en souvient & l'oublie,  
Ores il m'estreint & deslie,  
Et faisant mes desseins contens,  
Me bleffe & guerit en vn temps.


Ores en riz, ores en plainte,  
Or' en assurance, or' en crainte,

En mes tenebres esclercy,  
Il me fait demander mercy.  
Ores il fait qu'un autre i'ayme  
Pour me vouloir mal à moy mesme,  
Ore il me louë expertement,  
Ore il me blasme accortement,  
Ore il me haultse, ore il m'abaisse,  
Ore il me dedaigne & caresse,  
Et fait qu'en mon affliction  
Tout ainsi qu'un autre Ixion,  
le me fuys, me fuys & me tourne,  
Et iamais content ne feiourne,  
Ayant de rire vn grand vouloir  
Sans le mal qui me fait douloir.

*Fin du troisieme Liure.*









LE QUATRIESME LIVRE  
DES ODES D'OLIVIER DE MAGNY

*Quercinois*

---

A LAVRENS D'AVANSON,

*Seigneur de Vaulferres.*

ODE.



E ne fuy point en peyne à qui  
donner ie doy  
Ces nouuelles amours : Car si ie  
pense à toy,  
Qui as l'ame gentille, amoureuse  
& bien née,  
Mon œuvre proprement est à toy destinée.

C'est à toy proprement à qui ie la debuois,  
Qui scais tresbien iuger de tout ce que tu vois,

Ayant l'esprit appris en chacune science,  
Et ayant de l'amour fait tant d'experience.

A ces graues Seigneurs, tous chargez de longs ans,  
Il fault tousiours porter quelques graues presens :  
Mais à ceux comme toy qui ont gay le courage,  
Il fault faire des dons conuenant à leur age.

Si dans mon cabinet i'auoys des lingots d'or  
Ou quelque belle pierre, ou quelque autre tresor,  
Le t'en ferois present : mais quoy ? ma barque est  
fresle,  
Et ne se charge point de marchandise telle.

Tous les plus grans tresors que i'ay en mō  
pouuoir,  
Ce n'est qu'un peu de vers, & vn peu de sçauoir,  
Dont la Muse m'honnore, & dont quand il m'ennuye,  
le faiz le cler Soleil venir apres la pluye.

Quelquefois sur mon luth avecq vn plus hault son  
le diray à ton loz quelque belle chanson,  
Pour faire que ton nom à iamais puisse viure,  
Et tandiz ie t'apporte & te donne mon liure.

Et bien que tu fois ore au camp de nostre Roy,  
Entre les gens de bien faisant preuue de toy,  
Ne dedaigne pourtant ces amours & ces larmes,  
Veu qué Mars mesmes ayme & si porte les armes.

Les armes & l'Amour, ainsi que dict quelcun,  
Ont en tous leurs effectz vn naturel commun,  
Et prise lon tousiours d'une braue vaillance  
Celluy qui pour l'amour donne vn beau coup de  
lance.

---

## DE SA NOVELLE AMOVR

A JEAN D'ILLIERS.

ODE.

**I'**AVOY conclud en mes espritz,  
Que iamais l'enfant de Cypris  
N'auroit plus sur moy de puyssance.  
Et ia desia ie cognoissoy,  
En mille lieux ou ie passoy,  
Combien valoit ma resistance :

Mais ce Dieu devenu moqueur  
De la liberté de mon cuer,  
Vint raillant me dire naguere,  
Qu'il me feroit bien tost sentir  
Si ie me pouvoy garentir  
Du coup de sa fleche guerriere.

Et deffors ce petit Archer  
Va secretement se cacher  
Dedans vn des yeux de Loyse,  
D'où traistre il déscocha sur moy  
Le fier traict plain d'aïse & d'esmoy,  
Qui rompt si-bien mon entreprise.

A dieu doncq' pauvre liberté :  
Cest aueugle enfant irrité  
Dequoy ie dedaignoy ses armes,  
Comblant ma poytrine d'amour,  
Me liure de nuict & de iour  
Sans repos mille autres alarmes.

---

## DES QUALITEZ DE SON AMOVR

A SA DAME.

ODE.

**T**es beaux yeux causent mon amour,  
Mon amour faict que ie desire,  
Le desir m'ard & nuict & iour,  
L'ardeur me donne vn grand martire,

Le martire faict que i'empire,  
L'empirer me liure la mort,  
Et toy qui ne faiz que t'en rire  
Ne me daignes donner confort.

Soit que l'aulbe d'un front vermeil  
Des Indes le iour nous apporte,  
Soit que le renaissant Soleil  
Ameine vne clarté plus forte,  
Ou que la claire lune forte  
Pour venir de nuit luyre aux cieux,  
Nulle clarté tant me conforte  
Que la clarté de tes beaux yeux.

L'amour qui iadis enflammoit  
Le diuin esprit de Catulle,  
Ny cil qui Properce allumoit,  
Ny celluy qui brulloit Tibulle,  
Ny celluy dont ardoit Marulle,  
Ne fut oncq plus grand que celluy,  
Qui fans fin me poingt & me brulle,  
M'emplissant d'un amer ennuy.

L'ardent desir qu'eust Menelas  
De r'auoir son espouze Heleine,  
Celluy dont le nepueu d'Athlas  
Pour Herse eust la poytrine pleine,  
Ny celluy qu'eust le filz d'Alcmene  
Au pourchas de l'amoureux bien,

Tant leur ayt il donné de peine,  
Ne fut oncq plus grand que le mien.

Le feu qui iadis confuma  
Le grand Herculle, ou la grand Troye,  
Ny cil que Didon aluma  
Se donnant aux vmbres en proye,  
Ny celluy dont ore on guerroye  
Pour mieux gaigner loy de veinqueur,  
Ne feut tel que cil qui foudroye  
La liberté dedans mon cueur.

Le tourment que souffre Ixion,  
Là bas en la troupe infernale,  
Ny la felonnie affliction  
Qu'endure le chetif Tantale  
Ny cell' de Syfippe n'egalle,  
Le mal que de nuict & de iour  
Triste, affamé, pensif & palle  
Le porte & souffre en ton amour.

Celluy qui chafque nuict paffoit  
Sans barque la mer pres d'Abyde,  
Ny cettuy-la qui pourchaffoit  
Son vmbre dans l'onde liquide,  
Ny cil qui d'un fer homicide  
Souz vn meurier s'occit d'esmoy,  
N'ont fuyui le Dieu qui nous guide  
Là bas, plus voluntiers que moy.



Heureux donc l'amour, & les yeux,  
Et le desir dont ie m'alume,  
Heureux le feu tant precieux,  
Et le tourment qui me consume,  
Heureuse encores l'amertume  
De la mort que souffrir ie doy,  
Puis que ta cruaulté presume  
Que c'est le guerdon de ma foy.

---

## DES GRACES ET PERFECTIONS

*de s'amy,*

A IOACHIM DV BELLAY ANGEVIN.

ODE.

QUAND vn luth ma Nymfe manye,  
La nouvelle & douce harmonie  
Qu'elle esmeult d'un doigt trefexpert,  
Efface la gloire d'Albert.

Et quand la petite Brunette  
Sur les marches d'une espinette  
Fait retentir ses nouveaux sons,  
Iean du Gay cede à ses chançons.

Ou quand vne fluste elle touche  
Diuinement elle l'embouche,  
Et de ses passages rauit  
L'escoutant, comme Iean Daut.

S'elle de son estuy defferre  
L'odorante & douce guyterre,  
Aux longs fredons qu'ell' passera  
Bernardin son ieu cessera,

Ou si d'un archet elle accorde  
Quelque beau chant dessus la corde  
D'un violon, aussi foubdain  
Elle faict taire Iean Alain.

Mais oultre ces graces parfaites  
S'elle met rien en choses faictes,  
Arcadelt ne peut refuser  
Ce qu'il luy plaist de composer.

S'elle accorde avecq sa voix douce,  
Les doubles fredons de son poulce,  
Lambert bien qu'il hante les Roys,  
Ne chante de plus belle voix.

Si d'aucune chose elle parle,  
Elle a le langage de Carle,  
Si du tout non si doctement,  
Au moins aussi disertement.

Et s'il luy vient en fantasie  
De faire de la poësie,  
Saingelays bien qu'il soit parfait,  
Ne la fait point mieux qu'elle fait.

Ou bien si elle veult en prose  
Discourir quelque belle chose,  
Son discours elle fait si bien  
Que Duthier l'aduouroit pour sien.

Et si sa prose elle desire,  
Ou ses vers de sa main escrire,  
Ell' passe escriuant de ses doigtz  
La main du Conte d'Alfinois.

Si homme ou Dieu elle veult peindre,  
De tant que Nature on peut feindre,  
Si bien la Nature elle feint,  
Que lanet mieux qu'elle ne peint.

Et s'elle sur la toile fine,  
Sur la gaze, ou sur l'estamine,  
Tire vn ourage ingenieux,  
La Flamande ne le fait mieux.

Si parfois dedans vne salle  
Elle avecq ses compagnes balle,  
Virgille avecq' plus de compas  
Ne dansa iamais les cinq pás.

Ainsi, Bellay, voy si la peine,  
Que j'ay pour ma Maistresse pleine  
De tant rares perfections,  
N'a merit  mes passions.

Et voy puis qu'elle ainsi surmonte,  
Et qu'ell' fait tant d'honneste honte  
A tant & tant d'espritz diuers,  
S'elle n'est digne de tes vers.

Mais si chacun qu'ell' parangonne  
Merite vne belle coronne,  
Toy qu'on ne peult parangonner  
Merites de la coronner.

La doncques, Bellay, ne refuse  
Le sacr  traual de ta Muse  
Aux raritez de ce subiect,  
Dont ie t'apporte le project :

Car ces honneurs saintz de la belle,  
Dignes de ta gloire immortelle,  
N'attendent rien plus de diuin  
Que l'immortel luth Angeuin.

---

## DE LA COGNOISSANCE DE SON AMOVR.

A REMY BELLEAV.

ODE.

**S**i ie n'ay dans le sang humain  
Souillé mon innocente main,  
Et si ie n'euz onc en ma vie  
Le cueur attainct d'aucune enuie,  
Estant ialoux de l'heur d'autrui,  
Pourquoy me faict on cest ennuy ?

Si par hayne ou temerité,  
Ie n'ay dict contre verité,  
D'une vengeance furieuse,  
Parolle aucune iniurieuse :  
Pourquoy doncq supporte-ie ainfi  
Tant de langueur & de foucy ?

Si ie n'ay despité les cieux,  
Si ie n'ay blasphemé les Dieux,  
Ny de leur maiesté diuine  
Conspiré iamais la ruyne,  
Pourquoy doncq gecte lon fur moy  
Les traictz d'un si cuyfant esmoy ?

Si la diffimulation,  
Et si l'auare ambition,  
La gloire, l'orgueil, & l'audace  
N'ont iamais en moy trouué place,  
Pourquoy verse lon sur mon chef  
Vn si miserable meschef?

Si ie me prosterne aux autelz,  
Tous les iours, des Dieux immortelz,  
Pour deuot y faire l'office  
D'un humble & iuste sacrifice,  
Pourquoy doncq' la peine & l'effort  
Sans mourir sens ie de la mort?

Si ie ne fuz oncq apperceu  
Ingrat du bien que j'ay receu,  
Que si ie ne veulx apparoiſtre  
Pareſſeux de le recognoiſtre,  
Pourquoy doncq' pour d'autrui iouyr,  
Me faiſt on moymeſmes hayr?

Si ie n'ay oncq rompu les loix,  
Si ie n'ay oncq fraudé les droictz,  
D'une amytié bien commencée,  
Soit de faiſt ou soit de pensée,  
Pourquoy m'acablant de trauaulx  
Me faiſt on ſouffrir tant de maulx?

Si par vn courage oultrageux

Je n'ay souillé d'un pied fangeux,  
Parmy les plaines & les prés,  
Les eaux & les herbes sacrées,  
Pourquoy porte ie incessamment  
Un si miserable tourment ?

Las ! ie voy le mal qui me fuit,  
Et cognoy cella qui me nuyt,  
C'est Amour, c'est Amour en somme,  
Luy mesme en moy mesme se nomme,  
Je le voys & cognoys, c'est luy  
Qui me donne tout cest ennuy.

C'est luy qui faict à Iupiter  
Son trosne & son fouldre quicter,  
Pour venir afferuir son ame  
Aux beaultez d'une simple femme,  
C'est luy qui cause en moy aussi  
Tant de langueur & de foucy.

C'est luy qui auillit le cuer  
D'Herculle des monstres vainqueur,  
Qui par luy ses armes despouille  
Pour s'agenfer d'une quenaille :  
C'est luy qui gecte aussi sur moy  
Les traictz d'un trop poignant esmoy.

C'est luy qui l'esprit de Rolland  
Attainct d'un traict si violent,

Et d'une puyffance si forte,  
Que tout en tout il le transporte :  
C'est luy qui verfe sur mon chef  
Vn fi miserable mefchef.

C'est luy qui Terée affolla,  
Tant que fa fœur il viola,  
Et couppa la langue à la belle,  
De peur d'estre accusé par elle,  
C'est luy qui la peine & l'effort  
Me faict, vif, sentir de la mort.

C'est luy par qui le beau Narciz,  
Au bord d'une fontaine affiz,  
Où trop ses beaultez il remire  
Nous voyons foymesmes s'occire :  
C'est luy qui pour d'autrui iouyr  
Me contrainct moy mesmes hayr.

C'est luy qui conduict en la mer  
Le pauvre Leandre abifmer,  
Le faifant d'un trop grand courage  
Plonger foy mesme en son naufrage :  
C'est luy m'acablant de trauaulx  
Qui me faict souffrir tant de maulx.

C'est luy encor qui nous faict veoir  
Iphis en si grand defefpoir,  
Qu'il se pend luy mesme effroyable



Deuant sa dame impitoyable,  
C'est luy, c'est luy, pareillement  
Qui me liure tant de tourment.

Bref c'est luy qui me donne ainsi  
L'ennuy, la langueur, le foucy,  
L'esmoy, le meschef, & la peine,  
L'effort de la mort, & la haine,  
Les traualx & maux inhumains,  
Et le tourment dont ie me plains.

---

#### CHANSON.

**I**e fers vne Maistresse,  
Qui tient dedans ses yeux  
Les traictz dont Amour blesse  
Les hommes & les Dieux,  
Qui ne le veult sçauoir,  
Se garde de la veoir.

Mais celluy qui desire  
De se faire amoureux,  
Et d'un plaissant martire  
Se rendre bienheureux,  
Vienne sans retarder,  
Vienne la regarder.

Du premier traict que donne  
Son bel oeil tant humain,  
Il bleffe la perſonne,  
Et la guerit ſoubdain,  
Cauſant d'un meſme effort  
Et la vie & la mort.

Venus dans ſon oeil dextre  
Se loge avecq' Amour,  
Et Mars dans le fenestre  
A choiſy ſon ſejour,  
Ce qui cauſe & qui fait  
Vn ſi contraire effect.

De la vermeille Aurore  
Son viſage elle a pris,  
Et ſi l'a pris encore  
De la gaye Cypris,  
Elle a pris de Iunon  
Sa gloire & ſon renom.

Du ſainct chœur de Parnaffe  
Elle a pris ſes chanſons,  
D'une gentile Grace  
Ses honneſtes façons,  
De Dyane a eſté  
Sa blanche chaſteté.

En elle la nature,

Et les diuins flambeaux,  
Ayant fait ouuerture  
De leurs trefors plus beaux,  
Ont tout voulu femer  
Pour plus la faire aymer.

C'est pourquoy ie n'ay garde  
De m'estonner beaucoup,  
Si cil qui la regarde  
En meurt du premier coup :  
Car mourir ce n'est rien  
S'on meurt pour estre sien.

De moy qui l'ay fuyue  
Comme fatalement,  
Ie n'ayme que ma vie  
Pour elle feulement,  
Et pour elle la mort  
Me feroit vn confort.

S'il aduient que lon meure  
De quelque beau mourir,  
Vn renom nous demeure .  
Qui ne sçauroit perir,  
Mourons donq' pour fes yeux  
On ne peult mourir mieulx.

---

## A LA COLOMBE DE IAN DE PARDEILLAN

*Prothonotaire de Pangeas*

ODE.

PETITE Colombe amoureuse,  
Gentile Colombelle heureuse,  
Qui foulois auant que les chantz  
Des neuf sœurs du Prince de Dele  
Sonnassent ta gloire eternelle,  
Estre seul delice des champs.

Maintenant mon Pangeas te vante,  
D'une voix si douce & sçauante  
Que les sons en montent aux cieux,  
Toy seruant aux tables plus grandes,  
Parmy les plus douces viandes,  
Du metz le plus delicieux.

Vy doncq' immortelle en son œuvre,  
Car si l'aduenir ie desqueure,  
Ie preuoy ton nom aussi beau,  
Que Catulle & qu' Ouide encore,  
Font veoir en leurs vers que j'adore  
Vn perroquet, vn passereau.

## A S'AMYE.

## ODE.

QUELLE ardeur chastement diuine  
Sens ie alumer en ma poytrine !  
Quelle fureur tient mes espritz  
Hors de moy chastement espris !  
Seroit ce, Muse mon merite,  
La beaulté de ma Marguerite,  
Qui me rauissant de nouveau  
Me renflammaſt d'un feu ſi beau ?  
Ou Phebus de ſa ſaincte flame  
Rechaufe vainement mon ame,  
Ou cette ardente nouveaulté  
Sort des rayons de ſa beaulté,  
Difons donq', Muse mon merite,  
La beaulté de ma Marguerite,  
Qui de nouveau me rauissant  
D'un beau feu me va rempliffant.

Ne Pallas, ne la Cyprienne,  
Ne la fille Saturnienne,  
Seroient telles entre les Dieux,  
Sans les espritz ingenieux,  
Qui chantant leurs graces plus belles,

Ont fait leurs beautez immortelles.  
Que donrois-tu donq' à celluy  
Qui te chanteroit aujourd'huy,  
Et qui t'aquerroit vne gloire  
Digne d'eternelle memoire?  
Luy donrois-tu pas de tes yeux  
Mille regardz delicieux?  
Luy donrois-tu pas, mignonette,  
Mille baisers de ta bouchette,  
Et ceignant son flanc de tes bras  
Ne le carefferois-tu pas?

Respons donc, petite friande,  
Respons à ce que ie demande?  
Tu respons que pour acquerir  
Vn renom qui ne peult mourir,  
Et pour gagner que dans vn liure  
Tu puysses à iamais reuiure,  
Mille regardz tu donneras,  
Mille baisers tu liureras,  
Et feras cent mille careffes,  
Et cent mille delicateffes,  
A celluy qui pour te priser  
Tachera de t'eterniser.

Ainsi donq' me soit fauorable,  
Ainsi donq' me soit secourable  
Le chef du choeur Aönien,  
Afin que ie chante si bien

Le subgect que i'ose entreprendre,  
Qu'vn iour la diuine Cassandre,  
L'obgect du diuin Vandomois,  
S'enialouze aux fons de ma voix,  
Et qu'au ciel reluyre ie face  
Les diuins honneurs de ta face.

Ca donq' donne moy de tes yeux  
Mille regardz delicieux,  
Et mille baifers m'apareille  
De ta belle bouche vermeille,  
Puys voutant tes bras rondz & blancz,  
Serre m'en, Mignonne, les flancz,  
Car c'est moy qui veux faire dire  
Tes beaultez aux nerfz de ma lyre,  
C'est moy qui te veux honnorer,  
Qui veux ton honneur decorer,  
Et par mes vers te rendre telle  
Que ta beaulté soit immortelle,  
Te donnant nom & renom tel  
Que moy mesme en sois immortel.

---

## A ELLE MESMES.

## ODE.

QUAND ie te vois au matin  
Amasser en ce iardin  
Les fleurs que l'aulbe nous donne,  
Pour t'en faire vne coronne,  
Ie desire aussi foubdain  
Estre en forme d'une abeille,  
Dans quelque roze vermeille,  
Qui doit cheoir dedans ta main.

Car tout coy ie me tiendrois,  
Alors que tu t'en viendrois  
La cueillir sur les espines,  
Entre ses feuilles pourprines,  
Sans murmurer nullement,  
Ne battre l'une ou l'autre ælle,  
De peur qu'une emprise telle  
Finit au commencement.

Puis quand ie me sentiroy  
En ta main, ie sortiroy  
Et m'en iroy prendre place  
Sans te poindre sur ta face :



Et là baifant mille fleurs  
Qui font autour de ta bouche,  
Imitterois ceste mouche  
Y fuçant mille fenteurs.

Et si lors tu te faschois  
Me chassant de tes beaus doigtz,  
Le m'en irois auffi vifte  
Pour ne te veoir plus despite,  
Mais premier autour de toy,  
Le diroy d'un doux murmure,  
Ce que pour t'aymer i'endure  
Et de peines & d'esfroy.

Ou si par quelque bon heur  
Tu voulois fleurir l'odeur  
De la roze qu'aurois prise,  
Ignorant mon entreprise,  
Lors que tu la fleurerois,  
Alors fortant, mignonette,  
De mon embusche secrette  
Ta bouche ie baiferois.

Voy donq' comment Cupidon  
Rend l'ardeur de son brandon  
En moy feurement forte,  
Qui ne veult qu'en cette forte  
Le fois plain de sa poison,  
Mais qui fait que ie souhaite

De changer en vne beste  
Ce peu que i'ay de raison.

C'est cét Archer, cét Amour,  
Ce tiran qui nuit & iour  
De ses flammes trop cruëles  
Me deuore les mouëles :  
C'est luy, c'est luy voirement  
Que quelque ourse d'Hyrkanie,  
De sa fiere felonnie  
Allaicta premierement.

---

## DE SON AMOVR ENVERS DEUX DAMES.

### ODE.

**C**OMMENT Amour consens tu que ie porte  
Pour deux objectz vne angoisse si forte,  
Et qu'un seul traict de ton arc belliqueur  
Deux telz effortz face dedans vn cuer ?

Ie fuy à toy quand l'Aurore s'esueille,  
Et quand Phebus dans les ondes sommeille  
e fuy à toy, & tant à toy ie fuy,  
Qu'estre d'autrui ie ne veux & ne puy.

le ne fuz onq' que dispoſt à te ſuyure  
le ne fuz onq' diſpoſé que de viure  
(Tefmoins en font & mon luth & mes vers)  
Deffoubz ton ioug au nombre de tes ſerfz.

Ouvre tes yeux, aueugle en mon remede,  
le ne ſuys point ce guerrier Dyomede,  
Qui deuant Troye affaillant les Troyens  
Bleſſa ta mere entre les Phrygiens.

le ne ſuys point ce Phebus qui dedaigne  
Ton arc, tes traictz, ta trouſſe & ton enſeigne,  
Ny cette la qui d'un trop chaſte vœu  
Pucelle fuyt les ardeurs de ton feu.

Cerche entre nous vne ame plus rebelle  
Pour l'offenſer d'une naureure telle,  
Et laiſſe moy, qui ne ſuis aſſez fort  
Pour ſupporter doublement ceſte mort.

Ah dure loy ! ah rigueur trop extreme !  
Dedans les cueurs de deux Dames que i'ayme  
Ton arc Amour & ton brandon eſt vain,  
Et ie ſens bien deux flammes en mon ſein !

O durs ennuyſ ! ô dolentes deſtreſſes !  
O grans beaultez de deux belles maiſtreſſes !  
Pourray-ie bien ſouffrir tant de treſpas  
Sans qu'à la fin ie deſcende la baſ ?

L'vne me dict qu'aux cordes de ma lyre  
Rien que son loz ie ne face redire,  
L'autre me flatte & mignarde me dit  
Qu'ell' veult auoir vn semblable credit.

Mais ie me deulx de quoy ie ne suis digne  
De celebrer leur louange diuine,  
Car d'un Ronfard bien qu'il chante les Roys  
Toutes des deux ont merité la voix.

Ie voudroy bien si ie pouuoy me taire  
Sans les louer, mais ie ne le puis faire :  
Car cettuy la qui m'a le cueur atteint  
Veult que par moy leur honneur soit depeint.

La donq', garfon, d'une main diligente  
Porte ma lyre, afin que ie les chante,  
Et l'une & l'autre & chacune à son tour  
Par ma chanfon i'entremesle à l'amour.

Couple amoureuse en laquelle se mire  
Le ciel courbe, qui voz graces admire,  
A tresbon droict le Roy de tous les Dieux  
Lairroit pour vous son tonnerre & ses cieux,

Et transformant sa figure immortelle  
En cigne, en beuf, en Satyre, en pucelle,  
Ou bien en or pour mieux vous affaillir,  
Viendroit ça bas vostre roze cueillir.

Qui voudra veoir ce que peult la nature  
Verfer de beau fur vne creature,  
La decorant de mille nouueaultez  
S'en vienne heureux contempler voz beaultez.

Et s'il ne fçait comment Amour entame,  
Et comme encore il englace & enflamme  
Les cueurs de ceux qui font en liberté,  
Voye fans plus de voz yeux la clarté.

Il verra lors les brandons & les leffes,  
Les doux appaftz, les embusches traitreffes,  
Et les glaçons dont l'enfant de Cypris  
Ard, bleffe, prend, & gelle noz espritz.

Je vous admire & l'une & l'autre ensembles,  
Et vostre teint qui les rozes refemble,  
Alume en moy de fes rayons vermeilz,  
Deux feuz d'amour ardentement pareilz.

Mais ie ne fçay la beaulté de laquelle  
Plus ardemment à vous feruir m'appelle :  
Car l'une & l'autre en vous me faites veoir  
Tout le plus beau qu'on peult du ciel auoir.

Puys tout au coup en vne mefme place  
Je fuz rauy de l'une & l'autre face,  
Et tout au coup en mefme place eftreint  
Je me fenty de l'une & l'autre atteint.

Voyez Amantz comme ce Dieu qui vole  
Mon cueur ardent de deux beaultez affolle,  
Et comme il faict plus plaissant mon ennuy,  
Entremeslant du plaisir avec' luy.

Si l'une veoit que trop de peine i'aye,  
Elle s'en vient pour adoucir ma playe :  
Si l'autre veoit que ie fois au mourir  
Elle s'en vient afin de me guerir.

Si l'une entend l'estat de ma souffrance,  
Elle me paist d'une bonne esperance :  
Si l'autre m'oit au prez d'elle douloir,  
Elle me paist doucement d'un espoir.

Voila comment ie porte dans mon ame  
Le vif portrait de l'une & l'autre Dame,  
Et dans le sein double amoureux esmoy,  
Viuant aillieurs pour trespasser en moy.

Or ie les aime, & si n'ay poinct enuye  
Tandis qu'icy ie fileray ma vie,  
D'autre beaulté iamais me renflammer,  
Ains toutes deux ensemble les aymer.

Me faisant fort sur leur propre assurance,  
Qu'en peu de temps i'auray la recompense  
De tous les maux qu'en ayment ie reçois,  
De l'une ou l'autre, ou des deux à la fois.

Tandis mon luth leurs merites entonne,  
Si haultement que le ciel en refonne,  
Et que du bord où s'espanist le iour  
Iusques à l'autre on faiche mon amour.

---

## D'AYMER EN PLVSIEVRS LIEVX.

A GVILLAVME AVBERT.

ODE.

POURCE qu'en ceste Amour diuerfement escripte  
le parle ore avec Anne, ore avec Marguerite,  
Magdaleine, & Loyse, on me pourroit blasmer  
D'aymer en trop de lieux pour bien me faire aymer.

A cella ie respons, que selon les destresses  
Que i'ay long tēps souffert pour ces quatre mai-  
stresses,  
Et selon que i'ay eu d'elles bon traictement,  
Ie l'ay voulu descrire ainsi naifusement.

Mais de n'en aymer qu'une, & pour elle ma vie  
Veoir à mille tourmentz pour iamais afferuie,

le ne le sçaurois faire, ayment mieux dire adieu  
Pour aller chercher mieux en quelque autre bon lieu.

La Nature m'a faict, & la Nature est belle  
Pour la diuersité que nous voions en elle:  
Je suis donq' naturel, & ma felicité  
En matiere d'amour c'est la diuersité.

L'hōme ieune est bien sot & digne qu'on le chaffe  
Qui ne loge son cueur qu'en vne seule place,  
Et aux ongles du chat le rat doit tresbucher,  
Qui ne sçait qu'vn seul trou pour se pouuoir cacher.

Il fault de port en port chercher son auanture,  
Aller par cy, par la, pour changer de pasture:  
Et quand quelque faueur receuoir on n'a sceu,  
Aller en autre endroict pour estre mieux receu.

Par les diuers pays, & les diuers voyages,  
Par les hommes diuers, & les diuers langages,  
L'homme se faict plus rare & s'acquiert le renom  
D'vn homme bien expert & d'vn homme de nom.

Ces marmiteux Amätz qui nuit et iour soupirēt,  
Pour vn amour auquel vainement ilz aspirent,  
Perdent (comme l'on dict) & repos, & repas,  
Et souffrent tous en vie vng millier de trespas.

le m'en riz & m'en moque, & leur amour si forte



Ce n'est pas vng amour qui les ames transporte,  
Ains cest vne fureur qui les transforme tous,  
Et qui faict qu'en la rue on les appelle foulz.

Aymons donques par tout, & ces fottes conftances  
Chaffons de noz amours & de noz alliances,  
Aymât quād on nous ayme, & nous gardāt toufiours  
La liberté d'entrer en nouuelles amours.

---

A S'AMYE.

ODE.

**P**vis que la faifon du printemps  
Faict trop plus les hommes contens,  
Lors que la terre elle colore,  
Que l'esté, ne l'hyuer encore,  
Il nous fault cultiuer le fruit  
Que le gay printemps nous produit.  
La donq' petite Magdaleine,  
Puis que le vent de ton aleine  
Semble vng Zephire doucereux,  
Anime vng baifer fauoureux,  
Et soufffle dedans ma poytrine  
Ta delicateffe diuine.

Baïse moy tout beau bellement,  
Baïse moy colombellement,  
Ma belle petite Dione,  
Ma belle petite Mignonne,  
Mignonne que i'ayme trop mieux  
Que la lumiere de mes yeux,  
Tant & tant de tes mignotises,  
De tes mignotes mignardises,  
Cupidon l'Archerot volant  
Me va nuict & iour affollant.

Baïse moy donq' & ne differe  
Pour crainte des yeux de ton pere,  
Nous regardant il se soubzrit,  
Se soubzriant il se nourrit,  
Si fort & doucement est forte  
La douce amytié qu'il nous porte.  
Rien n'est plus doux que l'amytié  
Viens l'une en l'autre moytié,  
Et menant une douce guerre,  
C'est un vray paradis en terre,  
La donq' puis que ie viz en toy,  
Viz ie te pry, mignonne, en moy,  
Et viens ainsi pelle mesle,  
Dressons une douce querelle.  
Tu donneras du doz de ta main  
Mille doux coups dessus mon sein,  
Et ie me defendray follement  
Jusqu'à te veoir lassé de battre,

Puys t'enlevant entre mes bras,  
Je ne me contenteray pas  
De cent baisers pris d'une pille,  
Mais en prendray plus de cent mille,  
Saoulant à mesme mon desir,  
Et te laissant à ton plaisir,  
Tu t'en fuiras comme mutine,  
Par derriere quelque courtine,  
Et là me despitant plus fort  
Dedaigneras tout mon effort,  
Jusqu'à tant que ie te rebaïse,  
A celle fin que ie t'apaise,  
Et afin que j'apaise aussi  
Le doux tourment de mon souci.

---

## PLAINCTE D'AMOVR A VENVS.

A JAQUES BIZET.

ODE.

A MOVR, Bizet, en plourant  
S'en vint naguere courant  
Vers la Royne de Cythere,  
Et luy dict, ma douce mere,

Voy ie te pry dans ma main  
Cette naureure inhumaine,  
Que m'a faict dans cette plaine  
Vn oifelet inhumain.

C'est cét oifelet qui bruyt  
Vn murmure, quand la nuit  
Cede à la clarté nouuelle,  
Que le villageois appelle  
Ce me semble mouche à miel,  
Et qui fuçe aux prez encore  
Au reueiller de l'Aurore  
L'humeur qui tumbe du ciel.

Il est comme vn papillon,  
Mais il porte vn aiguillon,  
Qui m'a faict de sa pointure  
Dans la main cette ouuerture :  
Gueris donques ma douleur,  
Et fay que de cette offense  
Le puisse auoir la vengeance  
Par vn contraire malheur.

Souffre dit ell' ce mesfaict  
Mauuais garson, qui m'as fait  
Bien qu'aux flancz porté ie t'aye  
Vne plus amere playe,  
Et qui faiz au Roy des Dieux  
De ton traict tant de nuyfance,

Que pour guerir la souffrance  
Souuent il quicte les cieux.

Ce qui peult armer le corps  
Est tout vain en tes effortz,  
Et le plastron ny la maille  
Ne vault rien en ta bataille :  
Aussi le Dieu des souldars,  
Bien qu'il ait tousiours ses armes,  
Ne sçeust onq en tes alarmes  
Se garentir de tes dardz.

Et si quelcun mal appris  
Met tes flèches à mespris,  
Tu luy fais à toute oultrance  
Sentir qu'elle est ta puyffance :  
O Phebus tu le sçeuz bien,  
Après auoir eu la gloire  
De ta premiere victoire  
Sur le champ Theffalien.

Ton traict remply de poison  
Enforcelle la raison :  
Tu l'esprouvas bien Alcide,  
Des vieux monstres homicide,  
Allors que des mesmes doigtz  
Qui la terre dépeplerent  
Des serpentz qu'ilz estranglerent,  
Serf d'Omphalé tu filois.

Tu n'es point tant outragé  
Qu'il te faille estre vengé,  
Souffre donq ce qui te greue,  
La douleur en fera breue,  
Et cesse de tant ferir,  
Mesmes nous qui des Dieux sommes :  
Car la Mort guerit les hommes,  
Mais ell' ne nous peult guerir.

---

D'VNE DEVISE QVE LVY DONNA S'AMYE

*Dans un anneau,*

IE MEVRS DE IOVR, ET BRVSLE DE NVICT.

ODE.

**T**v te meurs de iour,  
Et de nuyct encore,  
Vn brazier d'amour  
Ton ame deuore,  
Et si ne veux pas  
Esteindre ta flamme,  
Ny de ce trespas  
Garentir ton ame.

l'ars ainfi de nuyct,  
Et de iour deffine,  
Pour n'auoir le fruit  
Qu'apprend la Ciprine,  
Et toy qui me peulx  
Bien heureux me rendre,  
Retiue à mes vœuz  
Ny daignes entendre.

Bien que feure fois  
Que ma peine ardante,  
Et ma mort, ainçois  
Ma douleur mordante,  
Viennent de ton œil,  
Qui mon cueur embraize,  
Me faifant en dueil  
Mourir de mefaife.

La donq' ofte toy  
De ta peine dure,  
Et m'oste l'efmoy  
Que pour toy i'endure :  
Par ainfi ton cueur,  
Et mon ame heurée,  
Viuront fans langueur  
En ioye affeurée.

---

## A S'AMYE EN LVY DISANT ADIEV.

## ODE.

**E**NCOR qu'un autre que moy  
Soit le mieulx aymé de toy,  
Et qu'esperance ie n'aye,  
Que tu fois pour me guerir,  
Pour me garder de mourir  
De mon amoureuse playe.

Je ne lairray toutesfois  
Par les chams ou ie m'en vois,  
Entre les peuples estranges,  
De chanter & de vanter,  
De vanter & de chanter,  
Tes immortelles louenges.

Tandis partant de ce lieu  
Je te viens dire vn adieu,  
Vn adieu qui me fend l'ame,  
Oferay-ie l'annoncer,  
L'oferay-ie prononcer,  
Adieu las, adieu madame.

Garde ie te pry mon cueur,



Que ie te laiffe en langueur  
Pour te fuyure en mon abſence :  
Et garde encore qu'abſent  
Il ſente le mal qu'il ſent  
Maintenant en ta preſence.

---

## A ELLE ENCORE

*Sur ce meſme propos.*

ODE.

Q VAND ie pris hyer congé de vous,  
D'un baiſer ſi long & ſi doux  
Vous feiſtes contente mon ame,  
Que la friande s'eſcoula  
Deſſus ma bouche & s'en volla  
Dans la voſtre plaine de baſme.

Et depuis cette heure, depuis  
Sans ame, maiſtreſſe, ie fuyſ,  
Sentant bien ma force rauie,  
Si vous piteuſe à mon torment,  
Ne la renuoyez promptement  
Afin de renforcer ma vie.

l'enuoye mon cueur meffager  
Deuers vous, pour contr'eschanger  
Auecq' mon ame de demeure.  
N'usez donq' vers luy de rigueur,  
Car si ie fuyz guiere fans cueur  
Il fauldra du tout que ie meure.

Et si pour vous ie trespaffois,  
Vous en sentiriez quelque fois  
La bas vne peine cruelle :  
» Car les Dieux n'ont point de pitié  
» D'un qui reçoit vne amitié,  
» Et n'en rend point de mutuelle.

---

## DE L'ABSENCE DE S'AMYE.

A MAVRICE SEVE LIONNOIS.

ODE.

**A** PRES que sur le bord du Rosne,  
Et que sur celluy de la Sofne  
l'ay plaint longuement ma douleur,  
le viens aux riuages d'Isere,  
Rempli d'amoureuse chaleur,

Lamentar ma vieille misere  
S'empirant d'un nouveau malheur.

Car plus en moy mesme ie pense  
D'amoindrir mon mal par l'absence,  
Ou par l'esloignement des lieux,  
Et plus il croit dedans mon ame,  
Pour ne veoir plus les deux beaux yeux,  
Ny les beaux cheueux de ma dame,  
Qui peuuent captiuer les Dieux.

L'amour me faict hair moy mesme,  
Le bien me fait un mal extreme,  
Et le feu trop chault me pallit,  
Le repos helas ! me trauaille,  
Le veiller m'est fomme, & le liēt  
M'est un camp de dure bataille,  
Où viuant on m'enfeuelit.

Le pleurer me plaist, & le rire  
M'apreste un contraire martire,  
Le repos m'est venin & fiel,  
Au lieu de paix i'ay tousiours guerre,  
Ie voy sans yeux, & volle au ciel,  
Sans iamais départir de terre,  
Où ieune ie semble estre vieil.

I'espere & crain d'un seul courage,  
Mon profit m'apporte dommage,

Et le iour plus ferain qui luyt  
Ne m'est que tenebre mortelle,  
Bref, i'ay sans fin soit iour ou nuit  
D'un vieil desir peine nouvelle,  
En fuyuant cella qui me fuyt.

O beaux yeux bruns de ma maistresse,  
O bouche, ô front, sourcil, & treffe,  
O riz, ô port, ô chant & voix,  
Et vous ô graces que i'adore,  
Pourray-ie bien quelque autre-fois  
Vous veoir & vous ouyr encore  
Comme ie feiz en l'autre mois!

Riuages, montz, arbres, & pleines,  
Riuieres, rochers & fontaines,  
Antres, forestz, herbes, & prez,  
Voifins du feiour de la belle,  
Et vous petitz iardins secretz,  
Ie me meurs pour l'absence d'elle,  
Et vous vous égayez auprez.

---

## ÉLÉGIE A SA DAME.

**A**VANT qu'Amour me naurast de ses armes,  
Et me liurast tant d'affaux et d'alarmes,  
Le ne sçauoy quel heur il apportoit,  
Ou quel malheur à ceux qu'il combatoit.  
Ny ne sçauoy comment de ses fagettes  
Il faict ainsi noz voluntez subgettes  
Ayant tousiours en franchise vescu  
Sans vaincre aucun, & sans estre veincu.

Mais depuys l'heure heureusement venuë  
Que i'euz au cueur vostre image receuë,  
L'ay faict l'effay par tant de diuers coups  
De ce qu'il peult sur les Dieux & sur nous,  
Que librement à present ie confesse  
Qu'on ne sent point de plus douce tristesse.  
Et sans le mal dont mon cueur se ressent  
Estant de vous si longuement absent,  
Le me tiendrois le plus heureux des hommes  
Qui furent onc en ce monde où nous sommes :  
Car ô bons Dieux conter ie ne scaurois  
Sur ce papier, le bien qui tant de fois  
M'est auenu regardant vostre face,  
Ou contemplant vostre courtoise grace,

Et receuant de voz yeux amoureux  
Mille doux traictz dans mon cuer langoureux.

Il est bien vray qu'en fortune si douce  
l'ay quelquefois esprouvé la secousse  
Du traict amer, que cét Archer vainqueur  
Sans y penser tire dedans vn cuer,  
Mais aussi tost ie cognoiffoy voisine  
Pour me guerir l'heureuse medecine :  
Car ayant l'heur, dame, de vous reuoir  
le delaiffoy soubdain à me douloir,  
Et par voz yeux, ma fatale lumiere,  
le recqueroiy ma fortune premiere.

Ores sans aise & sans repos aussi,  
Plus que iamais i'esprouue ce soucy,  
Tant pour l'ennuy que i'ay de mon absence,  
Que du desir d'estre en vostre presence,  
Vous asseurant que si l'occasion  
Vouloit respondre à mon affection,  
l'iroy bien tost recompenser l'usure  
Des durs trauaux qu'en absence i'endure.  
Mais attendant le bon heur de vous veoir,  
le vy tousiours en quelque peu d'espoir,  
Me faisant fort que ceste absence nostre  
N'esloignera mon cuer d'auecq le vostre,  
Et ne fera que ferme en vostre foy  
Vous ne daigniez vous souuenir de moy.  
En ce pendant ie porte en ma poitrine

Inceſſement voſtre image diuine,  
Sans craindre rien qui la puyſſe effacer,  
Et ces beaux motz m'amuſe à repenſer :  
» L'homme ne ſçait tant qu'il vit ſur la terre  
» Que vault la paix s'il n'a ſenty la guerre,  
» Et ne ſçait point que vault la liberté,  
» S'il ne fut onc en priſon arreſté.

---

## DE L'EXTREMITÉ DE SES PASSIONS.

A GABRIEL DV FAVSSARD.

## ODE.

S'IL eſt ainſi, comme tu diz,  
Que les amitez de iadis  
Ne font rien au pres de la tienne,  
Pour correſpondance à la mienne,  
Oy ie te ſupply par pityé  
Ce que me cauſe vne amytié.

Soit que l'aulbe d'un teinct vermeil  
Annonce le nouveau ſoleil,  
Ou ſoit que le ſoleil au monde

Face veoir fa perruque blonde,  
Ou soit ou serain de la nuict,  
Allors que la Lune reluyt,

Toufiours vne fiere langueur  
Me va geinant mon pauvre cueur,  
Et toufiours vne angoisse extreme,  
Et vne misere de mesme,  
Seichant mes veines & mes os,  
M'ostent & repas & repos :

Ie me consume peu à peu  
Comme la cire aupres du feu,  
Ou comme la fleur delaissée,  
Aux champs d'un coultre renuerfée,  
Ou comme au soleil sur un mont  
La glace ou la neige se fond.

Helas ! auoys-ie merité  
Qu'avec tant de feuerité,  
Vne misere si mortelle  
Me causast vne angoisse telle,  
Et me feist pour me secourir  
Vouloir & ne pouuoir mourir ?

Ie porte toufiours dans mes yeulx  
Ce qui m'est tant pernicieux,  
Et toufiours ie loge en ma teste  
Ce qui me faict tant de tempeste,



Par ainfi portant & logeant  
Ce qui me va tant oultrageant.

Je ne puyz iamais approcher  
De montaigne, ny de rocher,  
D'ancre, de forest, ny de pleine,  
De fleur, de pré, ny de fontaine,  
Que peint il ne m'y semble veoir  
L'object qui tant me faict douloir.

Amour ce petit Dieu vollant,  
Ce petit Dieu si violent,  
Qui le ciel & la terre enflamme,  
Se faisant maistre de mon ame,  
Et m'ayant tout à foy rauy,  
Tout à foy me tient afferuy.

C'est luy qui tant me faict gemir,  
Qui tant me garde de dormir,  
Et qui tant mes espritz affolle :  
C'est luy qui m'oste la parole,  
La franchise & le sentiment,  
Sans trouuer nul allegement.

Bref c'est luy qui tient ma raison,  
Et mon esprit en sa prison,  
C'est luy qui tant de maux me liure,  
Et qui me faict en aultruy viure,  
Mourant cent fois le iour en moy,  
Par trop d'esperance & de foy.

Comme souuent on veoid le vent  
Foible & petit en se leuant,  
Renforcer apres son aleine,  
Croullant les arbres en la plaine,  
Et faisant en tournant voler  
Vne obscure pouffiere en l'air.

Il faict les ondes de la mer  
Par grandes vagues escumer,  
Des grans montz il abat le feste,  
Et porte vne telle tempeste,  
Que le bestail au boys caché  
En meurt soubz le boys arraché :

Ainsi nasquist Amour petit,  
Quand premier il me combatit,  
Puis apres redoublant ses forces,  
Il me fait mille & mille entorces,  
M'arrachant d'une grand fierte  
Mon esprit & ma liberté.

Plus ie voys le repos cerchant,  
Plus le trauail me va faschant,  
Et plus ie quiers ou paix ou trefue,  
Et plus la guerre on me faict greue,  
Croissant tousiours ma grand ardeur  
A l'enuy d'une grand froideur.

L'ay effayé tant que j'ay peu

De pouuoir esteindre ce feu,  
Et encor sans cefte i'effaye  
De guerir ceste amere playe,  
Mais en vain, car le mal encloz  
A penetré iufques à l'os.

Ainsi qu'un malade qui boult  
D'une foif qui l'enflamme tout,  
Et qui s'endort fur ceste enuye  
De veoir ceste foif affouie,  
Ne songe en dormant qu'à des eaux,  
Des fontaines & des ruyffeaux.

Tout ainsi quand i'ay bien veillé,  
Et que iay long temps trauaillé  
Pour l'amour qui tout me transforme,  
S'il aduient qu'allors ie m'endorme,  
Ie ne faiz que songer tousiours  
A la beaulté de mes amours.

Ore il me femble que ie voy  
La belle qui vient deuers moy,  
D'autant plus douce & plus priuée  
Que ie l'ay plus fiere trouuée,  
Me promettant allegement  
A mon miserable tourment.

Et tout foubdain ce m'est aduis  
Me trouuant d'elle viz à viz,

Ie la voy fiere qui me tance,  
Blasfant ma grand aultrecuidance,  
Et monstrent son cueur endurci  
Pour n'auoir aucune mercy.

Comme le soleil nous voyons  
Endurcir d'un de ses rayons  
L'argille sur laquelle il tire,  
Et quant & quant mollir la cire,  
Causant tout en un mesme temps  
Deux effectz si fort differentz.

Ainsi la Dame que ie fers  
Cause en moy deux effectz diuers,  
Me faisant d'une seule œillade  
Tout en un temps sain & malade,  
Ore de feu tout enflammé,  
Ore de glace tout pafmé.

Mais quoy ? Fauffard, c'est à bon droit  
Qu'on me traueille en cest endroit :  
Car ma Dame tant elle est belle  
Porte un paradis avecq' elle,  
Et moy pour ses perfections  
Porte un enfer de passions.

---

## A S'AMYE.

## O D E.

ELLE est à vous, douce maistresse  
Ceste belle & dorée tresse,  
Qui feroit honte au mesmes or,  
Et ce front qui d'iuoir semble,  
Et ces yeux deux astres ensemble,  
Maistresse, sont à vous encor.

A vous est ce beau teint de rozes,  
Et ces deux belles leures closes,  
Qui semblent deux brins de coral :  
Et ces dentz par où se repouffe  
Le musc de vostre aleine douce,  
Qui semblent perles ou cristal.

Bref à vous est la belle face,  
Le bon esprit, la bonne grace,  
Qu'on veoid en vous & l'entretien :  
Seulle est à moy la peine dure,  
Et tous les trauaulx que i'endure  
Pour vous aymer & vouloir bien.

---

## SVR VN DESPIT

*Qu'il print avecques s'amy.*

## ODE.

C'EST ores vrayment que ie suis  
Allegé de tous les ennuy  
Qui m'ont fait si long temps oppresse  
Ayant recouré ma clarté,  
Mon esprit & ma liberté  
Des mains d'une ingrate maistresse.

Amour voyant ma loyauté  
Digne de plus grande beaulté,  
Est venu se rendre coupable,  
Et s'est excusé de m'auoir  
Faict à tort sentir son pouuoir  
Pour vne dame impitoyable.

Il m'a rendu l'entendement,  
Et la raison pareillement,  
Qu'il m'a si long temps detenuë :  
Il m'a d'amour le cueur laué,  
Et m'a des yeux encore leué  
Le bandeau qui bandoit ma veuë.

Si bien que ie veoy clairement  
Ce qui m'a tenu longuement  
Afferuy d'une erreur si folle :  
Et veoy combien mon oeil troublé  
Estoit follement aueuglé  
D'adorer vne telle idole.

Comme vn prisonnier attaché  
S'eslouyst estant relasché,  
Ou comme apres vn grand oraige,  
Le nocher qui cherche le port  
S'eslouyst quand il est à bord,  
Eschappé de quelque naufrage.

Ainsi apres que i'ay esté  
Esclaue long temps arresté  
D'une ame si fourde & si fiere,  
L'esproue vn indicible bien,  
Or' que ie retourne estre mien  
Auec ma liberté premiere.

Je veoy ces caduques beautez,  
Et ces fragilles nouueaultez,  
Qui fouloyent enflammer mon ame,  
Je veoy l'ardeur de ma fureur,  
Et la fureur de mon erreur,  
D'où ne peult proceder que blasme.

Ainsi iadiz au desloger

Apparust Alcine à Roger,  
Après qu'en delpit d'Erifile,  
Il eust de son amour iouy,  
Ayant ouuert l'oeil esblouy  
Pour retourner à Logistille.

Or ie iure atteste, & promectz  
De ne fuyure plus deormais  
L'amour qui tant m'a faict d'oppreffe,  
Ou ie promectz si ie la suis,  
Que ie la fuiuray si ie puis  
Seruant quelque douce maistresse.

Car lors ie ne regretteray  
Les ennuys que ie porteray  
Attainct de l'amoureuse flamme :  
Pour ce que ie tiens à grand heur  
Ce qu'on souffre estant seruiteur  
D'une belle & courtoise dame.

---

#### PALINODIE.

**M**ON esprit trop enflammé d'ire  
Me fit hier contre vous escrire,  
Mais ores que nostre courroux



Se passe, & s'esloigne de nous,  
Maistresse, ie me veux desdire.

Ie me desdiz donc, & confesse  
Qu'en ayant beaucoup de destresse  
Pour vous, ce m'est vn plus grand heur,  
Que de deuenir seruiteur  
louyssant d'une autre maistresse.

Pardonnez moy donc ie vous prie,  
Et puis que mercy ie vous crie  
Mon offense remectez moy,  
Receuant de nouveau ma foy,  
Sans espoir que plus ie varie.

Les petites noïses qu'on seme  
Allors qu'ardemment on s'ayme,  
N'esteignent pas vne amytié,  
Ains la font estre la moitié  
Plus forte encor & plus extreme.

---

## DE SES DESIRS,

*A s'amyé.*

## ODE.

**P**AR trop d'aïse ou par trop d'ennuy,  
Nous voyons plusieurs auïourd'huy  
Desirer changer de semblance,  
Et viure en cest ardent desir,  
Pour durer plus en leur plaisir,  
Ou pour moins sentir de souffrance.

Quant à moy qui sens nuit & iour  
Le fiel & le miel de l'amour,  
Je voudrois estre la dorure,  
Que sur vostre chef vous portez,  
Pour mieulx contempler les beaultez  
De vostre blonde cheuelure.

Je voudrois estre d'abondant,  
La perle que ie voy pendant  
Au bout de vostre belle oreille :  
Pour plus commodement pouuoir  
Vous faire le secet sçauoir  
De mon amytié nompareille.

Je voudrois estre le colet,  
Qui fur vostre sein grasselet  
Couure ces deux tetons d'iuoir :  
Pour auoir l'heur de les toucher,  
Et pour pouuoir mieulx empescher  
Qu'autre n'eust part en ceste gloire.

Voluntiers ie ferois encor,  
Ceste belle ceinture d'or  
Qui les flancz vous ceint & vous lye:  
Pour estroictement vous lyer,  
Et pour garder de m'oublier  
Non plus que ie ne vous oublie.

Je voudrois estre vn oreiller,  
Afin de vous veoir sommeiller :  
Et si voudrois estre vne mouche,  
Quand en esté vous sommeillez,  
Pour mieulx baïser les beaux œilletz  
Qui sont autour de vostre bouche.

Je voudrois estre transformé  
En quelque beau gand parfumé,  
Pour baïser souuent à mon aise,  
De vostre main les doigtz poliz,  
Les doigtz molz & blancz comme liz,  
Qui me font Dieu quand ie les baïse.

Je voudrois estre ce liuret,

Si bien couuert & si propre,  
Qui vous pend à vostre ceinture :  
Afin que quand vous l'ouuririez  
De mon cueur que vous y verriez,  
Vous fissiez aussi l'ouuerture.

Je voudrois estre le miroir,  
Où vous vous esbatez à veoir  
Les beaultez de vostre visage :  
Afin que ie iouyffe mieulx  
Des doux regardz de voz beaux yeux,  
Dont vous m'enflamez le courage.

Voluntiers ie ferois aussi,  
Le bust que vous portez ainsi  
Que sur l'esthomas on les porte :  
Afin que ie fusse en ce poinct  
Attaché tout le iour, & ioinct  
Auecq'vous d'une amytié forte.

Je voudrois puis que Dieu voulust  
Que ie deuinffe vostre luth,  
Vostre cistre, ou vostre espinette :  
Afin quand vous voudriez sonner,  
Que vous m'ouyffiez resonner  
Qu'allegez moy plaissant brunette.

En fin ie voudrois deuenir  
Vne puce, pour me tenir

Toute la nuit dans vostre couche :  
Afin de librement tenter  
Si vous me voudriez contenter,  
Sans m'estre iamais plus farouche.

DES CONTRAIRES EFFECTZ DE SON AMOVR.

A IEHAN DE IEHAN.

ODF.

**A**VOIR peu de repos en beaucoup de destresse,  
Ne veoir point d'affeurâce en vn doute cogneu,  
Veoir la douceur couuerte & l'amertume à nu,  
En cueur vuide de foy & remply de finesse.

Ne rire que par fois & larmoyer fans cesse,  
Se veoir pour vn grand bien en grand mal detenu,  
Se veoir à mille mortz en viuant paruenu,  
Auecq' trop gaye perte au gaing d'une tristesse.

Chercher tousiours vng heur fās le pouuoir trouuer,  
Au plus chault de l'esté cent hyuers esprouuer,  
Estre fans cesse oyfif & fans ceffer en peine,

Se fascher du plaisir, se plaire de l'esmoy,  
C'est ce qui faict, Amy, tousiours avecques moy  
L'esperance douteuse & la douleur certaine.

---

## DE LA DIVERSITÉ DE SON AMOVR.

A JEAN DE FAVRE.

ODE.

**N**ous sommes en vn mesme temps,  
Tous deux diuerfement contens  
En nostre amoureuse poursuyte,  
Et tous deux en nombres diuers,  
Escriuons mille amoureux vers  
Qui des ans deuantent la fuyte.

Toy d'un cuer ardemment espris  
Des saintes flammes de Cypris,  
Aymes vne vierge gaillarde :  
Et moy enflammé du brandon  
Du petit Archer Cupidon,  
Adore vne femme songearde.

L'une a desia ployé le col  
Deffous le ioug doucement mol

Que donne aux Nopces Hyménée :  
L'autre encor ceinte du ceston,  
Garde le flourissant bouton  
De sa chasteté fortunée.

L'une voudroit d'un cueur marry,  
N'avoir point encor de mary,  
Tant le sien luy faict de martire :  
Et l'autre avoir un en voudroit,  
Pourveu que ce fust en l'endroit  
Qu'ardemment elle desire.

L'une de son amy bien loing,  
N'a point au chef de plus grand soing  
Que son amour constante & forte :  
L'autre plus pres de son amy,  
N'a iamais l'esprit endormy  
En l'amitié qu'elle luy porte.

L'une à son amoureux escrit,  
Qu'elle supporte en son esprit  
Pour l'absence une angoisse vaine :  
L'autre à son amy va contant  
Qu'en amour elle endure autant  
Comme luy d'inutile peine.

L'une d'un poil iaulne doré,  
Et d'un œil de vert coloré,  
Doucelement te prend & t'enflamme :

L'autre de son poil noircissant,  
Et de son bel œil brunissant,  
Enflamme & captiue mon ame.

L'une peult à l'amy de nuit  
Faire gouster l'amoureux fruit,  
Maulgré son espoux & sa garde:  
Et l'autre s'elle veult de iour  
Peult satisfaire à son amour,  
Maulgré sa parenté bauarde.

Et voyla la diuersité,  
Faure, de la felicité  
De nostre amour encommençée,  
Qui lieu ne trouuera iamais  
(Par les Dieux ie te les promet)z  
En nostre commune pensée.

Car tant que le soleil luyra,  
Et que la Lune conduyra  
De nuit sa clarté renaissante,  
Ie voudray ce que tu voudras,  
Et feray ce que tu feras,  
D'une amitié non perissante.

---



## A SES SOVSPIRS AMOVRE VX.

ODE.

**T**RISTES Souspirs qui me laissez  
Demy mort sans nulle esperance,  
Contez tous mes traux passez,  
Qui m'ont mys en tant de souffrance,  
A celle qui me veoid mourir  
Sans qu'ell' me daigne secourir.

Dites luy doucement ainfi,  
Belle que tout le monde admire,  
Ne donne plus tant de foucy  
A celluy qui tant te desire,  
Ains autant qu'il a de tourment  
Donne luy de contentement.

Et si vous voiez sa rigueur  
Toufiours enuers moy se pourfuyure,  
Sans qu'elle amollisse son cueur,  
Ny qu'elle ayt foing de me veoir viure,  
Souspirs, ne venez plus vers moy :  
Car foubdain ie mourray d'esloy.

Mais s'elle ne veult par pitié  
Que souffreteuz ainfi ie meure,

Sans guerdonner mon amytié,  
Reuenez vers moy tout à l'heure :  
Car ie ne vouldrois pas mourir  
S'elle me daignoit secourir.

---

### A SES PENSERS.

#### ODE.

PENSERS de mon cueur foucieux,  
Doux allegement de mon ame,  
Qui montez si fouuent aux cieux,  
Chargez du beau nom de madame,  
Allez sur le bord verdissant  
De mon Loth lentement glissant,  
Et là volez à main fenestre  
Aux lieux où madame doibt estre.

Penfers, c'est elle en qui les Dieux  
Ont mis comme en vne Pandore,  
Tous les trefors plus precieux  
Dequoy leur deité s'honore :  
Dittes luy donc, Si Dieu vous gard,  
Belle, nous venons de la part

D'un que vous tenez en seruage  
Exprez, pour vous faire vn message.

Il vous mande que si alors  
Qu'il estoit en vostre présence,  
Il sentoit pour vous les effortz  
De l'amour & de sa puyssance,  
Que maintenant qu'il est absent,  
Plus de langueur pour vous il sent,  
Plus de mal & plus de martire,  
Mille fois qu'on ne scauroit dire.

Soit à mynuict, soit en plain iour,  
Soit qu'il se leue, ou qu'il se couche,  
Il ne songe qu'en vostre amour,  
Et n'a que vous dedans sa bouche :  
Et bien que son corps my transy  
Soit maintenant bien loing d'icy,  
Si est ce pourtant qu'à toute heure  
Son âme auprez de vous demeure.

Nous sommes comme vous voiez  
Les penfers naiz dans sa poitrine,  
Qu'il a deuers vous enuoyez  
Comme obgect de nostre origine,  
Afin que vous sachiez combien  
Il vous veult d'amour & de bien,  
Et combien nuict & iour il pense  
A vostre commune alliance.

Au printemps les fleurs des iardins,  
En esté les grains des campagnes,  
En automne tous les raisins,  
En hyuer la neige aux montaignes,  
Ceux la qui cella nombreront,  
Ceux la les penfers conteront,  
Que iour & nuict nous voyons naistre  
Pour vous au cueur de nostre maistre.

Faiçtes ainsi donq enuers luy,  
Et gardez vous d'estre si rude,  
Et si fiere qu'il ayt ennuy  
Par vous, ou vostre ingratitude :  
Ains pensez en luy sans cesser,  
Comme il ne cesse de penser,  
Et comme extremement il ayme  
Aymez le d'une amour extreme.

---

### CHANSON.

**A**MOVR qui sçaiz quelle est ma foy,  
Et qui veois quel est mon martire,  
Vaten dire vn Adieu pour moy,  
Puis qu'un Adieu ie n'ay sceu dire.

Vaten dire tout le tourment,  
Et toute l'angoisse si dure,  
Que depuis ce dur partement  
Nuißt & iour il fault que i'endure,

Mais sur tout ie te prie Amour,  
Amour mon Seigneur, ie te prie,  
De dire comme nuist & iour  
Nuißt & iour il fault que ie crie :

Qui voudra sans monter aux cieux,  
Veoir des cieux toute la richesse,  
Vienne contempler les beaux yeux  
Et le beau front de ma maistresse.

Et qui voudra veoir la douleur  
Qu'aux enfers souffre vne pauvre ame,  
Vienne contempler mon malheur,  
Mon malheur, ma peine & ma flamme.

Vn ennuy n'est point assez fort  
Pour faire qu'un homme se meure,  
Car s'un ennuy causoit la mort  
D'ennuy ie mourrois à ceste heure.

Voire quand ma vie deburoit  
D'une autre vie estre suyuie,  
Mon ennuy point ne se perdrait,  
Qu'en perdant l'une & l'autre vie.

Aussi tant & tant d'animaulx  
La mer dans ses vndes n'enferre,  
Comme d'angoisses & de maulx  
Iour & nuit me meinent la guerre.

Et le soleil ne sçauroit veoir  
Soit au matin quand il se leue,  
Ou soit quand il se couche au soir,  
Vne autre tristesse plus grefue.

Toutesfois le temps dompte tout,  
Et rien ne se veoid qu'il ne müe,  
C'est pourquoy i'espere qu'à bout  
Il mettra le mal qui me tue.

Chanfon, à ce cueur endurcy,  
Qui loge en madame inhumaine,  
Va crier que mort, ou mercy  
Soit bien tost la fin de ma peine.

---

## A S'AMYE.

## ODE.

**A**NNE, ma maistresse, m'amyé,  
Qui tenez ma mort & ma vie,  
Pour me donner de voz beaux yeux  
Celle que vous ayez le mieux :  
Anne, ma petite maistresse,  
Voulez-vous qu'en vne destresse,  
Et qu'en vn foucy tant amer  
Je sois tousiours pour vous aymer ?  
L'aymerois mieux mourir, que faire  
Vn acte qui vous peut desplaire,  
Voire plustost ie me turois  
Que ie ne vous offencerois.  
Pourquoy donc, petite inhumaine,  
Me tuez vous de tant de peine,  
Et pourquoy de tant de tourment  
Me tuez vous incessamment ?  
Pourquoy voulez vous que ie sente,  
Dedans ma poitrine innocente,  
Vne si cruelle langueur  
Tuer tousiours mon pauvre cuer ?  
» Tousiours la mer n'est pas esmeüe,  
» Et tousiours vne obscure nüe,

» Ramenant le temps pluvieux,  
» Ne trouble la clarté des cieux :  
Toutesfois voz grandes rudeffes,  
Et les miserables tristeffes,  
Qui me font si palle & chagrin,  
Ne peuuent iamais prendre fin.

Si l'hiuer de gresle & de pluye,  
Et de froid les hommes ennuye,  
Nous auons apres le printemps,  
Qui nous rameine le beau temps.

Si le laboureur en la plaine,  
Tous les iours a beaucoup de peine,  
Il a pour passer ses ennuys,  
Le repos de toutes les nuitz.  
» Toutes choses ont quelque treue,  
Si ce n'est l'angoisse si greue,  
Par qui n'ayant plus que les os  
le pers & repas & repos.

Vous dictes bien que si ie porte  
Pour vous vne angoisse trop forte,  
Que vous portez aussi pour moy  
Le faix d'un trop pesant esmoy.  
Vous dictes bien si ie vous ayme  
D'une constante amour extreme,  
Que vous m'aymez d'une amytié  
Plus forte & ferme la moytié.



Vous dictes bien si ie desire  
De veoir finir nostre martire,  
Que comme moy vous desirez  
De ne nous veoir plus martirez.  
Vostre dire est bon, mais le faire  
Au dire tousiours est contraire,  
Et tant plus vous me promectez,  
Et tant plus vous vous dementez.

Il est vray qu'il est raisonnable  
Que pour auoir vn bien semblable  
A celluy que tant ie poursuis,  
On endure quelques ennuy:  
» Car c'est vne chose certaine  
» Qu'on n'a iamais du bien sans peine.  
Mais d'auoir vn mal si cruel,  
Et de l'auoir continuel,  
le ne faiche eschine si large,  
Qui ne ployast deffouz la charge.

le suis petit, & le tourment  
Si estrange & si vehement,  
Que pour vous, maistresse, i'endure,  
Est tousiours grand oultre mesure.  
Si donques iamais la pitié  
Trouua lieu dans vostre amytié,  
Et si vous auez le courage,  
Comme vous auez le visage,  
le vous pry faictes mon esmoy

Deformais petit comme moy :  
Ou ainſi que vous eſtez grande,  
Et grand le bien que ie demande,  
Faiſtes que ce bien rencontrant,  
Ie puiſſe deuenir plus grand,  
Afin que mieux porter ie puiſſe  
Ces grans maux en voſtre ſeruice.

---

## A ELLE MESME.

## O D E.

**F**OIBLE, paſſe, ſans cueur, ſans raiſon, ſans aleine,  
Anne mon cher ſupport, maugré moy ie me  
trayne,  
Maugré moy ie me trayne, Anne mon cher ſupport,  
Malheureux & chetif n'attendant que la mort,  
N'attendant que la mort, qui m'eſt iuſtement deüe,  
Ayant perdu ma vie, en vous ayant perduë.

Las ie vous ay perdue ! & ſans ſçauoir comment  
Il fault que nuit & iour ie ſupporte vn tourment,  
Il fault que nuit & iour vn tourment ie ſupporte,  
Qui me rompt tout l'eſprit d'une rigueur ſi forte,  
Que me ſeichant l'humeur des veines & des os,  
I'en pers (comme l'on diſt) & repas, & repos.

Tout ainſi qu'un oyſeau ayant la nuit obscure,  
Ie vays par lieux obscurs, tandiz que le iour dure :  
Puis quand le ſoir arriue, & que l'humide nuit  
En vn ſilence coy toutes choſes reduict,  
En vn ſilence coy tout animal ſommeille,  
Mais pour me lamenter alors ie me refueille.

Ie me refueille alors, & les champs & les boys  
Ie vays en lamentant effourdir de ma voix,  
Si bien qu'on ne voit arbre, antre, roc, ny fontaine,  
Qui n'entende mes cris, mon amour & ma peine,  
Reſonnant apres moy mon ennuy nompareil,  
Qui pourroit arreſter de pityé le ſoleil.

Deux fleuves de mes yeux ſortent abondamment,  
Vn grand brazier au ſein ie porte inceſſamment,  
Ayant touſiours chez moy l'un & l'autre contraire,  
Preſt d'ardre & de noyer ſans me pouvoir retraire,  
Sans me pouvoir retraire, & ſans encor auoir  
Tant ſoit peu de deſir d'en auoir le pouvoir.

Si ie neſcriz de vous ma plume ſe reſoſe,  
Si ne parle de vous ma bouche eſt touſiours cloſe,  
Si vers vous ie ne vays mes piedz ſont ocieux,  
Et ſi ie ne vous voy, ie ſens mes pauvres yeux  
Perdre toute leur force, & touſiours ie les ferre,  
Ou ie les tiens ouuertz pour regarder la terre.

Quand il fait chault ce n'eſt que de ma grãd ardeur,

Quand il faict froid ce n'est que de vostre froideur,  
Quand il pleut cest des pleurs que de mes yeux ie  
tire,

Quand il vente ce n'est que ce que ie souspire,  
Quād il fait mauuais tēps cest quād l'ennuy vous tiēt,  
Et quand il fait beau temps cest quād l'aïse vous viēt.

Que diray dauentage ! en vous feulle i'adore  
Les plus beaux dons des Dieux cōme en vne Pandore,  
Cognoissez donc en vous ces graces & beaultez,  
Et ne les fouillez poinct de tant de cruaultez,  
Ains en me rappelant de ce piteux orage,  
Preferuez moy pour Dieu de ne faire naufrage.

Ayant l'œil larmoyant, le genoil abaissé,  
Ayant ioinctes les mains, l'esprit à vous dressé,  
Ainsi que si i'estois ore en vostre presence,  
le vous requiers pardon si i'ai faict quelque offense.  
Et vous pry par le traict qui de vous m'a feru  
Que ie ne meure poinct sans estre secouru.

---

## DEVIS RVSTIQUE.

OLIVET, IANOT.

OLIVET.

FUYEZ mon cher troupeau, fuyez ceste herbe verte,  
De mes larmes couuerte,  
Car dedans ces pastiz les herbes & les fleurs  
Que i'attain de mes pleurs,  
S'enueninent soudain, tant ceste humeur trop vaine  
Est d'amertume plaine.  
Allez mon cher troupeau, allez tout seul pour Dieu  
Paistre en quelque autre lieu :  
Car songeant à mon mal il conuient à toute heure  
Que ie souspire & pleure :  
Vous trouuerez ailleurs paruanture les eaux  
Plus cleres aux ruisseaux,  
Et les prez plus herbus, & les forestz sauuages  
Plus plaines de fueillages.  
Quant à moy ie ne puis qu'à mon mal sans cesser  
Penfer & repenser,  
Reduict en tel estat par quelque destinée  
Despuis vne iournée,  
En laquelle mes yeux, peu caultz, oferent veoir  
Ce qui me faict douloir,

Cette fiere beauté, dont la figure empraincte  
L'ay dans mon ame attaincte,  
Voire si vivement, que l'un et l'autre effort  
Du temps & de la mort,  
Ne seront qu'à iamaïs, elle ne se soit trouuée  
Dans mon ame engrauée.

## IANOT.

Quel homme entens ie plaindre, à costé de ce boys  
D'une si triste voix,  
Faisant tous ces rochers d'une force contraincte  
Retentir de sa plainte,  
Et blasmant le destin, la nature, les Dieux,  
Et la terre & les cieux.  
Le destin pour auoir à cent maux afferuie  
Sa miserable vie,  
La Nature d'auoir infuz tant de beaulté  
Dans vne cruauté,  
Les Dieux pour n'auoir poinct de pitie de sa peine,  
De sa peine inhumaine:  
La terre pour souffrir sur son dos plantureux  
Vn faiz si malheureux,  
Et le ciel pour auoir trop espargné sa teste  
Du traict de sa tempeste.  
Si ie ne me decoy, c'est l'amoureux soucy  
Qui le faict plaindre ainsi,  
Mais il se deult en vain, s'il s'efforce d'acquerra  
En l'amoureuse guerre,

Le tiltre par son plainct, de chetif langoureux  
Sur tous les amoureux.  
Car le Soleil ne veoid, ny veid onc creature,  
Qui sente la pointure  
Et la force d'amour, plus que moy fans repos  
Iusqu'au fond de mes os.  
Et qu'il ne soit ainfi, iamais la belle Aurore,  
Ny le Soleil encore,  
Soit qu'il forte au matin des vndes de la mer,  
Pour le iour allumer,  
Ou qu'il se couche au soir, laissant la terre sombre  
Plaine d'une obscure ombre,  
Ne m'ont peu iamais veoir fans plaindre amerement  
Mon amoureux tourment.  
Je veux bien toutesfois plus clairement cognoistre  
Qui l'a mis en tel estre:  
Car i'auray grand confort en mon mal, si ie veoy  
Qu'il en ait plus que moy.  
La donq' petit troupeau, que de luy l'on s'aproche  
Le long de ceste roche,  
Il fera consolé en son dolent ennuy,  
Si i'en ay plus que luy.  
Mais si ie n'ay perdu raison & veüe ensemble  
Par amour, il me semble  
Que c'est cet Oliuet, de qui le bon Guylois  
M'a parlé quelquefois.  
Las! c'est luy voirement, c'est luy qu'en ces mon-  
tagnes,  
Et parmy ces campagnes,

l'ay veu beaucoup de fois follastrant & chantant  
Heureusement content.  
Maintenant ie le voy pensif & solitaire  
Loing de nous se retraire,  
Laissant tout son bestail errer de luy bien loing,  
Sans guyde ne fans soing,  
Tousiours la larme à l'œil, & dans l'ame sans cesse  
Langoisseuse tristesse.  
Mon compaing Oliuet, le Dieu des Amoureux  
Te face bienheureux,  
Et te donne bien tost finissant ton martire  
Ce que ton cuer desire.  
Ie te prie dy moy, dy moy à quelle fin  
Du soir iusqu'au matin,  
Et du matin au soir tu ne faiz que te plaindre,  
Et ces rochers contraindre  
A se rompre de dueil qu'ilz ne peuuent porter  
T'escoutant lamenter,  
Toy qui menois naguere vne si gaye vie,  
Qu'on y portoit enuye.

## OLIVET.

Fuy, lanot, ie te pry, les pitoyables sons  
De mes tristes chançons.  
Fuy, fans plus t'enquerir, fuy t'en si tu n'as chere  
Ma damnable misere:  
Car la terre n'a point de serpent, qu'à me veoir  
Ie ne face douloir.



## IANOT.

Fuy toy mesme, Oliuet, si tu n'as agreable  
Mon estat miserable :  
Car ie me faiz bien feur qu'en oyant le discours  
De toutes mes amours,  
Tu me confefferas que les angoisses miennes  
Ont surpassé les tiennes.  
Aussi i'ay veu cent fois le Soleil s'arrester  
Pour ma plainte escouter,  
D'une douce pitié sentant son âme attaincte,  
Tant triste estoit ma plainte.

## OLIVET.

Ie n'ay pas iamais veu le Soleil s'arrester,  
Pour ma plainte escouter,  
Mais i'ay veu mille fois, quand ie venois à dire  
L'estat de mon martire,  
Les plus pefans rochers, faschez de mon esmoy  
S'escarter loing de moy,  
Ne pouuant plus souffrir ceste complaincte vaine,  
Qui descouuroit ma peine.  
Vne beaulté trop grande (afin de t'exprimer  
Mon ennuy trop amer)  
Vne beaulté trop grande, en trop fiere tigresse,  
Tient mon cueur en destresse ;  
Et fait que sans esprit, sans âme & sans raison,  
L'erre en toute faison,

Par ces coustaulx desertz menant ainsi ma vie,  
Qui me fust ia rauie,  
Sans vn destin qui faict, par vn contraire effort  
Que ie viz de ma mort.

## IANOT.

Tu es vraiment heureux, en plaignant ta souffrance  
D'auoir tant de puissance,  
Car t'amy ne peult si dur auoir le cuer,  
Qu'à la fin de ton pleur  
Tu ne le rendes mol, veu que celluy d'un arbre  
Voire le mesme marbre  
Se rompt avec le temps par les gouttes de l'eau  
Comme avec vn marteau :  
Mais moy chetif hélas ! que fault il que i'espere  
Qu'eternelle misere  
Puis que ie crains si fort à descouuir l'amour  
Qui m'ard & nuit & iour,  
Et que d'autant que plus ie suis pres de la belle  
D'autant plus ie le celle.

## OLIVET.

Comment compaing Ianot, est ce l'ocasion  
Qui croist ta passion,  
Et qui te faict ainsi maintenir que la tienne  
Est aultre que la mienne ?  
Tu vois ta pastorelle, & reuois quand tu veulx,

Tu luy vois ses cheueux,  
Tu luy vois ses beaux yeux, & son front & sa face,  
Tu contemples sa grace,  
Tu l'escoutes parler, tu l'escoutes chanter,  
Et te peulx contenter  
Par cent mille moyens ayant de sa presence  
Ainsi la iouissance.  
Mais moy chetif hélas ! de quoy peulx-ie iouyr  
Qui me puisse esjouir ?  
Dequoy me paiz-ie hélas si ceste Marguerite  
Dedans mon cueur escrite,  
Celle qui tient la clef de mon cueur en sa main,  
S'enfuit aussi soubdain,  
Qu'elle me veoid pres d'elle ? à celle fin peult estre  
De luy faire cognoistre  
Qu'elle est la forte ardeur de ma forte amytié  
Pour l'induire à pitié,  
N'ayant non plus de soing de mon amour certaine  
Que de ma dure peine.

## IANOT.

Que me sert de gouster vne telle douceur,  
S'amour ne me faict seur  
Que de contentement qu'en la voyant ie sente  
Elle reste contente ?  
Le veoir est vn plaisir qui suruient ainsi doux  
Communement à tous,  
Court, & vain, toutesfois, si le cueur de la dame

Ne sent pareille flamme :  
Mais toy qui sçais au vray, que ta belle maistresse  
Se paist de ta destresse,  
Tu te doibs resiouyr, & dresseant l'œil aux cieux,  
Rendre graces aux Dieux,  
De la voir en tel poinct, & se plaire, & se rire  
De ton triste martire.

## OLIVET.

Elle ne fist onc cas non plus de mon esmoy  
Qu'elle en a faict de moy,  
Et quand bien elle auroit dans son cueur imployable  
Mon tourment agreable,  
Ce seroit vn confort, doublement malheureux  
A mon cueur amoureux.  
Car le seruice est aspre & par trop inhumain  
Lequel se faict en vain,  
Mais toy qui trop à tort blasmes de ta naissance  
L'estoile & l'influence,  
Tu as pour luy conter tous les maux que tu sens  
Et les lieux & le temps,  
Et peulx quand il te plaist la prier à ton aise  
Que ton mal elle appaïse.

## IANOT.

Celluy ne sçait pas bien, son amour poursuyuant  
Comme on meurt en viuant,  
Ny ne sçait pas encor, quel enfer ont les hommes

En la terre où nous sommes,  
S'il n'a senti premier combien deux pensemens  
Aportent de tourmentz  
En vne ame amoureuse, ores d'espoir attaincte,  
Et maintenant de craincte.  
Ie l'espreue, Oliuet, trop miserablement,  
Et te diray comment,  
Ores l'espoir me dict qu'à ma dame ie dye  
Qu'elle est ma maladie,  
Et tandis il me flatte & me va promettant  
De me rendre content :  
Mais ie sens tout soubdain & mes os & mes veines  
De glaçons toutes plaines,  
Et veoy l'œil qui m'estoit auparauant si cler  
Tout soubdain se troubler,  
Me menassant, hélas ! pour l'espoir que i'embrasse  
D'éternelle disgrace.  
Voila comment ie cours en ioye & desconfort  
De la vie à la mort,  
Et cômme à meilleur droict plus que toy deplorable  
Ie suis plus miserable.  
Car tu sçaiz que celluy qui son mal va contant,  
Ne peult endurer tant,  
Qu'un autre qui recelle en son cueur le martire  
Qu'il n'ose iamais dire.  
Quel autre allegement peut on trouuer aussi  
En l'amoureux foucy,  
Plus doux que de se plaindre, en contant à sa dame  
Son amoureuse flamme ?

## OLIVET.

Ne pense point, Ianot, que les champs & les boys  
l'effourde de ma voix,  
Et ces coustaulx voisins, en faisant ma complaincte :  
Car ie tremble de craincte  
Que les Dieux courroucez oyant ceste rigueur  
Qui tourmente mon cuer,  
Ne voulussent venger ceste fierté cruelle  
Quant & quant dessus elle.  
Et i'ayme mieux cent fois à la mort m'auancer,  
Que de luy pourchasser  
Le moindre desplaisir, dont sa seule pensée  
Pourroit estre offensée.  
Voila comment ie celle en plus d'ennuy que toy  
Mon amoureux esmoy,  
Esperant qu'à la fin mon feu trouuera place  
Pour rompre ceste glace,  
Et fera veoir encor sa dure cruauté  
Comme ma loyauté.

## IANOT.

Le mal & le malheur ont semblé tousiours moindre  
Quand on ne s'en veult plaindre,  
Mais ie te tiens heureux de taire ta langueur  
En si triste longueur,  
Puis qu'en fin tu t'attendz veoir ta maistresse aymée  
Comme toy enflammée.

## OLIVET.

La trompeuse esperance est le premier recours,  
Et le dernier secours,  
Des tristes affligez, toutesfois ie la laisse  
Comme ingrate traistresse.

## IANOT.

Celluy ne deffert poinct des fruitz d'amour auoir  
Qui vit en defespoir.

## OLIVET.

Cettuy la n'ayme poinct qui ne sçait à toute heure  
Ou sa dame demeure,  
Et qui ne faict si bien qu'elle entende tousiours  
Qu'elles sont ses amours,  
Ce qu'il souffre pour elle, & qu'il faict, & qu'il pense,  
Et qu'il dict en absence.  
Et c'est pourquoy ie croys qu'amour de son beau feu  
Te renflamme bien peu :  
Car si tu sçauois bien qu'elle est l'ardente flamme  
Qui rechaufe mon ame,  
Et qu'elle eust viuement epoinçonné ton fein,  
Tu t'en irois soubdain  
Impatient d'ardeur vers ta Nymphete tendre  
Pour le luy faire entendre.

## IANOT.

Si ce beau feu d'amour ne me confumoit pas,  
    le feroÿ peu de cas  
Du deſdain de madame, & m'en irois ſans craincte  
    Luy faire ma complaincte.  
Mais par ce que ie l'ayme, & que ie ſuis certain,  
    Tant i'ay le cueur haultain,  
Qu'on ne peult eſgaller autre amour ancienne  
    A l'ardeur de la mienne,  
Ie veux pluſtoſt mourir mon amour recelant,  
    Que ſi la reuelant,  
l'aperceuois hélas ! cette face excellente  
    Tant ſoit peu mal contente.  
Voila pourquoy ie penſe auoir les eſpritz miens  
    Plus attainctz que les tiens,  
Et comme à meilleur droit plus que toy déplorable  
    Ie ſuis plus miſerable.  
Et pour te le monſtrer, ſi tu l'aymois aultant  
    Que tu va racontant,  
Il ne te ſeroit grief ſouffrir touſiours pour elle  
    Quelque angoiſſe nouuelle.  
Meſmes or' que tu ſçais que quand elle t'entend  
    Pres d'elle lamentant,  
Elle fuyant ſoubdain, encontre toy s'irrite  
    Comme toute dépîte,  
Tu ne deburois iamais, ſi tu l'aymes bien fort,  
    Luy faire vng ſi grand tort,



Ains te mirer en moy qui ne sçaurois mieulx faire  
Que d'aymer & me taire.

OLIVET.

Par ce que mon amour passe ton amytié  
De plus de la moitié,  
Voire, Iannot, ainsi que faict ce prochain chefne,  
Ou ce pin, ou ce frêne,  
Tous ces petitz buiffons & ces menus ciprez  
Que tu vois icy pres.  
Je ne sçaurois durer sans descourir ma peine  
A ma douce inhumaine,  
Me semblant trop fascheux à viure longuement  
En tel aspre tourment,  
Sans auoir quelque fois apres tant de souffrance  
Vn peu de recompense.

IANNOT.

Maint a gagné souuent le tiltre d'importun,  
En requerant quelcun  
Trop souuent, de donner quelque chose qu'il ayme,  
Et garde pour foy mesme.

OLIVET.

Cestuy la qui requiert & qui porte la peur  
Trop emprincte en son cuer,

Se garde que sa craincte indigne ne le rende  
D'auoir ce qu'il demande.  
Car moy qui des long temps ay defferuy les biens  
Qu'amour ordonne aux siens,  
Le cherche sans repos aupres de ma maistresse  
La fin de ma destresse.  
Et trauaille sans fin pour sauouer les fruitz  
De mes tristes ennuyz :  
De façon que ie croy que pour payer l'usure  
Du tourment que i'endure,  
Elle viendra bien tost toute seule vers moy  
Adoucir mon esmoy,  
Et cent fois plus de bien & de plaisir me rendre  
Que ie n'en puis attendre.  
Mais toy qui ne comprens meriter que bien peu  
D'allegence à ton feu,  
Qui t'est pour l'aduenir vng certain tesmoinage  
De n'auoir dauantaige,  
Tu deburois auoir honte à tant parler ainsi  
De ce don de mercy.  
Confesse donq', qu'Amour de sa gentile flamme  
Eschaufe plus mon ame,  
Et qu'il point mon esprit & est de moy vainqueur  
Plus qu'il n'est de ton cuer.

IANOT.

le voy dedans ce val l'angelique visage  
Qui me tient en seruage,


Qui ses troupeaux repeuz au village conduict,  
Voyant venir la nuit.  
Ie m'en vaiz luy conter la tristesse mortelle,  
Que ie souffre pour elle,  
Puis que tu blasmes tant dequoy ie cele ainsi  
Mon amoureux foucy.

OLIVET.

Allez donques tous deux heureusement ensemble,  
Car il fault que i'assemble  
Mes troupeaux espenduz par ces champs à l'entour  
Ce pendant qu'il est iour,  
De peur que quelque loup fauorisé de l'ombre  
N'amoindriffe le nombre :  
Tu me diras demain, venant à nous reueoir,  
Que t'adiendra ce soir,  
Et ie te conteray si tousiours la rudeffe  
Loge dans ma maistresse.

*Fin du quatriesme liure.*







LE CINQUIESME LIVRE  
DES ODES D'OLIVIER DE MAGNY

*Quercinois*

---

A PIERRE DE CHEVERRY,

*General de Tholouse.*

ODE.



LOVS les vers que loing du  
vulgaire  
le trafferois dorefnauant,  
N'auroyent plus la force de  
plaie  
Comme ilz fouloient au  
parauant,  
Et l'ardeur dont Phebus m'enflamme  
Deuiendroit lente dans mon ame,  
Et la Muse auroit à mespris

Mon archet, mes chantz & ma lyre,  
Et lors que ie vouldrois escrire  
S'en iroit loing de mes escritz.

Bref ie penferois estre indigne  
De porter iamais le laurier,  
Qui est la recompense insigne  
Du sçauant homme, & du guerrier,  
Si ayant telle cognoissance  
Que ie l'ay de ta suffisance,  
Ensemble de la rarité,  
De l'esprit qui dans toy repose,  
le n'en tesmoignoïs quelque chose  
A ceux de la posterité.

» La louenge est tousiours aymable,  
» Et pourueu que l'homme loué  
» Soit loué d'un homme louable,  
» Le loz est tousiours aduoué.  
Non pourtant si fort ie presume,  
Que les ourages de ma plume  
Soyent dignes d'un grand argument,  
Mais louant ta vertu si belle,  
Je pense ma Muse estre telle  
Qu'elle le fera dignement.

Soit en exerçant ton office  
Nul ne faiët vn meilleur debuoir,  
Ou soit en quelque autre exercice



Nul n'est plain de plus de sçauoir :  
Les Muses t'ayment & honnorent,  
Les Graces t'ayment & decorent,  
Et les artz te doiuent trestous,  
Mesmes les beaux dons qui descendent  
Des astres, tous en toy se rendent  
Pour estre vn Phenix entre nous.

» C'est vne chose peu commune  
» De veoir vn homme en ce temps cy,  
» Riche des biens de la fortune,  
» Et riche de vertuz aussi.  
Toutesfois la nature assemble  
Dedans toy tous les deux ensemble,  
Et nous faict cognoistre par toy,  
Comment en ta charge il fault estre  
Riche, vertueux & adextre,  
Pour seruir dignement vn Roy.

Apollon est vrayment ton pere,  
Et en ayant vn pere tel,  
Et Calliope ayant pour mere,  
Tu ne peulx estre qu'immortel.  
Quant à moy qui merque les traces  
De tes vertuz & de tes graces,  
Ie t'admire tant que ie puis,  
Et ces vers à ton loz ie sonne,  
Tandiz qu'aux amours ie m'adonne  
Remply de mille doux ennuys.

Toufiours Phebus enflammé d'ire,  
La peste aux Grecz ne va iectant,  
Ains quelque fois prenant la lyre  
L'honneur des Dieux il va chantant :  
Auffi à traicter les affaires,  
Qui nous furuiennent ordinaires,  
Il ne fault toufiours s'employer,  
Ains parmy les foins & les peines  
Dequoy les affaires font plaines,  
Il faut quelque fois s'esgayer.

Cest pourquoy ores ie t'adrefse,  
Ce petit liuret que voicy,  
Plain des faueurs de ma maiftrefse,  
Pour en adoulcir ton foucy :  
Pren le donq', & prens fa defenfe  
Contre l'enuieufe ignorance,  
Comme pour vn de mes enfans,  
Qui armé du nom que tu portes,  
Ne craint les menaces plus fortes  
Ny de la Parque, ny des ans.

---

## DV IOVR NATAL DE S'AMYE.

## O D E.

DESSVS la verdoyante riue  
D'un cler ruyffelet argentín,  
Vn pasteur ceint de blanche oliue  
Chantoit naguieres au matin,  
L'œil attentif sur son troupeau,  
Et ses doigts sur son chalumeau.

Maint oyseau qui par le boufcage  
De branche en branche voletoit,  
Desgoisant vn plaissant ramage,  
Respondoit à ce qu'il chantoit,  
Et s'accordans en mesme son  
Difoient ainsi ceste chançon.

O Dieu qui le monde illumines,  
Apollon apparois aux cieux,  
Et faiz de tes clartez diuines  
Iouyr les hommes & les Dieux,  
Vien serener ce mauuais temps,  
Et nous admeine vn doux printemps.

Faiz que la grand mere Nature,

Liberale de son tresor,  
Tapisse les champs de verdure,  
Pour nous & noz bestes encor :  
Car si bien tu t'en ramentois  
Pasteur on t'a veu quelque fois.

Sommetz des prochaines montaignes,  
Et vous destours plus reculez,  
Vous antres, forestz & campagnes,  
Et ruyffeaux qui par cy coulez,  
Grandz ciprez, & petitz buyffons,  
Prestez l'oreille à mes chanfons.

L'aigneau deormais en la pleine  
Ne craigne la gueule des loups,  
Et la terre aporte sans peine  
Ce qui fera besoing à tous,  
L'age d'or en fes iours tardifz  
Reuienne comme il feut iadis.

De rozes vermeilles & blanches  
Soyent femez tous ces champs voisins,  
Et foyent les plus sauages branches  
Pleines de grapes de raisins,  
Des chefnes distille le miel,  
Et la manne tumble du ciel.

Vienne d'une eternelle source  
Le lait tout pur dans ces ruisseaux,

Et d'une autre abondante course  
Le nectar vienne au lieu des eaux,  
Et de mille & mille couleurs  
Nayffent mille & mille autres fleurs.

Les fieres bestes plus cruelles  
Gectent bien loing leurs aspretez,  
Et les personnes plus rebelles  
Gectent à part leurs duretez,  
Vn chacun viue libre & feur,  
Et tout par tout soit la douceur.

Des petitz Amours la grand' bande,  
Vienne sans arc & sans brandons,  
Et que plus nul d'eulx ne desbende  
Les traictz & feuz dont nous ardons,  
Ains s'accordant áueq' le temps  
Nous facent heureux & contentz.

Les Nymphes de leurs voix sacrées,  
Chantans viennent danser en rond,  
Et cueillir des fleurs en ces prés  
Afin d'en coronner leur front,  
Et s'esgayant à qui mieulx mieulx  
Esgayent la terre & les cieux.

Qu'il ny ayt Sylvain qui ne rye,  
Ny Faune, ny Satyre aucun,  
Qu'il ny ayt herbe en la prerie

Qui ne soit belle à tout chacun,  
Et rien ne se voye aujourd'huy  
Qui nous puisse donner ennuy.

Car en ceste heureuse iournée  
Nasquit la diuine beaulté,  
Par qui çabas est retournée  
La prudence & la chasteté,  
Et les vertuz en ce beau iour  
Aquirent vn nouveau seiour.

Pour ceste cy dessus l'escorce  
De tous ces arbres d'alentour,  
l'escriz & graue à toute force  
Les complainctes de mon amour,  
Et pour ceste cy dans ces boys  
Nuißt & iour on n'oyt que ma voix.

Il n'y a plus herbe ny plante  
Qui ne soit peinte de son nom,  
Ny nul oiseau qui ne la chante,  
Et qui ne la mette en renom,  
Tefmoignant que c'est sans nul si  
La perle de ce siecle cy.

C'est celle la qui peult tant faire  
Qu'amer au goust me soit le miel,  
Et qui peult encore au contraire  
Me faire doux trouuer le fiel,

C'est celle la qui met en moy,  
Comme elle veult aise, ou esmoy.

Tant que par ces haultes montaignes  
Les animaulx iront errant,  
Et que par ces larges campagnes  
Les eaux en mer iront courant,  
Et qu'aux vignes les lymaffons,  
Et qu'aux eaux viuront les poiffons :

Tant qu'entre la flamme & la glace  
Viuront les amantz despourueuz,  
l'honnoreray tousiours la face,  
Les yeux, le front & les cheueulx,  
De celle qui m'est vie & mort,  
Guerre & paix, tourment & confort.

Chanfon, tu feras ta priere  
A Phebus pasteur fouuerain,  
Qu'à tout iamais de sa lumiere  
Il rende ce iour cy ferain,  
Afin que le siecle auenir  
Ayt mieux dequoy s'en fouuenir.

---

## SVR LE RETOVR DE S'AMYE.

## ODE.

**E**N fin, Anne ma douce sœur,  
Anne ma plus chere douceur,  
En fin ie vous voy reuenüe,  
Et apres vostre long sejour,  
En fin avec vostre retour,  
Ie me voy mon ame rendüe.

Comme vn petit fan alteré,  
Long temps de sa mere esgaré,  
S'esfouiſt quand il la retreuve,  
Comme vn œillet qui perd ſon teinct,  
Des rayons du ſoleil attainct,  
Se reſſaiſt aduenant qu'il pleuve.

Ne plus ne moins, Anne mon bien,  
Anne ſans qui ie ne puis rien,  
Ne plus ne moins ie me conſole,  
Ie me conſole & m'esfouyz,  
Or' que de voz yeux ie iouys,  
Et de vostre douce parole.

Ores, Anne, que ie vous voy,



Ores belle que ie vous oy,  
l'esprouue vne telle allegresse  
Que pour en fin la receuoir  
le me tiens trop heureux d'auoir  
Enduré si grande destresse.

Sans vous, Anne mon cher confort,  
l'ay eu plus griefue que la mort  
La vie que i'ay demenée.  
Et sans vous encores les iours,  
Tant fussent ilz plaisans & courtz,  
M'ont semblé plus longs qu'une année.

Sans vous l'aïse & le bien aussi,  
M'estoyent tousiours mal & soucy,  
Le repos m'estoit tousiours peine,  
Tousiours amer m'estoit le miel,  
Obscur tousiours m'estoit le ciel,  
Et tousiours ma doute certaine.

Soit que le Soleil se leuaft,  
Ou soit qu'au soir il se trouuaft  
Sur le poinct de sa decadence,  
Tousiours on me trouuoit pleurant,  
Pleurant tousiours & soupirant  
Pour le regret de vostre absence.

Me plaignant du mal que i'auoys,  
l'oyois plaindre avec moy les boys,

Les boys & les belles pr ries,  
Et plaignant si ie larmoyois,  
De l'eau de mes pleurs ie noyois  
Les belles campagnes fleuries.

Les iardins de fleurs esmaillez,  
Se font tous de fleurs despouillez,  
Quand ilz n'ont plus veu vostre face:  
Et les beaux lieux o  vous hantiez,  
Anne, quand icy vous estiez,  
Ont laiff  cheoir toute leur grace.

Mais ores que vous reuenez,  
Avec vous vous nous ramenez  
Tout bon heur & toute  sperance:  
Vous nous ramenez les plaisirs,  
Et de noz plus ardans desirs  
Nous promettez la iouyffance.

Voyez ces arbres d'alentour,  
S'esgayans de vostre retour,  
Qui soubz leur ombre vous actendent:  
Et voyez ces petitz ruyffeaux,  
Et oyez ces petitz oiseaux,  
Qui mille passetemps vous rendent.

Les  illetz, les fleurs & les fruitz,  
Qui se sentant de noz ennuy  
Auoyent leur couleur toute blanche,

Voyant passer nostre douleur,  
Reprennent auffi leur couleur,  
Et pour vous pendent à leur branche.

Maintenant ce bon heur i'auray,  
Que mon cueur ie contenteray  
Contemplant vostre bõne grace :  
Et si pour le contenter mieulx,  
Ie pourray contenter mes yeux,  
Contemplant vostre belle face :

Toute ma peine & mon malheur,  
Et ma maigreur & ma palleur,  
Ores loing de moy se retire,  
Et mille ieux & passetemps,  
Pour tous deux nous rendre contentz,  
Viennent chasser nostre martire.

I'auois tousiours bien attendu,  
Qu'vn grand bien me feroit rendu  
Après vn ennuy tant extreme?  
Mais ie l'ay encores plus grand,  
Pour autant qu'en vous recourant,  
Ie me suis recouuré moymesme.

---

## DE LA CONSTANCE DE SON AMOVR,

*À sa Dame.*

## ODE.

**M**E monstre Amour, ou douceur, ou fierté,  
Et hault, ou bas, en honneur ie demeure,  
Tel que ie fuis, & tel que i'ay esté,  
Tel ie seray iusqu'à tant que ie meure.

Je fuis le rocher imployable  
De foy non iamais variable,  
Des ventz & des flotz tempesté,  
Et face tourmente ou bonnasse,  
Iamais ie ne change de place,  
Perdurable en ma fermeté.

Plustost les eaux pervertirôt leur cours,  
Et le Soleil esteindra sa lumiere,  
Que mes penfers à toy n'aillent tousiours  
Par le chemin de mon amour premiere.

Voire plustost vn statuaire,  
Pourra ses medailles parfaire  
D'un burin de plomb ou de boys,

Que nulle occurrence importune,  
De l'amour, ou de la fortune,  
Changent la foy que ie te dois.

le t'ay donné tout pouuoir deffus moy,  
Et t'ay ma foy si fermement iurée,  
Qu'en nul subiect nulle meilleure foy  
Plus fermement ne fut onq' asseurée.

Et ne fault deormais, Maistresse,  
Faire ny fossé, ny fortresse,  
Muraille, ne tour, ne rempart,  
Pour garder qu'ell' ne soit surprise,  
Car Amour l'a si bien conquise,  
Qu'autre n'y fauroit auoir part.

Les vains honneurs, les bobances & l'or  
Peuent les yeuz esbloyr du vulgaire,  
Mais ny cella ny plus grand chose encor  
Ne me sçauroient de ton amour distraire.

Et fust ce vne Venus dorée,  
Qui vint de l'isle Cytherée  
Vne amour durable m'offrir,  
le ne lairray iamais pour elle  
Mon amour vers toy si fidelle,  
Quoy que tu me faces souffrir.

---

## CHANSON.

**S**i par les champs folastrant  
Je suis avec ma mignonne,  
Quoy que i'aille rencontrant,  
Jamais ie ne m'en estonne :  
Car ie porte dans le cueur  
Le feu qui brusle la peur.

S'il me fault aller de nuict  
Vers elle à l'heure promise,  
Ny guect, ny volleurs, ny bruiet,  
N'empeschent mon entreprise :  
Car ie porte dans le cueur  
Le feu qui brusle la peur.

Si fon mary despité  
Par amour de moy la tence,  
Je suis tousiours appresté  
De venger son innocence :  
Car ie porte dans le cueur  
Le feu qui brusle la peur.

Aussi lors que ie reçois  
Quelque tort pour l'amour d'elle,  
Quelque petit que ie sois,  
l'en venge bien la querelle :

Car ie porte dans le cuer  
Le feu qui brusle la peur.

Si par quelque endroit il fault  
Monter où la belle couche,  
Tant soit le lieu droict & hault,  
Iamais ie ne m'эфarouche :  
Car ie porte dans le cuer  
Le feu qui brusle la peur.

l'en voy plusieurs pourchaffans  
Le bien que d'amour ie tire,  
Par despit me menaffans,  
Mais ie ne m'en faiz que rire :  
Car ie porte dans mon cuer  
Le feu qui brusle la peur.

Et bien qu'ilz soient à les veoir  
Guerriers & grans de corsage,  
Si n'ont ilz poinct le pouoir  
De m'abaiffer le courage :  
Car ie porte dans le cuer  
Le feu qui brusle la peur.

Les desseins auantureux,  
Et les difficiles choses,  
Et les lieux plus dangereux,  
Enuers moy ne font que rozes :  
Car ie porte dans le cuer  
Le feu qui brusle la peur.

## A S'AMYE.

## ODE.

E<sup>t</sup> quoy, Anne, ma mignonne,  
Ma Dione,  
Doy-ie donc partir d'icy,  
Sans que ie baïse et rebaïse  
A mon aïse  
Ta bouche & tes yeux aussi ?  
Veulx-tu que d'icy ie parte,  
Que i'escarte  
Mon œil du tien rauiffeur  
Sans allegger la destresse  
Qui m'opresse,  
De ta flateuse douceur.  
Puis que tu sçaiz, ô friande,  
La viande  
Qui peult mon âme fouler,  
Vien avecques moy t'esbatre,  
Vien follastre,  
Me baïser & m'acoller.  
Demy viue, demy morte,  
Faiz en sorte  
Que i'espreuue gayement,  
Que soubz vn gentil visage,



Le courage  
Est gentil également.  
Je veulx que ta belle bouche  
Ne rebouche  
Pour six baisers adouciz,  
Ains que ta leure en foustienne  
De la mienne  
Six fois six des mieulx affiz.  
Je veulx que ta langue douce  
Se courrouffe,  
Si bien que vireuoltant  
Elle ouure ma bouche close  
Et l'arrose  
D'une manne doux sentant.  
Ah petite tu me baïses,  
Et apaïses  
La guerre de tous mes maulx :  
Je sens bien ta douce aleine  
De musc plaine  
Adoucir tous mes trauaulx !  
Je sens tes leures vermeilles  
Nompareilles,  
Je touche ces liz bruniz,  
Et quand ton œil me regarde  
Il me darde  
Cent mille aïses infiniz.  
Encore vn coup ie suis riche,  
Ne fois chiche  
De ces dons delicieux,

Si tu me rebaïses folle  
le m'en volle  
Rauy d'aïse entre les Dieux,  
Estant guindé deffus l'aefle,  
Rare & belle  
De ta faueur teincte en miel,  
le fens mon cueur & mon ame,  
Qui se pafme,  
la defia montez au ciel,  
Que de Dieux! que de Deéffes!  
De lieffes!  
De dances & paffetemps  
Nul en ceste troupe gaye  
Ne s'esmaye,  
Tous font heureux & contens.  
Soit deça, nul ie ne treuve  
Qui n'espreuue  
Du plaifir parfaictement,  
Soit delà, nul se prefente  
Qui ne fente  
Du parfaict contentement.  
Mais fans toy ie n'y puis viure,  
Vien t'en fuyure  
Ma trifte ame & mes espritz,  
Vien, vien t'en à ma priere  
Ma guerriere,  
Vien me voir en ce pourpris.  
Et quoy, belle, tu dedaignes  
Ces campagnes,

Riche demeure des Dieux,  
Tu feras donc à ma honte  
Plus de conte  
De la terre que des cieux.  
Adieu donc troupe diuine,  
le chemine  
Droict en bas pour la reuoir,  
Ayment mieux fa douce guerre  
Sur la terre,  
Que paix icy receuoir.  
le ne puis estre fans elle,  
La rebelle  
M'a tellement enchanté,  
Que fans la veoir vn quart d'heure  
le demeure  
Trop aigrement tourmenté.  
le la reuoy la sucrée,  
Qui recrée  
Mes espritz trop combatuz :  
C'est l'ornement de mon œuure,  
Qui descœuure  
Ses beaultez & ses vertuz.  
Dieu te gard ma mignonette,  
le regrette  
Le temps qu'ay perdu la hault :  
Puisse Amour en ta poitrine  
luoirine  
Darder son feu le plus chault.  
Redreßons les escarmouches

De noz bouches,  
De noz bras, & de noz yeux,  
En baifers, en acolades,  
En œillades,  
Mutinez à qui mieux mieux.  
Mais c'est assez, i'oy la mere,  
Trop amere,  
Qui deffend tout lentement :  
Fuyons la fascheuse noise  
Quell' degoise,  
Efcartons nous viftement.  
Voy defia comme elle espie  
L'acroupie,  
Vielle horrible aux plus hideux,  
Elle couue dans son ame  
Quelque blasme,  
Pour l'efclorre entre nous deux.  
Voy encor la groffe beste  
Qui s'arreste  
Pour vomir quelque courroux :  
Je voy prefque qu'elle creue  
Tant est greue  
L'enuye qu'elle a fur nous.  
» Le bon heur vient à grand peine  
» S'il n'ameine  
» Vn defastre avecques luy :  
» On n'a point de ioye vraye,  
» La plus gaye  
» Traîne toujours vn ennuy.

## A ANNE POVR BAISER

O D E.

**A**NNE, ie vous supplie à baïser aprennez,  
A baïser aprennez, Anne, ie vous supplie:  
Car parmy les plaisirs qu'en amour on publie  
Les baïfers sont diuins quand ilz sont bien donnez.

Je suis, & comme moy plusieurs sont estonnez  
Ayant ainsi la bouche en beaultez acomplie,  
Et de si bonne odeur l'ayant ainsi remplye,  
Qu'à baïser vn peu mieux vous ne vous adonnez.

Ce n'est pas tout que d'estre ensemble bec à bec,  
Les leures se preffant d'vn baïser tousiours fec,  
Il fault que l'vne langue avec l'autre s'affemble,

Ores à son amy doucement la donnant,  
Ores de son amy doucement la prenant,  
La suççant, estreignant, & mordant tout ensemble.

## A ELLE ENCORE.

## ODE.

ET quoy belle en vous apaisant,  
En vous baissant & rebaissant,  
Vous m'avez la langue mordüe,  
La langue qui vous a rendüe  
Dedans mes vers en mille lieux,  
Immortelle comme les Dieux ?  
Et quoy petite, & quoy despitée,  
Est ce le guerdon que mérite  
Celluy qui pour vous en ennuy,  
Vous tient trop plus chère que luy ?  
Celluy qui chante vostre grace,  
Celluy qui vante vostre face,  
Et qui n'est point ou peu content  
Qu'en vous vantant ou vous chantant.

Sus sus aprestez vous ingrate,  
A celle fin que ie m'esbatte,  
Que ie m'esbatte sans pitié  
A punir vostre mauuaistié.

Ah vous vous derrobez fuyarde,  
Ah vous voulez fuyr mignarde,

Non non ne bougez, aussi bien  
Aussi bien vous ne gaignez rien,  
Car ie vous aurois aussi viste,  
Tant fust vostre course subite.  
Ah ie vous tiens, auous poinct peur ?  
Auous encore en vostre cueur  
Contre moy aultant d'amertume  
Comme vous auiez de coustume ?  
M'aimerez vous pas deormais ?  
Me tiendrez vous pas à iamais  
Dans vostre sein vostre cher hoste,  
Sans qu'autre que la mort m'en oste ?  
Si benigne vous le iurez,  
Si douce vous m'en affeurez,  
Ie vous lairray, petite fiere,  
En vostre liberté premiere.  
Mais si vous ne le consentez,  
Perseuerant en voz fiertez,  
Maintenant, petite farouche,  
L'importuneray vostre bouche,  
De la baïser & tant & tant  
Que ie vous iray despitant,  
Plus fort que, petite affetée,  
Vous ne fustes onc despitée.

---

## A SIRE AYMON.

## ODE.

**S**i ie voulois par quelque effort  
Pourchasser la perte, ou la mort  
Du sire Aymon, & i'eusse enuye  
Que sa femme luy fut rauie,  
Ou qu'il entraist en quelque ennuy,  
Ie ferois ingrat enuers luy.

Car alors que ie m'en vois veoir  
La beaulté qui d'un doux pouvoir  
Le cueur si doucement me brulle,  
Le bon sire Aymon se reculle,  
Trop plus ententif au long tour  
De ses cordes, qu'à mon amour.

Ores donq' il fault que son heur,  
Et sa constance & son honneur  
Sur mon luth viement i'accorde,  
Pinsetant l'argentine corde  
Du luc de madame parfaict,  
Non celle que son mary faict.

Cet Aymon de qui quatre filz  
Eurent tant de gloire iadis,



N'eust en sa fortune ancienne  
Fortune qui semble à la tienne,  
Sire Aymon, car sans ses enfans  
Il n'eust poinct surmonté les ans.

Mais toy sans en auoir onq' eu,  
As en viuant si bien vaincu  
L'effort de ce Faucheur auare,  
Que quand ta memoire si rare  
Entre les hommes perira,  
Le Soleil plus ne reluira.

O combien ie t'estime heureux!  
Qui vois les tresors plantureux  
De ton espouze ma maistresse,  
Qui vois l'or de sa blonde tresse,  
Et les attraietz delicieux  
Qu'Amour descoche de ses yeux.

Qui vois quand tu veulx ces fourciz,  
Sourciz en hebeine noirciz,  
Qui vois les beaultez de sa face,  
Qui vois & contemples sa grace,  
Qui la vois si souuent baler,  
Et qui l'ois si souuent parler.

Et qui vois si souuent encor  
Entre ces perles & cet or,  
Vn rubis qui luyt en sa bouche,

Pour adoucir le plus farouche,  
Mais vn rubiz qui sçait trop bien  
La rendre à foy fans estre sien.

Ce n'est des rubiz qu'un marchant  
Auare aux Indes va cherchant,  
Mais vn rubiz qu'elle decore  
Plus que le rubiz ne l'honore,  
Fuyant ingrat à sa beaulté  
Les apastz de sa priuaulté.

Heureux encor qui fans nul soin  
Luy vois des armes dans le poing,  
Et brandir d'une force adextre,  
Ores à gauche, ores à dextre,  
Les piques & les braquemars  
En faisant honte au mesme Mars.

Mais pour bien ta gloire chanter  
Je ne sçay que ie doys vanter  
Ou ton heur en telle abondance,  
Ou la grandeur de ta constance,  
Qui franc de ses beaultez iouyr  
N'as que l'heur de t'en resiouyr.

Tu peulx bien cent fois en vn iour  
Veoir ceste bouche où niche amour,  
Mais de fleurir iamais l'aleine,  
Et lambre gris dont elle est pleine

Alleché de sa douce voix,  
En vn an ce n'est, qu'une fois.

Tu peux bien cent fois en vn iour  
Veoir ceste cuyfse faicte au tour,  
Tu peux bien veoir encor ce ventre,  
Et ce petit amoureux antre  
Ou Venus cache son brandon,  
Mais tu n'as poinct d'autre guerdon.

Puiffes tu veoir souuent ainsi  
Les beaultez & graces aussi  
Soit de son corps, soit de sa face,  
Et puisse-ie prendre en ta place  
Les doux plaisirs & les esbatz  
Qu'on prend aux amoureux combatz.

Et tousiours en toute saison,  
Puiffes tu veoir en ta maison  
Maint & maint braue capitaine,  
Que sa beaulté chez toy ameine,  
Et tousiours, sire Aymon, y veoir  
Maint & maint homme de sçauoir.

Et lors qu'avec ton tablier gras,  
Et ta quenoille entre les bras,  
Au bruiet de ton tour tu t'esgayes,  
Puisse elle tousiours de mes playes,  
Que i'ay pour elle dans le cuer,  
Apaïser la douce langueur.

## CONTRE VN MEDISANT DE S'AMYE.

## ODE.

QVICONQVE fois menteur, qui blasmes  
D'un langage malicieux,  
La belle qui luyt sur les Dames,  
Comme la Lune dans les cieux,  
La belle diz-ie, que ie porte,  
D'une amytié constante & forte,  
Toufiours empreinte dans mes yeux.

Si defia la courbe vieilleffe  
N'a faict ton visage rider,  
Puisse elle pronte en sa foibleffe  
Te venir bien toft aborder,  
Et traynant la pauureté dure  
Te face de ta faulce iniure  
La faulte à iamais recorder.

Tes hyuers, meschant, puissent estre  
Toufiours longuement ennuyeux,  
Et le iour venant apparoiſtre  
Soit toufiours nuit devant tes yeux,  
Mesmes estant persé de pluye,  
N'ayes tu iamais qui t'effuye  
Qu'un vent qui te fuyue en tous lieux.

Puis ayant en ceste souffrance  
Vescu quelque temps pauurement,  
Pour iuste guerdon de l'offence  
Faicte par toy meschamment,  
Puiffes tu venir vers la belle,  
Et t'agenoillant deuant elle,  
Requerir pardon vainement.

Et tandis qu'en ceste requeste  
Tu t'amuseras à parler,  
Puiffe vn tourbillon de tempeste  
T'enleuer cent brasses en l'air,  
Puis te laissant tumber en terre,  
Puiffe ta teste comme vn verre  
En mille pieces s'en aller.

---

DESCRIPTION D'VNE NVICT AMOVREVSE.

O D E.

O douce auantureuse nuit,  
Plus clere que le iour qui luyt,  
Et dautant plus douce rendue  
Qu'elle estoit lors moins attendue !

O astres aux cieux allumez,  
Qui de voz raiz acoustumez  
Feistes la lumiere plus brune,  
Pour fauoriser ma fortune !

O sifflet & son bien heureux !  
O chanfon de luth amoureux  
De qui le bruiët & l'harmonie  
Efueilla le cueur de m'amy !

O porte müette où i'entray  
Quand la belle ie rencontray,  
Porte si doucement defclofe  
Que nul n'en sceust aucune chose !

O esprit vague qui doubtoit  
Du bon heur qui se presentoit,  
Et qui presque encor ne veult croire  
D'auoir eu si belle victoire !

Main qui me tiras apres toy !  
Pied qui t'en allas deuant moy !  
Et toy belle odorante chambre  
Remplie d'eau de Naffe & d'ambre !

O bras doucement acouplez !  
O embrassemens redoublez,  
Plus estroictement que l'hyerre  
Vn vieil edifice n'enferme !

Belle bouche d'ou fort ce ris  
Qui fait aises les plus marris!  
Douce langue qui reffasies  
Mille espritz de mille Ambrosies!

Aleine si douce à sentir,  
Que ie ne sçauois consentir  
Que l'Inde ou la Sabée apporte  
Vne douceur de telle forte!

O liêt tesmoing de mes plaisirs,  
Qui as contenté mes desirs  
D'une felicité si belle  
Qu'il n'en fera iamais de telle!

O liêt qui mes trauaux passez  
As dignement recompensez,  
Changeant en foulas la destresse  
Que i'endurois pour ma maistresse!

Quantesfois ceste nuit soubz nous,  
En noz passetemps si trespoux,  
Criquetant d'un plaissant murmure  
Tesmoignas-tu mon auanture.

Iamais ne soit qu'en mes chançons  
La nuit, les astres & les sons,  
La porte & les espritz encore,  
Les mains & les piedz ie n'honnore.

Et iamais ne puisse aduenir  
Que i'oste de mon souuenir  
La bouche, la langue & l'aleine,  
Qui ont recompensé ma peine.

Mais sur tout ie n'aille au tombeau  
Sans auoir vanté le flambeau,  
Qui de sa clarté fauorable  
Feit ceste nuit tant agreable.

Permettant que de ces beautez,  
De ces diuines nouueautez,  
Dequoy ma maistresse est pourueue,  
le puisse contenter ma veüe.

O flambeau digne & precieux,  
Flambeau digne de luire aux cieux,  
Mieux que celluy qui fut la guide  
Du pauvre iouuenceau d'Abyde!

C'est toy qui bien heureusement  
Redoublas mon contentement,  
Ne cessant toute nuit de luire,  
Pour mieux aider à me conduire.

Les biens d'Amour en telz effectz  
Ne se peuuent dire parfaictz,  
Et n'en est poinct la ioye entiere,  
Les prenant de nuit sans lumiere.



Et combien alors vault il mieux  
De pouuoir contempler les yeux,  
Les fourciz, le front & la bouche  
De la dame avec qui lon couche?

En mordant ces beaux cheueux d'or,  
En suççant ces rozes encor  
Deffus ces leures corallines,  
Sans peur d'y trouuer des espines.

Veoir apres ces membres poliz  
Parfemez d'oilletz & de liz,  
Et iuger en la voyant telle  
Que c'est quelque chose immortelle.

Ores en chatouillant ce flanc  
Et ores ce beau coul si blanc,  
Et tastant ceste cuyffe ronde  
Prendre tous les plaisirs du monde.

Bref alors il ne fault laisser  
Chose que lon puisse penser  
Quelque doux passetemps nous rendre,  
Sans le trouuer & sans le prendre.

Mais pourquoy les fruiçtz amoureux  
Sont ilz si courtz & sauoureux?  
Et pourquoy encores se passe  
Ce plaisir en si peu d'espace?

» O Dieu toute chose a son tour,  
» La nuit s'uit par ordre le iour,  
» Le plaisir la douleur amaine,  
» Et le repos traine la peine.

» Nul iamais a peu viure tant  
» Qu'il ayt esté tousiours content,  
» Et qu'il n'ayt apres la lieffe  
» Senti quelque peu de tristesse.

Mais ialouze Aurore pourquoy  
Te despites-tu contre moy ?  
Pourquoy de ta clarté nouvelle  
Me fais-tu partir de la belle ?

As-tu si tost assez dormy,  
le n'ay pas encor à demy  
Sauouré le fruit qu'amour donne,  
Et tu veux que ie l'abandonne.

Alors que mon esprit conçoit,  
Seulement le fruit qu'il reçoit,  
Dont il n'a gousté que l'escorce,  
Lors tu me fais leuer par force.

Si Titon t'a voulu fascher,  
Si tu dedaignes de coucher  
Avec sa vieilleffe peu gaye,  
Fault il que l'vfure i'en paye ?

Si Cephel qui pour sa Procris  
Remplit le ciel de tant de cris,  
Ne t'ayme d'amour affes forte  
Fault il que la peine i'en porte?

Si le vaillant Theffalien  
Occit ton filz au camp Troyen,  
Est ce la raison que i'endure  
Pour toy telle malaventure?

Sors donc Nymphes indigne d'aymer,  
Sors donc ingrate de la mer,  
Si tu veux fortir en la forte  
Et le iour nouveau nous apporte.

Tu n'es pas digne de nous veoir  
Telz contentemens recevoir,  
Et ne merites ce me semble  
De veoir deux telz amys ensemble.

Puiffes tu deormais trouver  
Quand tu viendras à te leuer,  
Toufiours quelque nouvelle nue  
Qui t'obscurcisse à ta venue.

Cephel encor te soit toufiours  
Froid & retif en tes amours :  
Et Tithon beaucoup mieux te plaife  
Puis que i'ay pour toy ce malaife.

Car on ne peult penser combien  
Tu as faict de mal à mon bien,  
Ayant ma lieffe empêchée  
Pour t'estre si tost d'escouchée.

---

## SVR CE MESME PROPOS.

## ODE.

Q VAND ie sens dedans vn liêt mol  
Ma mignonne pendre à mon col,  
Et de sa langue & de sa bouche  
D'un feu qui iusqu'au cueur me touche,  
Dedans ma poytrine enflammer,  
Mille appetitz du ieu d'aymer,  
Alors fretillant ie me glisse  
Deffus l'albastre de sa cuyffe,  
Et folastrant en mille tours  
l'estein ce nouveau feu d'amours.  
Mais si par fois elle se pasme  
Du plaisir qu'elle a dans son ame,  
Et que ie tienne souz les draps  
Son corps mourant entre mes bras,  
Lors, d'une douce mignardise,  
Dedans sa poytrine i'atise

Je ne sçay quel feu, qui la faict  
Reuiure en son aise parfaict.  
Aussi quand mourant ie me treuve  
Par le grand plaisir que i'esprouue,  
Et qu'elle tient deffouz les draps  
Mon corps mourant entre ses bras,  
Lors d'une mignardise douce  
Dedans ma poitrine elle pouffe  
Je ne sçay quel feu, qui me faict  
Reuiure en mon aise parfaict.

Et voila comme ma mignonne  
Mes sens égarez me redonne,  
Et comme ie rendz en vigueur  
Toutes les forces de son cuer,  
Alors que son ame transie,  
Alors que la mienne faisie  
D'un plaisir si grand & si doux  
S'en vollent ce semble de nous.

Puis quand nostre amour embrasée  
Est si doucement apaisée,  
Adonc pour refolastrer mieux  
Je baïse & rebaïse ses yeux,  
Je baïse sa bouche vermeille,  
Sa gorge à l'iuoir pareille,  
Et sur sa poitrine de lait  
Ce petit tetin rondelet.  
Tandis la petite folastre,

De sa petite main d'albâtre  
Me pinse le flanc doucement,  
Me chatouille mignardement,  
Et pour mignardement s'esbatre  
Se prend doucement à me battre,  
Or' doucement se courrouffant,  
Ores doucement repouffant  
Ma folle main, quand moins modeste  
Le tastonne & pinse le reste.

Et par fois alors que ie tens  
A quelque plus doux passetemps,  
Cette mignonne pour me rendre  
Plus ardent encor d'y pretendre,  
D'un petit atrayant refus  
S'efforce à me rendre confuz,  
Et de sa parole atrayante,  
Et de sa langue begueyante,  
Retiue à ces plaisans combatz,  
Me paist de mille autres appastz,  
Si bien que moy qui reffasie  
Mon cueur d'une telle ambrosie  
A peu pres ie me treuve aultant  
De l'un que de l'autre contant.

Ce temps pendant si la petite  
Par un doux sommeil qui l'incite  
Vient à s'estendre lentement  
Elle adonc couche doucement

Le coral de la leure sienne  
Pour s'endormir deffus la mienne,  
Puis m'embrassant d'un bras moins fort  
Tout bellement elle s'endort,  
Reffemblant presque à demy morte,  
Et lors ie m'endors en la forte  
Iusqu'à tant que l'un d'entre nous,  
Sortant de ce sommeil si doux,  
Follastre, le premier refueille  
L'autre qui doucement sommeille :  
Puis bien heureusement contens,  
Nous renforçons noz passetemps,  
Iusqu'à tant que le iour nous presse  
De finir si douce allegresse,  
Et sortant de ce mol feiour  
Aller aux affaires du iour.

---

A S'AMYE.

## ODE.

C'ESTVY la qui desire amonceler de l'or,  
Et veult plus loing borner ses compaignes encor,  
Fende toutes les mers, auare en son voyage,  
Et des guerriers combatz s'enflamme le courage.

Que le somme coulant doucement en ses yeux  
Luy soit interrompu du tonnerre des cieux,  
Et son liët soit tousiours sur les vndes marines,  
Ou dans vn camp armé, tout parfemé d'épines.

Quant à moy plus contant de mon estre si bas,  
Le demeure en tout temps oisif entre les bras  
De la dame que j'ayme, & des sons de ma lyre  
Apaisant son ennuy j'apaise mon martire.

Estimant aussi cher nostre commun repos,  
Et l'aïse que tous deux prenons en noz propos,  
Qu'un Roy tient cherement les despouilles conquises,  
Et qu'un riche marchand prise ses marchandises.

O bien heureux ceux la qui en l'age premier  
Voyoient foudre le laët d'un fourgeon coustumier,  
Et des chesnes le miel distiller aux montaignes,  
Pour arrozer les fleurs des prochaines campagnes.

Les coustumes estoient pareilles, & les loix  
Ne fortoient poinct encor de la bouche des Roys  
Ny le bon homme aux champs, de sa courbe faucille  
Ne couppoit les moissons pour nourrir sa famille.

Tousiours sous vn printems le Soleil esclairoit,  
Et d'un mesme rayon au matin redoroit  
Les sommetz des coustaux, & d'ordre la nuit sombre  
Venoit apres le iour & le iour apres l'ombre.



Laigneau parmy les loups demouroit en feurté,  
Tous animaux estoient alors en liberté,  
Et des esclairs encor', le fouldre & le tonnerre,  
Iupiter ne dardoit sur les flancz de la terre.

Les ventz estoient encor en leur cauerne enclos,  
La mer ne tempestoit les riués de ses flots,  
Et le nocher encor n'alloit en contréchange  
Achepter du brezil en quelque terre estrange.

L'esprit de l'homme adonc le foucy ne mordoit,  
L'un avec l'autre alors doucement s'acordoit,  
Et le Dieu des guerriers laissant rouiller ses armes,  
Ne se mettoit encor au danger des alarmes.

Deffus l'arinet encor le tymbre menassant  
Ne faisoit reculer l'ennemy pallissant,  
Et le genet d'Espaigne & sans felle & sans guide  
N'auoit encor apris à remascher sa bride.

Sans plus sa propre terre alors on cognoissoit,  
Sans tant de diuers metz à l'heure on se paissoit.  
Le pommier de son gré portoit tousiours ses pommes,  
Et le cep verdissant les vendenges aux hommes.

Le foupleur en ce temps les raifins ne fouloit,  
Car le vin de son gré par les treilles couloit,  
Et le pressoir encor' n'estant mis en vfrage  
Ne donnoit comme il faict la boiffon du mefnage.

Le pefcheur d'une ligne & d'un croche hameffon  
Ne deceuoit adonc dans les eaux le poiffon,  
Et le veneur encor dans les foreftz efpeffes  
Ne tendoit poinct aux cerfz des filetz & des leffes.

Cefte rage d'amour dont forcene mon cueur  
Le cueur des amoureux ne tenoit en langueur,  
Et l'enfant de Venus d'une caulte furprife  
Ne captiuoit encor des hommes la franchife.

Mais qu'ai-ie dict Amour ! ton ardeur en ce temps  
N'estoit rien que bon heur, douceur & paffetemps,  
Et cette paffion qui doucement enflamme  
De foy mefmes adonc s'engendroit en nostre ame.

Chacun auoit le fein de l'amour enflammé,  
Par un brandon égal doucement alumé,  
Et la peur, le dedain, l'ire & la ialoufie  
N'ocupoient des amantz encor la fantasie.

Les pleurs & les fouspirs, les plainctes, & le dueil,  
Ne fortoient poinct du fein, de la bouche & de l'œil  
De l'amant affligé, ains fans nulle fouffrance  
Il auoit de fa dame adonc la iouyffance.

Ore en un bois, & ore en un val efcarté  
Tenant, baifant, taftant l'amy en liberté,  
Et de mille plaifirs fans peur & sans enuye  
Bien heurant en ce poinct leur amoureuse vie.

Viurons donques, maistresse, & faisons entre nous  
Reuenir le bon heur de ce siecle si doux,  
Et ne craignons la mort: car quoy qu'elle deuore  
Si Tibulle ne ment, nous aymerons encore.

---

A MONSIEVR DVTHIER,

*Conseiller du Roy, Secretaire d'estat & de ses finances.*

ODE.

C'EST vne fort louable chose  
A celluy qui des vers compose,  
Que de chanter les gens debien,  
Qui portent blanche la poitrine,  
Et qui plains de bonne doctrine  
S'effayent de n'ignorer rien.

l'ay mis sur le front de mon liure  
Vn beau nom pour le faire viure  
D'age en age eternellement,  
Et ores qu'à la fin i'arriue  
Il fault qu'un beau nom i'y soubzcriue  
Digne d'un tel commencement.

Et c'est pourquoy ayant cogneüe  
De long temps ta vertu chenuë,  
Digne d'un eternel renom,  
Pour faire qu'au front de mon œuvre  
La fin pareille se descœuvre,  
La fin i'honore de ton nom.

Ton nom & ta vertu si rare,  
Que le ciel aux autres auare  
Verse en toy liberallement,  
Avec ta prudence & ta grace,  
Meritent certes qu'on te face  
Viure au monde immortellement.

Ton esprit & ta vigilance,  
Ton sçavoir & ta suffisance,  
Si bien cogneuz de nostre Roy,  
Et cogneuz de la France encore,  
Meritent certes qu'on t'honore  
Et qu'on parle à iamais de toy.

Pour les secretz d'un Roy entendre,  
Et pour ses affaires comprendre,  
Et les traicter d'un sain esprit,  
Nul n'en est plus que toy capable,  
Et nul n'est à toy comparable  
A les mettre bien par escript.

S'on peignoit la langue dorée

Pour son eloquence honorée  
A Demosthene, à meilleur droit  
Il fault que ta plume lon dore,  
Qui meriteroit bien encore  
De luyre au ciel en quelque endroit.

Par tout ou ton chemin s'adresse,  
L'ingratitude & la paresse  
Et le vice tousiours te fuit:  
Et tout par tout la courtoisie,  
La musique & la Poësie,  
Et la vertu tousiours te fuyt.

Jamais personne tu n'abuses,  
Vfant des courtizanes ruzes  
D'un qui rien que pour foy ne fait,  
Ains franc, liberal & adextre,  
Quoy qu'il tarde, apres le promectre  
Tu nous fais apparoir l'effect.

Tu fais apparoir veritable  
Cette sentence si notable,  
» Qu'on ne naist pour foy seullement,  
» Mais bien que lon naist en partie  
» Pour les parens, pour la patrie,  
» Et les amys femblablement.

Car non content que ta main face  
Mille biens à ceulx de ta race,

En les aduançant tous les iours,  
Mille moyens encor tu donnes  
Pour auancer mille personnes,  
Qui vers toy s'en vont à recours.

Pour faire donner vn office,  
Ou faire auoir vn benefice  
A quelque pauvre homme sçauant,  
A qui la fortune est contraire,  
Nul mieulx que toy ne le peult faire,  
Ny mieulx le pouffer en auant.

On a beau puyfer & beau boire  
A grandz traictz en l'eau de ton Loire,  
Ton Loire va pourtant tousiours,  
Et tousiours quelque temps qu'il face  
S'il n'est arresté de la glace,  
Il pourfuit brauement son cours :

Aussi pour les largeffes tiennes,  
Et les biens que tu nous moyennes  
Si volontiers enuers le Roy,  
Ta liberalité ne cesse,  
Ains quelque plus grande largeffe  
Tousiours vient & s'attend de toy.

Quant à moy i'en sçay bien que dire,  
Qui de toy tous les iours retire  
Mille faueurs & mille biens,


Pource que plus tu m'en pourchasses,  
Et moins ie veoy que tu t'en lasses,  
Sans que ie le merite en riens.

O Dieux vengeurs de noz offences,  
Si iamais voz iustes vengences  
Punirent vn ingrat çabas,  
Dardez ie vous pry sur ma teste  
Vostre plus ardente tempeste,  
Dardez, & ne m'espargnez pas.


Ne m'espargnez en nulle forte,  
Si iamais dans mon cueur ie porte  
Ny le blafme, ny le soupçon,  
D'estre ingrat des biens que ie tire  
De mon DVTHIER que tant i'admire,  
Et mon Mecenas AVANSON.


Et vous feurs filles de Memoire,  
Si de vous ie tiens quelque gloire  
Entre ceux la de mon mestier,  
Rendez ceste gloire si grande  
Qu'immortelz encor' elle rende  
Mon AVANSON & mon DVTHIER. .

*Fin des Odes d'Olivier de Magny.*









# H Y M N E

S V R I A

N A I S S A N C E D E L A F I L L E D U R O I ,

En l'an 1553.

P A R

O L I V I E R D E M A G N I Q U E R C I N O I S .

---



*l quelque fois le troupeau des neuf  
seurs.  
M'a fait gouter ses diuines dou-  
ceurs,  
Hâtant le train de ma tardiue  
course  
Pour aborder d'Hippocrene la source,  
Et si les vers que i'ai deia traissés  
Sont d'un bon œil receus & caressés  
Même de ceus, de qui la gloire arriue  
Bruiant leurs noms de l'une à l'autre riue :  
C'est à ce coup qu'autrement agité*

*Faut galopper à l'immortalité,  
Puis qu'à ce coup l'Enthusiasme renflame  
Plus viuement le plus chant de mon ame,  
Et qu'à ce coup la grandeur de mon Roi  
Doit receuoir conoissance de moi.*

*Sonner ie veus d'une nouuelle trompe  
L'honneur, le bien, l'allegresse, & la pompe  
Que largement la France a respandu  
En ce beau iour, ce beau iour attendu,  
le dy ce iour, auquel le ciel non chiche  
De ses tresors, nous donne le plus riche,  
le dy ce iour, auquel les plus grans Dieus  
Nous ont versé le parfaict de leur mieus,  
Enrichiffans d'une Perlette blonde  
L'espace entier de ceste masse ronde.*

*O saint harpeur, Apollon Grynien,  
Le guide & chef du cœur Aënien,  
Qui fais trembler des autres Dieus le reste  
Lors que tu vas par le palais celeste  
De Iupiter, fauorise a mes vœus,  
Si qu'à iamais noz enfans & neueus  
Chantent mon nom, & conoissent ornée  
Par mes escries cette Princeesse née.*

*Le grād flambeau qui depart nostre iour,  
Luysoit deia dans le doré seiour  
De l'Animal, qui sur sa toison belle*

*Porta iadis les enfans de Nephele :  
Dont les coustaus, & les bois languissans  
Se ressentent gaiement florissans.  
Et ia les flancs de la terre solide  
Sentoient l'ardeur qu'il dardoit par le vuyde,  
Dont le pasteur contrainct se retiroit,  
Où plus à gré Zephire soupiroit,  
Trompant ses raiz, qui ne le peuuent teindre :*

*Quãd ce grãt dieu, ce dieu qui peult atẽdre  
Du puissant trait de son foudre aiguissẽ  
Tous les endrois du globe diuissẽ,  
Tenant en main son grant septre d'iuoir  
Fit assembler en son trosne de gloire  
Le train sacrẽ de tous les autres Dieus,  
Puis serenant & son front & ses yeus  
Tournẽ vers eulx leur dit en cette sorte :*

*la n'est besoin ô diuine cohorte  
Perdre un long tans à vous ramentevoir  
Ce que iadis le tans vous a fait voir,  
Nul d'entre vous l'excellance n'ignore  
De ce grant Roi qui noz temples decore,  
De ce grant Roi qui la basse rondeur  
Voire noz cieus remplit de sa grandeur,  
Ce grãt FRANCOIS qui redora la Frãce,  
La netoiant de l'ingrate ignorance,  
Et dont le bruit & le nom durera  
Tant que ce tout par moi se regira,*

*Et tant encor' que ie pourrai sans peine  
Vous, & ce tout, suspendre de ma Cheine.*

*Chacun de vous se ramentoit affès  
Quand il luy plait des siecles ia passès,  
Mais du futur rare est la conoissance,  
Et c'est pourquoi preuoiant la naissance  
Qui doit en bref les François bien-heurer,  
Dieus immortels, ie vous veus declairer  
Le iugement qu'en cét endroit ie donne  
Suyuant celluy que le destin ordonne.*

*Au temps émeu que l'Aigle rauissant,  
Fondre voudra sur le Liz florissant,  
Pour se vanger de celle extreme perte  
Qu'il a deux fois honteusement soufferte,  
Couuert de crainte, & dépoillé d'honneur,  
Par le fier bras, la vaillance & bon heur  
D'un Roi HENRI, qui les autres surpasse  
D'autant que l'or tous les metaus efface,  
Et que des feuz qui treluyfent ça-hault  
Le blond soleil est le plus cler & chault.*

*En ce tans dy-ie, une fille doit naistre,  
Fille à ce Roi, des autres Rois le maistre,  
Pour qui orner ne sera suffisant  
Le rare don de maint Astre luyfant,  
Car il conuient suyuant sa destinée  
Quel' soit encor' par nous autres ornée,*

*Il nous conuient à chacun auiser  
Quelque presant pour la fauoriser.*

*Quant à ma part ie resous qu'en sa face  
Flamboiera cette immortelle grace  
Qui son Aieul saintement decora,  
Et qu'en son front la splendeur reluyra  
Qui fait flamber par le bas Hemisphere  
L'heur, & le nom de sa diuine mere,  
L'autre lunon qui commande aux François.  
Ie veus encor que des sons de sa vois,  
Propre à domter l'animal plus farouche  
Coule le miel par l'aymant de sa bouche,  
Ou du nectar ressemblant à celui  
Qui sort des chants de sa Tante aujourd'hui,  
La sœur du Roi, celle grād MARGVERITE  
Au front du ciel par ses vertus écrite,  
De qui l'hōneur & la virginité  
Tient le plus saint de la diuinité.  
Ie veus encor' qu'à son Frere elle semble  
D'esprit, de mœurs, & de graces ensemble,  
Mais par sus tout, de clemence & douceur.  
Ie veus aussi qu'elle semble à sa Seur  
Bien qu'elle soit en ses beautez vnique,  
Soit du portrait, de sa forme angelique,  
Ou du pouuoir qu'elle cache en ses yeus,  
Ainçois plus-tot deux estoilles des cieus.  
Qu'el semble encor' au grāt HENRI son pere  
De vigilance & fortune prospere.*

*Car luy armé d'indomtable fureur  
Vaincra bien-tot ce pariure Empereur  
Qui cuide en vain par l'effort d'une guerre  
Faire butin des trefors de sa terre.  
Mais ia deia ie le voi surmonté,  
le voi rempli le Croissant argenté,  
le voi HENRI ce magnanime prince  
Se reiouyr vainqueur en sa prouince.  
le voi deia les despoilles qu'il pand,  
le voi son nom, & son bruit qui s'epand  
Du Scythe blanc, iusqu'au riuage more,  
Et de Thetys, iusqu'au sein de l'Aurore,  
Sans que son cours on lui puisse borner.*

*Voila les dons, dont il me plait orner,  
Troupe de Dieus, ceste ieune Princeffe  
Qui maintes fois dedaignant la paresse,  
Prendra le luth, & dessus chantera  
Maint docte vers qu'elle composera,  
Fauorisant par ces graces infuses  
Les nourrissons de mes filles les Muses.  
Aussi le chef de ce sacré troupeau  
La rauira sur le double coupeau,  
Pour alumer en sa chaste poitrine  
La sainte ardeur de la fureur diuine.*

*A-tant se teut le Pere tout puissant  
D'un roide bras son septre brandissant,  
Et, chatoillé d'une allegresse viue,*



*Croulant son chef d'une fuyte tardive,  
Pour confermer ce qu'il auoit predict.*

*Phebus apres le premier respondit  
Enfemaçant, d'une main liberale,  
Mille autres dons sur la Nymfe roiale.  
D'ordre suyuant choisirent tous les Dieus  
Les rarités qui resident aus cieus  
Pour l'embellir, & prodiguer en elle  
Les plus beaux dons de la grace eternelle.*

*Tandis ça bas notre Roine sentoit  
Que l'enfançon qu'en son ventre portoit  
Vouloit sortir pour voir nôtre lumiere,  
Et ia les traicts de l'angoisse premiere  
L'auoient ateincte au plus vif de son sein,  
Deia ses criz, & son ail & sa main  
Tendoient au ciel sentant l'heure voisine  
Pour implorer le secours de Lucine:  
Et ia voici son torment absanté,  
L'aise reprins, & l'enfant enfanté.*

*En cét endroit, belles Nymfes de Seine,  
Qui frizottés sur son paué d'areine,  
Ou sur l'esmail de ses bors verdissans,  
Les ornemens de voz chefs blondissans,  
S'il est ainsî que voz beautés ie prise  
Aplaudissès l'heur de mon entreprise,*

*Et m'enseignez de cét enfantement  
L'heureuse fin, & le commencement.*

*Iö, iö, ie voi ces Nymfes gentes  
Venir vers moi gaiement diligentes  
De leur palais fait de cristal ondé,  
Pour m'accorder ce que j'ai demandé,  
Et rechauffer les desseins de mon ame  
Des aiguillons d'une nouvelle flame.  
Iö, ie voi, ie voi le nouveau né  
Dans un berceau de lis enuironné.  
Dieu te gard Prince (ô bons Dieus ie confesse  
D'auoir erré) Dieu te gard donc Princeſſe  
Par qui reuient l'antique ſiecle d'or,  
Dieu te gard donc ie te diz encor'.  
Ainsi le ciel ſe monſtre à ta naiſſance  
Cler & benin, comme par ta preſence  
Tu reiouys ce peuple bien heureux,  
Depuis neuf mois de te voir deſireus.  
Ainsi ſoit grand l'heur de ton horoſcope,  
Ainsi bien-tôt voies-tu de l'Europe  
Dominateur mon grand prince ton Roi,  
Comme humblement ie te iure la foi  
Que tout ſuget doit iurer & promettre  
Inuiolable à ſon ſeigneur & maiſtre.*

*Quels grans Seigneurs de mageſté couuers  
Voi-ie deia tout au tour de ton bers,  
S'esbanoians de voir en ton viſage*

De la vertu l'ineffaçable image,  
 Et tous ravis de voir si tost noté  
 Ton front poly de douce grauité ?  
 Qu'elle musique, ainçois qu'elle fanfare  
 Oi-ie deia, qui deia se prepare  
 Pour ta venue à chacun annoncer ?  
 Qu'els ornemens fait ta Mere agenfer ?  
 Qu'els apareils de pompeuse dorure  
 Pour affubler ta doillette charnure ?  
 Qu'elle splendeur sur ta teste reluyt ?  
 L'astre cornu qui preside en la nuit,  
 Renouuellant sa carriere premiere  
 Ne darde en bas une telle lumiere.  
 Quels tapis d'or brauement étendus ?  
 Qu'els grans tresors largement repandus  
 Voi-ie par tout ? ie me trouble & m'égare  
 Au seul regard d'une beauté si rare.

Là dunque, Vierge, embrasse ces hōneurs,  
 Et d'un trait d'œil bienueigne ces seigneurs,  
 Puis doucement de ta leure iumelle  
 Pren le tetin de ta Nourrisse belle,  
 T'affriandant de ses chastes apasts.  
 Regarde apres tant de ieus, & d'esbats  
 Qu'en tant d'endrois gaiement on apreste  
 Pour celebrer cette natale feste.

Le palle ennuy, l'oïsiueté, le soïn,  
 Et la langueur, sont repoussés bien loin

*De noz citez, tout le peuple s'assemble  
Pour s'esjouyr gaillardement ensemble :  
Mesme le ciel son front a raboté  
Nous faisant voir d'un & d'autre costé  
Le plus serain de sa face azurée.*

*Que faictez vous sainte tourbe admirée,  
Diuin troupeau qui vous desalterez  
Au double mont des flos tant reuerez ?  
Docte Salel, & toi Carles encore  
Que nostre Roi, & notre France honnore,  
Metés à part Homere pour un peu,  
Vous enflammant d'un autre nouveau feu,  
Puis de la voix de voz graues buccines  
Chantés les loix de ces faueurs diuines.  
Et toi, Ronsard, le compaignon des Dieux  
Qui fais tonner d'un vers audacieus  
Ton nom bruyant de l'un à l'autre pole,  
Laisse l'obget qui tes esprits affolle,  
Et toi Bellai d'Oliue la beauté,  
Pour dire l'heur de cette nouveauté.  
Laisse, Baïf, ta mignarde Meline.  
Laisse, Gruget, ta guerriere Lucine,  
Et toy Maumont, delaisse cettuy-là  
Qui de trop d'aise au tumbeau deuala.  
Laisse, Muret, l'entreprise auancée.  
Laisse, Paschal, ton œuure commencée,  
Et toi Iodelle, honneur de nostre tans  
Tes vers tragics tristement lamentans.*

*Laisse Colet ta superbe cronique,  
Et toi les poinets de la Matematique  
Sauant de Mesme, Et vous le Coq, Capel,  
Dorat, Belleau, Denifot, & Morel  
Faites languir toute œuure desseinée,  
Si ia deia de cette Infante née  
Vous n'animez l'heureus aduenement.  
Laisse, Hamelin, tout autre empechement :  
Et vous encor des Autelz, & Peruze  
L'eau du cheual fils du sang de Meduze,  
Ou vous chantés l'amoureuse poison  
L'un pour soi-même, & l'autre pour lason.  
Laisse Nantiac, la broillarde menye,  
Et toi aussi l'autre, vrai Lomenye  
Perce l'oscur de cét antre inconu  
Qui si parfait t'a long tans retenu.  
Laisse Nauiere, & toi gentil Castaigne  
Le chef beffon de la sainte montaigne.  
Laisse, Thyard, le venin dous-nuyfant :  
Toi Vernassal, le tumulte cuyfant.*

*Assemblés vous nouveaus Cynes de France,  
Et de voz vers foudroians l'ignorance  
Perpetuez cette natiuité.  
Chantez des Dieus la liberalité,  
Faittes encor' aus plus lointains entendre  
Les saïts tresors qu'ils nous daignèt repâdre.  
Ainsi cellui que Latone enfanta,  
Et le Courrier qui ses beufs écarta,*

*Pleuans sur vous leurs biens plus desirables,  
Vous soient par tout, & tousiours fauorables.*

*Et toi Princeffe, œillade mes escris,  
Qui le premier ai de dire entrepris  
Le saint honneur que tu faiz à noz Gaules  
Sus le sommet de leurs fortes épaules,  
Et qui premier le mande aux estrangers  
Par ce mien chant, qui des ans voiaagers  
Ne craint la faux, ny de la mort rebelle  
Les durs assaus; ny la darde cruelle.  
Te promettant deformais ne chanter  
Que pour ton nom & ta gloire vanter,  
Et consacrer à la future race  
Le singulier de ta diuine grace.*

FIN.

## TABLE DES ODES

---

	Pages.
INTRODUCTION. . . . .	v
A Monfeigneur d'Auanfon, confeiller du Roy. . . . .	3

### LE PREMIER LIVRE.

A Madame Sœur du Roy. . . . .	9
A Iean de Bourbon, conte d'Anghien et de Soiffons. . . . .	18
A Diane de Poytiers, ducheffe de Valentinois. . . . .	25
A l'Iluftriffime Cardinal Charles de Lorraine . . . . .	27
Au Reuerendiffime Cardinal François de Tournon. . . . .	30
A l'Iluftriffime Cardinal Alexandre Farnefe . . . . .	35
Au Reuerendiffime Cardinal Georges d'Armaignac. . . . .	39
A Iean du Thier, confeiller du Roy, etc. . . . .	49
A Pierre de Ronfard et Pierre de Pafchal. . . . .	52
De la Vertu. A Iehan de Pardeillan, Prothonotere de Pangeas. . . . .	55
A deux de les Amys . . . . .	59
L'Ombre de Salel. A Monfieur d'Auanfon . . . . .	62
Complainte des Dames de France fur le partement de Monfieur le Prince de Fe. . . . .	69
Elegie d'Amour & de la Sidere de Iean Brinon. . . . .	73
Aux Graces. . . . .	79

### LE SECOND LIVRE.

A Monfieur d'Auanfon, premier Prefident au grand Confeil du Roy. . . . .	83
A Iean Bertrand, confeiller au grand Confeil. . . . .	101
A Nicolas Compain, confeiller au grand Confeil. . . . .	115
Sur fon partement de France pour aller en Italye. . . . .	124
A Honnoré Caftellan, excellent medecin. . . . .	127

	Pages.
A Anthoine Fumee, grand Rapporteur de France . . .	134
Epithalame de Iehan Flehàrd & Loyfe d'Auanfon . . .	139
Ode du Temps & de l'Occafion. A Monfieur d'Auanfon.	148
Sur la mort de I. P. T. . . . .	150
De la venue du printens. A Oliuier le Crec . . . . .	152
Epiftre à Monfieur d'Auanfon . . . . .	156
A Luy mefme. . . . .	165
A vn de fes meilleurs Seigneurs iniuftement calomnié. .	169

## LE TROISIESME LIVRE.

A Madame Diane de Poytiers, ducheffe de Valentinois.	175
A Elle mefmes . . . . .	179
Les Louenges du Iardin d'Ennet. . . . .	181
A Madame la Vicomteffe de Gordon, Marguerite de Cardaillac. . . . .	187
Le Polypheme. A Monfieur Du Thyer. . . . .	188
Sur la Prife de Calays . . . . .	198
A Berenguiet Portal, Treforier de France. . . . .	206
A Guillaume Blanchy. . . . .	209
A Pierre Gilbert Tholofán. . . . .	213
Contre aucuns malueillans d'un sien grand amy. . . . .	215
Au petit Enfant de fa Dame. . . . .	221
L'Hymne de Bacchus. A Pierre Ronfard. . . . .	227
A Bacchus encore, pour punir vn gourmand de raifins.	232
Voeu à Pan. . . . .	234
Voeu à Pales . . . . .	235
Voeu à Bacchus . . . . .	236
Voeu à Mercure . . . . .	237
Voeu à Venus. . . . .	238
A fa demeure des champs . . . . .	239
A Michel de Magny, fon pere, mourant. . . . .	241
Sur le tombeau de Marguerite de Parça fa mere. . . .	242



	Pages
A François Pefloe, fur la mort d'une fienne fœur. . . .	244
Sur la mort de Mellin de Saint Gelays. . . . .	246
De la condition de la vie des hommes. A Ian Caftin.	249
A Iaques Guyon . . . . .	252
Sur la mort d'un petit chien . . . . .	254
A Iaques de Touteins. . . . .	262
A Guillaume du Buys. . . . .	264
A Nicolas Denifot, Conte d'Alfinoys . . . . .	265
Difcours en Inconftance d'amour. A François de Char- bonier. . . . .	271

## LE QUATRIESME LIVRE.


A Laurens d'Auanfon, Seigneur de Vaulferres. . . . .	281
De fa nouvelle Amour. A Jean d'Illiers . . . . .	283
Les qualitez de fon amour. A fa dame. . . . .	284
Des graces & perfections de s'amy. A Ioachim du Bel- lay Angeuin . . . . .	287
De la Cognoiffance de fon amour. A Remy Balleau . .	291
Chanfon . . . . .	295
A la Colombe de Ian de Pardellan, Prothonotaire de Pangeas. . . . .	298
A S'Amie. . . . .	299
A Elle mefmes . . . . .	302
De fon amour enuers deux Dames . . . . .	304
D'aymer en plufieurs lieux. A Guillaume Aubert. . . .	309
A S'Amie. . . . .	311
Plaincte d'amour à Venus. A Iaques Bizet. . . . .	313
D'une deuife que luy donna S'Amie dans vn anneau. .	316
A S'Amie en Lui difant adieu . . . . .	318
A Elle encore fur ce mefme propos. . . . .	319
De l'abfence de S'Amie. A Maurice Seue Lionnois. . .	320
Élegie à fa Dame. . . . .	323

	Pages.
De l'Extremité de ses passions. A Gabrielle d'Estrees . . . . .	325
A S'Amye . . . . .	331
Sur vn despit qu'il print avecques S'Amye . . . . .	332
Palinodie. . . . .	334
De ses Defirs. A S'Amye. . . . .	336
Des contraires effectz de son amour. A S'Amye . . . . .	339
De la diuersité de son amour. A Iehan de Sainct Iehan . . . . .	340
A ses fouspirs amoureux . . . . .	343
A ses Penfers. . . . .	344
Chanfon . . . . .	346
A S'Amye. . . . .	349
A Elle mesmes . . . . .	352
Deuis rustique. Oliuet, lanot . . . . .	355


## LE CINQUIESME LIVRE.

A Pierre de Cheuerry, general de Tholouse. . . . .	374
Du Iour natal de S'Amye. . . . .	377
Sur le Retour de S'Amye. . . . .	382
De la constance de son amour. A sa dame . . . . .	386
Chanfon . . . . .	388
A S'Amye . . . . .	390
A Anne pour baïser . . . . .	395
A Elle encore. . . . .	396
A sire Aymon. . . . .	398
Contre vn medisant de S'Amye. . . . .	402
Description d'une nuit amoureuse. . . . .	403
Sur ce mesme propos. . . . .	410
A S'Amye . . . . .	413
A Monsieur Duthier, conseiller du Roy . . . . .	417
HYMNE sur la naissance de la fille du Roy, en l'an 1553. . . . .	425


*Fin de la Table.*




21  
22











OFC 18 1942



